

**DE VITA ET REBUS
GESTIS CAROLI S.R.E.
CARDINALIS, TITULI S.
PRAXEDIS
ARCHIEPISCOPI...**

Carlo Bascapè



OF THE
CAROLINE, F. F.
CARDINALIS, TITULI

OF THE ARCHBISHOP OF THE

OF THE ARCHBISHOP OF THE

OF THE ARCHBISHOP OF THE

OF THE ARCHBISHOP OF THE

OF THE ARCHBISHOP OF THE

OF THE ARCHBISHOP OF THE



D E
VITA ET REBUS GESTIS
CAROLI S. R. E.
CARDINALIS, TITVLI
S. PRAXEDIS ARCHIEPI-
SCOPI MEDIOLANI

Libri Septem.

CAROLO A BASILICA PETRI PRAEPOS. GENERAL.
CONGREG. CLERIC. REGVL. S. PAULI.

A V C T O R E.



Cum Gratia & Privilegio Caesaræ & Maiestatis.

INGOLSTADII
EX OFFICINA TYPOGRAPHICA
DAVIDIS SARTORII

Anno Domini M. D. XCII.

ORIGINAL
COPY

1800

1800

1800

1800

1800

1800

1800



1800

1800

1800

1800



SERENISSIMO
GVLIELMO COMITI
PALATINO RHENI, VTRIVSQUE
BAVARIAE DVCI, &c.

*CAROLVS A BASILICA PETRI
S. AETERNAM.*



VOD diu debeo, GVLIELME
Princeps optime, iam tandem
persoluendum mihi est: vt li-
brum de vita, rebusq; gestis Ca-
roli Cardinalis, & Archiepisco-
pi Mediolani mittam ad Celsi-
tud. tuam. Cupiebam equidem, antequam è ma-
nibus dimitterem, adhuc aliquid ei temporis im-
pertire; vt tam præclaro argumento cumulatius
fatisfacere conarer. sed neque diutius differre de-
bui, quod tibi amplissimorum virorum auctori-
tate, vel potius iussu, superioribus mensibus per
litteras promiseram: neque etiam per eorundem
iteratos iussus potuisssem. Verum duo me conso-
lantur: alterum est; quòd ij iusserunt, qui & eius

EPISTOLA DEDICATORIA.

memoriam, de quo scriptum est, charam habent;
& quodd scriptum est perlegerunt: atque etiam, si
quid hoc ad rem pertinet, amant scriptorem. al-
terum est, quodd ad te mitto: cuius excelsa digni-
tas cum mansuetudine, pietateq; pari coniuncta
est: quique Carolum Cardinalem & viuentem
mutua voluntate obseruasti plurimum, & mor-
tuum colis studio singulari: quidquid enim effe-
cero; siue materiæ amore, siue bonitate tua du-
ctus; amabis conatum meum, officiumque pieta-
tis. Neque tamen non mihi gratissima fuit oblata
ocasio; vt tantum Principem, tamque de bonis
artibus, & quod caput est, de repub. christiana, fi-
deque catholica benemeritum, cum munere ali-
quo possem adire, quod meam, clericorumque
meorum erga illum voluntatem, obseruantiam-
que summam testaretur. quæ quidem facit, vt ti-
bi, imperioque tuo omnia prospere, ac feliciter
ad salutem euenire optemus, & ab Omnipoten-
te Deo vehementer precemur. Mediolani. 25. Ian.
Anno Domini 1592.

INDEX



INDEX CAPITVM

Libri primi.

D E Caroli parentibus. Cap. 1.	Folio 4.
Nascitur Carolus. fit Abbas, & iuriconsultus. cap. 2.	fol. 5.
Fit Cardinalis, & Archiepiscopus Mediolani. cap. 3.	fol. 8.
De Anna sanctitate, & ceterarum sororum matrimoniis. cap. 4.	fol. 11.
Ad meliora vite studia se refert. cap. 5.	fol. 13.
Ecclesie sue absens consultit. cap. 6.	fol. 17.
Que Ormanetus egit in administratione ecclesie Med. cap. 7.	fol. 20.
Carolus Mediolanum venit, & concilium Episcoporum celebrat. cap. 8.	fol. 24.
Romam proficiscitur Pontifice mortuo; creatur Pius Quintus. cap. 9.	fol. 31.
Mediolanum reuersus, exequitur munera sua. cap. 10.	fol. 35.

Libri secundi.

Rebus aduersis conflictatus Carolus in salutari disciplina progreditur. cap. 1.	fol. 38.
Iuris ecclesiastici controuersia graniter exercetur. cap. 2.	fol. 45.
Longinquas diocesis sue partes visit. cap. 3.	fol. 52.
Humiliatorum ordinem corrigit. cap. 4.	fol. 54.
In ordine Franciscano nonnulla restituit. cap. 5.	fol. 57.
Causis fidei praeest. vite sanctitatem auget. cap. 6.	fol. 59.
Diocesis, prouinciaque synodum celebrat. cap. 7.	fol. 61.
De Scalsensi casu, aliisque ecclesie perturbationibus. cap. 8.	fol. 63.
Roma, & apud Regem de rebus suis agit fortiter. cap. 9.	fol. 67.
Percussus nihil leditur. cap. 10.	fol. 71.
Que post casum facta sunt: & de rebus Caroli melioribus. cap. 11.	fol. 74.
Puniuntur, qui scelus in Carolum commiserant. cap. 12.	fol. 80.
Carolus in Heluetios proficiscitur. Pontifex Humiliatorum ordinem extinguit. cap. 13.	fol. 85.
Vitiosas populi voluptates tollere conatur. Pio mortuo, Romam contendit. cap. 14.	fol. 87.

Libri tertij.

Gregorius Pontifex creatur. Carolus amplissimis se rebus abdicat. cap. 1.	fol. 92.
---	----------

INDEX

<i>De aliis ecclesia perturbationibus, post concilium Ep. tertio celebratum. cap. 2.</i>	fol. 96.
<i>Variis sacris institutis gregi consulit. Romam Iubilei causa proficiscitur. Med. redit. cap. 3.</i>	fol. 105.
<i>Quae Roma fecit. de Visitatore Mediolanum misso. de Cremonensi, Bergomensiq. ecclesia recognita. cap. 4.</i>	fol. 111.
<i>Iubileum Mediolani celebrat. Concilium Ep. quarto habet. Visitator discedit. cap. 5.</i>	fol. 117.
<i>De sanctorum corporum translationibus a Carolo celebratis. cap. 6.</i>	fol. 124.

Libri quarti.

<i>Peste urbem ingressa, quid Carolus, alijque providere coperint. cap. 1.</i>	fol. 129.
<i>A Pontifice multa petit; ipseque multa suppeditat ad civitatem iuvandam. cap. 2.</i>	fol. 133.
<i>Mendicis, destitutisque aliis subuenit. cap. 3.</i>	fol. 136.
<i>Parochorum officia: supplicationesque publica, pestis causa. cap. 4.</i>	fol. 139.
<i>Vorum civitatis: adium custodia: & alimenta inclusorum. cap. 5.</i>	fol. 144.
<i>Carolus ministros agrotis suppeditat. cap. 6.</i>	fol. 147.
<i>Inclusis consulit. cap. 7.</i>	fol. 154.
<i>Præbet agrotis sacramenta. cap. 8.</i>	fol. 157.
<i>Nonnulla emendat vigente peste. ipse progreditur in via salutari. cap. 9.</i>	fol. 162.
<i>Novas celebritates, aliaque religiose peragit, remissa peste. cap. 10.</i>	fol. 165.
<i>Post alias supplicationes demum civitatis liberatione celebrat. cap. 11.</i>	fol. 170.

Libri quinti.

<i>Quæ post pestem contra Caroli acta gesta sunt. cap. 1.</i>	fol. 178.
<i>De Oblatorum congregatione: & reliquiis ecclesia maioris. cap. 2.</i>	fol. 180.
<i>Taurinensis peregrinatio. cap. 3.</i>	fol. 185.
<i>Contra vitiosas voluptates, spectaculaque pugnat. finitimas ecclesias inuat. cap. 4.</i>	fol. 189.
<i>De concilio Episcoporum quinto; & constitutionibus clericorum reg. S. Pauli. cap. 5.</i>	fol. 194.
<i>De translatione reliquiarum Basilica Apostolorum. cap. 6.</i>	fol. 196.
<i>De Caroli rebus inclinatis, & professione ad Urbem. cap. 7.</i>	fol. 198.
<i>Quæ Roma egit. de legatis Med. Romæ misis; & Caroli discessu. cap. 8.</i>	fol. 203.
<i>Mediolanum venit. cultum Dominica prima Quadragesima tractetur. Brixien- sem ecclesiam incipit recognoscere. cap. 9.</i>	fol. 207.
<i>Pontifex legatos Mediol. dimittit. litteris civitatis respondet. cap. 10.</i>	fol. 212.
<i>Carolus ad Regem mittit, qui de suis, ministrorumque regionum rebus plene do- ccat. cap. 11.</i>	fol. 214.

CAPITVM.

Libri sexti.

<i>De Brixiensibus laboribus: de reliquiis ecclesie S. Stephani, & S. Celsi, & de sacra Sindone rursus visa. cap. 1.</i>	fol. 226.
<i>Pronincia concilium sextò habet. Translationem corporum S. Simpliciani, aliorumque beatorum celebrat. cap. 2.</i>	fol. 233.
<i>Transfert corpus S. Io. boni. synodum diœcesis habet. rursus in Taurinos, deinde Romam proficiscitur. cap. 3.</i>	fol. 236.
<i>Vicinarum gentium fidem, salutemque sibi curandam suscipit. cap. 4. fol.</i>	240.
<i>Conatus predicantium in Mesauco reprimi. alia auxilia populis afflictis suppeditat. cap. 5.</i>	fol. 247.
<i>Eius vita ratio postremis annis: & extremi temporis actiones quadam. cap. 6.</i>	fol. 251
<i>Exercet sese salutariter in monte. iter facit agrotans. cap. 7.</i>	fol. 257.
<i>Obitus. cap. 8.</i>	fol. 264.
<i>Exequia, ac sepultura. cap. 9.</i>	fol. 267.

Libri septimi.

<i>Statura, & effigies Caroli. cap. 1.</i>	fol. 274.
<i>Virtus, & somnus eiusdem. cap. 2.</i>	fol. 275.
<i>Patientia frigoris, & aliorum incommodorum. cap. 3.</i>	fol. 277.
<i>Morbos, & dolores corporis, ut tolerauerit. cap. 4.</i>	fol. 280.
<i>Labores, & occupationes. cap. 5.</i>	fol. 281.
<i>Vitaculus. cap. 6.</i>	fol. 283.
<i>Humanas opes ut contempserit, consumpseritque. cap. 7.</i>	fol. 285.
<i>De eius adificationibus. cap. 8.</i>	fol. 290.
<i>Ve res gesserit. cap. 9.</i>	fol. 292.
<i>Vi negotiorum euentus, & pericula tulerit. cap. 10.</i>	fol. 294.
<i>Litterarum studia. cap. 11.</i>	fol. 296.
<i>Peccata omnia ut vitarit. cap. 12.</i>	fol. 299.
<i>Vi se gesserit in sacris obeundis. cap. 13.</i>	fol. 299.
<i>Eius studium contemplationis, precationisque. cap. 14.</i>	fol. 302.
<i>Familia & in agrotos misericordia. cap. 15.</i>	fol. 304.
<i>Hospitalitas. cap. 16.</i>	fol. 310.
<i>Animus eius erga bonos, religiososque viros. cap. 17.</i>	fol. 312.
<i>Vi se gesserit in propinquos. cap. 18.</i>	fol. 315.
<i>Amicos aliquid petentes, ut audierit. cap. 19.</i>	fol. 318.
<i>Monendi officium ut erga alios adhibuerit, ac in se tulerit. cap. 20.</i>	fol. 321.
<i>Vi eos qui adirent acceperit, alienaque vitia tolerauerit. cap. 21.</i>	fol. 323.
<i>Adversarios, & obrectatores ut tulerit. cap. 22.</i>	fol. 324.
	Ecclesiæ

INDEX CAPITVM.

<i>Ecclesia sua coram custodienda, ac inuandorum animarum cura. cap. 23.</i>	fol. 326.
<i>In concionibus habendis studium. cap. 24.</i>	fol. 329.
<i>In catholica fide tuenda, & Apostolica Sede colenda. cap. 25.</i>	fol. 334.
<i>In ritibus, & caeremoniis obseruandis. cap. 26.</i>	fol. 335.
<i>Ambrosiani ritus, & reliquiarum conseruatio. cap. 27.</i>	fol. 336.
<i>De rerum sacrarum cultu, sacrisque nonnullis institutis. cap. 28.</i>	fol. 338.
<i>Sacra munera que obibat. cap. 29.</i>	fol. 341.
<i>Clericalium munerum functiones. cap. 30.</i>	fol. 342.
<i>Disquisitio de initiandis, & recipiendis ad munera ecclesiastica. cap. 31.</i>	fol. 342.
<i>Cleri disciplina. cap. 32.</i>	fol. 344.
<i>Collegia Mediolani constituta. cap. 33.</i>	fol. 346.
<i>De incrementis cleri, studiisque eiusdem litterariis. cap. 34.</i>	fol. 348.
<i>De beneficiorum distributione. cap. 35.</i>	fol. 350.
<i>Eius Vicarij, ac praefecti. cap. 36.</i>	fol. 353.
<i>Diocesis administratio. cap. 37.</i>	fol. 355.
<i>Eiusdem visitatio. cap. 38.</i>	fol. 357.
<i>Conobiorum virginalium gubernatio. cap. 39.</i>	fol. 358.
<i>Congregationes, & conuocationes. cap. 40.</i>	fol. 360.
<i>Virginum, & aliarum foeminarum instituta, piaque collegia. cap. 41.</i>	fol. 362.
<i>De eius synodis, ac decretis. cap. 42.</i>	fol. 365.
<i>Alia Caroli officia, eiusque existimatio. cap. 43.</i>	fol. 366.

Septem hi libri, de vita rebusq; à Carolo, Tit. S. Praxed. Cardinali Borromeo gestis, piè grauiterque conscripti, cum primis digni sunt, qui cum magno totius Reip. Christianæ emolumento, mandati typis, in lucem atque oculos hominum veniant; vt boni, potissimum Ecclesiarum Antistites, in tanti antecessoris vitam, tanquam in illustre præstantissimarum virtutum speculum inspicientes, ad illam normam ac formam actiones suas componere; mali memores horribilium exemplorum, quæ in turbulentos & procaces diuinitus statuta vident, abstinere seq; recipere; omnes vitæ Sanctimoniam, purgatissimosque Caroli mores imitari & celebrare studeant.

*Ita censeo ego MICHAEL FISELIN, de Societate IESV
S. Theologiae Professor, & Theologici Collegij pro tempore
Decanus, in alma Academia Ingolstadtiana.*



VITA ET REBUS GESTIS,

CAROLI CARD. S. PRAXEDIS ARCHI- EPISCOPI MEDIOLANI,

Liber Primus.

Cum varia hominum genera, multi-
plicemque vitæ conditionem intueor, perbea-
tos equidem illos inter omnes existimo; qui cū
vitam optimis institutis, ac virtutibus excul-
tam, Deo iuvante agant; ceteros exemplo salu-
tariter mouent; & ad bene, beateque viuendum, pietatemque
egregie colendam alliciunt. Atque vtinam illud nobis quoque
contigisset. sed quando ab eiusmodi felicitatis gradu longissime
absumus; in eo saltem libenter nos elaborare par est; vt aliorum
laudes, sanctitatem, egregiaq; facta litteris commendemus; qui-
bus omnium, si fieri possit, animi excitentur ad imitationem. Quæ
igitur Carolus Card. S. Prax. Archiep. Med. gessit; quæque nobis
virtutis, & religionis exempla reliquit; ea quantum genus hoc
operis postulat, egoq; diuina ope facere potero, memoriæ pro-
dere ad Dei gloriam, piorumque vtilitatem constitui. nam nisi
mihi oblata materia nimis placet; quam placere tamen existi-
mo, quantum veritas patitur; Caroli vita, iis abundat in omni
virtutum genere documentis; quæ Dei sacerdotibus, in primis,
tum piis quoque omnibus proposita, magna pietatis, ac salutis
adiumenta possint asferre. Opus quidem est omnino difficulta-
tis plenum, res, eorum gestas, qui proxime vixerunt, mandare
litteris.

litteris. cum enim multos adhuc esse superstites necesse sit; qui vel eas ad se res pertinere; vel easdem se quoque minime ignorare putent. multorum quoque sermones oportet, querelasque non paucas excitari. alij se notatos; præteritos alij queruntur: hic aliquid dictum, aut minus vere dictum; ille omissum aliud expostulat. ita scriptoris labori; quem neque leuem, neque modici temporis esse intelligentes norunt; non parum additur offensionis, & incommodi. At illud suscipere negotium, in quo diuinæ gloriæ quis, & salutis suæ seruiat; tum piis omnibus, qui nunc sunt, & futuris erunt temporibus gratificetur, ac profit; tantum habere commodi par est ac iucunditatis; ut humanas omnes longe superet difficultates, ac molestias. Hæc apud me ratio cum plurimum ponderis habeat; accedit quam plurimorum rogatus, & cohortatio, tum nostrorum, tum etiam exterorum: immo Cardinalium, aliorumque amplissimorum virorum iussus, & auctoritas. Nam quod ad rei perficiendæ facultatem attinet; dicam libere, quod sentio: eloquentiam, historiarumque scribendæ artem concedens multis; rerum ipsarum notitiam, veritatemque iure mihi vindicare posse videor: immo cum quoque, in hac occupatione mea, laborem, ac diligentiam; quæ cum rebus iisdem eruendis, ac explicandis necessaria sit; ut ab alio tamen adhiberetur, semper equidem sum veritus. posteaquam enim Carolo me ut Patri optimo in disciplinam tradidi; animo quasi præfagiente, quid ille ageret in dies observans, seposui diligenter, quæ usus ad huiusmodi negotium quandoque posceret. deinde præter illa, quæ Caroli familiares, atque intimi diligenter à me interrogati contulerunt: & præter scripta quamplurima ex ecclesiæ Mediolanensis tabulariis deprompta: epistolarum ipsius ad alios, aliorum ad ipsum amplius triginta millia, quas ille diligenter seruari iussit, peruolutaui: ut carpens vndique, ordineq; componens plenum opus efficiam; & quod in primis quærendum est, certissimis testimoniis in omnes partes confirmatum. quæ res faciet; ut si non optime, vere certe conscripti libri conscientia fruam. Ac si quemadmodum his adiumentis extrinsecus assumptis abundamus; ita potuissimus

mus ad ea penetrare, quæ pro suo virtutis occultandæ studio, verisimile est, CAROLVM nota esse nemini voluisse: maior ad diuinæ benignitatis prædicationem sine dubio piis animis per nos materies offerretur. Qui aliquid à nobis omissum obiicient, eos meminisse par est, non omnia tamen ab vno dici posse. quos item monere minime alienum fuerit, fortasse quæ ipsi desiderant, minuta magis, aut remota videri, quàm vt scriptiois huiusmodi ratio ferat: multaque quotidiano conuenire sermoni, quæ non admittit historia. Quod si contra quis maiorem breuitatem forte desideret; meum esse consilium sciat; non præcipua solum breuiter decerpere; quod vitam alicuius conscribentes facere plerumque solent; sed paulo latius, tum ab eius ortu rerum gestarum historiam, vsque ad mortem complecti; tum mores etiã proprio loco describere. cuius rei scriptores clarissimos auctores habemus; tum viros etiam grauissimos, qui ad plurimorum documentum ita faciendum arbitrati, nobis id persuaferunt. De quibusdam cum honore, vel offensione nominandis: primo illud mihi pace omnium concedi peto: vt neque alicuius nomen, laudemue præteream, si occurrat; quod sane faciam libentissime: neque affectem, si longius ab instituto cursu petenda sit. deinde cum à veritate, vel paululum discedere, nefas, homini præsertim huius ordinis, existimem: quæ vera sunt, & fileri non debent, ita proferre constitui, vt nullius factum cõtumeliose improbem; excusẽm vero etiam studiose, si detur facultas. quin vt omnem offensionem vitare possim diligentius; illud mihi præscripsi; licet de publicis, manifestisque rebus nominatim narrare possem; eorum nomina tamen, silentio præterire, quorum posteris, familiæue hoc fore gratius existimaui. Ita, quemadmodum spero, & satis veritati factum erit; neque vllius erit offensa mihi pertimescenda. Qui hac ratione scribat historiam, ei, ni fallor, ab iis quoque, qui scribi nollent, de adhibita moderatione habenda gratia est: quam vtrum esset alius adhibiturus, incertum est: vtrum vero eadem alius scripturus, minime dubium. Meam denique spem in Dei benignitate positam habeo; cuius beneficio confido fore; vt ad piorum animorum

fructum salutarem, & etiam sine iusta cuiusquam querela, susceptum munus conficiam.

De Caroli pa-
rentibus.
CAPVT I.

BORROMEÆ gentis antiquitatem, aut splendorem, non est, vt equidem existimo, cur hoc loco demonstrare coner: nam & satis per se nota res est; & ea cura parum conuenire videtur de Borromeo illo scribenti, qui admirabili quadam christiani animi celsitudine, fluxa, & caduca omnia huius vitæ ornamenta contempsit. De eius vero parentibus aliquid est attingendum; vt in iis agnoscas, quod diuinitus traditum est; parentes, qui iustam, simplicemque vitam agunt, beatos relinquere filios. Gibertus igitur Federici filius Borromeus, Mediolanensis, vna cum tribus fratribus, Iulio Cæsare, Francisco, & Dionysio Aronæ Comes; in ea parte ditionis Mediolanensis, quæ est circa Verbanum lacum; præter Aronam ipsam; vicos, castellaque multa habuit in sua potestate. Is Carolum inter alios, de quo scribere instituimus, ex Margarita suscepit, sorore Pij Quarti Pont. Max. & Ioan. Iacobi Medicis, illius clarissimi bellatoris, cuius res gestæ magnam fere apud omnes Europæ nationes habent admirationem. Magna Gibertus, pro eorum temporum conditione, innocentia fuit, ac pietate. omnes animæ labes, etiam eas, quæ videntur exiguæ, valde pertimescebat: idcirco saltem octauo quoque die sacerdoti peccata sua confiteri solitus fuit; & sanctissimum Eucharistiæ cibum sumere. Præscripta sacris legibus ieiunia, quadragenarij præsertim temporis, ipse pie coluit, & à suis iussu rite seruari. Horis canonicis eadem, qua sacerdotes precatione utebatur; idque humi positis genibus: tum tanto studio; vt nihil mane prius incipere, neque domo pedem efferre toleret; quam quod eo tempore precationis eiusmodi debebatur, & quod ipse item addere consueuerat, persoluisset. Diuina ope mirum in modum confidebat; vt sæpe aliis periculi alicuius timore perterritis, ipse præcipua quadam constantia Deo fretus nihil timere videretur. Fiducia fuit illa non mediocris, mirifico diuinæ benignitatis officio remunerata; quod magna vtens erga pauperes liberalitate, non valde pro dignitate sua tamen, hu-

manis

Gibertus Caroli parentis omnibus christiana Religione officii appropriauit.

manis opibus instructus; cum moneretur à quibusdam, plures ei filias, quas tum ex Margarita, tum ex alia vxore habebat, in matrimonium esse collocandas; pie respondit, si curæ sibi Christi pauperes essent, Christo filias suas fore, id quàm feliciter eueniret, infra demonstrabitur. Illum in egenis iuuandis præcipue morem tenebat; vt non ante vnquam accumberet, quàm eis eleemosynam, neque eam paruam misisset; quasi indignum se existimaret, à quo Dei dona sumerentur, nisi prius ipse ex iis clarigitus esset, quæ Dei benignitate possidebat. Quòd plures vxores duxerit, non ideo tamen non castitatis fuit amantissimus: à qua violanda maxime semper abhorrere visus est. Cum malos in domo sua mores ferre non poterat; tum maledicta in Deum ita horrebat; vt familiares, si in ea inciderent, domo statim eiiceret; nullamque prorsus accipere vellet excusationem. In reliqua domestica cura; in populis suis regendis; in priuatis, publicisque rebus agendis, cum pietatis, prudentiæque laude versatus est. Viro minime fuit dissimilis vxor Margarita, lectissima fœmina, & ab omni muliebri leuitate, siue vestimenta, siue aliud quiduis spectaretur, penitus aliena. quæ domesticis rebus pie, frugaliterque curandis intenta; cum ad proximiorẽ ecclesiam modestissimo cultu rei diuinæ causa quotidie accessisset; domo fere non prodibat; nisi quandoque ad virginum collegia, sacraue alia loca religionis ergo proficisceretur. Tales fuere Gibertus, & Margarita; vt dignum parentibus filium agnoscas: parentes vero ita filio dignos; vt præcipuo ramen Dei munere, quemadmodum christianæ reipublicæ vtilitas postulabat, longe, multumque sint ab eo superati.

*Memorable
Giberti dñi.*

*Eiusdem in
Deum pietas.*

*Margarita Caro-
li matris in-
fignis modestia.*

NATVS est CAROLVS in arce Aronæ, postridie Cal. Octobris anno salutis M. D. x x x. i i x. quem adhuc puerum, clericali vestitu, ad eius mores valde accommodato, pater indui curauit. A primo ætatis tempore non obscura solidę pietatis signa dedit. cum enim tempus, quod dabatur litterariis exercitationibus vacuum, socij in puerilibus ludis ponerent; ipse diuino cultui multò libentius, eo spatio operam dabat. vagabantur alij

*Nascitur Ca-
rolus fit Ab-
bas, & iuris-
consultus.*

C A P. II.

*Eiusdem ad-
huc pueri pia
exercitationes.*

per urbem animi gratia: ille vero, de eorum se societate subducens, vel religiosiores ecclesias adibat, vel domi pie precabatur, & diuini cultus imaginem quandam, paruis altaribus constituendis, ornandisque puerili quodam pietatis studio, & oblectatione referebat. Cum ætate paulo magis processisset; ecclesiæ sanctorum Gratiniani, & Felini Aronensis sacerdotium, Abbatia nomine, quod dudum in familia Borromeia permanebat, accepit. Atque cum humanioribus litteris satis operæ dedisse videretur; Ticinum, ut ciuilium legum, & sacrorum canonum studia coleret, sese Patris iussu contulit. Tantulæ ætate cum esset; sacerdotij sui fructus sacros esse reputans; quorum sibi, utpote Abbati, Deo reddenda ratio esset: patrem, cuius alioqui voluntati obsequi diligenter studebat, modeste monuit, qui vna cum ceteris facultatibus suis adhuc Abbatia res dispensabat: minime id sibi iustum, neutriusque salutis consentaneum videri; qui fructus sibi superessent, eos in rem familiarem conuerti, ac non potius dari pauperibus. quod pius pater, tantum abest, ut moleste acceperit, ut filij religionem, præclaraque indole lætus, ac præ gaudio lachrymans, administrationem ei sine mora reliquerit. quod si patri aliquid ex iis, necessarij sumptus causa, opus erat; murum dabat filius; quod ei postea, vel egenis restitueretur. Ticini nec ab æqualium suorum vitæ cultu abhorruit; & pietatem, honestatemque coluit diligenter. Ne insignes in litteris progressus habere videretur; ingenij motus ad explicandum haud satis expediti faciebant. Nuper ex eius sociis quidam narrabat; eo se tempore sæpius Caroli patientiam esse admiratum; quod neque aduerso aliquo ludi euentu, neque famuli cuiusquam ignauia commotus, quidquam faceret, aut loqueretur umquam, quod contumeliam, aut liberio rem indignationem præ se ferret; eluxisse quoque in eius moribus addebat animum excelsum, ac mentem ab humanis cupiditatibus, ambitioneque alienam. cum ei ultimo fere iuris studiorum tempore, Io. Angelus Cardinalis Medices auunculus Abbatiam Romanianam cõtulisset, & præterea Caluentianum, ut appellant, Prioratum; de collegio ex iis opibus Ticini constituendo iam tum cogitare, ac loqui cœpit: seque

*Ticini ciuili-
bus ac canoni-
cis legibus dat
operam.*

*Sacerdotij sui
fructus in pau-
peres distribu-
erat.*

*Mira illius pa-
tientia.*

*De constituen-
do Ticini colle-
gio Caroli con-
siliū.*

seque aiebat, modico sumptu, procul ab humano splendore, etiam ruri vitam libenter acturum; modo talis collegij commodum, atque ornamentum familiæ, patriæque afferret suæ: quod alia ratione postea præclare factum vidimus. eam animi moderationem, atque æquabilitatem, haud maxima præsertim ingenij celeritate coniunctam, quidam quasi tarditatem, abiectionemque despicere videbantur: cum tamen & ipsius adolescentiæ acta non obscure, & posterioris temporis res gestæ multo illustrius, longe aliter se rem habuisse demonstrarint. at enim moderari animo; non capi caducis rebus; & quæ vere magna sunt, rei que publicæ vtilia amare, & quærere; non tardi, vel abiecti, sed præstantis ingenij est. Non confecerat Abbas iuris disciplinæ cursum, cū eius pater ex hac vita migravit, annos natus quadraginta septem. qua de re, licet Federicus frater esset natu maior; rerum familiarium summa, propter prudentiam, morumque grauitatem ad eius iudicium rediit. quam curam, ea cum laude gessit, cum sororū gubernatione coniunctam; vt si, quem admodum Apostolus monet, ab administratione domestica ducamus argumentum; ecclesiam quoque illi quandoque recte committi posse, iam tum liceret facile iudicare. Ad continuanda iuris scientiæ studia, impedimenti aliquid Abbati cuiusmodi administratio sine dubio attulit: sed ob id quoque intermittendus fuit iuris discendi labor; quod studiorum suorum cursus cito conficiendi desiderio, quasi æstu quodam, ad vigilias, & nimias litterarum occupationes delatus, in periculosam valetudinem, pituita ex capite distillante incidit; quæ curationem procul à libris omnino postulabat. ea pluribus mensibus temperantia fere, commodaque vitæ ratione Mediolani adhibita; quamquam grauius malum, fortasse etiam vitæ discrimen, auertere visæ est; non effecit tamen, quin pituita itidem flueret, vsque ad postremos fere illius vitæ annos. quo tempore illa assiduo ieiunio valde imminuta, in prouerbij fere consuetudinem Caroli remedium induxit. dum curaretur, à medicis præscripta musici cantus oblectatione, quæ natura tamen erat ei valde iucunda, eo temporis spatio tantū utebatur, quod medicinæ causâ ij necessarium

Moriuntur patens.

Rerum familiarium curam suscipit Carolus.

In periculofum morbum incidit.

*Eius in animi
recreatione
modestia.*

sarium iudicauerant, ac ea tum verecundia fuit, vt si quid carminum canendum esset, quod ad lasciuiam pertineret; reiiciendū ille quidem curaret prius, si animaduertisset: sin autem; verba saltem omitteret; vocumque modos tantum exprimeret, digna certe clerico modestia; quemadmodum ea quoque; quodd rogatus, vt pilę ludum in paternę domus platea spectaret; ad ianuam, fenestramue ita consistere recusabat, vt à ceteris spectatoribus videri posset. At disciplinę sacrę studium non mediocriter ostendit, in veteribus monachis quibusdam ecclesię suę Aronensis corrigendis, qui quidem à beati Benedicti instituto tam longe aberant, vt vix ipsius monastici vestitus vestigium retinerent. quorū licentiam, cum sibi minime ferendam adolescens Abbas iudicaret; alios victus asperitate, alios arcta custodia puniuit, & in officio continuit: quamquam nullo eius generis tunc proposito exemplo, quod sequeretur. Quinto, ex quo iuri studere cœperat, anno exacto, vt iuris vtriusque peritus, doctoris insignia publice Ticini suscepit; Francisco Alciato tradente, qui discipuli officio postea Cardinalis creatus est.

*In sua ecclesia
Aronensi deprauatos monachorum mores corrigit.*

*Fit Cardinalis,
& Archiepiscopus
Mediolani
CAP. III.*

*Moritur Paulus quartus,
Cardinalis
Medices Pontifex
eligitur.
1560.*

OBITU Pauli quarti, vacabat eo tempore Pontifice Romana Sedes. tum Cardinalis Medices Margaritę frater, electus est; & Pius eius nominis quartus appellatus; anno salutis M. D. LX. ineunte. Allato Mediolanum nuncio; ad duos Comites, vt Pontificis sororis filios; salutandos, domum conuenere statim Magistratus, ciuitatisque principes; cognari, vt sit, notique omnes. sed illos neq; spei magnitudo, nec elatę cogitationes impediunt; quin sese pie colligentes, Deo gratias agerent; & peccata sua confessi, sanctissimaque sumpta Eucharistia, christianum iacerent status eiusmodi fundamentum. Federicus sine mora Romanam contendit. Carolus paucis interiectis diebus, Pontificio iussu accersitus, secutus est. Alterius sororis filios Pontifex habebat, Marcū Cardinalem, & Annibalem, Sitticos, Altaempsij Comites; Serbellonos item consobrinos; quos omnes dilexit, magnisque honoribus, & amplitudinis Pontificię beneficiis auxit: sed hos tamen præcipue sibi ornandos ille constituit. Federicus

*Iussu Pontificis
Romam conce-
dit Carolus.*

*Federicus Ca-
rolus*

dericum statim quibus potuit maximis, ditionis ecclesiasticæ titulis ornauit: qui Philippi quoque Hispaniarum Regis liberali voluntate, opibus, atque honoribus valde honestatus est. Carolum Prothonotarium primo creauit; ac libellis referendis præfecit. post mensem autem, & Cardinalem fecit; &, quamuis annum ageret tantummodo xxii. Mediolanensem detulit Archiepiscopatum. Præterea Romanæ ditionis administrationem illi mandauit; de qua, viris grauib; in consilium adhibitis, assidue consultaret, supplices libellos, ac mandata omnia, quæcumque essent, pro se subnotare iussit. Auctoritatis pontificiæ munera grauissima, negotiaq; quotidie detulit; & omnium curarum suarum, consiliorumque participem fecit, ac administrũ. nam & ipse miram in publica negotia, grauissimasque res gerendas ostendit ab initio propensionem. eo factum est, vt nullus fere apud cognatum Pontificem Cardinalis maiore auctoritate, atque administratione vnquam fuisse videretur. Addidit amplissimas facultates; quibus ille splendore plane regio, contra quam eius natura, consuetudoque ferret, vitam instituit. maximus domesticorum numerus; in his viri litteris, nobilitate, titulis ornatissimi. Præsulum, aliorumque nobilissimorum virorum quotidiana conuiuia. pretiosissima suppellex. quotidianas etiam oblectationes quasdam sacræ disciplinæ non satis consentaneas admittebat. Magna porro, repentinaque dignitatis amplificatio, si præsertim exempla, & instigationes accedant, sæpe mores, ac naturam ipsam perturbat. At tantis copiarum blandimentis delinitus; ad perfectiorem tamen vitæ disciplinã oculos retorquebat: & ad humana omnia contemnenda se ipse frequenter excitabat. Cumq; multos post annos Dei beneficia secum reputaret; commemorare solitus fuit; inusitata se ratione ad sanctiora pietatis officia, religiosioremque vitam fuisse perductum: neque enim angustas, asperasue res, vt plerumque fit, Deum adhibuisse; sed prosperas, maximeque florentes: vt in iis rerum humanarum leuitatem, inanitatẽque diuino lumine perspiciebat, ad ea, quæ solida, grauiã, æternaque sunt, animum adiuiceret. Interim non solum aliquid amplius, vt humanum est,

Pontifice multis titulis ornauit.

Prothonotarium primum, & Referendarium,

deinde Cardinalem, ac Archiepiscopum Mediolanensem Carolus creatur.

Alia officia eaque grauiã illi mandantur.

Amplissimã facultates adduntur.

Ad disciplinã perfectionem animum conuertit.

*Diuitiam acci-
pit inuitus.*

*Virginitatem
caute custodit.*

*Eius in rebus
gerendis Vir-
tutis & patienti-
ae.*

*In pauperes, li-
beraliter.*

*Litterarum
studia.*

ex opibus Ecclesiae quotidie sibi addi non postulabat; sed etiam ultro à Pontifice tradita, propemodum accipiebat inuitus: quod excognatis nonnulli; & alij, qui ex eo pendebant, valde querebantur: & quod virtutis erat, ut humana peruersitas est, angusto, paruoque animo tribuebant. Virginali modestiam, quae semper in eius moribus eluxerat, exquisitè retinuit: & in eo genere non modo quidquam male appetere numquam ulli visus est; sed insidias quoque non semel paratas sanctè admodum vitauit. Præstitit in mandatis munèribus summam fidem, incredibilemque diligentiam; tum mentem prorsus incorruptam; quae neque cupiditate, neque ullius gratia umquam moueretur; sed in omni re consultanda, & diiudicanda, quod iustissimum esset, id spectaret, & exqueretur semper. pristinam item patientiam; ut nullius errato, vel molestia commotus, quidquam faceret, aut diceret in quemquam contumeliosum. Cum autem plerique amplitudinis, diuitiarumque splendore, commodoque capti, delicatiores fiant; laboresque dignitati coniunctos fugiant: contra hic adolescens sese patientissimum præstabat: multum scribendi, dictandique laborem suscipiebat: diuturnam iis, qui alloqui vellent, operam dabat. In suos, pauperesque, si liberalissimus initio non fuit; ita se tamen comparauit; ut in eius animo liberalitas in dies, calore diuini spiritus augefcens, ad præclaram illam effusionis plane christianæ maturitatem tandem perueniret. Pauperibus multa donauit, tum Romæ; tum in iis maxime locis, vnde sacras pecunias accipiebat. Aronæ præsertim multa distribuit, ac Mediolani: vbi si qua de causa in rebus ecclesiæ constituendis, gregeque ad rectam viam reducendo, sumptu opus esse viderat; de suo liberaliter iussit suppeditari: ut nihil penitus ex ipsius ecclesiæ fructibus ipse Romæ tunc existimeretur percepisse. Humaniora litterarum studia coluit. cumque viros eruditissimos in eo genere plures apud se haberet; ex eis, aliisque nobilem instituit Academiam. cuius exercitationes noctes appellauit Vaticanas; quoniam publicis, plerumque negotiis interdiu occupatus, certas eis dabat ipsius intempestæ noctis horas. Valebant ea studia, ad doctrinam morum, facultatemque dicendi

dicendi comparandam; tum memoriam quoque exercendam; dum posita quæstione, quæ ad mores pertineret; in utramque partem, quam poterant ornate, copiose, atque eleganter differre. ad animorum vero relaxationem aliquid etiam admiscere liberalis ioci solebant, ac leporis. ex horum numero, & ex eis, quos in consultationibus adhibebat, viri fuerunt, tum literis, tum dignitate clarissimi; qui magno fuerunt, partimque adhuc sunt reipublicæ christianæ usui, atque ornamento: ex quibus Episcopi, Cardinales; & ipse quoque Gregorius XIII. extiterunt. Curabat ille, per eas exercitationes, non solum cuiusmodi doctrinæ præcepta, dicendique usus assequi; sed etiam, quæ in loquendo sentiebat, impedimenta naturæ superare: concisas enim sententias, immo etiam verba ipsa imminuta, habitu quodam nimis celeritatis pronunciare solebat. quibus in rebus, quantum profecerit; tum illius iudicium in scribendo, alienisque scriptis corrigendis postea indicavit; tum frequentissimæ conciones declararunt. Atque huiusmodi studia non parum ad eius quoque salutaria cōsilia valuisse postea fatebatur. cum enim illi Stoicorum sententia in Academia impugnanda quandoque obvenisset; contra potius sese ad eos aliquo modo sequendos, hoc est ad perturbationes comprimendas, dum ei rei studeret, animique perfectam moderationem comparandam, sensit incitari; ex quo Epicteti philosophi libellum frequenter in manibus habere, eiusque præcepta valde observare, per ea tempora visus est.

*Quales viros in
consultationibus
adhiberet.*

CUM in Carolo rerum humanarum sæpe despicientia sese ostenderet; non obscure tamen etiam studium apparebat sorores omnes recte collocandi. Id optime successit; Pontifice fauente; Deoque inprimis cumulatissime præstante, quod bonus ille Gibertus eximia pietate sperauerat. Eas enim Principibus, ac diuitiis, ditacioneque præstantibus viris in matrimonium dedit: Camillam quidem, quæ prima fuit, Casari Gonzagæ, Melfitæ Principi: Hieronymam Fabritio Gesualdo, Venusini Principis primo filio: Annam Fabritio Columnæ, Marci Antonij Ducis Taliacotij itidem principis filio: Hortensiam Annibali Sitti-

De Annæ sanctitate, & ceterarum sororum matrimoniiis.
CAP. IIII.

Quibus viris sorores in matrimonium collocavit.

co, Altempſij Comiti, & ſororis Pontificis filio; non enim Hortenſiam ex Margarita, ſed ex alia vxore Gibertus ſuſceperat. Honetiſſimæ fuerunt omnes; at Anna iis moribus, eaque fuit ſanctitate; vt in tãti fratris hiſtoria merito, de illa ſit præcipue commemorandum. ſolidæ pietati, rerumque diuinarum contemplationi maxime ſemper dedita fuit. vt non modicam noctis cuiuſque partem, quæ ſomno danda erat, in ſacra ſupplicatione adhuc puella ponere ſoleret. At cum Fabricius adhuc adoleſcens diem ſuum obiſſet; chriſtianæ diſciplinæ, piisque exercitationibus in dies magis intenta, tantum profecit; fratris exemplo, ac hortationibus in primis incitata; vt in eius precibus magnum domus ſuæ præſidium Marcus Antonius vir prudētiſſimus collocaret. Veſtitum mutare, ſeſeque abdere in monaſterium conſtituerat; niſi conſilium dediſſet Carolus, vt religioſam vitam domi agens, filios, quos ex Fabritio ſuſceperat, non deſereret; ſed educaret pie, ac diligenter. Egentium iuuandorum ſtudioſiſſima fuit. ex eo, quod ſeparatim ei dabatur, ad ſuos, familiæque ſumptus, quantum poterat, detrahebat; & in eleemoſynas conſerebat; vt iſtis etiam indumentis, ea de cauſa tritis admodum vteretur. frequenter etiam, quod appōnebatur in menſa, modica ſibi retenta portione, pauperibus dāri iubebat. Eccleſia erat in Panormi regia, vbi illa cum M. Antonio Sicilia prærege habitabat; & in eam ex Annæ domicilio aditus; vt commode poſſet in ſacro loco eximium explere, continuandæ ſupplicationis deſiderium. ibi quo ardentiori animo precaretur; ſanctiſſimam Euchariftiam haberi perpetuo curauit. & ſacram ſtatarum horarum publicam precationem, ſoceri auctoritate reſtituit. Cum autem humida eſſet ædes, loco præſertim illo remotiore, in quo Anna manebat; contraxiſſe videtur ex diuturna mora frigidam, grauemque totius corporis, præcipue capitis, affectionem; quā, vt diuinæ benignitatis munus, libenter uſque ad obitum tulit. Cum ſanctiſſimam Euchariftiam ſumebat, tam ardenti, atque intimo ſenſu pietatis afficiebatur; vt duarum circiter horarum ſpatio, nullo fere motu, mente penitus in diuinis myſteriis deſixa, permaneret. Sacerdotem cui conſitebatur, quiſquis eſſet, tanto-

*Anna ſororis
chriſtiana ex-
ercitationes.*

*Obſeruantia
Anna erga
Confeſſarium.*

tantopere obseruabat; vt ne latum quidem, vt aiunt, vnguem ab eius voluntate discedere auderet; tantoque honore, ac reuerentia prosequeretur; vt diceret interdum; pedum eius vestigia cupere admodum se osculari. Tentari cum ea febris cœpisset, ex qua mortua est; nihil patefecit: erant enim extremi quadragenarii ieiunij dies, quorum abstinentiam nolebat interrompere. ad sacram Paschatis communionem venit in ecclesiam. per eos dies, qui pauci fuerunt ante mortem, solito loco nonnunquam ad meridiem vsq; permansit orans. demum ingrauescente morbo iacere coacta, de morte obeunda placidissime audiuit, ac hilariter: creditoribus iussit in præsentia satisfieri: & ex ea hora rogauit, ne filij amplius ad se adducerentur; quo magis ab humanis rebus remota, quæ spiritalia, cœlestiaque sunt, quiete cogitaret. Humile funus ducendum præscripsit: cœlestique amore vehementer accensa, diuinum viaticum accepit; & sacram extremi temporis vnctionem; cuius vnctionis loca sibi ante diligenter ablui iussit. cumque ad extremum vsque sensibus viguisset; sacerdoti etiam singillatim cœlites inuocanti respondisset; mortem obiit anno Domini M. D. xxc. ii. Luxere eam Panormitani propemodum incredibiliter. tum vero eius corpus ita fere habuerunt, quemadmodum beatorum corpora solent haberi. luxere autem in primis pauperes, quorum se benignissimam parentem semper ostenderat. De Anna, ceterisque sororibus satis.

*Quomodo se
gesserit in in-
firmis.*

Mortis Anna.

REDEAMVS ad Carolum; cuius sanctioris vitæ desiderium triennij fere spatio; siue negotiorum, curarumque magnitudine; siue humano, falsoque pudore quodam retardatum; tum ardentius excitatum est, clariusque multo enituit; cum Federicus frater diem suum obiit, mense Nouembri anni M. D. Lx. ii. Florentissimi iuuenis interitus, qui dum ad summos honores, atque amplitudinis gradus gloriose ingrederetur, de medio præter omnium opinionem sublatus est; magnopere valuit; vt Carolus tum ipse vehementius commotus; tum aliorum animos factos ad humanarum rerum imbecillitatem præsentis casu attentiores, conspiciat; ad præclaram vitæ huius despicientiam,

*Ad meliora
vitæ studia se
refert.*

*CAP. V.
Federicus fra-
ter moritur.*

1562.

sacramque illam optimæ vitæ disciplinam, quæ iam diu ei proposita erat, sese aperte, strenueque conuerteret. Affuit assidue fratri laboranti; & quæ tali tempore homini christiano pia officia debentur, omnia, quantum potuit, cumulate præstitit vsque ad mortem. Dum autem alij, & ipse Pontifex in primis, afflicti, Federicum diutius lugerent; ipse accersito sacerdote, cui peccata sua solebat confiteri; de insigni morum mutatione cum coegit, ac decreuit. Dictitabant eo tempore multi, Carolum nullo fratre, neque fratris filio, clericalem vitam relicturum; & vxore ducta, profanis honoribus, & negotiis implicandum. & vero etiam fuisse dicuntur; qui aperte significarent, idque incitarent; idque non sine eorum auctoritate, qui plurimum poterant. ille autem, vt omni se interpellatione liberaret; non multis post mensibus ad sacrum presbyteratus gradum ascendit. Personam ex eo tempore visus est longe diuersam induere: eaque fuit in moribus, omnique vitæ consuetudine grauitas; vt ad austeritatem quoque perueniret; quemadmodum sæpe solet initio vitæ religiosioris euenire. Non cetera solum oblectamenta dimisit; sed cum exercitatione corporis ad id tempus valetudinis gratia magnopere delectatus esset; eam quoque respuit; quoniam Ægidius Fuscararius religiosissimus Episcopus Mutinensis, quem plurimi faciebant, eam sibi consuetudinem in iuvene minime probari dicebat: augeri enim calorem nimis, qui suapte natura, tali ætate, maxime viget. inde cibus, potusque multos: ex quo multum somno, parum contemplationi, litterarumque studio dari temporis, necesse est; præter alia, quæ animæ facile consequuntur incommoda. Ciuiles Academiae exercitationes, studiaque dicendi, ad spiritualem traduxit rationem; iam tum, vt puto, cogitans de grege suo coram custodiendo, concionibusque sacris pascendo. Alia studia litterarum, egregia illa assiduitate, patientiaque sua coluit: doctorumque virorum quotidianas disputationes sua manu scribens, diu satis exceperit: vt merito mirearis, Carolum per eos annos, tantis occupationum pressum oneribus, logicæ, philosophiæ, Theologiæque, quamquam non ad perfectam scientiam, operam dare potuisse. sed multo magis mirum;

*Presbyteratus
gradum recipit
Carolus.*

*Omnia studia
ad spirituales
rationes tra-
ducit.*

*Multa scientiis
operam nauat.*

mirum; varie illum, grauiterque oppugnatum; quorundam suasionibus, insidiis, obtreccionibus sollicitatum; sterisse tamen; piaque sua consilia atque instituta constanter retinuisse. Mutatio eiusmodi plerisque non probabatur. eius causam; vt quisque sibi prudentissimus videbatur, ita in rebus humanis, vt sit, acute inuestigabant. multi palam improbabant; simulationemque dicebant. At multi etiam veritatis, diuinique spiritus vi permoti; tum sincerum eius animi sensum agnoscebant; dignumque imitatione iudicabant; tum eius exempla sequebantur. Plures ex literatis Academiae, domusque suae viris, ad sacra studia, vitamque puriorem eius exemplo se retulerunt. omnino pluri-
mi, eius imitatione, vitam, actionesque suas conformarunt. Tunc œcumenica synodus Pij Pontificis auctoritate, iussuque Tridenti habebatur; cuius acta, progressionesque cum antea Carolus magno studio, ac pietate curasset; tum eo tempore studiosissime coepit tueri. atque cum de ea dissoluenda quodam tempore ageretur, pluresque ex principibus assentirentur, immo quidem vrgerent, ille Pontificis in eo voluntati consentiens, omnia auctoritatis suae conatu resistit, perficiendamque curauit. Ad eorum cognitionem, quae synodi decretis opus erant. Gulielmo Sirleto, plurimum usus est: cuius doctrina, cum antiquae disciplinae, graecaeque linguae cognitione, tum vero eximia pietate coniuncta, adeo est delectatus; vt hominem semper plurimi fecerit; neque destiterit, donec eum postea perduceret ad Cardinalatus gradum. Ad sui ipsius, suorumque meliorem vitam rationem, multa Carolus à morte fratris cum instituisse; sanctis demum anno M. D. L. x. i i i. Tridentinae synodi decretis, ea studiosius est executus; adiecitque etiam sanctiora. Circiter octoginta de domo sua missos fecit vno tempore; eos fere omnes, qui clericali vitae minus apti videbantur, quos benigne admodum, liberaliterque tractatos dimisit. serica indumenta non sibi solum, sed familiaribus omnibus interdixit; qui neminem ex eis antea sine sericis splendidisque vestimentis admittebat. De corpore suo nihil adhuc seuerius statuit, quam vt vno die singulis hebdomadis pane, & aqua tantum vesceretur. Molestia coepit esse grauissimarum

*Varia in eum
insidia illius-
que constantia.*

*Oecumenica
synodus Tri-
denti celebra-
tur, Serg. perfici-
atur contra
multos Serges
Carolus.*

*In synodi de-
cretis cogno-
scendis Guliel-
mi Sirleti o-
pera citur.*

1563.

*Familiam ad
melio-rem vita-
rationem insti-
tuit, se suosque
familiares se-
ricis inda-
mentis abdi-
cat.*

*Contemplatio-
nis horum
vacat.*

marum occupationum assiduitas; quibus ne à diuinarum rerum contemplatione abstraheretur, in ædiculam quandam, quam sibi remoto loco ad id constituerat, sese abdere certis horis cœperat. paulatimq; se prorsus à rebus agendis subtrahere velle videbatur; nisi quem vehemēter obseruauit, Bartholomæus Archiepiscopus Bracharensis ex ordine Dominicano magna sanctitate Præsul, admonuisset; Ecclesiæ, Caroliq; ipsius conscientia periculosum sibi videri, defugere munera, occupationesque illas, quæ facile in homines longe diuersæ sententiæ recidere possent. quæ res fecit, vt consuetos labores, atque onera pergeret sustinere. Virorum pietate, disciplina ecclesiastica, doctrinaque præstantium assidua consuetudine, consilioque utebatur: inter quos alij erant boni sacerdotes Hispani; qui nuper ex ciuitate Tridentina, Concilio absoluto venerant. ex eodem numero Franciscus Forerius fuit egregius Theologus itidem Dominicani ordinis, quem Carolus apud se retinuit, & de rebus Theologicis quotidie differentem diu audiuit. Atque propius iam ad Episcopi munus accedens; quod se graue admodum sustinere sentiebat, & ad salutem sui gregis diligenter exequi cupiebat; in sacris concionibus publice habendis, de quo grauissime Concilium constituerat, se cœpit exercere; remotioribus tamen locis, fereque ad virginum cœnobias; quamquam & in suas breui prodiit tum S. Mariæ, cuius erat Archipresbyter, tum S. Praxedis, cuius titulū habebat, ecclesias. Inusitata multis sæculis in tali persona muneris functio: concionator haud aptissimus; tali loco; quos in hominum sermones venerit, nō est opus explicare. quibus rebus tamen, eius optimum studium superari, tardariue non potuit. At vero fecit ea tota morum conuersio, constansq; in ea voluntas; vt illum tandem vereri quodammodo summi, infimi inciperent; & ipse Pontifex eius causā quibusdam rebus vtiliter abstineret. solidæ virtutis vis hæc est admirabilis; quæ plurimos à vitiis deterret, & ad ea, quæ recta sunt impellit; quam ipsi quoque summo loco constituti non possunt non subire. Incidit per id tempus in morbum Carolus; qui diuino quodam munere, luminis ei plurimum, cœlestisque suauitatis

*Quorum consi-
liu statuit.*

*Incidit in mor-
bum, quæcum-
que ex illa in-
firmis pro-
fecerit.*

ratis attulit; atque ita mentem ad superiorum desiderium acuit; ut terrena omnia magis ac magis despiciens, mortem concupisceret: atque adeo culpam in eo suam timeret; quod ab humanarum rerum tædio nimis refugere, & ita Deo se totum minime permittere, sibi videretur.

Q U O D antea de sua diœcesi visenda, colendaque cogitauerat; id perficere quamprimum curabat. sed cum id moleste ferret Pontifex, senemque se quereretur ab eo deseri, quem ut filium charissimum amabat; suum in Insubriam aduentum, non ille quidē dimisit, qui cum in animo defixum habebat; sed paulum distulit. Statuit vero interim ecclesiæ suæ longe accuratius, quam antea sine mora prospicere: ubi plurima corrigenda, restituenda, ordinanda esse, & probe sciebat, & quotidie audiebat. Ac superioribus quidem annis Vicarium ibi habuerat; immo Episcopalis quoque ordinis hominem, qui pontificalia munera obiret. nonnihil item ad clericalis disciplinæ conformationem pertinens coeperat. Verum ad sanctiorem, illustrioremque tunc administrationem; quem Mediolanum cum potestate mitteret, præstantissimum sibi virum perquirendum statuit. de quo sollicitus cum inuestigaret: sapientissimo consilio fecit, ut Ioannis Matthæi Giberti olim Veronensis Episcopi alumnum deligeret. Cum enim vir ille, clericalis vitæ, ac administrationis episcopalis egregia laude non multis ante annis floruisset; & ante Concilium Tridentinum fuisset ecclesiasticæ disciplinæ eo sæculo in Italia restituendæ facile princeps: nihil aptius, meliusue cogitare Carolus posse videbatur; quam, ut virum tanti Episcopi consiliorum participem, actionum adiutorem, institutorum peritum sibi adscisceret: ut consilia sua, ex sacris Concilij præceptis, & ex præcipuo illo animi sui lumine concepta, cum iis coniungens; præstantissimam efficeret, Domino in primis iuuante, regendæ ecclesiæ rationem. Accersiu itaque, Cardinali Nauagerio Veronensi Episcopo concedente, Nicolaum Ormanetum presbyterum, & iuriconsultum Veronensem; qui non solum fuerat Ioannis Matthæi Vicarius; sed cum Reginaldo Polo Car-

Ecclesiæ suæ
absens consul-
lit
CAP. VI.

Nicolaum Or-
manetum præ-
stantem virum
ad se accersit.

dinali sedis Apostolicæ Legato, in Anglia, rebus illius ecclesiæ componendis operam dederat; & Concilij Tridentini actionibus interfuerat: tunc autem ab humanis cupiditatibus alienus, populum quendam in diœcesi Veronensi sacra regebat auctoritate; & paruum gregem bonus pastor, sancte, quieteque pascibat. Sed cum Dominus nihil eiusmodi cogitantem euocari, eiusque virtutē ad Mediolanensis, atque adeo vniuersæ Ecclesiæ vtilitatem, in apertum proferri voluit. Romam cum venisset, Carolus amantissime accepit; & pro sua ardenti gregis charitate, de ecclesia administranda, deq; omni sacra disciplina ex Tridentinis præcipue decretis restituenda, cum illo plene, assidueque communicauit: vt pleriq; iis diebus mirarentur; id tēporis cum eiusmodi homine consumere, qui orbis Christiani tot, tantaq; negotia sustineret. Inde illum Mediolanū dimisit: quo iam anno ante clericos miserat ex societate I E S V, Benedictum Palmium in primis, magno ardore, atq; eloquentia concionatorē. qui omnes tāquam exercitati milites procurrerent; in sua quisq; muneris functione Duci viam pararent; belliq; initia susciperēt; quod grauissimum, & turbulētum cum deprauatis hominibus, demonibusq; futurum erat. plurimi enim ex omni genere vitiiis erant contaminati: rerumq; salutarium tota ratio in ciuitate, in agro, in omni denique prouincia maxime perturbata. nam cōtinuata, paucis annis exceptis, circiter octoginta annos Pastorum absentia; magnam ad diripiendum, dilaniandumq; gregem, adiutum bestiis immanibus reliquerat: obscuratis vbique præsertim ex diuturna temporum calamitate, sacræ disciplinæ custodiendæ, tuendæque luminibus. Ecclesiastica administratio, animarū curatione fere prætermissa, ad iurisdicendi munus, litigioforumque clericorum controuersias dirimendas, redacta erat. atque vni Vicario, tantum otij scilicet à negotiis dabatur; vt etiam rebus ludicris frequenter posset operam dare: sed ipsa quoque iurisdictio, iudicium, siue incuria, siue ignauia, violata magna ex parte fuerat, & imminuta. Cleri mores in vniuersum, siue domos spectares, siue ecclesias, misere corrupti: luxuries adeo libera, vt cautionem contemneret. sacerdotiorum multorum vecti-

galia

*Ormanetum
Mediolanum
dimisit, quo
iam clericos
Benedictum
Palmium Con-
cionatorem
egregium, ex
Societate IESV,
pamiserat.*

*In quo rerum
statu discipli-
na ecclesiasti-
ca Mediolani
effecit constituta*

galia vni assignata; eaq; ad profanum splendorem pro cuiusque gratia expetita: sacra munera ab iis, quorum essent, neglecta; ab aliis ad egestatem sustentandam, non tam pro viribus, quam pro inopia quaesita. vtraque sæpe vitio, contraque sacrorum canonū præscriptiones impetrata. si quæ litteræ; non ad salutem, diuinarum rerum scientiam; sed ad lites, & iudicia comparatæ. sacrorum munerum functionibus, sacrificiisque ipsis obeundis, tamquam vulgarium clericorum officiis, nobiliores abstinere: profanis negotiis implicari. ædes sacræ ex parte maxima deformatæ; debitoque diuinorum officiorum cultu destitutæ: sordida suppellex: reliquæ, aliæque sacræ res indignis modis habitæ. Cōcionatores ad eas res fere intenti, quæ, vt Apostolus monet, ad concertationes potius, quam ad rectam vitæ institutionē valent. Hæc omnia qualis populi vita consequatur, ignorat nemo. annuus tātummodo sacramentorum vsus; ac in plurimis ne annuus quidem. sacra officia, immo ecclesiæ ipsæ parum à clericis, multo minus à laicis frequentatæ. criminum, quæ sacra potestate puniuntur magna licentia: adulteria multa, cōcubinatus, vsuræ. sed eius temporis miseræ distinctius ex Caroli gestis apparebunt. Manebat certe Mediolanensium illa procliuis ad virtutem natura: erant piorum hominum sodalitia, aliaque vetera instituta multa; quæ singularis cuiusdam bonitatis, ac pietatis significationem dabant; exterisque hominibus à Carolo missis magnæ erant admirationi. Religiosorum hominum congregationes multa salutis habebant adiumenta. Clerici, qui Paulo Apostolo duce, ac patrono, cœnobiticam vitam apud ecclesiam sancti Barnabæ iam instituerant, religiosæ, spiritualisque vitæ rationem præcipuo studio reuocare, atque inducere conabantur. rerum caducarum contemptum non solum verbis publice faciendis; sed etiam seuera admodum vitæ ratione docebant: & corū, quæ Deus pro nobis pertulit imitatione, acriter sæpenumero inflammati, ea publice faciebant, quæ ad homines præsentium bonorum amantes acriter cōmouendos, vehementer valerent. Verū, vt hi magnū numerū ad optimas christianæ vitæ exercitationes adduxissent; nullo tamen publicæ potestatis subsidio; ple-

Mediolanensium natura ad virtutem procliu.

Clerici regulares S. Pauli quæ officia Mediolani præstarent.

risque etiam repugnantibus; vix quidquam consequi potuerant, quod vniuersæ ciuitatis mores immutaret. nam & ipsi religiosi ordinis homines eiusmodi vitæ spiritualis instaurationi, nouitatis nomine sæpe sunt aduersati: tanta vis est prauæ, ac inueteratæ consuetudinis; quæ vetustissima quoque pietatis officia, vt res nuper inuentas, malasque respuit, ac aspernatur. ex ceteris quoque ciuitatis bonis, multum extabat fructus salutaris; at non is tamen, qui tam magnas tollere corruptelas posset. Commodissime autem videtur euenisse; priusquam ipse Carolus veniret, Ormanetum ad ecclesiam administrandam mitti: vt cum multa ex iis, quæ æquiora sine dubio essent, ille assequeretur; multa etiam dissimulare, multa tolerare; leniter omnino ad reliquam, perfectioremque conformationem animos præparare posset. nam plena, repentinaque correctio sine magna perturbatione, ac periculo induci posse vix videtur. Carolum autem ipsum præsentem in multis, grauibusq; conuiuere; tum eius amplitudine, potestateq; indignum erat; tum futuræ etiam administrationi non mediocriter incommodum: quæ ex seueris, acribusque initiis multo facilius ei futura erat; quemadmodum exitus comprobauit.

Quæ Ormanetus egit in administratione ecclesiæ Med. C A P. VII.

1564.

*Philippus Rex
Prouinciarum
suarum Præf-
ectis & decreta
Tridentina sy-
nodi seruari
eurent, iubet.*

IN suam igitur administrationem ingressus Ormanetus mensē Iulio anno à salute M. D. LX. iiii. quid egerit breuiter attingendum puto: vt cuius ædificij ratio latius hoc libro describenda est; eius quo modo iacta sint fundamēta prius ostendam. Ac primò quidem præcipua quædā capita tantummodo, ad vitia coercenda, ecclesiasticamque disciplinam restituendam, prudenter aggressus est; eaq; fere Cōcilij Tridentini auctoritate sancita; quibus qui resisteret, nō ita facile, vel nullo modo potius posset excusari. nam & Philippus Rex, ac Mediolani Dux omnibus prouinciarum suarum Præfectis iusserat; vt quæ eumq; Tridenti cōstitutæ erant, omnino seruari pro eorū facultate curarent; ecclesiarum Antistites, quibuscumq; rebus possent, in iisdē perficiendis iuuarent; & prouinciæ Gubernator Gabriel Couius Dux Alburcherchij, Senatusque Mediolanensis, ad omnia in eo genere peragen-

peragenda pie se paratos ostendebant. Primò igitur Ormanetus omnium Ambrosianæ ecclesiæ clericorum synodū, paulo post aduentum suum conuocauit: vt Ecclesiarum ministros; eorum cōditionem, ac statum; tum ius habendi sacerdotij recognosceret: iis præsentibus, quæ ad vsum pertinerent, deliberaret: quæq; seruanda essent, denunciaret. Habet vrbs Mediolanensis ecclesiæ animarum curatione insignitas, seu parochias ad septuaginta. alias octo, quæ canonicorum collegiis coluntur. Extra urbem vero sunt parochiæ circiter septingentæ; collegia multa. cumque à reliquis partibus haud ita late diœcesis pateat; quæ spectat ad Aquilonem; quamuis Comensis ecclesiæ finibus ad viginti millia, & amplius partim teneatur; longe tamen etiam funditur ad regiones Verbanī lacus: tum vero obliquo, longissimoque tractu ad alpes pertinens, ad passuum circiter centum millia ab vrbe progreditur; multumque earum regionum capit, quæ sub Heluetiorum imperio sunt: ac montibus, vallibusque multis impedita, vias incommodas, atque asperas habet. Urbis igitur, atque agri sacerdotibus conuocatis, qui numero fuere circiter mille ducenti, synodum habuit Ormanetus. in eo sacri Tridentini concilij decreta publice recipi, fidemque catholicam singulos profiteri iussit: tum denunciauit; vnam cuique presbytero retinendam ecclesiam cum animarum cura; & in illa ci residendum: ceteras vero quamprimum dimittendas. de seminario clericorum constituendo egit; vnde ministri moribus, & doctrina idonei ecclesiis suppeditarentur. de honestate clericorum in vestitu, in habitatione, in consuetudine quotidiana; in quibus varie, grauitèrque peccabatur; nonnulla constituit. quibus de rebus tum decreta recitata sunt; tum Palmius grauíssimas, liberasque conciones habuit. Sacerdotes deinde omnes qui passim antea nullo scientiæ factò periculo, nulloquè testimonio confessiones audiebant, eo munere interdixit; nisi prius, ab ipso essent probati; quod tempori cedens, tunc quidem leniter fecit. Legitimas inquisitiones, approbationesq; de iis qui sacris initiandi essent, restituere cœpit. Urbis, partimque diœcesis ecclesias visit, & recognouit. quarum malis tamen plurimis, & graui-

Quorū Mediolani, tum in diœcesi sunt parochia.

Synodum diœcesanam Mediolani celebrat Ormanetus.

Urbis, diœcesisque ecclesias recognoscit Ormanetus.

simis haud mederi plene poterat; tum ob idoneorū presbyterorum paucitatem; tum etiam ob sacrorum vestigaliū tenuitatē; quæ magnis pensionibus detractis, diminuta, atq; adeo, exinanita erant. Hæc omnia licet tum veterū, tum Tridentini Cōcilij canonum sanctionibus constituta essent; nonnulli tamen, vt est eorū cœcitas, qui in prauitate sunt obfirmati, pertinaciter recusare; publice reclamare; Vicariū, & concionatorem accusare; ad Senatū cofugere; de procuratorem mittendo, nunc Romā ad Pontificem, nunc in Hispanias ad Regē, dictitare: secreto etiā per literas absque nomine scriptas Vicario minari; aliaq; tum absurde, tum improbē tentare. Sed hæc licet magnā religioso Vicario molestiam exhiberent; illum tamē à partibus suis fortiter agendis minime detertere potuerūt. Seminarij causa, quamquā Tridentino decreto sumptus ex sacris facultatibus suppeditandi erant; quia tamē clero vix quidquam adhuc extorqueri poterat; quin etiā multi actis conuenticulis, obstinate optimo, & antiquo instituto repugnabant; Carolus necessariā pecuniam dari iussit. Multa quoque fecit Ormanetus in disciplina virginum, quarum cœnobია in vrbe, ac diœcesi sex, & quadraginta Archiepiscopali auctoritate reguntur, restituenda. quæ quidē pluribus locis valde corrupta erat; tum in vitæ communiter, æquabiliterq; agenda ratione; tum in ædibus vndiq; clausis habendis, & in admitteendis ad colloquutionem exteris. curauitque illas per probatos sacerdotes, qui à confessionibus essent, quæ ad eas concionarentur; tum etiā per alimentorū subsidia ex Caroli pecunia suppeditata, ad religiosos mores, & ad spiritualia studia reuocare. Quo in genere multa executus ipse; Caroli auctoritate alios etiā Veronensis ecclesiæ presbyteros; & Ioannis Matthæi olim administratos accersuit; quorum consilio, atque opera, tum in alijs; tum in hoc præcipue negotio vsus est: & per eos optima virginalis vitæ in cœnobijs agenda iecit fundamenta: idque ex Tridentini Concilij constitutionibus; ex Veronensis ecclesiæ institutis; & ex ea, quæ iam in sancti Pauli cœnobio Mediolani ante vigeat, disciplina. Institutum illud fuit eodem tempore, quo clericorum sancti Pauli Congregatio: eorumq; consilijs, atque

opera

Necessariam pecuniam seminario dari ex suis redditibus inbet Carolus.

Qua Ormanetus in virginum disciplina restituta fecit.

opera gubernatum fuit: de quo coenobio Veronēſes illi, quem admodum nuper in corū litteris ad Carolum legimus, teſtabantur; nullum ſe ad id tempus aliud noſſe, quod omni vitę religioſę diſciplina, propius ad optimū, perfectumque ſtatū accederet. quare ex eo poſtea plures Carolus eduxit; & aliis monaſteriis ad eorum mores corrigendos præfecit: ex quibus quędam adhuc in eo munere perſeuerant. libenter autem hæc bonorum virorum teſtimonia cō commemorauī; vt perpetuus ſit, quemadmodum quidem valde cupio, virginibus illis ſtimulus, perfectę diſciplinę conſeruanda. Hęc vt Ormanetus facilius conſequeretur, prudenti conſilio ſacrorū hominū diſciplinam primò correcturus; in populo, magiſtratibuſq; multa pro tempore diſſimulabat; ne quid eius conatibus afferretur impedimenti. Ex ordine ſacro qui videbantur religioſiores, eos vti fratres, amantiſſime complectebatur; eorum exemplo, ſtudiis, atque opera multa perficiebat; in litteris ad Carolum collaudabat; iisdemque gratias agi curabat: quod ille ſtatim faciebat, atque humaniſſime. Sed Ducis quoque, prouincię Gubernatoris, & Senatus pietate non parum in multis adiutus eſt. ab eis ſi eccleſiaſtici homines præſidium peterent, nihil præter officiōſas ad Vicarium preces impetrabant. Ducis autem in primis religioſum animū, in cuiuſmodi piis negotiis, valde ſolebat Ormanetus commendare. inter alia referebat ad Carolum ſcribens; fauiſſe illum ſtatim inſtituto de teſtimonio habitę conſeſſionis, & ſanctiſſimę Eucharitię acceptę, tempore Paſchatis afferendo: familiamq; ſuā id afferre iuſſiſſe. cum ediſta quędam ad penuriā arcendam promulgaret; de eo, quod ad clerum pertineret, nihil attigſſe; Vicario totū ſine controuerſia permiſiſſe. Cōmemorabat item, Franciſcū Ferdinandū Aualū Machionem Piſcarię, qui Mediolani tunc cōmorabatur, ita piis cuiuſmodi inſtitutis aſſenſiſſe; vt ſi quis ex familiaribus peccata confiteri, atq; Eucharitiā ſumere in ea Paſchatis celebritate recuſaret; eū è domo, & ex numero ſuorū exturbaret. Tam multa cum præſtaret Ormanetus, parum tamē proficere ſibi videbatur: eximio enim erat eccleſię bene conſtituendę deſiderio, angebatur animi, quod dum in mādato ſibi nego-

tio progrediebatur, nouas semper incurrebat difficultates; nouosq; sibi excitabat aduersarios: vt illud ex Apostolo sæpe proferre soleret, Vere neminem posse placere Deo, & hominibus: & illud, Nullam humane, prudenterq; agendi rationem iis posse satisfacere, qui corrigi nolunt, quæ res faciebat, vt de suo discessu sæpius Carolum rogaret; quamquam illud in primis in eo spectabat, vt ad parochiam suam Veronensem posset reuerti. dicebat vero, vt magis Carolum moueret; neminem tandem vllam ecclesiam recte regere, ac bene constituere posse; præter cum, cuius est illud proprium, non autem mandatum munus; Atque cum in his omnibus Ormanetus, Palmij, sociorumque; tum Clericorum sancti Pauli consilio, atque opera plurimum vteretur; ex Caroli tamen in primis non auctoritate solum, quæ Pontificis benignitate latissime patebat; sed etiam sapientia, lumine, atque ardore animi valde iuuari se in omni administratione sua bonus senex prædicabat: mirabaturque illum grauissimis occupationibus assidue distentum, longissimas tamen sua manu de Mediolanensis ecclesiæ rebus litteras scribere. Is vero

*Ormaneti
Zelus.*

*Doctorem Virorum
consiliū
Romæ sibi con-
stituit Carolus.*

CAROLVS autem suum vrgeri discessum non desistebat. ac de Episcoporum prouinciæ Mediolanensis concilio, per antiquiorem Episcopum saltem, si per se non posset, celebrando, omnino constitutum habebat; in quo sacris antiquis legibus nuper eo de genere Tridenti renouatis pareret; prouinciæ statum perfectius cognosceret: & de emendatione, constitutioneq; rerum omnium; quæ opus erant; quæque iam magnam partem in animo habebat, auctoritate concilij plene decerneret. At post moras, impedimenta; varia, obtinuit à Pontifice tandem, quod diu

Carolus Mediolanum venit, & conciliū Episcoporum celebrat.

CAP. VIII.

diu cupiebat. Id vt honorificentius ei, atque facilius eueniret; non solum Pontifex Legati dignitatem in Bononiensi ditione, prouincia Romandiola, ac Exarchatu Rauennæ contulit; quam antea quoque tenuerat: sed in tota quoque Italia Legatum à latere suo dimisit. Hic minime alienum existimo, reliquos item Caroli honores, munera, facultatesque recensere; quibus, cum haberet, insignis fuit, & cum dimisisset, insignior. Cardinalis igitur, Legatus, idemq; Archiepiscopus noster; ecclesias nō minus duodecim in variis regionibus Abbatis, Cōmendatariūque nomine tenebat: & ecclesiæ S. Mariæ maioris Vrbis erat Archipresbyter. Amplas pensiones variis in prouinciis, aliasque sacras facultates obtinebat. Caluentianum sacerdotium addiderat iam fabricæ collegij Ticinensis; quam ante annum opere magnifico cœperat. supremo paulo post sacræ poenitentia munerī à Pontifice præesse iussus est, summa omniū approbatione: qui tali Præfecto, sacrosancti Magistratus optimam administrationem maximo per vniuersam Ecclesiam pietatis fructu, restituendā, sperabant. neque eos fefellit opinio; omnes enim eius partes, multo tempore, licet absens, opera eorum qui Romæ res eius gerebant, & Pontificia in primis auctoritate, religiose conformauit. Delatum est etiam à Pontifice quandoq; Camerarij Apostolici munus: quod ille, amicis nonnullis tacite indignantibus, pia de causâ recusauit. Aronæ Comes cum esset; Vritanæ quoq; vrbis, ditionisque à Philippo Rege, Princeps erat, dum viueret, constitutus: vnde aureorū circiter decem millia annua exigebat. Romaniani Marchionatum Federico Ferrerio cognato ante donauerat. Instructas triremes, quæ in eū à Federici fratris morte peruenierant, quæque stipendia in classe Philippi Regis, ad viginti millia aureorum merebantur, tamquam à suis studiis valde alienas iam vendiderat. Lusitaniæ Regnum, & Helueticæ gentis septem pagi catholici in eius erant clientela; quibus non multo post Germania inferior addita est. Vniuersus ordo Franciscanorum, Carmelitarum, Humiliatorū, & item canonicorum regulariū sanctæ Crucis Conymbricensis: præterea sacri milites, tum Hierosolymitani, tum Iesu Christi Lusitaniæ, eius tutelæ fuerūt.

Legati à latere dignitatem in tota Italia illi confert Pontifex.

Caluentianum Sacerdotium Ticinensi collegio addidit.

Camerarij Apostolici munus recusat, multis se abdicat.

Quot tum Prouincia, tum religiosorum ordines illius clientela commendati fuerint.

commendati. Annuorum reddituum summa, quæ per id tempus fuerit, non satis definite potest affirmari. & emolumentorū tamen omnium habita ratione, ad nonaginta millia aureorum nummum videtur quandoque peruenisse. Ad modestum animi sensum, eius litteræ, tunc ad Ormanetum scriptæ ostendebant: quibus de vitæ suæ ratione in itinere, Mediolaniq; tenenda singillatim monebat; & præscribebat: Cupere se comitatu modico, cultuq; modesto Mediolani esse; vbi, vt Episcopus, exemplo ceteris esse deberet, ad inania humanæ vitæ studia fugienda. Si ibi daretur permanere, progressurum se multo magis in vſitato vitæ cultu extenuando: Sed Romam redeundum cum esset; mediam quandam viam sibi tenendam: & eius tamen vitæ, ac disciplinæ specimen esse dandū, quàm sibi iam constanter proposuerat. non posse familiares suos, tunc quidē, cum minorem comitatū cuperet; tamen non secum ducere variis de causis amplius centū. velle, sibi duo tantū, aut ad summum tria loca pannis ornari minime pretiosis: non argenteis vasis in mēsa, sed fistilibus vrī: & ciborū rationem ad frugalitatis, temperantiæq; normam moderari. Episcopos omnes sibi statuisse hospitio suscipiendos; tum quia commodius id esset ad synodi negotia tractanda; tum quia hospitalitatis officium sibi, vtpote Episcopo, maxime conuenire intelligebat; præsertim erga fratres suos: quos quemadmodū nullo ambitioso apparatu excipere volebat, ita cupiebat omnibus fraternæ charitatis officiis amplecti. Ad omnia se admirabili diligentia parauit, quæ opus erant; ad vr̄bis ingressum; Episcoporum conuocationem; vitæ rationem; hospitem commoditatē; concilij actiones. Constitutionū synodaliū materiā maxima ex parte, tum ipse Romæ iisdem consiliariis adiuuantibus parauerat; tum Mediolani per Ormanetum ex præſenti rerū statu colligi iusserat. Plures Theologos ex variis religiosis ordinibus; tum alios iuris pontificij peritissimos, ad se accersiuit; in iis Scipionem Lancilotum, nunc Cardinalem; Ioannem Baptistam Castellium, & Michaëlem Thomasium, postea Episcopos; qui in Concilij Tridentini actionibus cogniti, & probati erant: quorum omnium præstanti doctrīna, quæ in Concilij decretis confi-

*Quo comitatu
Egculu Me-
diolani esse cu-
pit.*

*Admirabilis
eius diligentia.*

*Viros in Theo-
logia, ac virosq;
iure præstantes
ad se accersit.*

conficiendis oporteret, explanarentur, adduxit etiam familiares suos, viros eruditione, ac eloquentia præstantes; Siluium Antonianum, cuius virtute ac doctrina nunc vtitur in grauissimis rebus Apostolica Sedes: Ioannem Baptistam Amalthæum, Iulium Pogianum. Roma igitur profectus; Bononiæ multa de munitionibus, de finibus, de publicis iudiciis, ad eius urbis, & ditionis utilitatem auctoritate Legati triduo constituit: ad Nontulanam ecclesiam venit; & quasi synodum clericorum habuit; ut si quid opus esset, pro suo Abbatis munere constitueret, corrigeretue. Toto itinere, summo licet honore Principum, & priuatorum officiis exceptus; Præsules, & ecclesias suo intentus muneri circumspiciens, quid absentia pastorum incommodi, quid præsentia fructus afferret, obseruabat: in quo & disceret ipse, & si quid iis opus esset, Pontifici referret. Singulari demum, & pene incredibili amoris, & obseruantia significatione, ciuis, & Pastor exceptus est à Mediolanensibus suis. præcipua namque lætitia quædam, atque hilaritas eius aduentus, ingressusq; tempore, in omnium vultu, atque ore versari videbatur. ac memini me tum adolescentulum audiisse, qui eo ciuitatem ingrediente prædicarent, alterum Mediolanensibus Ambrosium aduenisse. Urbem ingressus est die dominico IX. Cal. Octob. anni à sal. M. D. Lxv. cum xxvi. ætatis annum ageret. Triumphales portas, symbola, elogiarque honorificentissima; ac viarum ornatus, non est opus explicare: è Basilica Regum, quæ nunc Eustorgiana est, de more mitra, & ceteris Pontificalibus indumentis ornatus prodiit. albo equo, stragulis coloris eiusdem sericis adhibitis, insidebat. Confaloneria familia; cuius illud est ius, & institutum; nobiles viri, rubeco, & splendido vestitu pedites eum cingebant: sericum umbraculū itidem albū, sublime super eum ferebāt. clericis, & monachis ordine præeuntibus, ad maiorem ecclesiā sacra solemnī pompa processit. Dux, cū Senatu, & aliis Magistratibus, & omnī fere nobilitate comitatus est: vniuersa ciuitas concurrat: reliqua acta, atque adhibita pro ritu consueto. Proxima die dominica, celeberrima sacrosancta Missæ solennia cum, ut par erat, maxima omnium ordinū frequentia, in maiori templo perageret: ad

*Qua Bononia
& aliis in itinere fecerit.*

*Qua amoris,
& obseruantia
significatione,
quoniam apparuit
à Mediolanensibus fuerit
exceptus.*

1565.

*Missæ solennia
in summo templo
peragit,
Concionem habet.*

De synodo provinciali celebrando est sollicitum.

Im Archiepiscopi Mediolanensis quousque patuerit.

Qui Episcopi ad provincialem synodum Mediolanum venerint.

altare sedens concionem habuit, nouo plane eius temporis exemplo, de rebus salutaribus ad populum. Interim quæ synodi causâ oportebat, inter assiduas ciuium salutationes magno labore curauit. quarum rerû causâ iam tum cœpit, neque somno, neque ceteris viræ commoditatibus parcere. Varia munera tum Episcopis, tum aliis assignauit, ad ea quæ opus erant primo definienda, mox in synodo constituenda; quæ hoc loco enumeranda non videntur. Patuit multo latius olim ius Archiepiscopi Mediolanensis; eiusq; prouincia multo fines habuit ampliores. quidquid enim cisalpina Gallia, Liguriaque continēbatur, ad Mediolanensem metropolim creditur fere pertinuisse; immo nonnullæ quoq; aliæ ciuitates. nam S. Barnabas, cum ad has partes diuini Euangelij præceptis ad salutem informandas venisset, vt multis argumentis, testimoniisque testatum est, quæ aliàs latius explicari poterunt; Mediolani vt in primaria totius regionis vrbe præcipue confedit; & ex ea ceteras ecclesias per se, perque discipulos suos, vt mos fuit Apostolorum, instituit: quæ postea semper Mediolanensem, vt matrem agnouerunt; quamdiu, qui id poterant, aliud non decreuere. Ad synodum autem à Carolo celebratam venerunt hi Antistites, Bernardinus Scotus tituli S. Matthæi presbyter Cardinalis Tranensis, Episcopus Placentinus: Vido Ferrerius Cardinalis, & Episcopus Vercellensis: Hieronymus Vida Albenensis: Mauritius Petra Viglebanensis: Cæsar Gambarà Dertonensis: Scipio Estensis Casalensis: Petrus Costatarius Aquensis: Dominicus Bolanus Brixienis: Nicolaus Sfondratus Cremonensis, ad Apostolicam sedem postea ob eximiam pietatem elatus: Hieronymus Gallaratus Alexandrinus: Federicus Cornelius Bergomensis. Excusatos vero se variis de causis haberi petierunt, Ioānes Antonius Capisuccius, tituli sanctæ Crucis presbyter Cardinalis, Episcopus Laudensis: Ioannes Antonius Serbellonius tituli sancti Georgij presbyter Cardinalis, Episcopus Nouariensis: Gaspar Caprius Astensis: Ioannes Ambrosius Hiscus Sauonensis. Intimiliensis ecclesia tunc Episcopo vacabat. Placentinus Episcopus adhuc sub Mediolanensi Archiepiscopo esse affirmabatur; ille autē negabat. saluis tandē

vtri-

utriq; parti iuribus suis, Placentinus tantum ex Tridentino decreto, metropolim Mediolanensem concilij provincialis causa sibi elegit. In eadem causa esse dicebatur ecclesia Ticinensis; sed nihil est confectum. Alij quidam longinquiores itidem sunt vocati, de quibus nihil actum est. Prima sessione concilij Patres ab ædibus Archiepiscopalibus, Senatus ad maiorem Basilicam comitatus est: Missæ Gubernator interfuit. mox Palmius de ecclesia ordinanda grauitur concionatus est: Carolus latinam orationem habuit de conciliorum provincialium instituto, & necessitate. alia sunt acta, quibus alter quoq; dies consumptus est: inter ea fuit lectio omnium canonum, & decretorum Concilij Tridentini, publicaque eorum receptio; tum fidei professio, quam vnusquisque obiit singillatim. aliis sessionibus Ambrosiano ritu Missæ ab Episcopis celebratæ sunt; & decreta synodi suo quæq; loco promulgata. Postrema vero Cardinalis alij duo, Bobba; & Castillonæus honoris gratia affuerunt. & Carolus fratres Episcopos ad ea perficienda, quæ constituta fuerant, & ad Episcopi munera sancte obeûda latina oratione cohortatus est. Habuit actio eiusmodi fructum pietatis maximum. elucebat in amplissima dignitate, Præsulum, & Caroli in primis pietas, modestia, vitæq; sanctitas. ac non solum tantæ hospitalitatis officio; sed amplis elemosynis in clericos, aliosque egenos; in Ecclesias sacraque collegia cõferendis, præclara piæ liberalitatis edebat exempla. de rebus ad salutem pertinentibus sacri oratores, quotidianas ad populum conciones habebant: qui multitudinē post hominum memoriā maxima confluebat. proferebantur decreta ad cleri, populique mores componendos aptissima, atque illustria. reque ipsa à vitiis, & corruptelis, sacri, profanique homines, alij exemplo, atque honestate commoti, pars metu poenæ sese abducere diligentius studebant. obseruabant pij omnes, etiam ex longinquis prouinciis, ac mirabantur in Carolo, tamquam in omnium oculis collocato, animi religiosum ardorem; qui tali ætate, tali apud summum Pont. & sanguinis, & amoris loco; nihil tamen videretur aliud, quam commissi gregis custodiam, & perfectæ vitæ sacerdotalis officia curare. cum

*Qua in prima
sessione sine
alia.*

præsertim noua tunc satis esset ea disciplinæ ratio, quam sibi, ceterisque Carolus decretis instituebat, ac exemplis. Sed tantarum quoque rerum restituendarum vt se darent initia, plurimi expectabant. amici Carolo multi etiam ex iis, qui in summis gradibus sedebant, solliciti erant vehementer; ne, quæ tali tempore singularis ecclesiæ putabatur ordinatio, ac emendatio morum; vsu ipso non sine dedecore careret: propterea quod corruptis consuetudine animis, plerisque difficilis admodum, videbatur: & ex voluntate, virtuteque sua quisque, vel ipsam rerum naturam fere solet metiri. Carolus vero diuino auxilio fretus, spe maxima erat; maximoque animo omnia aggrediebatur, obibat, exquebatur; neque spes eum fefellit: ea namque fuit, Deo ita prouidente, omnium ad quos pertinebat, in ea actione voluntas, & consensus; vt omnia prorsus feliciter euenirent. Gubernatori vero ipsi Carolus in primis mirificum pietatis testimonium tribuebat: qui licet religiosi animi laude, quem sua sponte rebus omnibus egregie præstabat, non sit fraudandus: plurimum tamen effecisse, dubium non est, Philippi Regis voluntatem; qui magnam voluptatem, fructumque ex iis Caroli consiliis, actionibusque se capere cum affirmaret; præfectis etiâ suis iusserat, vt ei omni officio, studioque suo præsto essent. His igitur de causis, qui actionis illius initia primo verebantur, exitum postea videntes, incitabantur ad imitationem. Pontifex ipse singula, quæ agebantur audiens, maxime lætabatur: etenim videbatur eo tempore Caroli studiis eiusmodi magis, quam antea fauere: ac Sirleti Cardinalis consuetudine pene assidua delectabatur. Atque inter alia de concione intra Missam habitacum accepisset; palam dixit, sibi quoque, & Cardinalibus idem esse faciendum. cui quidem quam grata illa omnia fuerint; eius hæ litteræ ad Carolum scriptæ testantur.

*Pontifex ex
Caroli gestis
maximam ca-
pit voluptatem*

*Pij Quarti li-
teræ ad Caro-
lum.*

IVCVNDISSIMAE nobis fuerunt litteræ tuæ omnes; sed postrema inter ceteras, quas ad nos xviii. huius mensis die dedisti, tum de omni synodi istius felici progressu, tum præcipue de Tridentini Concilij decretis publice receptis; de istorum populorum preparatione ad ea om-

nia

nia accipienda, quæ in synodo constituentur: & de prompta item Gubernatoris, et aliorum Serenissimi Regis Catholici ministrorum voluntate; qui ad rerum decretarum vsum, studium, atq; operam suam omnē pollicentur. Quæ in re diuinum auxilium perspicue agnoscentes; quod ardenti, optimoq; desiderio tuo, ad omnium rerum prosperitatē, præsto est; te commendamus; hortamurq; ut leto animo pergas optima cōstituere, & quæcumq; possis laudabilia exempla edere. postea opportune Tridentum versus honoris causa obuiam Principibus fæminis procedas; aliq; præstes, quæ nos velle nosti. omnia autem te pro tua prudentia, & bonitate facturum non dubitamus, Dominus noster te seruet. Roma v l. Calend. Nouembris M. D. Lxv.

His rebus celeriter gestis; Carolo quamprimū Romam erat redeundum; ita iubente Pontifice in primis: sed postulantibus etiam rebus ipsis, negotiisq; ad vniuersam Ecclesiam pertinentibus: in quibus illud præcipuum erat, & grauissimum; vt in Tridentini concilij decreta conseruanda, contra frequentes, ardentesq; multorum postulationes incumberet. Illud tamen est interpositum moræ; quod Cosmi Florentiæ, Senarumq; Ducis, & gentilis sui rogatu, Pontifex, cum proficisci Tridentum iussit, ad Ioannam Maximiliani Imperatoris sororem excipiendā, quæ Francisco Cosmi filio; & cum ea sororē Barbaram, quæ Alphonso Ferrariæ Duci, desponsa erat. Dum autem Italiæ Cæsaris sorores appropinquarent, paucos alios dies amplius nactus, nouos Carolus excepit labores. ecclesias, & sacra collegia multa canonicorum, ac virginum lustrauit, ac recognouit: iis quæ in synodo constituerat, efficiendis, operam dedit. cadauera, quæ alte in ecclesiis collocata erant, deponi iussit; & in primis, quæ Mediolanensium Principum fuerant: de legibus quibusdā publicæ vtilitatis causā ferendis egit; de illa inter ceteras, quæ sumptibus moderaretur: de qua tamen nihil confectum est, ob iniecta quædam ex humanis rationibus impedimenta. Regiis demum fæminis obuiam profectus, ex itinere Episcopi Giberti illius inductus memoria Veronam venit: cum ei præsertim ecclesiæ tunc Augustinus Valerius Episcopus, quem diligebat valde, atque obseruabat, præesset. Ibi summo studio, parique animi

Romam proficiscitur. Pontifice mortuo, creatur Pius Quintus.
CAP. IX.

Maximiliani Cæsaris sorores iussu Pontificis recipit.

animi submissione de Præfulis ipsius, ecclesiæque institutis; de multis administrationis ecclesiasticæ partibus, exquisiuit: Giberti olim familiares, & alumnos diligenter interrogauit: quibus enim se totum tradiderat, omnia curæ Pastoralis officia plene studebat condiscere. Dum autem Florentiam Ioannem deduceret; circiter Nonas Decembris accepit de graui admodum Pontificis morbo. tum relictis omnibus, cursu Romam contendit: atque ita mature peruenit; vt auunculo adhuc uiuo, non modo extremum suæ præsentix solatium afferre, sed ipsa diuina salutis instrumenta necessario tempore potuerit adhibere. Ibi dicitur ante omnia statim medicos ad se vocasse, petiisseque, num spes vitæ reliqua esset: quibus negantibus; tum adisse Pontificem, dixisseque; nihil petiisse antea vnquā, quod ab eius benignitate non accepisset: vnum adhuc petere, quod omnium minime sibi negari vellet. cum annuisset Pontifex; enixe petit, atque obsecrat; quando spes vitæ prorogandæ omnis erepta esset, nihil aliud penitus eo tempore vellet, quam quæ ad animæ salutem pertinerent, cogitare. tum vero effecit, ne alius quifquam, vt sæpenumero fit, aliena ingereret, molestiamue exhiberet. ac piis sermonibus, mira animi fortitudine, cum consolatus; sacra diuini viatici, & extremæ vñtionis subsidia præbuit: neque aliquo pietatis officio defuit, vsque ad extremum spiritum. In quo & accommodatam summo Pœnitentiario muneris functionem; & egregiam in auunculum, patremque summum pietatem; tum vero præclaram iuuenis humana cuncta despicientis constantiam licuit agnoscere. Pontifice vero Id. mensis eiusdem mortuo; ad noui Pontificis creationem ita se conuertit; vt incommodorum suorum, quibus pro humana cōditione vehementer angere debuerat, prorsus videretur oblitus, erat autem præcipua illius in eo negotio auctoritas; ob magnum in primis Cardinalium numerum, qui à Pio creati, eius ductum erant de more secuturi. Atque ita se ille comparauit; vt neque hominum voluntatis, quicumque illi essent, siue Principes, siue alij; neque vtilitatis propriæ sibi rationem esse habendam statueret; quo diuinæ gloriæ, ac communibus Ecclesiæ commodis inferuaret;

Audio Pontificis morbo Romanam contendit.

Moritur Pontifex, & ad nouum creatum, animum conuertit.

inferuiret; remq; omnium grauissimam castissime admistraret, itaque & in itinere, cum tentaretur à Principibus amicisq; viris; quidquã agere penitus recusauit; religione sacrarum legum impediri se affirmans, ne viuo Pontifice de successore ageret: neq; illo mortuo, eos audire voluit, qui rationes, vtilitatesque humanas sequi viderentur: quamuis homines vulgari prudentiã, cupiditatibusque dediti, factum eius reprehenderent; pertinciãque scilicet, aut immoderato religionis studio id tribuerent. Antequam sacrum ingrederetur Conclauẽ; plures ille quidem animo sibi proposuit, qui viderentur Pontificatu digni; neque eum, qui postea electus est, vt eius intimi deinde cognouerunt; prætermisit. sed tamen mentem suam patefecit nemini: immo Francisco Crasso Cardinali, cum intraret, quærenti, quem crearent Pontificem; quem Deus elegerit, respondit; nihilque prætere aliud. Ingressus vero, quotidianis sacrificiis, assiduisque precibus, quantum poterat, opem à Deo in re tanta petebat. atque cum & proprio, & communi aliorum quorundam Cardinalium officio, quibusdam nominationibus satisfecisset; omne dẽmum studium, curam, operamque in eo posuit, vt Pontifex Ecclesiã daretur, qui pietate, vitã sanctitate, doctrinaque plurimum prodesset: qualem inter alios Michaelẽ Ghislerium ordinis Dominicani, Cardinalem Alexandrinum cognouerat, nam & eum amauit, & plurimi fecit semper: & de vitã, atque ecclesiã suã rationibus sæpe consuluit. itaque nulla habita ratione, quid Carasarum ille caussa facere fortasse possẽt, qui à Paulo quarto Cardinalis esset factus; quodue Pio eius auunculo parum gratus fuisset; Marco Sittico Cardinali Altempzio secum adnente, in eius omni conatu creationem incubuit, collegis qui sese ad eum applicauerant, idem persuasit; & eosdem cum res prope perficeretur, secum retinuit; ne sibi forte quis eriperetur, atque ita quod volebat, Deo in primis efficiente, celeriter obtinuit. Creatus est vii. Idus Ianuarij anno M. D. Lxvi. & Pius Quintus appellatus. Carolum in eo administrationis genere non satis peritum sese ostendisse; aut solertem, ideoque quod alij, non quod ipse mallet, euenisse, nonnulli iudicarunt. sed eo-

*Digna Caroli
sententia.*

*Michaelẽ
Ghislerium
Cardinalem
Alexandri-
num, sibi pro-
ponit, qui vt
Pontifex crea-
tur, conatur.*

*1566.
Creatur nouus
Pontifex &
Pius Quintus
appellatur.*

rum qui diuerſa ſentiunt, ſpectantq; , diuerſum oportet eſſe iudicium. minus ſagaciter, vel etiam prudenter cum curaſſe aliquid; & ideo non obtinuiſſe putamus interdum; qui ſibi æquo animo paſſus id fuerit eripi: contra, nec opinantem, & pene coactum admiſiſſe; quod cōſulto ſit ſecutus; ac non libenti ſolum, ſed gaudenti etiam animo exceperit: id quod iis ſapiffime euenit, qui perturbationibus liberi, diuina, non humana ratione ducuntur; pluſque diuinæ prouidentię tribuunt, quam humanis artibus. Illud certum eſt, Pontificem ſanctiſſimum, vel cum rerum ſuarum iactura Carolum quæſuiſſe: ac demum etiam Dei benignitate fuiſſe conſecutum. Eius electionis cauſa magna fuit piorum omnium lætitia, magna Caroli commendatio: & ei Principes, Reges, priuati homines ea de re vndiq; ſunt gratulati. Ipſe vero tali electione lætus; nihil habuit tamen antiquius, quā vt ad eccleſiam ſuam quamprimum pro veteri ſuo deſiderio, & ex Concilij Tridentini conſtitutione, poſſet reuerti: licet eius animi paucos imitatores collegas haberet. A Pontifice maxime diligebatur. muneribus ampliſſimis in Vrbe præpoſitus erat, Principes eandem erga illum voluntatem conſeruabant; neque enim poteſtatis amplitudine, ſed virtute nitebatur: nam & Rex Catholicus Germaniæ inferioris clientelam ei tunc demum vltro detulit. Sed nihilominus ſecedere potius, & commiſſum ſibi gregem cuſtodire; ſimulque ſpiritali, ac epiſcopali diſciplina ſeſe vtilius exercere maluit. immo licet opportunum tempus Romæ, per ſingularem Pontificis pietatem offerretur, multa conſtituendi, quæ ſalutari eſſent toti Eccleſiæ documento, iamque nonnulla eſſent in manibus; immo Pontifex ipſe manere propemodum iuberet: tamen reputans, quanti referret ad ceteros omnes in eo genere commouendos, primarios Eccleſiæ paſtores apud greges ſuos, vt recenti etiam Tridentino decreto ſancitum erat, reſidere; debitumque illis officium coram præſtare; lectiſſimorum etiam virorum conſilio confirmatus; poſthabitis aliis omnibus, conſtituit ad Mediolanenſem gregem redire: concedente interim ea conditione Pontifice, vt proximo reuerteretur autumnō; qua ſe ille cōditione, bona deinceps Pontificis

rificis ipsius venia, rursus inuitatus, exoluit. Prius vero quam discederet; Catechismum, quem auunculi iam auctoritate iusserat inchoari, perficiendum; & Breuiarium item, Missaleque librum restituendum curauit. nonnulla, quæ in prouinciæ suæ concilio statuerat, vt auctoritate pontificia confirmarentur effecit; quo maiori essent robore, eorumque latius pateret auctoritas; de quibus ipsæ pontificiæ constitutiones extant. litteras quoque Pontificis obtinuit ad Principes, in quorum ditione prouinciæ Mediolanensis ecclesiæ sunt; vt rerum decretarum vsum, & totum conformandæ ecclesiæ negotium iuuarent. Quæ quidem omnia, vt obtinerentur, parum habebant difficultatis; cum ipse per se Pontifex ad omnes rectæ disciplinæ partes restituendas animo valde paratus esset; & Carolum plurimi faceret. immo vero eorum occasione, quæ Mediolani confirmanda erant, plura constituit Ecclesiæ Catholicæ maxime profutura. ea quoque Carolus Pontifici; memoriam eius potius, quam voluntatem iuuans, monita libere suppeditauit; quæ utilia in primis indicabat Ecclesiæ Dei. Huiusmodi fuerunt, quæ ab amico Pontifice Cardinalis optime de illo meritis recenti creatione sibi, suisque postulauit, atque impetrauit. Illud etiam in discessu fecit, iam disciplinæ omnis exequendæ, maiori quam antea desiderio accensus; vt nouum familiæ delectum haberet; eamque fere ad homines ei disciplinæ, quam sibi proposuerat, accommodatos redigeret: quorum mores, ex episcopali domo, quasi ex edito quodam loco ceteris exemplo esse possent: quique non tam gratiam hominum, suasque utilitates; quam res Deo gratas, sibi quæ, & aliis vere salutares sequerentur. quæ res fecit, vt magna veteris familiæ pars ab eo discederet: aliqui etiā Mediolanum profecti, postea Romam redirent. sed ille sibi iam, id quod necesse est, humana omnia posthabenda constituerat, vt perfectam sequeretur episcopalis vitæ degendæ rationem.

MEDIOLANVM venit, Nonis Aprilis: ac ad ea perficienda, quæ in prouinciæ concilio anno superiore constituta erant, & ad ecclesiam in omnes partes, ex Tridentinæ synodi decretis

*Catechismum
perficiendam,
Breuiarium,
ac Missale re-
stituendum
cum Pontifice
agit.*

*Mediolanum
reuersus exe-
quitur mune-
ra sua.
CAP. X.*

recte componendam sese cœpit exercere. Iucundissima Carolo erat ea cura; quo tamquam ex maximis fluctibus in portum cōfugerat; non otij quidem, sed eius tamen negotij; quo sicuti numquam aliud magis operosum, assiduumque se habuisse; ita nullum quoque suauius se expertum commemorabat. Mirum autem capiebat ex eo fructum; quod ad meliorem cleri, populi-que disciplinam, ad diuini cultus incrementum, ad domus suæ piæ gubernationem, non mediocres fieri quotidie progressiones videbat. ideoque tum voce, tum litteris quod antea semper affirmauerat, fructus vberrimos, quos Episcopi in ecclesiis suis residentes ad crediti gregis salutem percipere possent, tūc maxime cœpit prædicare. Diuinorum officiorum cultum, in Metropolitana præsertim ecclesia, mirum in modum diminutum, cœpit restituere. sacrosanctæ communionis in primis frequentiam quantum per idoneos sacerdotes efficere poterat, inducere studuit. in ecclesiis passim conciones sacras haberi constituit; tum in ædium suarum sacello vesperi tractatus luculentos, supplicatione, musicaque suauitate conditos; quo magnum ex nobiliori iuuentute numerum, vt pie commoueretur, alliciebat. ex primariis viris conflauit præclarum sodalitium in ecclesia sancti Iohannis, cuius institutum esset, misericordiæ nomine, reos condemnatos consolari, pieque dum ad mortem ducerentur, comitari. His rebus clerum ad officia sua reuocabat; confidebatque fore, vt ad pietatem diligentius colendam ita populus incitaretur; paulatimque sese vitijis expediret. ac breui quidem frequentem ad res sacras, diuinasque, non multitudinis solum, sed optimatum quoque conuentum festis diebus effecit. nam & exemplo suo, rebusque ipsis inuitabat omnes: & principes viros, senatores, magistratus, qui tunc eius domum frequētabant, amiceque, ac pie seſtebantur, cohortationibus excitabat. eodem tempore multa conabatur, quæ ad vitia, corruptelasque publicas tollendas plurimum valerent: de modo sumptibus adhibendo; de Academia, vel alia laudabili otiosæ iuuentutis exercitatione instituenda: de gancis quibusdam ex vrbe, & suburbiis tollendis, in quibus magnum erat vitiorum seminarium; aliisque

eodem

Corruptiosominum mores corrigis.

eodem pertinentibus. Ecclesias, clerumque ciuitatis lustrauit: *Ecclesias, clo-*
 & clerum quidem improvisò, atque ita celeriter; vt dispositis *rumq; Sistas.*
 per vrbis regiones viris, omnia clericorum domicilia, quattuor
 horarum spatio diligenter inspicerentur. Deinde Septembri
 mense, post Virginis solemnia natalitia, exiit ad visendas agri
 ecclesias; vbi plurima passim inuenit, quæ extremo egere vide-
 rentur auxilio; vt tum dolore commotus interdum lachryma-
 ret; tum lætaretur etiam in dolore; datum sibi tandem, vt affli-
 ctis patriæ rebus subuenire, rerumque sacrarum dignitatem,
 quemadmodum concupierat, in antiquum statum restituere
 posset. quod efficere, cohortatione, iussis, animaduersionibus,
 sacris vinculis pro sua potestate soluendis; tum ea cura maxime,
 studebat, vt bonos sacerdotes sibi ascisceret, ac vndique accersi-
 ret: eisdemque, quantæ satis ad vitam, munusque essent, faculta-
 tes attribueret: vt fructuose possent saluti populorum variis
 muneribus inseruire. magnum enim uero, ac præcipuum rectæ
 administrationis momentum; idoneos habere ministros;
 quos non gratia, vel aliena vtilitas obtulerit; sed rectoris ipsius
 studium, & prudentia delegerit. In huiusmodi negotiis incom-
 modus Carolo accidit Ormaneti discessus; qui tum Pontificis
 iussu Romam euocatus est. quamuis autem se tali adiutore pri-
 uatum doleret; gaudebat etiam, quòd is vniuersæ Ecclesiæ ope-
 ram daret apud eum Pontificem, qui ad omnia optima restitu-
 enda paratus, atque incitatus erat. Sperabat enim tanti Patris
 pietate; talibus consiliariis, & ministris; Romanam rem ita
 constituendam; vt magis, ac magis optimis exemplis abunda-
 ret; & in omnes partes lumen vniuerso præferret orbi. Ipse Ro-
 mam eadem de caussa non obscure inuitatus, gregis sui
 amore recusauit: quamquam rerum omnium
 particeps, crebris consiliis, moni-
 tisque operi præclaro ab-
 sens inseruiuit.

*Ormanetus
 Romam à Pon-
 tifice euocatur.*





DE

VITA ET REBUS GESTIS,

CAROLI CARD. S. PRAXEDIS ARCHI- EPISCOPI MEDIOLANI,

Liber Secundus.

Rebus aduer-
sis conflictatus
Carolus in
salutari disci-
plina progred-
ditur.

CAPVT I.



CAROLO quamquam ipsis initiis prospera fere omnia, faciliaque Mediolani cunirent; expectandæ tamen erant eæ difficultates, eaque certamina; quæ paulo virtutis, ac pietatis illustriorem viam ingredienti; nedum incumbenti Episcopo ad corruptos amplissima ciuitatis mores emendandos; solent offerri. Enimvero perennis ille rerum salutarium aduersarius, malorumque seminator, pios conatus omnes semper impedire, omnesque ad salutem aditus obstruere studet. qui iacentes homines sæpe commouet; per se variis cupiditatibus incitatos ad omnem contumaciam, & iniuriam impellit: auaritiæ, libidinis, superbiæ stimulos adhibet, vt religiosis Pastoribus quam acerrimos paret aduersarios, & insidiatores. Cumque illud assidue cogitet Episcopus, omnique studio agat, si modo recte munere suo fungi velit; vt populum sibi creditum à vitiis abducatur; & ad optima christianæ vitæ instituta inducat, & compellat: quoniam hæc humanæ voluptati, cupiditatisque valde repugnant; in plurimos necesse est incurrat aduersarios. pio
nam-

Episcopi munus quale.

Episcopo munere suo fungenti aduersantur multi.

namque in vniuersum, & ad rectam viuendi viam propenso populo, nihil mirum est tamen, variis de causis multas inuehi corruptelas; vitiosos etiam multos, improbosque, nedum à christianæ vitæ perfectione remotos admisceri; in magna præsertim ciuium, externorumque frequentia. Eorum vero plerique qui dominantur in populis, aliam in sua ditione potestatem, & eam sibi quoque imminuentem submoleste fere patiuntur; ac dum Episcopus ius dicit, iubet, coërcet; siue iuris sui tuèdi desiderio, siue alia de causâ inueniunt variis nominibus quod querantur, & expostulent. cum difficile sit non uti, quod in promptu est; legitimi iudicii nonnumquam impatientes vim adhibent; neque satis sacræ potestati suum relinquunt locum. Si Principes, ac domini prætermittant; non desunt administri, qui sese attentos præbent; ut sæpe etiam, quæ illi nec iubent, nec volunt, tamen studiose faciant, quod ita gratiam se ab eis inire putent. Alij vel tacent, timentes, ne dictum contra rem domini, licet sapienter dictum, pro maledicto habeatur; vel loquentes minime audiuntur. Ita in bona, piaque ciuitate; bono item, & catholico Principe; multæ sunt Episcopis tamen paratæ difficultates, multæ sæpe iniuriæ, insectationes, atque adeo interdum cruciatus. neque enim à suis hostibus tantummodo, vel ab Ecclesiæ catholicæ desertoribus, suis Christus Dominus molestias, acerbitatesque imminere pronunciauit. Vbi vitia, cupiditatesque nullæ sint, vbi nulla diaboli facultas; ibi qui repugnent Episcopus habebit nullos: tuncque non erit qui resistat, atque insectetur; cum ipse flagitiosorum pœnas, iusque suum persequi nolit. Cantuariæ inter catholicos inuenti sunt, qui Thomam crudelissime interficerent. Florentiæ, qui Antoninum percutere, non vererentur, optimos, atque sanctissimos Antistites, quibus equidem ciuitatibus non tam obiicere velim, quod in iis Episcopi sint afflicti, quàm gratulari; quod tales habuerint Episcopos. neque tam dolere par est sanctorum ipsorum virorum perpeffionibus, quam lætari præmiis. Similiter de ciuitate nostra Mediolanensi mihi euenisse videtur. nam & eximia eius pietas sanctorum Patrum grauissimo testimonio confirmata, hoc quoque tempore

Sanctorum Episcoporum exempla qui aduersarios persequuntur.

passim

passim commendatur; & Regi optimo, ac religiosissimo Philippo paret: & talis nihilominus Archiepiscopus maximis in ea molestiis est affectus; atque adeo nefarie percussus: quarum rerum culpam ab auctoribus in ceteros deriuare, iniquum esset; qui semper eum religiose coluerunt. Non est autem, cur his omnibus quisquam deterreatur, aut in suo munere languescat sacrorum Antistes. quin potius conditionem esse suam agnoscens, ut imitatione ducis sui Christi, variis laboribus, acerbitatibusque conflictatus, cœlestem palmam ferat: ad animi fortitudinem cum res asperæ incidunt, cum vitæ sanctitate coniunctam, omni ope nitatur; sciens maxime, quanta laboranti, & quam iucunda leuatio; quamque vberes perperasso fructus, diuina benignitate sint parati. Carolus igitur ad ecclesiæ suæ ordinationem, emendationemque quotidie propius accedens; cum laicos homines nonnullos ex criminibus ad forum suum pertinentibus, vocari; aliquos etiam in custodiam dari per suos lictores iuberet; minime ius Episcopo esse quidam dixerunt, laicos absque Magistratuum auctoritate vinciri iubere. qui faceret, ab eo regium ius occupari. immo vero nequelicere contendebant lictoribus suis multis uti; neque vllis omnino, armorum genere quodam instructis, quæ ceteris erant prohibita. Ac cum publice tamen aut scriptura minime resistendum existimaretur; ipsis priuatim sacri tribunalis hominibus verbo interdictum est, ne laicum quemquam auderent comprehendere; neque arma ceteris prohibita gestare. Ad hæc, cum edere Carolus synodi suæ constitutiones curaret, in quibus reperiri multa necesse erat ad laicos pertinentia; id minime ferendum esse, palam dicebatur. Præterea nescio quid à se concessus petendum prius Magistratus contendebant, quàm Apostolicis litteris, iussive quis vteretur, aut promulgaret. Quarum omnium rerum facultatem ad se pertinere consilio iurisperitorum adhibito, Carolus iudicabat; tum ecclesiasticorum canonum auctoritate; tum quia sine ea potestas ecclesiastica minime libera videbatur; neque plene poterat vitiorum licentia coerceri, aut episcopale munus administrari. ut autem omnem perturbationem, quæ publice posset

existere,

*Disceptatio
num inter Ca-
rolum Regis
que ministros
origo.*

existere, quoad fieri posset, impediret; simul, vt opinor, apud se quodammodo magistratus excusans, qui non satis antea plene vim, & effectum sacræ potestatis experti essent; priuatis, amicisque tantum officiis ius suum demonstrare, tuerique studebat. ac Ducis in primis pietate perfecit; vt neque litteris pontificiis quidquam inferretur impedimenti; neque constitutionum synodaliū editioni, promulgationique quisquam resisteret. Harum volumina vndique postulata, & toto pene christiano orbe, breui tempore disseminata, magno vbique vsui fuerunt; ad concilia per ecclesias celebranda; optimasque leges, clericis, populisque eorum imitatione scribendas; quibus christiani mores, religiosaque vita restitueretur. Omnes enim quicumque ecclesiasticæ disciplinæ studiosi erant, eas cupide legebant: & ex eo quasi fonte Episcopi suarum constitutionum scriptionem, gubernationisque rationem deducebant. Pius ipse Pontifex decreta omnia probauit; commendauitque; ac non exiguam eorum partem à religiosis quoque viris seruari iussit, Archiepiscopali potestate solutis. Et vero inter omnia, quæ Carolus postea edidit, prouincialium constitutionum volumina, illud non minus rerum multitudine, ac grauitate, tum explicandi etiam ratione; quàm loco, reliquis præstare omnibus existimatur. tam multa enim libro illo, tamque præclarâ Carolus complexus est, de officio, cultuque Deo, diuinisque rebus debito, siue conseruando, siue restituendo; de retinendæ christianæ fidei cura; de sacrorum munerum functionibus rite, decoreque obeundis; de Episcoporum, clericorumque omnium vita, moribus, officiis; de virginum disciplina; de foro Ecclesiastico: de certis criminibus, & corruptelis in populo tollendis: eaque omnia tam eleganter explicata sunt; vt mirarentur omnes, tanta celeritate Carolum tantam rem conficere potuisse. Sed magistratuum manibus liberatæ constitutiones, in clerum inciderunt; in clerum inquam ecclesiarum vrbis; qui, licet ecclesiæ maioris collegium ab eo pie, prudenterque dissentiret; à decretis appellauit, quæ ad se pertinerent. quod idem fori ecclesiastici notarij fecere in iis, quæ de ipsorum officio statuta erant. Per idem tempus virgi-

*Constitutiones
synodales e-
duntur.*

*Pontifex de-
creta omnia
probat.*

*Quia in decre-
tis synodalibus
contineantur.*

Quæ difficultates in virginum restituentem disciplinam Carolus si passus.

num cœnobia, cum visceret; omniaque sancte conformare, quod Ormanetus antea cœperat, conaretur; ad sacri Tridentini concilij capones, Mediolanensisque synodi præscripta; tum ad eius constitutionis normam, quam ex ipsius Caroli, Ormanetique consilio de cœnobiorum eiusmodi claustris tum Pontifex ediderat: eius item rei multi sese aduersarios intenderunt. Regulares in primis viri pro monasteriis sibi creditis, quæ decem, & octo numero sunt, reclamationum: & ex ipsis virginibus multæ, quibusdam præsertim suasoribus, quos minime omnium decebat; resistere; & per propinquos suos Caroli conatus impedire contenderunt. vt re ad ipsum quoque ciuitatis consilium relata; de legato, vel saltem litteris ad Pontificem mittendis consultaretur. quamquam paulo post ipsæ virgines,

Quæ ob causas eandem acquiscentes virginem.

partim piis cohortationibus, partim etiam animaduersione, cesserunt; non Carolo dicam, eiusque decretis; sed dignitati, salutique suæ: quam & illæ, & earum defensores, & propinqui, siue falsæ libertatis desiderio, siue iuris tuendi cupiditate, siue disciplinæ ignorance, in periculum sæpe adducere conantur: vt defendentes verius oppugnent; defendant vero qui videntur aduersari. quod exitus docuit: non enim earum animis tantum, sed corporeis quoque bonis, & commodis consuluit restituta disciplina. His omnibus addebatur, quod magnam Carolo difficultatem afferebat. multi enim eius in rebus agendis studium, atque ardorem, nimium esse dicebant: seuerius punire; grauiora passim imponere, quam æquitati conueniret: sibi minus etiam quam aliis parcere. erant qui fieri pleraque affirmarent, ad captandum nomen, famamque sanctitatis colligendam; occultorum scilicet vitiorum etiam suspicionem mouentes. æquiores iudicium, & prudentiam requirebant: ætati, consiliisque religiosorum hominum errorem tribuebant, qui publicæ administrationis vsu carerent. Huiusmodi sermones alios ad imitandum, alios ad obsequendum tardiores efficiebant: ad contradicendum etiam paratiores, qui sibi id vsui fore putarent. Sed si quid acrius ille faceret; ita ferre videbatur suscepti negotij ratio; tum ea mens, quam

Iuvenes multorum de Carolo opinionem, quid efficiant.

præ-

præcipuo munere Deus ei dederat. magna, & inueterata corruptela, magnum conatum, magnos labores postulabat. frangenda erat obstinata quorundam voluntas, & audacia: quod esset exemplo ceteris; & ad facilem, expeditamque gubernationem, in posterum valeret. neque vero valde mirum; vel ex inusitata disciplina, licet optima; vel ex perturbatis animis, oriri obrectationes, & maledicta. mirum vero si magistri conditionem discipulus aliquo modo non subiret. Sed quid animi, consilii que tum Carolo esset; ipse litteris ad Antistitem datis aperuit: qui libere illum monuerat, & amanter: Quod se monuisset, illi se plurimum debere: cupere vero, vt demonstraret explicatius; qua potissimum assequeretur via; vt in se ipso, aliisque regendis modum retineret. sibi quidem illud valde esse propositum: licet aliud vulgo fere putaretur; neque id fortasse sine causa, ob eam, qua ipsis iniitiis utebatur agendi rationem. In ecclesia namque Mediolanensi, quasi vinea inculta, vepribus, & dumetis omnia reperta esse adeo impedita; vt tanto proposito labore, neque sibi parcere posse videretur; & in alios facilitatem, lenitatemue sæpe cogeretur omittere: quo tum quæ praua erant tollerentur; tum bona etiam, & fructuosa; quæ quidem essent, confirmarentur; quæ vero non essent, sererentur. sibi certe, si dicere oporteret, a benignitate recessisse non videri. sed nolle suo tamen iudicio fidem adhibere: immo rogare, vt quemadmodum amanter, quid peccare videretur, significauerat, in quo sincerum illius agnouerat erga se amorem; ita consilio iuuaret; libereque moneret, qua ratione posset in posterum non offendere. nihil sibi gratius accidere posse. scire etenim nemini difficilior subueniri, quam ei, qui consilium accipere nolit. Dolebat vero Carolus vehementer, cœptum feliciter rerum salutarium cursum eiusmodi contentionibus, atque obrectationibus non parum impediri; multosque non tam voluntati, studiisque episcopalibus, quam salutis suæ, vel patriæ bono repugnare. Sed patientiæ, religiosæque fructum abiectionis inde capiebat: ac contra aduersa omnia, Deo fretus, constantiam retinebat suam. tum vero preca-

*Quid illi animi
sit in hac
ecclesiastica
reformatione
aperit.*

Eiusdem humilitas.

Dei opem quibus modis impleret.

Prouincialis synodi decreta de reformatione, quomodo superet.

Supellectili præciosa se spoliatur, & aruisque ecclesiis distribuit.

tionibus. quotidianisque virtutum, & sanctitatis accessionibus, tum præclaris ad suorum salutem actionibus, diuinam opem studiosius implorabat. nempe illud Prophetæ imitabatur: Ego autem cum mihi molesti essent, induebar cilicio. Præter ea quæ ad corporis duritiam pertinebant; quibus sese magis in dies exercebat: mensam, & omnem vitæ, domusque suæ cultum, ita conformauit, vt prouincialis concilij decreta longe iam superaret. Qui ei propius inseruiebant, eos tunc quidem clericali habitu, saltem cum ministrarent, esse statuit. Cum in aliis omnibus ad sanctorum virorum tenuitatem, paupertatemque quotidie propius accederet; in apparatu quoque itineris, & comitatu idem faciebat: cum enim ad viginti duos equites, pedites multos secum haberet: cum ad diœcesanas ecclesias visendas profectus est; præter mulos, qui supellectilem portarent; nimiumque id existimaret: paulatim numerum ita minuit; vt in reditu non amplius omnino, quam duodecim, vnumque clitelarium mulum duxerit. Supellectili illa sua pretiosissima, planeque regia sese spoliauit. plurima Romæ, & Mediolani per ecclesias distribuit; peristromata; lectorum conopea; umbracula, quæ solent amplitudinis causa in aulis haberi; instrumenta, vasaque argentea. Statuas, earumque partes plurimas, antiquæ artis pulcherrima monumenta, sacris item locis addixit, vt venderentur. reliqua ipse vendi iussit, pretiumque in sacros, piisque usus erogari. extant ex donis illis inter alia in ecclesia maiore Mediolanensi; aulæ ad celebriorem eius ornatum, sericis, aureisque filis contexta; figurisque sacræ veteris testamenti historias referentibus, variata: vasa argentea aurata maxima, ad Pontificalium sacrorum apparatus exponenda: instrumentum pacis rite in ecclesia dandæ pulcherrimum, & pretiosissimum. Sacerdotiis item se abdicare instituit; quia propter animarum curam, vel monasteriorum rectionem, aut iuris dicendi munus; integre illi administrationi satisfacere sibi non posse videbatur: simul bonos, eruditosque viros ea ratione remuneraturus, quorum fideli, fructuosaque opera diu vsus erat: omnino, vt quod de pluribus non habendis beneficiis, tum antiquis,

tum

tum nouis Ecclesiæ legibus sancitum erat, ex amplissimis ipse Ecclesiæ sanctæ principibus, ad plurimorum documentum, plenius exequeretur. Ea igitur pleraque Pontificis auctoritate quibusdam familiaribus suis distribuit; viris probitate, litteris, ingenioq; admodum probatis; de quibus alius erit singillatim dicendi locus. nonnulla ex monasticis, quæ commendationis ei nomine tributa fuerant, monachis ipsis libere dimisit. reliquis familiaribus, prout iustum esse iudicauit; tum litteratis aliis viris, & Cardinalibus item egentibus, varias ex fructibus constitui curauit pensiones. quibus ex sacris vestigalibus dandas non existimauit, iis ex patrimonio suo statuit pensitari. Dimittebatur sacerdotia libere Pontifici: virosque tantum nominabat; quibus ea conferri probaret: qui quidem sacro muneri apti, & ad loca, ecclesiæ ipsas incolendas, vt opus erat, essent expediti. Pontifex autem eius minime obsecrantis testimonio, voluntatque facile assentiebat. quibusdam etiam, nemine demonstrato cum cessisset; Pontifex quibus visum fuisset, assignabat. Pensiones præterea nonnullas, quas ex variis ecclesiis in Italia; Lusitania, Belgio solebat exigere, liberaliter ecclesiarum commodo, quæ tenues habebant fructus, remisit. Hæc primo ipso Pij Quinti tempore Carolus cum instituisset; exequi deinceps perrexit; vt aliis locis demonstrabitur.

*Sacerdotiis se
abdicat, et Pō-
tificis auctori-
tate probatis
viris distri-
buntur.*

QVÆ clerus contra concilij decreta Romæ proposuerat, iuris Ecclesiæ facile reiecta sunt. Verum cum Senatu plus negotii fuit: qui Regij iuris, quemadmodum asseuerabat, tuendi studio, in sua permanebat sententia: Archiepiscopo ius non esse, siue apparitores armatos habendi; siue laicos; excepta fidei causâ, sine Magistratibus comprehendendi. In quo tum iuris, tum facti cōtrouersia erat: nam vtraque pars, quod pro ea faciebat, id præteritis temporibus consuetum esse dicebat; sibi que testimoniorum subsidio, iuris controuersi possessionem vindicare conabatur. Carolus, qui iurisconsultorum sententia, ius de quo agebatur, & iuris item possessionem, ecclesiæ tribui intelligebat; quidquid iuris, factiue pro ecclesia suppetebat, ad Pontificem referri curauit; vt

*Iuris Ecclesiæ
sici contro-
uersia grauius
exercetur.
CAP. II.*

*Carolus ius ec-
clesiæ ad Pon-
tificem referri
curat.*

quid agendum esset Apostolica auctoritate statueretur, quod accepturum facile pro sua pietate, seruaturumque Senatum confidebat. neque interim agere priuatim cum Senatoribus omittebat; & sui iuris argumenta commonstrare; si priuato posset res officio componi. Ex altera parte res ad Philippum Rēgem cum per eius ministros delata esset; Carolus quoque, ne quid temere facere videretur, per litteras, & per Apostolicum internuncium in Hispaniis commorantem, consilium in eo genere suum aperuit; & quæ pro iure Ecclesiæ fidem facerent, indicauit. Religiosissime Rex respondit; totum negotium ad summum Pontificem deferendum. interim vero suis præcepit, vt salua regia potestate, ius Ecclesiæ omnino conseruaretur. Itaque missio à Senatu Romam ob eam rem Senatore; tum causæ cognitio certis Cardinalibus, doctisque viris mandata est; tum Carolus interim possessionem suam tueri iussus. Ibi cum eorum sententia, qui de controuersia consultabant, ecclesiæ Mediolanensi fauere videretur, Senator Romam discessit. Pontifex litteras ad Ducem, Senatumque humanissimas dedit; & eos ad ius Ecclesiasticum tuendum, pro perspecta eorum pietate cohortatus est; dum causa recte, matureque Romæ cognosceretur. alteras saltem, si hoc loco insererem, gratum me piis viris facturum existimaui. hæc vero ipsæ sunt latine scriptæ.

*Philippo Regi
cōsiliū suū
aperit.*

*Pontificis lit-
teræ ad Ducem
Senatumque
Mediolanen-
sem.*

*DILECTI filij. Iustitia simul, & charitatis officio libenter ad-
ducti sumus; vt redeunte Mediolanum collega vestro Ioanne Paulō Ec-
clesia, eius, quam in publico negotio vestro apud nos gerendo, egregiam
vobis præstitit, fidei ac diligentia, testimonium redderemus. Cuius ne-
gotij cum ea vis, & natura sit, quam nemo non intelligit; adhuc eius ra-
tio facile explicari non potuit. Nec vero hac causa diuturniorem, quam
necessitas postulet, moram habebit. Nam auditis, & plane cognitis, quæ
vtrunque pro rei veritate, rationes allata fuerint, mature iudicium
expediendum curabimus. Interea vos studiosissime hortamur in Do-
mino, vt in omnibus rebus Archiepiscopo vestro, & ceteris Prouin-
cia Episcopis, ad tuendam, & ornandam Pastoralis officij curam, ac
dignitatem; sollicitudinem, & operam vestram accommodetis. nulla
enim*

enim re magis secularis potestas stabilitur, & augetur, quam amplificatione, & auctoritate Ecclesiastica ditioris. quidquid ad spirituale patrimonium firmamenti, & virium accedit, eo temporalis status maxime communitur. nam obseruantia, & pietas Principum, ac Magistratum in ecclesiarum Antistites, populos ipsis adeo præbet obediētes; ut fatendum sit, Regnorum, ac statuum incolumitatem vno illo ecclesiastici iuris præsidio tamquam fundamēto contineri. Quod utinam contrariis ad multorum exitium exemplis non pateret. Ea laude vestris excelluere maiores; ut illo factō, & ipsi clari sint, & multas ciuitates, ac prouincias ad p̄j exempli imitationem inflammarint. Quo magis nos etiam eximia patris in vos officij charitate, quam quod aliqui opus esse putaremus, cohortandos duximus; ut quam summa cum animi nostri latitia retinetis gloriam inuandi, ac fouendi ecclesiasticam iurisdictionem, in ea ardentius insistatis. Nam ista etiam studiorum vestrorum declaratione, pastores ad diligentiorē sui muneris administrationem incitati, vberiores suorum gregum fructus Domino persolvere studebunt. At Mediolani interim periculum erat; ne dum vtraque pars possessionem sibi vendicabat; ita ut eius retinendæ nomine quod altera fecisset, altera duceret vsurpationis loco; violenti aliquid accideret. variæ rationes conquirebantur controuersæ partium consensu dirimendæ. sed nihil confici potuit. Ecce autem, dum ita consultatur, quod ea controuersia periculum parturiebat, repente peperit. Lictor primarius ecclesiastici fori, cum armis Principis edicto vetitis comprehensus, in carcerem ducitur. tum publice reuinctis post terga manibus, sublimis fune tractus ad summum Palatii arcum, & ad solum vsque repente dimissus, quassu ter repetito, accerrime, si quis vnumquam alius torquetur: ac statim pœna remigationis proposita, Mediolano discedere iubetur. Carolus cum ius sibi suum palam eripi; & etiam contra Pontificis auctoritatem fieri quodammodo iudicaret, ad quem erat delatum negotium; ipsum confestim iudicem, cuius in carceribus erat, quem iustitiæ Capitaneum appellant; item Aduocatū fiscalem, Notarium, & carceris custodem anathemate notari, eiusque rei scriptum publice proponi iussit. Præsidentem Senatus per Vicarium suum;

Lictor fori ecclesiastici a ministris Regis in carcerem conicitur, publicè torquetur.

Iustitia Capitaneum, quendamque alios Regum ministros anathemate notari iubet Carolus.

*Duci insus
dolor, factum
que laudabile.*

*Senatus excu-
satio.*

*Ad Pontificem
scribit Senatus
idemque &
Dux facit.
Pontifici factū
& littera Se-
natus, displicet
quid idem sta-
tuat.*

1567.

*Dux Pontificis
litteras Gene-
ratur.*

sum; & vniuersum item Senatum, scriptis ad fores loci, quo ille conuenire solet, affixis; vocauit, ad eius facti causam dicendam. Doluit casum Dux vehementer, quippe, qui nihil eiusmodi cogitasset; eoque magis doluit, quod propositum sententia scriptum, nescio cuius iussu per satellites a ianua ædium Archiepiscopaliū, & ecclesiæ; & etiam ab ipso ecclesiæ suggestu abscissum fuerat; & clericus præterea, cuius opera quidam ex iis vocati fuerant, in custodiam datus. Itaque iudicem, cum se aduentem vidisset, neque audire, neque admittere voluit: & satellites, qui scriptum absciderant, in carcerem detrudi iussit. rogauit vero Carolum, ne cito contra Senatum, ob præcipuam Magistratus dignitatem quidquam pronunciaret. qui cum Duci respondisset, non posse se ius ecclesiæ suæ non tueri; acturumque contra quoscumque, iure tamen, non iniuria, quemadmodum cum eius ministro actum esset: nihil tamen amplius statuit, antequam Roma responsum acciperet; quo rem, vti gesta erat, statim perferendam curauit. Senatus procuratorem dedit; qui negauit quidquam mandatum esse auctoritate Senatus: hominem punitum, non vt apparitorem sacri fori, qui quisnam esset ignoraretur; sed vt quemlibet alium, qui contra leges regias fecisset; & alia eiusmodi, quæ in iudiciis vsurpari solent. Scripsit ad Pontificem eadem fere vsus excusatione; culpamq; omnem in Carolum transtulit. Dux item scripsit, sed multo mitius; & pro regio tamen iure. Displicuit vehementer Pontifici & factum, & litteræ Senatus. itaque nihil Senatui respondens, monuit Ducem, vt pro illata iniuria Ecclesiæ satisfaceret. tum vero Præsidentem ipsum, duosque Senatores consilij, factique præcipuos auctores, Romæ coram se spatio triginta dierum adesse; reliquos iam anathemate percussos Romam item citari, iussit. Proprium ad id ministrum (cursorem appellant) Septembris mensis, anni M. D. LX. VII. initio, cum litteris ad Ducem Mediolanum missis. Illas pius Princeps osculatus; tum omni alia pietatis significatione, summaque in Pontificem reuerentia in iis recipiendis vsus, Cursorem, quocumque opus esset vocandi gratia, tuto, honesteque adeo adduci iussit; vt ipsum Iacobum Paëzium eximia

mia pietate, & doctrina Theologum ex Societate Ies v, qui a cō-
 cionibus, confessionibusq; ille erat, vna miserit, qui hominem
 vbique commendaret. Quam quidem piam, & religiosam erga
 summum Pontificem reuerentiam imitatus magnus Cancellarius
 itidem Hispanus, addidit etiam, Pontificias litteras, vt ab
 ipsius beati Petri manu esse accipiendas. Fuit ex ea re, Mediola-
 ni, Romæ, in Hispaniis varius rumor, turbaque non mediocris:
 aliis alia dicentibus, opinantibusque; & vno quoque pro suo in-
 genio, atque sensu de re tota iudicante. Cārolus magis ac magis
 in inuidiam varie vocabatur: vsque eo, vt dicerent nonnulli, po-
 testatem illum Regiam sensim inuadere: nisi obliteretur, viam
 sibi munire ad Mediolanense imperium occupandum: ab eius-
 modi consilio Pontificem fortasse non esse alienū. de qua obtre-
 ctatione, ac calumnia delatus vir primarius Hispanus, in carce-
 rem Ducis iussu ductus est. Vt intolerabilis potentia factum cō-
 memorabant; quod publicas bibliothecas omnes multis comi-
 tibus, & ministris, magna populi frequentia recognouisset; li-
 bros onines singillatim inspexisset; plurimos abstulisset. id vero
 Carolus fecerat, cum audiisset multos libros hæretica labe infe-
 ctos publice vendi, quemadmodum re ipsa verum esse depre-
 hendit. fecit vero etiam Apostolico accersito inquisitore. Fue-
 readeo, qui iuris regij tuendi nomine, & ad vim, vt aiebant, vi
 repellendam; Ducem instigarēt, vt ad extrema illa veniret, cum
 Episcopus ē ciuitate violente pellitur. Contra plurimi, singula-
 rem Caroli pietatem, & egregium in Ecclesiæ iure tuendo stu-
 dium, constantiamq; in cœlum ferebant. summa cum eius lau-
 de mirabantur, quod religionis causā neminem vereretur, aut
 respiceret; neque suam apud Principes gratiam, aut ipsum etiam
 Archiepiscopatum magni faceret. mentem eius optimam, co-
 natus sanctissimos prædicabāt. regios vero Magistratus grauiter
 accusabant. Carolus eximia Dei fiducia; tum animi magnitudi-
 ne, quam in amplissimis reipublicæ christianæ negotiis exercue-
 rat; ita se moderate gerebat; vt cum ex eorum consilio, quos
 apud se in eo genere peritissimos habebat; in primisque sacra
 præcationis lumine, fecisset, quæ legitime fieri posse, ac debere
 iudicaret:

Magni Cancellarius erga sedē Apostolicam obseruantia.

Varia de Caro- lo opiniones.

Carolus Dei fiducia fretus qualiter se gereret.

iudicaret: tum ea animi tranquillitate, silentioque alia omnia obiret; vt nihil illi omnino litis, aut contentionis esse videretur. Neque vero quidquam mœstitiæ attulit; quod ex optimatibus permulti, qui antea vel comitari, vel ad eum ventitare solebant, iam non apparerent. immo in eam partem libenter accepit; vt ad pleniorum rerum humanarum contemptum ea quoque ratione sese incitaret. Cum dies adesset, quo die se Romæ sistere Senatores iussi erant; variis excusationibus, missis etiam Romam legatis, dilatus est; ac denique impetratum, ne quidquam contra illos promulgaretur, donec Seralui Marchio, qui negotij illius causa ex Hispaniis aduentabat; Romam perueniret. Is Mediolani primo Carolum, conuenit, multaque cum eo egit, & questus est: seuerè nimis actum contra Senatores: Carolum a Rege potius remedium petere debuisse, quam accedere animum Pontificis. ita Regis in eum merita postulare: ita officium illud, quod vt homo in Regis imperio natus, ei deberet. si alia ratione demum res non ageretur; facturum Regem, quod iuri, imperiisque suis conseruandis opus esset, licet perturbationes inde fortasse multæ, grauesque orirentur. postremo etiam blande rogauit, vt amico, atque adeo paterno studio negotium complecteretur: id saltem, si alia recusaret, scriberet ad Pontificem: cupere se, vt citationis causa prætermissa, controuersia componeretur. Respondit Carolus interposito die: quod Pontifex contra Senatores egisset, sese præstare non debere; neque etiam Pontificem ipsum, qui nemini id præter Deum deberet. de facto suo, timendam sibi videri potius Pontificis in eo reprehensionem, quia remisse egisset; quam offensionem Regis. Romam se motus initio minime confugisse: tolerasse: Gubernatorem sæpius, & Senatores priuatim, atque amice monuisse; vt quæ contra ius ecclesiasticum afferrentur impedimenta, ea vellent tollere. cum nihil profecisset; cum etiam ad vim vetum esset; quæ contra non solum Mediolanensis, sed etiam vniuersæ Ecclesiæ ius, immo contra ipsius Pontificis auctoritatem videretur; merito ad ipsum retulisse Pontificem, supremum iudicem, patremque omnium ecclesiarum. molestum id fore Regi non putasse.

Seralui Marchio ex Hispaniis pro his controuersis ad Pontificem Legatus, quid Mediolani cum Carolo egerit.

Caroli responsio ad Seralui Marchionem.

putasse. eius meritorum magnitudinem & se agnoscere, & vt quam gratissimus esse posset, semper curaturum. A se Regi semper omnia fore paratissima: sed quæ Ecclesiæ esse putaret; iis, si quis forte id expeteret, cedere se nullo modo posse; præsertim quo priuatis beneficiis responderet. Nihil se a Rege expectare, quod valde pio, & catholico principe dignum non esset: quem satis nosse sciret, regias vires in iuuanda Ecclesia, non autem opprimenda poni debere. id si non fieret, magnas sine dubio perturbationes, grauissimaque incommoda futura. quibus tamen ecclesia Mediolanensis tunc minime careret; quæ vi tam graui-ter illata, suam libere non poterat exercere potestatem; in eos præsertim qui vel ob ipsam impunitatis fiduciam, turpem, flagitiosamque vitam agerent. Litteras ad Pontificem, quales postulat Marchio, pro eo, quod ecclesiæ suæ debebat, dare se posse negauit. dedit autem huiusmodi.

SANCTISSIME ac beatissime Pater. Cum antea ad sanctita- Caroli litteræ
ad Pontificem.
tem tuam de rebus ad huius ecclesiæ iurisdictionem pertinentibus singul-
latim retuliz; tum hoc tempore Ormaneto mandauiz, vt diligenter expo-
nat, quidquid hic cum Marchione Seralui actum est, qui nunc Romam
proficiscitur. is cum a me contenderit, vt de eodem negotio componendo,
Senatoribusque Romam minime compellendis ad te perscriberem: qua
in hoc genere sentiam, quaque antea significauiz, & Marchioni ipsi libe-
re respondi, hic breuiter attingam. Quod ad Senatores attinet; nullam
priuatam iniuriam meam equidem vindicari volo. de cetero quid sancta
sedis Apostolica dignitati conueniat; quid Ecclesiæ conducatur vniuersa,
rectissime tua Sanctitas existimabit: eius enim illa caput est; ego au-
tem exiguum membrum. De huius ecclesiæ iure, id confirmo; nihil aliud
spectare me; nisi vt illius auctoritate seruata, qui post hac Archiepisco-
patum geret, omnia libere exequi possit, quacumq; ad eius officium per-
tinebunt. Ceterum testimonia me, ac argumenta, qua ad possessionem
ecclesiæ probandam valent, ad Sanctitatem tuam misisse satis habeo.
qua cum apud se viros habeat bonitate, doctrina, iudicioque præstan-
tes: & ex eorum numero, qui in Concilio Tridentino huius generis rebus
constituendis interfuerunt: cumque, quod caput est, a spiritu sancto

G 2

regatur;

regatur; meas esse partes alias non video; quam expectare, quid illa decernat; & quidquid decreuerit, prompta omnino voluntate accipere; nihil dubitans; quin illud rectum, sanctumque sit. Sanctitatis tua pedes summissee osculor. Mediolani nono Calend. Februarij M. D. LX. IIX. Ita Marchio Romam profectus, in primis omni diligentia, studioque tempus adhuc prorogari curauit; vt aliquo modo interim vocati eximerentur.

Longinquas
diocesis suæ
partes visit.
CAP. III.

QUAM QUAM autem eo iurisdictionis grauissimo negotio Carolus erat occupatus; quæ tamen ad suos regendos, rebusque salutaribus iuuandos pertinerent, eorum nihil omittebat. Atque cum alias diocesis partes, aut per se, aut per alios peragere, visereque ad id tempus perseuerasset; ad eam ipse initio Octobris anni M. D. LX. VII. profectus est, quæ in rebus profanis paret imperio trium pagorum Heluetiorum. continetur ea pars tribus vallibus, Leuantina, Brennia, & Riparia, & ad montem sancti Gothardi pertingit. primo igitur Carolus certiores de suo aduentu pagorum principes fecit. & quoniam eorum imperium plurimum non modo apud laicos, sed etiam apud clericos valebat; legatos mitti petiit; qui in ea regione iustranda eum comitarentur. Illi, vt tres pagi erant, tres primarios viros ita miserunt; quos humanissime habitos Carolus secum adduxit. Tâto temporis spatio regiones illæ Archiepiscopum, aut eius ad ministros non viderant; vt pene à rectis omnibus Ecclesiæ institutis; atque adeo ab ipsa, quam Archiepiscopo præstare debebant, fide, atque obedientia discessissent; solosque propemodum Heluetios dominos in omnibus agnoscerent. populus quidem natura minime malus, & simplex, ignorantia peccabat: sed clerus vita erat, vitiis, flagitiisque plurimis cooperta. diuinæ res, & ipsa præsertim sanctissima Eucharistia indignissime habebatur; qua de re Carolum quandoque lachrymantem comites viderunt. multa erat ignoratio rerum illarum, quæ ad sacra ministeria, non dicam vtilis, sed omnino necessaria sunt. beneficia plerique vitiose obtinebant, tum pecunia interueniente, tum deficiente Archiepiscopi auctoritate. ipsi parochi turpibus lucris,

Quid primo in
quibusdam lu-
strandis Galli-
bus, tribus Hel-
uetiorum Pa-
gis, subiectis
faciat Carolus.

Quomodo à re-
bus ecclesiæ in-
stitutis defece-
runt Gallos illæ.

Ob clericali-
um flagitia lachry-
mantur Carolus.

eris, sordidisque negotiationibus operam dabant. concubinas, liberosq; ex eis susceptos domi palam habere non verebantur. adulteria, incesta, sacrilegia multa: apud quosdam etiam non paruum catholicæ fidei discrimen. Ipsi autem pagorum principes, & magistratus licet catholici, nemine contradicente, aut aliud docente, omnem fere in rebus ecclesiasticis auctoritatem sibi sumperant. Ibi Carolus singulas ecclesias visere; presbyteros, & alios incolas diligenter interrogare; angusta loca, difficultia, asperaque adire; montium altitudinem, prærupta saxa, siluestrium locorum penuriam non vereri; nullius vitæ commoditatis, neq; valetudinis rationem habere; nullo diei, noctisue temporis parcere. omnino spatio mensis adeo profecit, ut eius ecclesiæ tota pene facies immutaretur. Multa passim decreuit: plures presbyteros multauit; puniuit; sacerdotiis, sacrisque officiis mouit. tantum se continuit, ne victos Mediolanum deduceret. Principibus Heluetiis persuasit, ut multa in dandis beneficiis; & in rebus iudicandis, quæ ad clericos pertinerent, sacræ, permitterent potestati. quæ illi Caroli sese virtuti, sanctitatisque dare publice testabantur; quamquam contra Carolus suadebat, non sibi, sed sanctæ Ecclesiæ, Deoque esse tribuenda. Postremo, vniuerso clero in vnum conuocato, quæ opus erant, grauiter, pieque monuit, & cohortatus est: quod idem præstari iussit per religiosum virum, qui grauissimam concionem ad eum cœtum habuit. Sed valere plurimum verba, quæ aliorum quoque nomine vnus ex legatis ad clerum fecit: Quamquam Heluetiis consilium non erat, priuilegia sua dimittere, quibus in earum vallium administratione utebantur; agnoscere tamen, ea quandoque rectores attigisse, quæ fas non esset: sed fecisse coactos malefactorum clericorum, Pastorumq; incuria, qui eam regionem neglexerant. in posterum longe aliter fore. in Concilio Tridentino se affuisse, illudque pagorum nomine recepisse: velle omnino Principes, eius decreta seruari. palam se denunciare omnibus; nemini posthac apud ipsos perfugium fore; quin a Cardinali plene regerentur; & quemadmodum oporteret, corrigerentur. Demum clerus Concilij Tridentini decreta publice rece-

Quamplurimas in illius gentia suscipi ecclesiis superat difficultates.

Heluetiorum Consilium.

Clerus decreta Concilij Tri-

*dentini &
provincialis
recipit.*

pit; concilij prouincialis constitutiones seruandas suscepit: tum catholicam fidem statuta formula singillatim professus est. Ita Caroli dolorem, quem ex tanta prauitate cœperat, emendationis remedium, spesque melioris in dies progressus non mediocriter leuauit: simul vero illud; quod præ finitimarum ecclesiarum de quibus cognouerat, conditione, suas bono statu satis esse intellexit. Litteras autem discedens ad gentis consilia dedit; quibus & delegatorum opera gratias egit; & monita multa iis de rebus addidit; quibus veræ pietatis, religionisque causâ, in regione gubernanda illis abstinendum esset. Atque iam tum, christiana gentis charitate motus, cum eam præsertim in sua iam habuisset clientela; cogitare cœpit, quemadmodum aliis item ecclesiis, quæ in ditione Heluetiorum essent, consulere posset. verum nihil eo tempore, publice tentandum arbitratus; priuatis officiis oppida, castellaque multa, maxime suæ diœcesis finitima, inuare non destitit; tum pueris ad clericalem vitam Mediolani educandis; tum concionatoribus mittendis; qui fidem catholicam tuerentur, christianosque mores suaderent. tum aliis rebus ad eorum salutem accommodatis. Sed minime prætereundum videtur, tres eas valles, quattuor ex Canonicis Mediolanensibus Comitum titulo tenuisse; & vtraque potestate, sacra, profanaque administrasse. eas autem Heluetios cum Philippo Mediolani Duce bellum gerentes occupasse. cumque de pace ageretur, nescio quo animo, Dux, vt facilius transigeret, valles non suas permisit Heluetiis: earumque loco Canonicis vniuersi Sciprienſis agri vectigal quoddam assignauit. Ecclesiasticam vero administrationem, quam vt oportebat, canonici tueri, & ab improborum audacia; potentiumque viribus defendere non poterant, Carolus suscepit: cui tamen alioqui, vt loca intra suam diœcesim posita, neque ad alium Episcopum pertinentia recognoscere; quæque opus essent, ex sacris decretis constituere, facultas erat. Ius porro, quod in sacerdotiis dandis consistit, canonici retinere.

PRÆTER Mediolanensis ecclesiæ negotia, Carolus alia quoque grauissima suscipere non omittens; noua semper ad homi-

*Litteras ad
gentis consilia
dæ Carolus,
deque Helue-
tius inuandis
cepit.*

*Quattuor ex
Canonicis Me-
diolanensibus
tres illas Valles
Comitum titu-
lo tenuerunt.
& quomodo ab
Heluetiis occu-
pata sint.*

*Humiliato-
rum ordinem
currigit.
CAP. IV.*

hominum salutem, & ad ecclesiæ fructum exempla proferebat. Confecit eodem anno priusquam exiret, negotium inter alia correctionis ordinis Humiliatorum. Instituerant illum Mediolanenses olim nonnulli. cum enim Conradus Imperator eorum plurimos cœpisset, & in Germaniam duxisset; primarios quidem securi percussit; alios autem reseruauit; qui periculo commoti diuino se cultui totos dedere cōstituerunt: & vt primum, Conrado mortuo, ab Henrico successore reditum in patriam obtinuerūt; monasticam auctoritate Pontificia religionis disciplinam, ex sancti Benedicti institutis, cum albis indumentis susceperunt, Humiliatorumque sibi nomen imposuerunt. Il plurimis in Italia fundatis monasteriis; annorum amplius quingentorum spatio a prima disciplina, vt humana est imbecillitas, longe admodum in multis discesserant. Viderat Carolus ordinis patronus, & iudex, correctione opus esse: atque iam antea per Ormanetum, cum is Mediolani esset, aliquam eius rationem tentauerat. qui cum eorum comitiis præfuisset; fecit ille quidem, vt de corruptelis quibusdam tollendis aliquid in congregatione decerneretur: verum ad rem perficiendam; maxime autem ad alia, quæ grauiora, & difficiliora erant, constituenda, efficiendaque, iam tum vir sapiens multo maiorem auctoritatem, potestatemque necessariam esse prædixerat. Non omisit vmquam negotium Carolus; neque de ratione incunda, qua ordo ille ad sua reuocaretur instituta, cogitare intermisit: sed Pio Quinto tali Pontifice demum creato, rem suscepit attentius. multa ipse cum Pontifice prius egit accurate: per Ormanetum postea rem totam confecit; & de toto ordine componendo constituit. Itaque conuentu indicato, omnibusque qui vocati erant, Cremonæ congregatis; cui conuentui Carolus non sua solum Protectoris, vt aiunt, sed Apostolica etiam auctoritate præsidebat: quæ acta de iis, Pontificiaque constitutione summam saltem, sancita erant, & ad eam diem secreto habita, promulgari iussit; præsidis ante paratis, si quis forte promulgationi vellet resistere. Aduta maxime Præpositis visa sunt, quæ de eorum emendatione

*Qui ordinem
Humiliatorum
instituerint, &
quando.*

*A disciplina
regulari disces-
serunt illi reli-
giofi.*

*De ordine illo
componendo
cum Pontifice
agit Carolus.
Cremona indi-
cit conuentum,
cui ipse præsi-
det.*

*Dura videntur
Præpositis sta-
tuta.*

statuta

statuta erant; eoque duotiora, quod minime quisquam putarat, emendationem eousque peruenturam. quin etiam, sicuti ego accepi, quidam ex iis, qui prudentiores sibi videbantur, subobscure Caroli conatum ante illudebant. cum autem talia improviso audissent; animo quidem grauitur perculsi omnes, nihil tamen resistere ausi sunt, aut contradicere. Summa emendationis fuit; vt Præpositi dignitatem, quam quisque haberet; & eius item insigne retineret: sed suum quisque locum, sacerdotiumque mutaret. tertio quoque anno in posterum per suffragium Præpositus ordinis vniuersi, tum locorum omnium Præpositi deligerentur. redditus ecclesiæ, non ipsi, vt antea, ciuili quodam splendore; sed alij ad id proprie electi religiose administrarent: iis vti communibus omnes æqualiter vterentur: omnino cœnobitica, religiosaque vita vere inter eos ageretur. hæc litteris Pontificiis continentur; tum fusius, explicatiussque constitutionibus, quas tum pro amplissima facultate sibi data Carolus eis scripsit; & in conuētu etiam eodem promulgauit. At conuentu dimisso, multi Præpositi; nam magna pars nobilitate, gratiaque plurimum poterat; omnes vias persequi cœperunt, quibus viis, promulgatis se legibus ex parte saltem liberare possent. Res longe grauissima illis videbatur, ex eo statu quem sibi proposuerant, cum ei se ordini addixerunt; ademptis beneficiis, quæ consueta deteriorum via obtinuerant; tantis detractis commodis, & facultatibus; ad eam vitam compelli; in qua & tenue esset, quo quis vteretur; & id ipsum non esset proprium: quæque seueris aliis contineretur institutis. nihil enim minus, siue ipsi, siue parentes, iis dignitatibus quærendis, fortasse spectauerant; quamuis spectare debuissent; quam monasticam, cœnobiticamue disciplinam. Sed quemadmodum vulgo: de aliis fieri solet sacerdotiis, quæ legibus eiusmodi cœnobiticis libera sunt; id sibi, suisque comparare plerumque studuerant, quod vitæ commoditati, nobilitatique sustentandæ deserviret. Cognati quoque ipsi, qui Præpositorum opes ad familiæ suæ splendorem pertinere videbant; easque ad iuniores eiusdem familiæ deinceps transferrandas sperabant; sancitas leges quantum poterant; dissoluere cona-

conabantur. Itaque amicos rogare; principes viros obsecrare; *tas leges dissol-*
 quacumque ratione possent, niti; vt a Pontifice audirentur. cum *uerent.*
 sibi obstruatum Pontificis, Carolique constantia, & prudentia,
 tum Ormaneti diligentia, aditum reperirent: speciosis causis
 Italiae regulis persuadere, ne nouos Præpositos iuuarent; neue
 ingredi in loca assignata permetterent: loca nonnulla ipsi arma-
 tis viris munire. Sed Carolus tum sua, tum Pontificis in primis
 auctoritate, tum etiam Principum pietate perfecit, vt rebus
 constitutis esset omnino locus. Vniuerso ordini præposuit A- *Quis vniuerso*
 loysium a Basilicapedri. Is cum ecclesiae sancti Iacobi Cremonæ *ordinis si præ-*
 Præpositus, profanis studiis deditus diu vixisset; iam anno ante, *positum consti-*
 diuino excitatus impulsu; bonitateque naturæ adiutus, vitam si- *tutum.*
 bi recte instituendam decreuerat: duosque sacerdotes ex clericis
 regularibus S. Pauli apud se habuerat, quibus ducibus ad id effi-
 ciendum vteretur. tantumque profecerat; vt cum potissimum
 Carolus toti ordini præficiendum deligeret. Sed bonus vir valde
 resistebat: vitam male actam commemorabat; non se in litteris,
 aut piis studiis; sed in otio, venatione, profanisque rebus aliis æ-
 ratem consumpsisse. vrgebat tamen eo magis Carolus, quo se
 ille grauius accusabat; quod probitati iam cognita, indicium
 quoque illud accusationis accederet. Is deinde post ea perpeffa,
 quæ Antistitem præcipue, tum bonos monachos omnes, tali re-
 rum conditione, pati oportebat; extincto demum ordine, vesti-
 tu suo in eorundem Clericorum Collegium S. Barnabæ Medio-
 lani receptus, singulari modestiæ, patientiæque documento vi-
 tæ suæ cursum confecit. nam neque quod amplis fructibus abla-
 tis, quadraginta aurei annui, quemadmodum ceteris, reliqui es-
 sent; neque ob deletum ordinem; aliud vniquam dixit; quam o-
 mnia recte, iusteque euenisse. Ita quæ inuito ac repugnanti casti-
 gatio, afflictioque exitio facile fuisset; pie, ac sapienter accipienti
 saluti fuit: quemadmodum aliis quoque fuisse putamus.

ADDEMVS hic non dissimile munus, quod sequenti anno *In ordine Fran-*
 Carolus obiit, in ordine Franciscano, cuius item erat modera- *ciscano non-*
 tor. Ac in ea quidem parte quæ laxiorem videtur sequi discipli- *nulla restituit.*
C. A. P. V.
 H nam,

nam, quædam magni momenti iam perfecerat, ad cœnobiticæ vitæ æqualitatem, tum in victu, tum in habitatione seruandam. alia deinde præstitit valde vtilia per Alexandrum Cribellium Cardinalem, virum pium, & grauissimū; quem in munere illius ordinis regendi pro se substituerat. In reliquo autem ordine, qui obseruantia nomine appellatur, illud auctoritate Pontificia curauit, ac effecit; vt quædam eius quasi partes tollerentur. Clarenorum, Amadeorum, aliorumque; & nominibus quoque ipsis deleteris, cum reliquo corpore coniungerentur: qua de re constitutio edita est. Eas partes omnes puto ex bonis initiis profectas: fit enim sæpe in sacris religiosorum virorum societatibus, vt primo illo sancti spiritus ardore, cum optima disciplina paulatim pro humana miseria refrigescente; quoniam vniuersi moueri non possunt, vt ad pristinos se mores referant; pars tantum id faciat, & a ceteris separata, veteribus, perfectioribusque vtatur institutis. quæ cum item spatio temporis remittantur; eò res tandem recidit, vt nomine tantum, & præterea dissidio sæpe relicto; ea veluti disiuncta membra omnino expediat reliquo eiusdem conditionis corpori rursus coniungere. Hoc fecit Carolus iis, qui Amadei appellabantur, Pacisque ecclesiam Mediolani tenebant, reliquo numero aggregandis. Nomen ij traxerant ab Amadeo Vllisypouensi, viro religiosissimo, qui sibi ob præcipuam sanctitatem non mediocrem fratrum numerum, plurimis ab hinc annis adiunxerat; & vna cum iis asperiores veterum vitam renouare conatus erat. iis cum posteris temporibus noui, hisque alij successissent; mansit quidem distractus numerus; sed disciplina tandem a ceteris non differebat. Ea de re ne constitueretur, principes viri multi primò sese interposuerunt; sine quorum intercessione vel oblata sponte, vel postulata, quod maxime dolendum est, vix quidquam in Ecclesia paulo grauius componi, corrigiue potest. deinde vero, ne statutum quod erat, efficeretur; plura, voluntasque Amadeorum ipsorum in primis, impediabat. Carolus autem nihila proposito declinans, minime destitit, donec bono rem exitu concluderet. aggressus ad litteras Pontificias, quas ad eam rem proprie curauerat, in conuentu

Quasdam in ordine Franciscano partes tolli ac inter se coniungere curat.

Ex quibus institutis orta sunt partes illæ.

Difficultates in his sciendis partibus superat Carolus.

uentu Pacis promulgandas, remque conficiendam, ea incurrit, ut vno verbo dicam; quibus tunc quidem sibi cedendum, & re infecta discedendum, clementer statuit. rediit tamen, remque totam confecit arbitrato suo. tum vero eorum, qui restiterant, apud Pontificem, ob eius grauitate offensum animum, deprecator fuit. Ea re peracta, conuentum habuit: in quo promiscue cœnobij cuiusque numero constituto; & rectoribus electis; salutaribus constitutionibus oportune renouatis prouinciæ res composuit.

G E S S I T per idem tempus aliam rem a Pontifice mandata. Nefarium hæresis scelus, cuiusdam concionatoris olim impietate, verbisque conceptum, quod diu latuerat, in præcipua quadam Italiæ vrbe tunc apparuit. Inquisitor suo iure uti, in ius vocare, in custodiam dare, ob quorundam magnam potentiam, minime poterat. duo religiosi viri ob eam rem crudeliter interfecerant. Pontifex eò sua sponte Carolum misit: pauca mandata; maximam auctoritatem tribuit. eo nondû profecto, componi res cœperunt: neq; id mirû: quia licet cum hominibus, quibuscum oportebat, nondum egisset; egerat cum Deo tamẽ; qui præfens est rerum omnium moderator; idque singulari quadam sacrarum precum contentione. etenim per omnia monasteria, omnesq; vrbes ecclesias præcationis tempora ita distribuerat, ut sine vlla intermissione, die, noctuq; essent, qui Deum pro grauissimo negotio orarêt. quod genus præcationis sine intermissione tunc primû, ex ea credo oratione acceptum, quæ pro Apostolo Petro victo habita scribitur; postea in grauissimis rebus sæpe adhibuit. Cum ad locû venisset, veritate, ac vi argumentorum; tum prudẽtia, atque auctoritate, in primisque diuina ope, flexit potentû animos; auctoritatem sacrosancti magistratus, sacrorûque ministrorû restituit, qui eum veluti Angelum Dei sibi aduenisse prædicabant. effecit, ut fontes, quorû satis magnus erat numerus, prehenderentur, in carcerem ducerentur, publice hæreses detestaretur; alij condemnati, potestati seculari permitterentur; ciuitas tanto periculo, maloq; breui liberaretur: ut Pontifex, Cardinalesque; tum alij Carolû mirifice commendarent.

Causis fidei præstitit: vitæ sanctitatem auget.
CAP. VI.

Duo religiosi viri causâ fidei interfecit in ciuitate quadam, ad quam huius rei & fidei causâ a Pontifice mittitur Carolus. Multu præsidij ouis sibi iniunctum aggredditur.

Quibû modis potentium animos flexerit & quâ illis egerit.

*Pontificis Scrip-
tura.*

Dum id ageret, addidit aliud Pontifex eiusdem generis ad eucl-
lendas ex religioso ordine prauas quasdam opiniones, quæ mul-
tis iam insitæ erant. quod Carolus iis qui corrupto sensu essent,
per varias Italiæ vrbes prudenter comprehensis, & conclusis, di-
ligentissime curauit. erant hæ, opinor, reliquæ malorum illorū,
quibus non multis ante annis Italia magno in periculo fuerat;
vtque remedium afferretur, Pius ipse Pontifex Inquisitoris tum
officio fungens, egregie partes suas egerat. In quo magnam e-
quidem causam reperiō, quamobrem Deo, quas maiores pos-
sumus, gratias Itali agamus; præcipuo eius munere factū agno-
scentes; vt quæ pestis aliis quibusdam prouinciis orta, illataue,
deleri numquam potuit; sed maiori in dies perturbatione, per-
niciæque grassata est; apud nos facile sit non semel extincta. id e-
go ab diuina virtute proficisci existimo, quæ ex Romana illa pe-
tra in qua ædificata Ecclesia est, in propinquiores partes effica-
cius funditur. Alia publica, grauissimaq; negotia per id tempus
ad Carolum delata sunt: nam tantæ virtuti quæcumq; difficilia
recte committi posse videbantur: persuasumque omnibus erat;
neque eius animi æquitatem vlla gratia inflecti; neque constan-
tiam, & robur vlla potentia infringi posse. Sed ille operam labo-
remq; omnem in ecclesia sua potius ponere cupiebat. Atq; cum
quarto iam mense ob illud fidei negotium ab ecclesia tali tem-
pore abesset; orare Pontificem, non desinebat; vt redire tandem
liceret: eo magis, quod quibus id gratū fuisset, vulgo iactabant;
derinēdum eum de industria variis negotiis; ne Mediolanū am-
plius reuerteretur. eam ecclesiam quasi vineam incultā assidua
opera indigere: synodū clericorum sibi tandem habendā; diœ-
cesis, quantū posset eo anno sibi visendū, cuius maior pars resta-
bat. At illa tamen absentiæ oportunitate Carolus otij aliquid na-
ctus; animi, spiritusq; sui vires collegit: & cum in medio vix spi-
ritualis vitæ cursu se esse affirmaret; quasi præterita obliuiscens,
maiore quam antea conatu, ad metam incitatus est: præterita o-
mnia peccata sua diligenter a primis annis recognita, quod iam
diu cupiebat, confessus est Alexandro Saulio sancti Barnabæ
Mediolani Præposito, nunc Episcopo Ticinensi cuius consiliis,
& do-

*Alia Carolo
deferuntur
negotia.*

*Ad ecclesiam
suam cupit
redire.*

*Ille absentia
proficiendi
magis, occasio-
nem manifestat.
INT.*

*Alexandri
Saulij consilia
sunt.*

& doctrina vti plurimum solitus fuit; donec cum ad Episcopatum Aleriensem a Pio Quinto vocatum, tam libenter ob Ecclesiæ fructum, quam ægre ob suum, & sancti Pauli Congregationis usum dimitteret, perfectiores sibi vitæ leges, familiæque statuit: iam quidquid ad animum relaxandum pertineret, seuerius vitare: consuetudini familiarium, sermonibusque minus fructuosis omnibus se subducere: sacras rerum spiritualium communicationes inter domesticos instituere, quotidieque habere; mensas cœnaculi religiosi more circumponere: quibus, licet ipse profectis diebus abesset; non tamen, vt superioribus annis, conuiuas adhibebat; aut sibi plus, aliudue, quam cuiquam alij apponi patiebatur. ieiunij diebus, quos plures iam in hebdomada sibi constituerat; non vt ante conquisitos, magnique pretij cibos, sed vilissimos vespere gustare: alia sibi demum præfinire, quibus ad summos sanctæ disciplinæ gradus ascendere properaret. Ita mente, spirituque diuinitus instructus Mediolanum rediit mense Iunio, populo maxime expectatus, maximaque lætitia exceptus.

Cum antea, quæ prouinciæ communis vsus postulabat, in Episcoporum concilio constituisset: suæ quoque diœcesis clericorum synodum, ex sacrorum canonum præscripto iamdudum habere cupiebat; in qua ecclesiæ suæ, quæ propriè opus essent, decerneret. eam ob varias, & grauissimas occupationes, Pontificis etiam consensu, cum distulisset; habuit tandem pridie nonas Augusti anni M. D. Lx. xix. Vicarios presbyteros, in diœcesi constitutos, mense ante monuit, vt suæ quisque regionis presbyteris in vnum coactis, quæ corrigenda, vel prouidenda iis locis essent, cum iis consultaret; & notata deferret ad synodum. Vnumquemque parochium eorundem nomina scripta iussit afferre, qui tempore Pascharis in sua parœcia peccata sua sacerdoti confessi non erant; qui sacrae communionis participes non fuerant; qui gradu cognationis propinquiore, quam fas est, matrimonio forte coniuncti essent: vt eorum omnium salutem prospiceret. nomina item, statum, & conditionem omnium, qui

Diœcesis, prouinciæque synodum celebrat.

Cap. VII.

1568.

Magna Caroli diligentia.

clericalis ordinis in eadem parœcia essent. Ad hæc, supplicationes quisque ante discessum vna cum populo obiret, ad diuinum auxilium in eiusmodi negotio implorandum. clerici omnes ordinis, quo initiati erant; & beneficiorum, quæ obtinebant, legitima testimonia recognoscenda in synodum afferrent. Prouidit, ne quis clericorum in publicis diuersoriis Mediolani commoraretur: neque ea in re pro consueta liberalitate sumptibus pepercit; quin suas magno illorum numero ædes impleret. Hęc, & alia multa Carolus tum præparauit ad synodum recte habendam; quæ libellis eo de genere cōfectis fusius continentur: quęque postea, cum alias habuit, ex iis, quæ vsu cognouerat auxit, etiam diligentius. Stata die synodum incipiens salutarem ipse concionem habuit: sacros ordines de more celebriter ad sancti Ambrosij Basilicam supplicatum duxit. in ea supplicatione præter cœnobitas, clerici fuere circiter mille quingenti. in iis triumvallium illarum incolæ, qui iam magis ac magis ad ecclesiæ disciplinam informabantur. Ibi librorum veritorum indicem promulgari; constitutionesque concilij provincialis recitari, iussit. ea demum inquisiuit, decreuitque, quæ ad clerum sancte instituendum, ecclesiasque recte, & salutariter ordinandas pertinerent, triduo religiosum illud negotium absoluit. Quod restabat anni consumpsit vicario ecclesiis, montosis præsertim, perlustrandis. cuius operæ fructus fuit sane maximus, tum ad rerum sacrarum decus; tum ad salutem mortalium; qui eius sermone, laboribus abstinentia, vehementer ad religiosam vitæ institutionem mouebantur. consumpsit item in rebus virginum reliquis componendis. quæ quidem vt præcipua fuit, & perpetua episcopalis eius muneris cura; ita magni, diuturnique laboris, Deo concedente, fructum habuit singularem. tunc operæ multum posuit, in nonnullis cœnobiis ob exiguum numerum, locaque minime tuta; omnino ob corruptam disciplinam, in ampliora, religiosioraq; transferendis: tum nonnullis etiam a religiosorum quorundam potestate, Pontificia auctoritate, vindicandis: in sacrilegis item hominibus non paucis puniendis; quorum consuetudo sacris locis perniciofa erat. vt tali sacri pudoris

Ingens clericorum numerus in publica supplicatione.

Qua aſaſina in diœceſina hac ſynodo.

In quibus, reliquum anni cōsumpsit.

pudoris patrono, ac vindice; in illius pariter, & alienæ potestatis foeminarum, mariumq; cœnobiis rectius sese multo res haberent; & magna vbique Caroli diligentia, iustitiæque formido existeret. Intendebat animum ad Episcoporum conciliū secundo celebrandum: cuius tempus, Pontifice consulto, à Septembri mense, quo triennium a primo præterierat, ex ratione sacris decretis consentanea, transtulit in sequentis anni M. D. LXIX. Paschales dies. vocauit igitur duobus ante mensibus Episcopos, monuitque, parati adessent, vt rerum ecclesiasticarum perfectam conformationem studiis suis prosequerentur. vocauit canonicos; & ex vnaquaque ecclesia, seu diœcesi testes, quos dicunt synodales: qui in priori concilio electi, quid ad rectam ecclesiarum administrationem, cultumq; decisset, quid corrigendum, prouidendumue videretur, pro suo munere tunc referrent. Affuerunt in hoc concilio ciuitatum, quas in priori nominauimus, Episcopi; qui quidem essent, necessarioue non tenerentur impedimento. alij Præsules nonnulli, quorum doctrina, quæ decernenda erant, prius explanarentur. Ac licet eruditi viri, quos Mediolanum primo Carolus adduxerat, Romam rediissent; retinebat Petrum Galesinum; qui & stilo, & ecclesiasticæ antiquitatis cognitione; ad conciliorum decreta, multaue alia conscribenda, quæ opus essent, non solum per eos annos, sed postea semper magnos illi vsus attulit. Carolus in Episcopos concilij tempore, canonicosque aduenas consuetam in domo sua præstitit hospitij liberalitatem. præstitit etiam suam probe assiduus in laboribus, vigiliisque mirificam constantiam. Delectus est Franciscus Bonhomius Cremonensis, cui Nonantulanam Abbatiam is cōtulerat; qui decreta in concilio sancita Romam, a Pontifice probanda deferret; eorumq; pro sua prudentia, doctrina, & fide rationem redderet. eidem ad Pontificem mandata concilij, & singulorum Episcoporum nomine data sunt, ad ecclesiarum salutarem administrationem pertinentia.

1569.
Qui ad secundam prouincialem Synodum sine vocati.

Carolus episcopos aliosq; per multos in domo sua hospitio excipit.

Ioannes Franciscus Bonhomius Synodi decreta Romam a Pontifice probanda deferret.

INTERIM ecclesiastici iuris causa, iudiciumque biennio iam ante in Senatores, aliosque datum, fere conticescebat. At tametsi

De Scalensi casu, aliisque ecclesiæ perturbationibus.

CAP. VIII

tametsi sacri iuris dignitatem, auctoritatemque per moras eiusmodi lædi Carolus putaret: Pontificis tamen verbis, sapientiaque, tum sua virtute sustentabatur: eoq; facilius, quod suis tum iudicibus Mediolani multum tribui videbat; hominesq; laicos, ecclesiasticorum criminum reos, eorum iudiciis satis quiete parere: tum Magistratus etiam sæculares, multa concedere, vel dissimulare. Tantum ipse eorum contemptum, seu negligentiam superiore anno; consulto Pontifice, castigauerat, qui anathemate iam ab eo damnati; colloquiorum, rerumque diuinarum communicatione, sicuti par erat, non abstinebant. Verum ea quies & silentium eo demum euasit; ut nouæ, ac maximæ perturbationis efficerentur. Nobile canonicorum collegium Scalense, inter alia Mediolani est; a Regina Scalensi, Barnabæ Mediolanensis Principis vxore inchoatum; & ab ipso Barnabâ post vxoris mortem ea conditione ante annos amplius ducentos, integre constitutum; ut sibi, successoribusque ius ad canonicos nominandos reseruaret. De eo visendo, ac recognoscendo Carolus agere cœpit. Canonici contra, regique Magistratus ecclesiâ ab Archiepiscopi potestate dicebant exemptam: Regi certe ut Duci, & patrono in ea ius esse. re vera Clemens Pontifex exemerat; sed ita tamen, si Archiepiscopus consentiret: consensu vero nusquam apparebat. Carolus tametsi certo sibi iure niti videretur; negotium sustinuit; Romamque detulit. cumque respondisset Ormanetus, ac mandasset Pontificis nomine; ut iure suo vteretur; rem ille tamen adhuc trahi duobus fere mensibus passus est. Interim canonici (nonnullos semper exceptos volo, quos scio dissensisse) tantum sibi sumpserant; ut ne in vllum quidem ipsius ecclesiæ Scalensis clericum Archiepiscopali auctoritate agi posse contenderent. immo Vicarium causarum criminalium, & fisci procuratorem, quia egissent, anathemate notatum publice denunciaverunt; Carolum etiam ipsum ea de causâ citare ausi. Priuilegij sui, & auctoritatis Apostolicæ nomine id fecerunt; cuius ruendæ ministrum, iudicemque delegerunt leuissimum hominem, atque impetritum Petrum quendam Barbestum; His rebus cum Magistratus aperte fauerent; Dux etiam ipse

*A quibus Mediolani Canonicorum Collegium Scalense sit institutum. Et quare Scalense sit appellatum.
Nonarum perturbationum origo.*

Istius Collegij quorundam Canonici.

Qualem Indicem eligunt Canonici.

ipse semper ecclesiastico iuri tuendo antea deditus, tunc alium se præbebat; siue id aliorum instigatione; siue obtrectatorum timore faceret; qui calumniandi, accusandique apud Regem, regiumque consilium ex pio eius studio occasionem arripuerāt. commotus etiam dicitur: quia cum ad tollendum mercatum quendam qui ad sancti Bartholomæi, eius die festo haberi solebat; ipso die Carolus ecclesiam claudi iussisset; ad eam ecclesiam rei diuinæ causâ forte is aduenerat: & ut perturbati animi natura est, oclusas fores, contra penitus, ac Caroli mens fuerat, accepit in iniuriæ loco. Vt cumque ille affectus, mutatusque fuerit; poena certe capitali proposita, per eos dies edixit; ne quis aliquo modo regiam iurisdictionem læderet. quod quidem editum ira conscriptum est; ut causidici, notarij, ministrique fori Archiepiscopalis omnes, veriti ne qua forte ratione aliquando comprehenderentur; eiusmodi poenæ metu, forum, causas, exercitationesque suas omnino dimitterent. Carolus in aperto iure minime hæsitandum, cunctandumue ratus; ne maiora ex his in dies contra Ecclesiæ ius pararentur; simul suspicans, ne tempus ideo duceretur; ut ipse quoque per Barbestum publica posset proposita denunciatione notari: diem illius ecclesiæ recognitioni deniq; constituit. eo die mane per Ludouicum Monetam presbyterum denunciât, iam iam se affuturum, ecclesiæ, ac ædium ecclesiasticarum visendarum causâ. canonici prius moniti sacrorum festinanter finem fecerant: & plerique sacra linea veste induti, ad cœmeterij ianuam, ceteris omnibus clausis, constiterant. Ex his Calaber quidam senior, qui œconomi munere in ecclesia Mediolanensiungebatur; denuncianti Ludouico, In regio, inquit, domicilio sumus; nullum ius Archiepiscopo in nos: Cardinali id nuncies; moneasque, ut prudenter agat: huc enim spectant edicta promulgata contra homines Regi infidos. Dum ceterorum sententiam, an eadem sit Lodouicus exquirat; exardescit senex; dure increpat; omnes in eum impetum faciunt; impellunt; eiiciunt. Carolus ipse non multo post aduenit. qui Cardinalis insigne ante illum gestabat; cum limen intraret, iniecta in frœnum equi manu, repellitur. eodem modo,

*Ministrum
Canonicum fa-
ciunt; Et Dux
a iure ecclesia-
stico tuendo a-
lium se præ-
bet.*

*Ducis edictum
quid effecerit.*

*Carolus diem
Scalensis eccle-
siæ recognoscen-
da constituit.*

*Quid œcono-
mum, Et Cano-
nici contra Lu-
dovicum Mo-
netam fecerint.*

*Quam resen-
dum faciunt
Scalenses in
aduentsu Car-
oli commiserunt.*

modo, qui crucem Archiepiscopalem præferebat. tum Carolus mula descendit; crucem, quam tenere in pronuntiatione sententiæ contra canonicos oportebat, prehendit; ingreditur. ibi vero horrendum spectaculum. cæci sacerdotes, qui tanti Antistitis, sacrorumque insignium conspectu placari, aut potius terri debuerant, vehementius accensi irruere; armati, quos quasi cum hoste res esset, cōduxerant, districtos gladios tollere; Hispaniam, Hispaniam stultissime conclamare; Carolum varie agitatam, & in imaginem Crucifixi semper intuentem repellere; fores obrudere, contraque faciem claudere; multitudinis concursu, strepituque omnia misceri. His interfui adolescens, cum ea via forte præteriens, turba, reique nouitate motus eo loco moratus essem. Ibi Carolus in canonicos anathema, interdictum in ecclesiam pronunciauit: Vicarius eius generalis Ioannes Baptista Castellius paratum scriptum parieti affixit. quo statim aduersarij conscisso, Vicarium male habuerunt, atque adeo ceciderunt. eodem die a collegio celebriter deductus, præclarus ille litterarum Pontificiarum patronus Barbestus, sententiam solenni ritu, campanarumque sono contra Carolum pronuntiat: grandibus litteris in illius ecclesiæ pariete, aliisque vrbis locis publice notatur, Carolus Borromæus Cardinalis, & Archiepiscopus sacris interdictus, ob Pontificiæ auctoritatis contemptionem. Contra Carolus pronuntiationem suam in Basilica maiore statim renouauit. deinde nominatim Oeconomum, totius facti ducem, & alios de quibus constare potuit, ob vim sibi, ministrisque suis adhibitam, sequenti die, ab Ecclesiæ corpore abscissos; eosque, & eorum ecclesiam iis pœnis restrictam, declarauit, quæ Bonifacij Pontificis constitutione sancitæ sunt in Cardinalium violatores: plura enim erant capita, quibus eo facto canonici grauissimas ecclesiasticas pœnas incurrerant. Duci præterea, Senatuique facinus scripto denunciavit; monuitque, ne forte in tanta re conniuentes, in eisdem pœnas inciderent. Cæsarem Specianum patritium Mediolanensem, tunc canonicum suum, nunc Episcopum Cremonensem, magna virtute Præfulem, & magnis Ecclesiæ sanctæ muneribus perfun-

Carolus Canonicos anathemate notat, in ecclesiam interdictum pronuntiat.

Canonici indigna perpetrât, in Cardinalis Vicarium infurgunt.

Qualis sententia a lenissimo illo iudice in Carolum sit pronuntiata. Quæ Carolus gesserit.

Cæsarem Specianum Romam mittit.

perfunctum, Romam misit, qui acta omnia ad Pontificem referret, & quæ ea de causâ opus essent, procuraret. Erant Carolo *Quo Caroli*
 mœroris non mediocris causâ complures: vastitas ecclesiastici *metum causa.*
 fori: nulla iudiciorum facultas, nisi quam comprobasset Senatus; quamquam ne illâ quidem vti quemquam permittebat, ne licentiâ eiusmodi probare videretur: publica quædam auctoritatis suæ contemptio: nulla ciuilis potestatis tutela; quin tacita potius oppugnatio: iactatio aduersariorum; disruptum tandem ab eo, & ab alienatum Ducem; Pontificem vero minime, vt putabatur, commotum recentibus factis: Vicarij, consiliariique sollicitati, ac pene iussi, vt a Carolo discederent: dubitatio piorum, amicorumque hominum, num forte magis cedendum esset, quam tanet turbari sinere.

Hoc loco res Caroli cum essent; eò maiori tamen animo esse videbatur, quò grauiori premebatur acerbitate. summa in rebus omnibus circumspectiendis diligentia: neque opera, neque studio causâ deesse: nullû officium Romæ, vel in Hispania prætermittere: sese in primis, ecclesiâque suam, suis, aliorumque precibus impense Deo commendare: spiritualibus colloquiis, exercitationibusque sustentari. Atque dum consiliorum suorum, & aduersariorum item rationem perpendens, exponeret omnia Pontifici; illud quandoque dixisse reperio: si eorum malorum in se ipso causâ agnosceret, dicturû cum Iona: Tollite me, & mittite in mare, & cessabit mare a vobis: cessurum se facile, magisque tranquillam vitam, quod ei facile, iucundumque foret, electurum. Sed cum perspiceret de auctoritate tantummodo agi: idque curari, ne quid Archiepiscopus in laicos fere sine seculari potestate posset; quod neq; iuri cõsentaneum; & moribus emendandis, salutique populi valde incommodum iudicabat: id etiam fortasse agi, vt Carolus tantis molestiis, difficultatibusque defatigatus tandem locum defereret; aliisque Archiepiscopus crearetur, qui vel non posset, vel nollet repugnare: hæc cum videret; decretum sibi esse, omnia potius incommoda perpeti, omnia subire pericula, quam Ecclesiæ causâ

Romæ, & apud Regem de rebus suis agere fortiter.
 CAP. IX.

Maxima animi moderatio.

Quo animo ita tot tantisque perturbacionibus esset.

vmquam deferere. scire se etiam Pontificis in Ecclesia tuēda, & omni æquitate cōseruanda religiosissimam voluntatem. nosse Catholici Regis optimam mentem. his rebus in magnam spem adduci, omnia tandem, Deo in primis fauente, felici exitu esse concludenda. Sed quamuis acta Barbesti Pontifex irrita declarasset: ex canonicis nonnullos Romam vocari; & quia non paruissent, anathemate damnari iussisset: remissius aliquanto tamen agi, tardiusue remedia malis præsentibus offerri Carolus existimabat, quam res postulare. cunctationem ipse, dissimulationemque maioribus malis occasionem putabat esse. alij vero maiora mala ita potius auerti, dicebant: omnino Caroli mentē, animumq; ea ratione exerceri, & quodammodo expoliri. cum is ita sentiret; tanta tamen erat modestia, tantumq; summi Pastoris sapientiæ, atque amoris tribuebat; vt in litteris, quas frequentissime ad procuratores suos, homines maxime sibi fidos, Romā mittebat; ne verbum quidem reperias, quo vir acerbissime pressus, vel agendi modum reprehēdat, vel paulo liberius queratur. de ipsis etiam aduersariis ita loquebatur; vt quos poterat, excusaret; sicuti vere nonnulli erant aliqua excusatione digni. Merito autem paterno Pontificis amoris plene confidere poterat; a quo plurimi fiebat, atque vnice diligebatur. cuius rei testimonium Ioannis Baptistæ Cardinalis sancti Clementis litteris testatum, libet hoc loco proferre; Pontifici Domino nostro (ad Carolum scribebat ille) adeo probantur actiones tuæ, vt heri dixerit; Antistitem in Ecclesia Dei diuini cultus, & honoris studiosiorem; aut in ecclesiastico iure tuendo, sanctæque Sedis huius auctoritate cōseruanda fortiolem, quam tu videaris, scire se neminem. ideo viribus omnibus opem ferre quidem velle; amplitudinemque tuam defendere; sed rei tempus expectandum. aliàs dicebat Pontifex; in Caroli rebus tuendis, vel vitam ipsam sibi ponendam. De Rege licet ea omnia sibi Carolus polliceretur, quæ ab optimo Principe possent expectari: tantum erat tamen aduersariorum studium, tanta contentio; vt vel scribendis ad Apostolicum Internuncium in Hispanias litteris, scriptisq; aliis mittendis, quibus varia, quæ contra ipsum, Regi referebantur, coargue-

Pontifex Iudiciū a Canonicis electis acta irrita declarat, nonnullos ex Canonicis Romam vocat. inobedientes anathemate damnat.

Caroli obferuantia, ac modestia.

Quid de eo sentiet Pontifex quantique faceret.

Quid de Rege sibi pollicebatur Carolus, quantumue in sua tuenda causā sollicitum.

coargueret; assiduam pene operam dare cogeretur. Is erat Ioannes Baptista Gastaneus Archiepiscopus Ruscianensis, humanitate, religione, iudicioque vir in primis præstantissimus. qui nuper Sixto mortuo, in altissima Petri Sede collocatus, paucis diebus morte sublatus est. Erant apud Regem, & eius consilia, qui vel id prædicare non dubitarent; omnino provinciam Mediolanensem, salva Regis auctoritate, administrari non posse, nisi Carolo pulso. Totius autem sensus sui, rerumque ecclesiæ Mediolanensis rationem Regi fusius aperire constituit; vt pro religiosa voluntate sua, quantum in eo esset, tantis incommodis mederetur. Optimo igitur Antistiti, valdeque amico mandata dedit; quorum fuit hæc summa: Quod perturbationum Mediolanensium, quæ Regi notæ satis erant, culpam in se, tamquam Regis parum studiosum, alienique iuris appetentem, quidam transferre conarentur: primò sibi conscium esse; suæ id vitio fieri non posse voluntatis; quam sane optimam erga Catholicam Maiestatem hereditatis quasi iure accepisset a maioribus suis; ipseque maxime omnium conseruaret; ob ea, quæ in Gibertum eius patrem, Federicum fratrem, in se demum agnoscebat ab eadem liberalissime collata beneficia: quam etiam Romæ olim; quo loco, & tempore, opera, & officiis suis multo melius poterat; re ipsa sæpius ostendisset. Alieni vsurpandi, quæ cupiditas, aut suspicio in illum caderet, qui omnia sua sibi relinquenda statuerat, vt Deo liberius, ecclesiæque sibi commissæ posset inservire? errorem etiam sibi abesse videri, cum viris peritissimis in iure suo plane cognoscendo vteretur. Neque se concordiam cum Regio. Magistratu negligere: immo quoad posset, eam diligenter curare; cuius fructus in ecclesia administranda omnibus esset manifestus. argumento esse vel eius patientiam, qua biennio iam in multis ecclesiæ damnis, ac iniuriis utebatur. At Magistratus in peiorem partem accipere omnia; apud Pontificem, Regemque de se iniuste queri; & sine causâ accusare. vel iis refellendis, quæ contra se dicerentur, multum sibi negotij exhiberi. Regij iuris tuendi nomine edictum promulgatum, quo omnes ecclesiastici fori actiones funditus essent sublata. Si clericus suum iudicio

Sensum suum, rerumque suæ ecclesiæ rationem, per Nuncium Apostolicum Regi aperit.

persequi vellet; si pro ecclesia sua agere; si pia legata exigere; neminem esse, qui operam non negaret. Simoniacos, sacrilegos, adulteros, vsurarios, alios omnes maleficos, impunitos esse: vitia, & peccata late manare: improbos, facinorosque exultare; clericos, ecclesiasque iniuria affici: mortuos nonnullos piis suffragiis destitui. ita potestatis suæ conseruandæ nomine, regios iudices Ecclesiæ totam eripuisse iurisdictionem. Scalensium audaciam ab eis nutritam: nihil certe actum contra sicarios, qui sibi sacrosanctum Archiepiscopalis auctoritatis insigne tenenti districtis gladiis a canonicis obiecti erant. id multis iustam causam existimandi afferre, vel delictum magistratibus placere; vel ipsis consentientibus fuisse commissum, eosdem crimini sibi dedisse apud Pontificem, quod bidui moram in eo negotio negasset, qui ipsos concesserat menses. ad hoc rem indignissimam, sed tamen etiam ridiculam; gladios a Caroli parte prorsus semper inermi, prius eductos. Rem, quæ cum Senatu in controuersia esset, pro Rege quidem non tantam videri. quid tandem regis potestati obesset, necessarios iurisdictioni suæ satellites Archiepiscopum armatos habere; vitiososque homines ecclesiasticorum criminum reos eius auctoritate duci? at pro Archiepiscopo magni esse momenti: aliter enim vix, aut ne vix quidem, delictis coercendis suo munere fungi posse. nam & si quid difficultius tentandum esset, perfici minime posse absque laicæ potestatis auxilio. Ius regium verbo; re vera defendi viuendi licentiam. quale illud esset; quod turbæ pene omnes ex eo tamquam ex semine ortæ videbantur; quod in adulteros, & concubenarios agere cœperat. Eiusmodi impedimentis, & contentionibus summam ecclesiæ conformandæ, moribusque emendandis difficultatem afferri, multitudinem variis rumoribus suspensam, incertamque teneri, ne Pastorem suum audirét, & in salute curanda progrediretur. discere multos non solū laicos, sed etiam clericos repugnare Episcopis suis. Magistratus, quos provincia bene gubernanda, vtilius occupari oportebat; detineri contentionibus cum ecclesia exercendis. Hæc a vero animi sensu, christianaque charitate profecta Rex apud se cogitare vellet; videretque,

retque, digna ne, pia, optimaque mente, & sensibus suis plane catholicis a suis agerentur; & pro sua summa prudentia, & pietate de rebus omnibus consuleret. Quid ecclesiasticum forum pateretur, eodem modo Duci, & Senatui denunciauit; & litteris testatus est: monuitque, vt pro eo quod sacri canones in eos statuerunt, qui libertatem ecclesiasticam, auctoritatemque laederent, consulerent saluti suæ.

D V M hæc ad Regem afferuntur; dum cunctatur Pontifex; & Magistratus in Ecclesiæ, Archiepiscopique iniuriis conuiuent: alia multo acerbiora, prorsusque detestabilia in Carolū patrata sunt. Humiliati optimis quidem legibus astricti, & ad instituta, officiaque sua reducti erant; sed quantum vis poterat: alia enim erat voluntas; omniaque mouebant, vt ad vsitatum vitæ genus possent recurrere. Multa Carolus fecit, tentauit multa, vt vere ordinem ad veterem normam, rectamque disciplinam reuocaret. de bonis monachis ex alio ordine vnicique cœnobio præficiendis egit: de bono ordine cum eo coniungendo; de nouitiis optime instituendis: omnia parum valere videbantur ad ordinem, inueteratam iam consuetudine, rursus inflectendum. optimum factu erat per nouitiorum institutionem, successionemque disciplinam instituere: sed nimis id longum videbatur. omnino illud compertum est; qui ignorantia, vel infirmate errent; eos verbis, castigatione, diligentia in viam posse reduci: qui parata salutis subsidia contemniunt, scientesque; & volentes in errore versantur, & consuescendo habitum confirmant; metu, vi, præmiis posse interdum contineri; ceterum vbi copia detur, eodem semper reuolui. Hæc tractare cum Carolus pergeret; monachi eius auctoritate, diligentia, constantia vndique tenerentur; & vel Romam videre ipsa Romana auctoritate prohiberentur: nefarium consilium ex eis quidam cœperunt; Carolum quacumque ratione de medio tollere: id si succederet, quæ vellent, auferre facile posse. Auctor sceleris fuit, vt etiam Pius Pontifex in sua constitutione refert, Hieronymus,

Percussus nihil læditur.
CAP. X.

Qua sententia Carolus & humiliorum ordinem ad veterem normam reuocaret.

Nefarium quorundam humiliorum de Carolo interfecendo consilium.

mus; ecclesiæ Vercellensis sancti Christophori antea Præpositus. is rem cum Laurentio Præposito Carauagij, Clemente Præposito sancti Bartholomæi Veronæ, & Hieronymo eiusdem ordinis sacerdote, cognomento Farina, communicat. Farina se paratum ostendit ad rem perficiendam; si pecuniâ detur. quadraginta aureos nummos tanti sceleris mercedem sibi paciscitur. cum ij non suppetere, alio scelere parare aggrediuntur. Agunt de surripienda ecclesiæ Braidensis Mediolani pecunia, quæ a Fabio Simoneta monacho, ex nouis constitutionibus custodiebatur. cogitant etiam, cum proxima esset Ascensionis Domini sollemnis dies; eiusdem ecclesiæ altare; quid enim iam non auderent aureis, argenteisque ornamentis expilari posse. Atque cum ærarij Braidensis ostium effringere conati, nihil egissent; Fabium strangulare statuerunt. illo in templi adyto sacræ precatiõ operam dante, veniunt ad ianuam. dissident inter se, quis eorum prior fasciam collo iniiciat. re tandem infecta discedunt. superari Deus voluit religiosa precatiõne improborum nequitiam. Sacra vasa, atque ornamenta, Farina solus abstulit; & pecunia ex iis quamprimum confecta; per ganeas variis in regionibus voluptati se dedit. ac tandem, vt breui comprehendam; breuibus tormentis duobus, ex iis, quæ rotæ artificio, igne repente ex silice excusso, feriunt, nouo alio furto coemptis; ad nefarium scelus paratum se denunciat. eò peruenerat immanitas; vt necesse iam non esset, cam mercedibus euocari. Modo in itinere Carolum aggredi constituit, dum perlustrat dioecesim: modo ad sancti Barnabæ ædem, quò ille frequenter veniebat; vbi opportunitatem dabant horti, qui contra illam sæpibus tantum munebantur. Semel post sæpem delitescens per ianuam ecclesiæ ad altare sacra facientem, longiori tormẽto petere instituit; sed fores, quæ apertæ subito claudiebantur; ministri item, qui per gradus altaris frequentes intuenti occurrebant, impedimẽto fuerunt. locum denique, tempusq; elegit, quo Carolus cum suis, aliisque vespere suis in ædibus sacras preces obibat. cum accessisset, ob Cribellium Cardinalem lateri coniunctum abstulit. reuersus conatus est tandem. ea precatio tunc habebatur; quia

*Horrendum a-
liud facinus
patrare cogi-
tanti.*

*Quo in loco ag-
gredi Carolum
constituit ne-
farius Mo-
nachus.*

quia sacellum ædificatione impeditum erat; in amplo loco, qui hospitum commodo contra ianuam est ædium ipsarum. pars loci, quæ pro sacello erat, ligneo sepimento ad tempus erat a reliquo distincta. Igitur feria quarta vii. Cal. Nouemb. anni. M. D. Lx. i x. dimidia circiter hora post noctis initium, genibus flexis orabat Carolus, quattuor, quinqueue cubitis longe ab ostio sepimenti. ad pietatem excitandam, frequentiamque exterorum inuitandam, aliquid musici cantus adhiberi solebat: tunc autem canebatur illud Euangelij, Tempus est, vt reuertar ad eū, qui me misit: cumque ad ea verba cantores venissent, Non turberetur cor vestrum, neque formidet; sacrilegus ab eodem ostio quod apertum erat, tormenti rotam laxat: ignea vis pilam, pilulasque plumbeas plures in Carolum coniicit. flammia, sonitus ingens improuisus omnes perterrefacit. Carolus verberatum se in dorsi spina sentiens, locum manu premit: dolorem, quamuis minime sentiat, se tamen grauiter sauciatum putat; existimans recenti adhuc vulnere cruciamentum non effici: in facto adeo terribili nihil corpore motus, parum etiam animo videtur; sed suis, præsentibusque aliis, qui consurrexerant omnes, & accurrerant, significauit, vt sacrum opus perficerent, neque abscederet quisquam. paruerunt omnes, sinemque orandi quiete fecerunt; vt commode percussor exire, per scalas descendere, atque abire potuerit. Pila ne vestimenta quidem traiecit; sed in linea tantummodo exteriori veste (rochetum appellant) impresso vestigio, & labe quadam effecta, post Carolum super panno humistrato cecidit. Pilulæ ab ore tormenti dilatatæ varia loca petierunt, alia, eadem veste, tunicaque sequenti, inani ictu transiecta, & exusta, itidem in pannum decidit: alia parieti adhæsit; qui contra ostium, Carolo medio, erat. reliquarum plura signa in eodem pariete apparebant. Precatione habita discedit in cubiculum Carolus: vbi exutis vestimentis, nullum in corpore vulnus apparuit; nulla prorsus offensus; tantum notula quædam, non sine tumore, in loco verberato extabat. plumbea tela, vestes etiam demum, religiosa cura pij viri conseruarunt.

Carolus dum flexis genibus orat ab impio Monacho, tormento in dorso percussus, sed nihil læditur.

Quomodo percussus se gesserit.

Quæ post casum facta sunt, & de rebus Caroli melioribus.

CAP. XI.

Ne ex eim familia de malefico quaratur, prohibet, cum Duce de multis differit.

GRAVISSIMO casu, nefarioque facinore statim commota ciuitas, tota fere conuenit ad ædes Archiepiscopales. ibi omnes factum obstupescunt; sceleris horrent atrocitatem; miraculum prædicant. Dux ipse accurrit illico, Carolumque amantissime consolatus, omnia pollicitus est. quæ telorum signa extabant, ea pie, studioseque visit. tum vero celeriter de sacrilego deprehendēdo consultauit. Atq; in ædibus Archiepiscopalibus a secunda, vsque ad sextam horam noctis moratus, cum ex eius familia de re, & malefico quærere vellet; adduci numquam Carolus potuit, vt consentiret: & quamuis vocari religiosos viros illi maxime probatos iussisset, vt id persuaderent; non impetrauit tamen. Duci vero Carolus gratias cum egisset; addidit etiam; priuatim sibi ducere eam illatam iniuriam: propterea velle se, vt nullo humano studio adhibito, tota Dei iudicio permitteretur; qui ea in re præsertim suam declarasset tutelam. magis cupere, vt eiusmodi studium, diligentiaque ad Ecclesiæ ius tuendum conferretur; & ad ea vindicanda, quæ in eam quotidie fiebant; ea maxime, quæ ad ecclesiam Scalensem publice commissa fuerant: vbi non ipsi priuatim; sed personæ, auctoritatieque Archiepiscopali insignis iniuria facta fuerat. tantam dissimulationem ea in re ab eo, & a Magistratibus adhibitam, facile potuisse improborum audaciam alere. Quibus scire Dux respondit; in publicis controuersis, quæ iure dirimendæ essent, Consilij, Senatusque arbitrio facere se oportere: quod proprie ad Carolum, eiusque vitam pertineret; cuius se defensorem profiteretur; id non secus, atque vitam suam sibi curæ esse. eadem sententia ad Senatorium ordinem Carolus locutus est; qui postridie eius diei officij gratia ad eum conuenit. quod idem Consilium ciuitatis, collegiaque præcipua fecere. At Dux ea ipsa nocte editum promulgari iussit; in quo re, vt gesta erat, explicate relata, & diuini miraculi nomine appellata; qui aliquid nossent, quod ad scelus illud pertineret, eos iussit statim, aut tridui spatio ad summum indicare; capitali, bonorumque publicationis adiecta pœna, si non facerent. impunitatem præterea indici, nisi ipse auctor flagitij esset, pollicitus; præmium quoque proposuit, absolutionem

Duci responsio ad Carolum.

De deprehendatur maleficus curat Dux.

lutionem duorum damnatorum exulum, & aureorum duo milia. triduo fere portas vrbis claufas haberi iuffit. cauponcsque omnes eorum nomina deferre, qui feria quarta in eorum diuerforiis ad primam noctis horam morati effent. litteris statim miffis, edixit præfectis, tum qui vrbes prouinciæ custodiunt, tum qui arces tenent; vt omni diligentia, hominem nefarium conquirerent. alia fecit diligenter ad hominem aliquo modo erudendum. custodiam eius armatam, cum recuſaſſet Carolus, hora tamen ſupplicationis conſueta mittebat ad palatium Archiepiſcopale; ianuamque cuſtodiri iubebat, donec occluderetur. Ipſe frequentiffime, atque amiciffime Carolũ adibat; ea quemadmodum dicebat, de cauſa, vt omnes intelligerent, iuris quidem eſſe inter eos controuerſiam, poteſtatumque diſſimilitudinem; ſed non diſiunctionem animorum. Carolus autem, vna cum clero de more ſacros ordines duxit, ad agendas de accepto beneficio gratias; quem frequentiffimus pie admodum, atque amanter populus proſecutus eſt: vt vel eo ſigno ſatis indicaret, quam charam haberet vitam Paſtoris ſui. Paulo poſt Carinianum ſe contulit, ad Carthuſienſium monaſterium vrbi propinquum; vt quem ferre poſſet, ex diuina voluntate, vel deberet eiufmodi euentus fructum; clarius, atque vtilius in loco ſolitario videret. Facto autem accurate deſcripto, & ad Pontificem miſſo: ipſe litteras adiunxit huiuſmodi.

*Cuſtodiam
Ducis arma-
tam recuſas
Carolus.*

*De accepto be-
neficio & na-
ci clero gratias
Deo agit, idem
& populus fa-
cit.*

*QVOD mihi ante tres dies accidit, Ormanetus exponet Sanctitati tue. id auribus tuis moleſtum erit: ſed Domini Dei noſtri miſericordiam etiam indicabit, qua uſus eſt, in me haud uſitata ratione prote-
gendo. neque id mea, qui nihil eiufmodi ſum meritis; ſed vel loci, officiique mei gratia; vel vt longius, quod mihi opus eſt, ad pœnitentiam temporis ſpatium daret: aut vero aliis de cauſis, quæ nobis curioſe inueſtiganda non ſunt. eſt igitur hac in re potius, vnde lateris, quàm moleſtiam capias. Equidem Deo gratias ago; ſperoque non ſine fructu hoc fore honoris, & gloriæ diuinæ. Sanctos pedes tuos oſculor, tibi quæ omnia bona precor. Ad ea reſpondit Pontifex ſua manu: Malis hoc ſemper in more fuiſſe iam inde ab ipſius Abeli tem-*

*Caroli litteræ
ad Pontificem.*

*Reſponſio Pon-
tificis ad Caro-
lum.*

pote, insectari iustos: sed dum nocere illis conati sunt, profuisse potius; sibi vero obfuisse. dolere se maxime quorundam cœcitatatem, qui contra se ipsos laborarent; seque eò paulatim demitterent, vnde non esset exitus. gratias Deo egisse; quòd talem virum sibi seruasset; & dæmonis conatum fregisset. non solū Dei fiducia, sed diligentia etiam vteretur in se custodiendo. vindicturam id sceleris diuinam maiestatem, vt solet, in tempore. Deū oraret per se; & per alios, vt cœcis lumen daret. Verum allato

Maxima in Urbe Roma profacinores, & miraculo admiratio, de quo Pontifex ad Cardinales Verba facit.

Quid Pontifex cum catholico Rege de negotio hoc agat.

Reges & Principes ad Carolum dant litteras.

Cardinalis Amulij dictum.

Proverbium.

Romani nuncio, magnus tota vrbe motus, magna fuit admiratio. Pontifex in Cardinalium conuentu ea de re verba fecit: casum deplorauit: ita scilicet euenire, cum ij qui potestates, & imperia regunt, odiū in Episcopos, aut alienam voluntatem ostendunt, improborum animos in eos, furoremque confirmari. hortatus est denique, vt de tanto viro per miraculum seruato Deo gratias agerent. tum vero suo nomine Catholico Regi negotiū grauissime commendari iussit; vt ad prouinciæ Mediolanensis rectores, pro rei grauitate mādata daret. Nuncio item in longinquas vsque prouincias celeriter fama perlato; confluxere vndique Regum, Principum, priuatorumque litteræ; quæ ex sceleris atrocitate, & ex felici euentu, dolorem, gaudiumq; miscebant. alij teterrimam hominis mentem, qui commiserat, asperamque temporum conditionem deplorare: alij Caroli sanctitatem, rectissimamque mentem prædicare: alij diuinam benignitatem celebrare, in suis seruandis; miraculisq; etiam nostræ ætati concedendis. grauissimum multi argumentum efferre; quòd constanter omnino agendum sit Dei ministris, quidquid eorum officij est, tam perspicuo Dei patrocinio. ingeniose quidam proferebant, amantissime gratulantes, Deoque gratias agentes; quòd eodem tempore Deus, & martyrij laudem, viro sibi, & Ecclesiæ prorsus deuoto dedisset; & martyrem mirifice sibi seruasset. nescire se dicebat M. Antonius Amulius Cardinalis; vtrum maiori miraculo corpus a vulnere, an animum a terrore liberum, Carolus ex horribili casu retulisset: vtrumque certe magnum sibi videri miraculum. Quibusdam etiam fuit in prouerbio; lineam Caroli vestem esse quauis lorica durior. Eius cognati Prin-

Principes viri, proximi, & longinqui, custodiam, potentiamque suam pollicebantur. Religiosæ, piæque Congregationes sacra munera assidue obibant, gratiis Deo agendis, auxilioque diuino in posterum implorando : nam multi ex amicis post euentum magis, quam ante multo metuebant. At fuere etiam, qui dum cauti, atque intelligentes videri peruerse vellent, in maximam incideret temeritatem; Caroli illud fuisse artificium, vt sibi opinionem quæreret sanctitatis. Carolus cum de se custodiendo moneretur; facturum se dicebat, non armis tamen; atque ea tantum cautione, quæ pastoralis muneri obeundo impedimento non esset. vereri enim, si secus fecisset, ne tum rebus Mediolani inceptis, tum iis, quæ in aliis ecclesiis forte agenda essent, magnum afferret detrimentum. si ipse Cardinalis, præcipua Pontificis tutela, timere videretur; quis in ecclesiastica causâ constantiam præstiturus esset? videri nanque omnibus non priuata, sed publica de causâ se peti. Cum autem a Pontifice sibi suspectos prodere iuberetur; scire se respondebat, sibi esse correctionis causâ multos offensos; sed legitimam suspicionem habere nullam : ciuiliū iudicum disquisitione multis molestiam exhiberi, quos a maleficio valde alienos existimaret. Lætabatur autem; id quod optimæ custodiæ instar habebat, & lucri loco non mediocris; piorum precibus tunc se multo quam antea studiosius iuuari. tum precationem illam vespertinam ex eo casu maxima frequentia in ædibus suis celebrari gaudebat. Romæ fama erat, eò Carolum vocatum iri, vt periculis subtraheretur. id cum ex iis quidam audirent, qui eius negotia procurabant; suadere Carolo conabantur, vt cœptis ædificiis, quæ multa erant, iuberet supersederi. at ille tum posse fieri respondit, si sua causâ ea instituisset. Quod multi prædixerant, Caroli res, ob illum casum, meliore loco fore; id euenit. omnino est hoc diuinæ clementiæ; vt incommoda suorum, salutari quadam vicissitudine commodis compenset. sed ex se tamen etiam res aduersæ, tum misericordiam mouent; tum amorem; quod si exitum habeant felicem, atque mirabilem; si cum opinione sanctitatis etiam coniungantur; accedit etiam non mediocris veneratio. Carolo post

*Pontifex Carolo
lo & sibi suspectos
prodere iubet,
& quid
Carolus.*

*Post facinus,
res Caroli meliores.*

In multis animorum mutatio.

Quid Rex fecerit, iusseritq; Duci.

diuturnam, grauemq; sane afflictionem; post grauissimam Scalensem iniuriam, atque periculum; post atrocissimum tormenti casum, mirabiliter seruato; minime mirum, si magna fieri visa est in multis animorum mutatio; magnaue voluntatum erga illum inclinatio. tum insignis etiam apud omnes sanctæ cuiusdā existimationis eius accessio. Mandata primum a Rege Duci sunt allata: ecclesiæ restitueret, quæ edicti illius causâ ablata erant. tumultum Scalensem sibi maxime improbari: temerarios illos, qui sese cum gladiis Carolo opposuerant, diligenter perquireret, supplicioq; afficeret. præsertim vero de nefario homine inuestigaret, qui facinus execrabile, sic enim appellabat, committere ausus fuerat. tantum abesse, vt Caroli iurisdictioni vellet eximi Scalense collegium; vt potius ad illud visendum, resque illius componendas hortaretur, rogaretque. in omnibus Caroli difficultatibus paratum se ad eius defensionem præberet. placuisse sibi admodum, quidquid officij, erga illum in eo casu præstiterat. si quid etiam amplius addiderit, incertum est. Internuncius certè, ac vniuersi Dominicani ordinis Antistes Vincentius Iustinianus; quem Pontifex ob Mediolanensia, & alia negotia generis eiusdem ad Regem legauerat, plura scripserunt de optimo Regis in ijs factis omnibus iudicio, optimaque in Carolum voluntate. Iis vero mandatis animum suum Dux amicissimum adiungens: graua illa in primis ecclesiasticæ iurisdictionis impedimenta, quæ adhuc perseuerabant; sustulit: nam & Pontifex ita iusserat; hominemque monuerat; anathematis poenam sacris legibus in violatores Ecclesiasticæ libertatis sancitam edicti promulgatione eum incurrisse. qua in re pius Princeps ostendit pietatem; adeoque communicatione rerum omnium ad præscriptum canonum abstinuit; vt cum ad lustrandos equitum ordines prodire necesse esset; statum sibi sonitus tormentorum plausum, ac salutationem interdixit. Præterea, qui sacra communione olim exclusi erant, supplices eo se vinculo liberari petierunt. ij cum absolutionem Romæ Carolo iuuante, antea petiissent; postea vero destitissent, causâti, quod Regia auctoritate ita mandatum esset; Carolus pij Regis iniuriam sentiens, in Hispaniam

Dux multa præstat.

Hispaniam scripsit; vnde responsum tulit, contra mentem Regis id esse penitus. Itaque extructo ante fores Basilicæ maioris paulo editiori tabulato, pridie Natalis diei Domini, absolutio- *Carolus in Hispaniam scri-*
nem Aduocato fiscali, & Notario, stata iureiurandi obligatio- *bui.*
ne prius obstrictis, solenni ritu impertiuit. tum de canonicis *Publice quos-*
pœnis, earumque vi, ac grauitate, sermonem habuit ad popu- *dam ministros*
lum. Iudex autem ille, Senator interim factus, cum a Carolo po- *Regis ab anathemate absol-*
stulasset, vti Alexandriam proficisci, ibique cognatorum nu- *uit.*
ptiis interesse liceret, neque impetrasset; nihilominus profe- *Quid Iudici, et*
ctus, nocte post epulas consecuta, morbo correptus, paucis die- *quibuslibet aliis*
bus interierat. cuius cum euentu pij viri casum obseruarunt *euenerit.*
vnus ex tribus qui Romam Pontificis iussu vocati fuerant. is
cum errore quodam, nescio qua ratione, fixe insito, omnium
maxime Carolo repugnare videretur; in eum siue corporis, siue
animi morbum per id tempus incidit, vt admodum accerbam
vitam ageret: suspicatusque dæmone se aliquo vexari, adhibitis
sæpius per sacerdotem sacris exorcismis; non multò post eodem
modo semper vexatus, abiit e vita. Alij demùm in eadẽ causã fue-
runt, quos calamitatibus suis, posterorum infelicitate varie mul-
ctatos, Deo, & Ecclesiæ pœnas depēdisse multi crediderunt. Sca-
lenses canonici, qui contempta Caroli sententia, diuina officia,
celebriore ritu, cantuque, quamquam populo pie abstinente,
celebrauerant; dinque in contumacia permanserant; ad sanita-
tẽ demum rediere. At eorum Præpositus, quamuis non magna
culpa, absolutionem statim postulauerat supplex; & ea pro fori-
bus ecclesiæ S. Fidelis a Carolo accepta; Archiepiscopi se aucto-
ritati obnoxium esse, publice professus erat. Carolus Pontifi-
cem deprecatus, vt clementer cum canonicis ageret; efficere
non potuit, vt dignas ille omitti pœnas consentiret. iudicium
tamen omne Carolo ipsi permisit. ne multa; eos erratum suum
publice confessos, supplicesque, ante fores ecclesiæ maioris,
Carolus magna celebritate, solenni ritu, anathematis vinculo
liberauit, die dominica, Nonas Februarij M. D. Lxx. qui dein-
de in ecclesiam ad altare maius adducti, in ipsius, futurorumque
Archiepiscoporum sese potestate esse professi sunt; ac diuina
sibi,

*Quid cum Scalen-
sibus Cano-
nicis sit allum.*

ordinis fugitiuo, qui etiam Braidense argentum furatus erat, nomine Hieronymo: cum enim, se præsente, sapius ea de re cum Præposito Vercellensi egisse; petiisseque etiam ad id pecuniam; quam Vercellensis tamen negauerat; immo reprehenderat eius consilium; hominemque ut ad ordinem suum rediret, hortatus erat. Id cum audisset Carolus, minime sibi fieri verisimile respondit: quoniam Hieronymum illum proprie nulla in re umquam offendisset. post multa; ita Bartholomæus discessit, ut se certo rem scire negaret; sed ita coniecere ex iis, quæ audierat, Vercellensis, & Hieronymi colloquiis. addidit sperare se, Hieronymum ipsum post mensem affuturum; & ad ordinem reuerfurum: tum facile eum comprehendi, & de re tota inquiri posse; se autem de illius aduentu Carolo nunciaturum. Quæ a Bartholomæo acceperat, eorum quidquam se nosse Carolus nemini prorsus significauit: aliis alia suspicantibus, nihil aliud dicebat; quam ut ne temere de quoquam iudicarent. Cum rerum suarum causâ Carolus Bartholomæus adiisset, indicium repetiit: religionis se causâ testatus est indicasse, ut peccati vinculo se liberaret; & quasi grauissimum onus, quod sustinere sibi videbatur, deponeret. Interea de Antistite aliquo Mediolanum mittendo Romæ agebatur, qui de maleficio diligenter quæreret. cuius negotij, ne quisquam suorum villo modo particeps esset, Carolus etiam, atque etiam curauit: immo publico scripto testatus est, nolle se in quemquam omnino ea de re agi. At Pontifex Antonium Scarampum, Episcopum Laudensem anno decimum M. D. Lxx. incunte, ad id munus legauit. Pontificium edictum Episcopo promulgandum dedit; quo anathemati omnes subiiciebantur, quicumque non indicarent, quod de eo factum nosset: indicantibusque impunitas promittebatur, etiam si scelere consensissent. cui constitutionem addidit generalem; ut & Carolo ipsi, & aliis Cardinalibus in posterum magis caueret; qua veteris canonis pœna in violatores Cardinalium a Bonifacio sancita, etiam conscios sceleris, nisi indicarent, teneri statuit. Cum venisset Episcopus, edictumque proposuisset; Carolus ea de re tota valde sollicitus erat. iussu Pontificis urgebat,

*sestundo faci-
uoro se agit cū
Carolo.*

*De Maleficio
inquirendo de-
que mittendo
Mediolanum
Antistite ali-
quo, Roma agi-
tur.*

*Episcopum Lau-
densis Medio-
lanum a Pon-
tifice mittitur.*

*Quid episcopus
fecerit & de
Caroli sollicitu-
dine.*

L

& gra-

& grauissima pœna. premebant illa; quod secretò sibi cõmissum indicium fuisset; quod de sua vindicanda iniuria ageretur. miserebatur eorum, qui scelus nouerant. videbat enim facile fore, vt inconstantes homines, vel metu aufugerent, & anathemate profligati misere iacerent: vel si manerent; capitalis iudicij molestiis, asperitatibusque diu affligerentur. eam igitur ineundam sibi esse statuit rationem; qua, & sollicitudine sese, & vtriusque salutis periculo illos liberare posset. Bartholomæum vocat; tum vere grauissimum onus ei impendere monet: nisi rem Episcopo denunciaret, anathematis vinculo, aliisque pœnis propositis eum obligandum: si denunciaret; eam sibi videri rationem eorum quæ de se, & de Vercellensi Præposito narraret, easque in ea narratione suspiciones elucere; vt plurimum eis negotij, molestiæque præuideret exhibendum, ac quamuis religione postposita, quod non putabat, anathema contempsissent; facile tamen eius rei aliquid alia via patefactum iri; propterea quod Episcopus diligentissime inquirere iussus erat; & percrebuerat iam rumor ab ordine Humiliato malum profectum esse: ex quo multo difficilior eorum causa reddenda erat. Vnam se videre rationem; qua molestiis, periculisque ij expediri possent: vt quæ vere nossent, etiam si ipsi essent criminis participes, ea sibi libere patefacerent. ipsis vt incertis hominibus, qui dolore commissi flagitij commoti, ad eum confugissent, veniam a Pontifice impetraturum. interim secum religiose rem totam habiturum. sperare id se maxime. Pontificis clementia fretum, amoreque erga se satis perspecto, At Bartholomæus enixe affirmare; neque se, neque alium quemquam ordinis sui sceleris esse affinem; ea tantummodo nosse de Hieronymo, quæ dixerat. Vercellensis quoque ipse Bartholomæi hortatu Carolum adit; & mira religionis simulatione, secretò eadem quæ Bartholomæus, narrat. alia scire se obfirmate negat. immo velle Episcopū adire, remque indicare ambo affirmant; & vt Carolus idem facere posset, si vellet; eum nexu rei secretæ habendæ, si quis esset, sponte liberant. Carolus etiam, atque etiam amantissime monet; videant, quid agant; dum tempus esset, recte consulant: Deum pie testatur,

*Quod Bartholomæo cõsiliu
dat Carolus.*

*Vercellensis
Præpositus ex
ordine Humi-
liatorum Caro-
lum adit.*

testatur, cupere se factum minime in iudicium vocari; eosq; alia via omni periculo liberari. Illi in sententia manent: rogantque, vt si fontibus opitulari vellet, multo magis tueretur infontes. commendaturum se eos Episcopo, Carolus pollicetur; rogaturumq; etiam, ne eos teneret: posse tamen veniam sponte petentibus, secreta clementiæ via, opem ferre, quam non posset laqueis iudiciorum irretitis. ne multa; edictis promulgatis, Episcopus auctoritate Pontificia Carolo iuramentum defert: quæ *Episcopus Pontificis auctoritate Carolo defert iuramentum.* rit ex eo, quid de facto nouerit, suspiceturue. primo factum ipsum Carolus narrat. addit deinde se de auctore nosse, quod duo Præpositi Humiliati ei indicauerant. rem eos exposituros, qui iā sponte venerant. si eadem ex se postea vellet audire, dicturum. testari tamen, nolle se in quemquam ob sua dicta vllō modo agi. orasse antea Pontificem, nunc itidem per ministrum eius *Caroli protestatio.* orare; vt factum Deo remittat, eiusq; auctores, affinesue dimittat. neque Præpositis ipsis obesse velle; quin impunitatē, & omnia cōsequerentur; quæ litteræ Pontificiæ iis, qui primò indicassent, etiam si participes culpæ essent, promittebant: quin se eorum nomine, eorumque commodo, quacumq; ratione posset, ea indicare. rogare item, ne si fieri posset, eos in custodiam daret. His in acta relatis: introducti Bartholomæus, & Vercellensis, quæ Carolo iam dixerant, repetunt. in dicendo ita offendūt; ita suspicionem mouent, Vercellensis præsertim; vt est difficilis mendacij, & verisimilitudinis coniunctio; vt eos in vinculis retinere Iudices legitime cogantur. Carolus pro eis non semel ad Ormanetum scripsit; vt Pontificis animum studeret ad lenitatem reuocare: tum quicquid eueniret, supplex eius nomine miseris hominibus, quantum posset a S.^{mo} Patre misericordiam exposceret. quòd ij sceleratum cōsiliū non ante factum indicassent; eos non putare se Pontificis sententia puniendos: nā vel consentientibus impunitatē esse propositam, nedum scientibus tantum. licet etiam fontes deprehenderentur; in eo tamen mutata voluntatem, & errati odium aliquo modo eos ostendisse, quòd ei rem aliqua ex parte patefecerant; is maxime, qui primò adierat, alteriq; suaserat. Hæc cum vehementer oraret, quemad-

*Fugientis Con-
fisi produntur,
& in Vincula
coniciuntur.*

*De gradu sa-
cerdotali dete-
ctis seculari po-
restatis tradun-
tur.*

*Quo mortis ge-
nere sint affe-
cti.*

*Bartholomæum
ad quinquen-
nium ad triren-
nes damnatus,
& Caroli ope-
ra liberatur.*

modum ex eius litteris, quæ adhuc extant, perspicuum est; nihil tamen potuit impetrare. Habita deinde diligentius quæstione, Vercellensis denum fatetur, sacrilegio se, tum argenti Braidensis surripiendi, tum interficiendi Caroli cōsensisse. proditur Carauagiensis, & Veronensis. vterque in vincula conicitur. Farina iam apertius indicatus; a Duce Sabaudia, in cuius oppido Clauasio morabatur, stationarius miles factus, Pontifice postulante, facile deditus est. omnes Mediolanum adducti cum custodia, rem omnem confessi, condemnati sunt. duo tormenta, quæ secum sacrilegus habuerat, statimque post factum Mediolani occultauerat, reperta sunt; alterum vacuum, plenum alterum. tandem V. Cal. Augusti, de gradu sacræ sacerdotalis dignitatis, solenni ritu deiecti, & religioso habitu spoliati de more seculari potestati relictī sunt. cumq; religiose casum ferre satis viderētur, ducti sunt ad supplicium. Vercellensis, & Carauagiensis, qui nobili genere orti erant, capite ceruicibus abscisso, sunt interfecti. Veronensis, & Farina carro per urbē miserabili spectaculo vecti, ad Archiepiscopales eedes cum peruenissent; carnifex Farinæ dexteram manum amputauit: qui quidē præcipue scelus suum doluisse, veniamq; a Deo ex animo petiisse visus est: nam & populum allocutus e furca, supplex obsecrauit, vt sui misereretur; ignosceretque, quòd cum esset e medio tollere conatus, qui communi saluti tantopere prodesset. loco demum cōstituto ambo laqueo suspensi strangulati sunt. Bartholomæus ob culpam nefarij consilij non indicati, quod plane nouerat; immo etiam ob id, quòd Farinam post factum occultari curauerat; consiliumque dederat, vt tormentum cōbureret; in opus remigandi ad quinquennium damnatus est: clemētius aliquanto habitus ob quale quale indicium datum. pro quo sæpius Carolus per se, & per alios Pontificem rogauit; vt illius saltem, qui rei nefariæ adiutor minime fuisset, liberationem posset ab eius clementia obtinere. commemorabat hominem sponte, prioremque indicasse; de vita optime in posterum instituenda polliceri. negauit vero semper Pontifex, illud proferens, si potest Æthiops mutare pellem suam, sed cum iam ad triremes ille missus esset; saltem consecutus est Caro-

est Carolus, vt eum inde reuocatum in monasterium ad certum tempus includeret.

D V M infelices illi, miserabili ciuitatis vniuersæ spectaculo, Carolus in poenas dementiae, scelerisque sui persoluebant; Carolus vallium illarum Helueticae ditionis ecclesias; quamquam Visitatorem ibi perpetuo habebat, reuisit; laborum suorum fructum; vt eorum vsum quæ antea constituerat, recognouit; omnia meliora reddere studuit. quin etiam studio gentis iuuandæ; simul caussa visendæ sororis, quæ Altempfio Comiti nupta erat; ad vltiora Heluetiorum loca, & ad diocesim Constantiensem, Curichensemque penetrauit. religiosa loca; præsertim, vbi sacrae manerent reliquiæ, coluit: per hæreticos populos nulla iniuria, quin potius honore, reuerentiaque affectus, iter fecit, quorum locorum statu cognito, tum Pontifici, tum ecclesiarum Præsulibus ad populorum salutem multa suppeditauit: & de religiosis collegiis iis locis, Locarni præsertim fundandis studiose egit, ad eam rem duas Humiliatorum in ea regione Præposituras a Pontifice obtinuit; Heluetiorum quoque Principum voluntate, quod difficile videbatur, adiuncta. immo ad rem perficiendam, ex suis quoque facultatibus pollicitus est: quamquam ea res impedimenti quibusdam exitu caruit. Pluribus etiam officiis cum egressisset de Antistite, ad catholicos pagos Visitatoris Apostolici nomine mittendo; Heluetiorum ipsorum culpa factum est, vt nemo tunc quidem mitteretur, sed dum hæc Pontificia officia variis impedimentis excludebantur; non patiebatur deesse sua: & vt poterat, multis modis hominum mores a iure sacrorum canonum satis alienos emendare; in officioque erga Romanam Ecclesiam gentem continere; & omnino ad salutem iuuare, studebat. vnde non paruum ei negotium exhibebatur; magistratibus illis frequenter aliquid contra sacras constitutiones turbandis. ille autem modo amice hortari; modo seuerè monere; minari interdum; nunc ad eorum conuentus mittere; nunc eorum legationes accipere; omniratione, quæ Deo gratamque salutaria essent, ea curare, omnino mirum erat, quantum genus

Carolus in Heluetios proficiscitur. Pontifex Humiliatorum ordinem extinguit. C A P. XIII L

Multa pro Heluetiorum salute agit Carolus.

illud hominum Carolo tribueret. verum ipse quoque omni ratione eorum sibi beneuolentiam conciliabat; amicitiamque, & pietatem multorum in iis partibus omni officio alere studebat. beneuolentia vero in primis, & animarum charitate; quæ propemodum vna hominum allicit voluntates, auctoritatem suam inter eos conseruabat. Pontifex, quod antea quandoque significauerat; vt Humiliatorū ordinem deleteret; tum apud se omnino constituere visus est: cum ab eo scelus in Carolum extitisse cognouit: atque iam ex eo tempore rumores de tali Pontificis consilio esse cœperunt. Carolum ea de re egisse non video; qui disciplinæ aliquo modo instaurandæ penitus spem abiectisse non videbatur. ciuitati certe fauit, quæ pro Humiliatis suis Pontificem oraret: & Aloysium Præpositum generalem iuuat, vt Romam profectus, interitum a familia sua deprecaretur. Sed nihil obtinuit ciuitas. Aloysius vero ad Pontificis pedes cum lachrymis abiectus; cum toti familiæ supplex veniam petiisset; quamquam Pontificia humanitate bene acceptus, nihil tamen profecit. Fixum igitur cum esset animo Pontificis nulla ordinem ratione ad sanitatē posse reduci, & omnino extinctione opus esse: ei rei qui contradiceret, fere non reperiebatur: erant vero qui vrgerent, & sibi aliquid in beneficiorum distributione dari curarent. Carolus existimans fore, quod euenit: cuiusmodique facultates in rebus rectissime collocari posse iudicans, quæ locis iis commodæ, salutariterque vtilēs essent, quibus in locis eæ constitutæ erant: Specianum suum iterum Romam misit, vt ecclesiæ Mediolanensi aliquid acquirere studeret, ex quo seminaria, piaue collegia constitui, vel augeri possent, qui quidem tres ecclesias, ædesque coniunctas sine fructibus obtinuit. Ecclesias octo in vrbe Mediolanæ; Præposituræ titulo Humiliati tenuere: ex iis, iam Pij Quarti tempore, eiusdemque auctoritate, quæ sancti Ioannis Baptistæ nomine erat, Carolus ab eo detraxerat ordine; seminarioque clericorum suorum addixerat, quod in iis ædibus haberetur. Præposituram beatissimæ Virginis ad sanctum Calimerum a Pio Quinto prius impetrauerat: cuius fructus Basilicæ maioris collegio; ecclesiam vero, ædesque Clericis

De Humiliatorum ordine delendo constituit Pontifex.

Vrbs Mediolanensis pro Humiliatis Pontificem precatur, cui fauet Carolus.

Non flectitur Pontifex.

Vt ex facultatibus extincti ordinis Seminaria, piaue collegia constituantur agit Carolus.

Quibus, aliquot extincti ordinis Præpositura, opera

buli

et J

regula-

regularibus a Paulo I V. institutis, tribuit; cum eorum collegium Mediolanum deduxit: quando etiam Præposituram sancti Iacobi Cremonensem Clericis sancti Pauli tradi curavit. Quæ S. M A R I Æ ad Otharios dicitur, eam seminario in perpetuum coniunxit. Ex ecclesiis quinque reliquis cum earum adibus; Braidensem S. M A R I Æ, ad collegium Societatis I E S V instituendum, cum parte fructuum obtinuit; Ioan. Paulo Ecclesia Cardinali concedente; cui Præposituram Pontifex dederat; quæ S. Mariæ est, & canonica dicitur; instituendis clericis ad scientiarum cursum minime aptis addixit: quæ S. Ioan. Evangelistæ nomine appellatur, nobilibus adolescentibus educandis: quæ S. Spiritus, collegio Heluetiorum: quæ sanctif. Trinitatis extra urbis mœnia, seminario. Ordinis extinctionem, & beneficiorum distributionem, litteris suis Pontifex promulgavit, anno eodem M. D. L x x. Præposituræ tunc dispersitæ fuerunt circiter quinquaginta; pleræque in Gallia Cisalpina; quarum fructus millia aureorum amplius viginti quinque annua efficiebant. præter quas aliæ datæ iam erant, vel commendationis nomine assignatæ, ad aureorum triginta millia annua. omnes fuerunt quattuor, & nonaginta: multæ iam monachis erant vacuæ: ij enim fuere non amplius centum septuaginta quattuor. quos ex ipsis distributis facultatibus, victu monastico sustentari Pontifex iussit; & in religiosa disciplina Episcoporum cura contineri. Huc tandem recidit optimus olim monachorum ordo: taleque edidit Pius exemplum neglectæ disciplinæ vindicandæ: vt ceteri sibi discant cauere diligentius.

Caroli tradidit.

Quos suppressi ordinis Præpositura sine dispersitæ.

I N T E R cetera, quæ Carolus per eos annos ad gregis sui salutem assidue cogitabat, agebatque; studium fuit eius moris tollendi, quo mortales post Natalis Domini celebritatem, atque vtinam non ipsa quoque celebritate; maxime vero, quò propius ad sanctam Quadragesimam accedunt; publicis spectaculis, ludis, choreis, commensationibus, se profuse, ac dissolute dedunt; & quasi Bacchanalia quædam, magna christiani nominis

Vitiosas populi voluptates tollere conatur. Pio mortuo, Romam contendit.

C A P. XIV.

Ex Bacchanaliis magna

iniuria

*christiano no-
mini iniuria
irrogatur.*

1571.

*Grauiſſimum
bellum a Tur-
cis chriſtianiſ
imminet.*

*Quæ fuerint
Caroli ſtudia,
quæque populi
Mediolanenſis,
Paſtoris ſui in-
duſtria.*

iniuria celebrant. quod eò indignius haberi debet, quò magis
tribus iis, quæ Quadrageſimam antecedunt hebdomadis, pij o-
mnes ad pietatis officia multo attentius colenda, ſacris Eccleſiæ
myſteriis in primis inuitantur. quæ quidem non parua habenda
eſt noſtrorum temporum miſeria. Atque anno M. D. Lxxi.
eo nomine Carolus id ſedulo curauit; quòd grauiſſimo bello a
Turcis imminente, Pontifex omnibus, qui chriſtiani nominis
eſſent, publicas indixerat preces; vt fœdere inter Principes, id
quod ipſe vehementer curabat, ſancito; eorum communi, po-
tentiffimoque hoſti, diuina in primis ope adiuti, reſiſterent. qua
de cauſa Romæ etiam perſonatorum hominum vagationes,
choreasque ediſto prohibuerat. ea occasione Carolus arrepta,
communia pericula vt grauiſſima erant, publicis ad populum
litteris exponere conatus eſt: neceſſitatemque ſummi numinis
placandi oſtendere; cum peccatis, vanisque voluptatibus ſtu-
dioſe vitandis; tum ſtudiis, & actionibus, quæ ad pietatem per-
tinerent, religioſe ſuſcipiendis. Bene autem tunc quidem ſuc-
ceſſiſſet, plurimumque ei detractum eſt malo. feſtis maxime
diebus conuenit populus frequens ad diuina; quæ Carolus de
induſtria ritu iucundiore, longioreque in præcipuis eccleſiis ce-
lebrari iuſſit. ſupplicationes per vias, vniuerſi cleri ordinibus
procedentibus, populoque ad certas eccleſias ſubſequenti, ha-
bitæ ſunt. flagellationes publicæ adhibitæ: precatio ciuitatis v-
niuerſæ ſine intermiſſione conſueto ritu continuata. Qui dies
autem ſummum quendam afferre ſolebat corruptelæ cumu-
lum (is erat Dominicus, & illius violati temporis poſtremus) eo
ipſo die, vt expiatis animis ſanctiſſimum Eucharistiæ cibum, i-
pſo miniſtrante, acciperet, Carolus populum inuitauit. In quo
inſigne fuit pietatis Mediolanenſis argumentum: tam magna
enim multitudo, contra penitus, ac antea ſolita erat, rebus diui-
nis operam dedit; vt ſex horis Carolus; duobus licet canonicis
adiunctis, qui eodem tempore Eucharistiæ ſeparatim præbe-
rent; vix potuerit omnibus ſatisfacere. tam populi iuuandi ra-
tionem ad eius ſalutem aptiſſimam exiſtimabat; cum non vno
illo; quo ſanctiſſimo ſe cibo reſcit, die; ſed pluribus ante, pecca-
tis co-

tils cogitandis, & confitendis, animoque recte præparando, ma-
 lis eum, inanibusque rebus abstinere necesse sit. Postero anno,
 atque aliis deinceps, nouis semper rationibus omnes vias perse-
 cutus est, vt diaboli fraudibus, atque insidiis suum tali tempore
 gregem eriperet. Dum autem in Ecclesia componenda, & or-
 nanda, tum eius iure conseruando, Carolus assidua cogitatione,
 laboreque incredibiliter exercetur; quotidieque magis in aspe-
 ræ vitæ institutis progredi studet: tentari morbis, valetudine a-
 lioqui non optima, cœpit: ex quibus cum conualescere videre-
 tur; de integro incidebat. qua de re amici interdum cum mo-
 nuerunt: curaret tandem aliquando valetudinem; seque respi-
 cêret, & suos. in eius salute publicum bonum periclitari. Si quid
 ei accideret; ruitura præclara omnia, quæ incœperat. eius rei
 reddendam Domino esse rationem. quibus ille respondebat:
 Gratas agere, quòd de valetudine corporis solliciti essent; roga-
 re, vt non minus de salute animi esse vellent. rerum spiritualium
 fundamenta in Deo ponenda. quæ in mortalium vita poneren-
 tur, breui omnino concidere oportere: euenturumque, quod I-
 saïas de iis pronûciabat, qui arundinibus Ægypti nitebantur.
 Porro mense Iunio grauius admodum ægrotauit; vt etiam vitæ
 periculum adiret non leue. Cum tandem melius se haberet, re-
 cognitionemque rursus ecclesiarum absens operam daret: Dux
 prouinciæ gubernator; non dicam molestiis, aut contentionum
 publicarum angoribus confectus; sed multis certe curis, solici-
 tudinibusque diu, grauiusque affectus; dum neque Deo, neque
 hominibus displicere, & homo, & pius vehementer studet; pau-
 cis diebus febris consumptus est, mense Augusto: vt Carolus de
 periculo certior factus in tempore adesse, cum valde conten-
 disse, ob temporis breuitatem, subsidioque venire morienti,
 non potuerit. In eius locum interim, dum alius mitteretur, sub-
 stitutus est Aluarus arcis Mediolani præfectus. Cum per id tem-
 pus totum Carolus assiduis medicorum curationibus, fere de-
 tentus esset: pituita demum, tussi, incerta febricula, venit in pe-
 riculum; quemadmodum scriptis eius causâ tunc summorum
 medicorum disputationibus didici; ne paulatim morbo corre-

*In morbos sa-
pissime incidebat.*

*Qua illi ab a-
micis dantur
Consilia, quid-
ne respondeat.*

*Dux Prouincia
gubernator
moritur.*

*In maximo Vi-
ta discrimine
Versatur Caro-
lus.*

1572.

*Moritur Pontifex.**Ne Romam proficiatur Carolus ob novum Pontificem creandum fudent Medici sed frustra.**Romam contendit quotidie Missa sacrificium facit.*

ptus intabesceret, breuique consumeretur. ac ea conditione peruenit ad initium æstatis sequentis anni M. D. Lxx. i. i. tum de Pij Pontificis graui morbo nuncius affertur: assiduas illius rei gratia sacrarum precum exercitationes instituit; eundem Calendis Maij ex hac vita decessisse, accipit. qui quidem summus, optimusque Pater christianam rempublicam moriens, non minus afflictam reliquit, quam Octobri proximo victoria contra Turcas ad Naupactum diuinitus obtenta, recreauerat. Purgationibus implicitum pro anni tempore Carolum medici tenebant: quos cum de itinere Romam faciendo consuluiisset; metuentes illi, ne agitatione, ac labore; eo præsertim, vt semper solebat, tuncque maxime opus erat, properante; morbus ingrauesceret; iter dissuadebant. Sed ille purgationibus omissis, medicorumque consiliis tunc quidem posthabitis, Christiani orbis causam, saluti suæ satius putauit anteferre; Ecclesiæque Dei tali tempore, pro virili parte, quæ magni momenti erat, subuenire. cum ita deliberatum ei esse viderent; præscribunt medici vitæ, itinerisque rationem: lætica vt iubent; sexcentis vasculis, cum variis pharmacis, bellariisque iumentū onerant. Ille iustis Pontifici solenni ritu solutis; primariis ecclesiæ presbyteris conuocatis; rebusque ecclesiæ, quantum breuissimo spatio potuit, constitutis; postridie eius diei, quo nuncium acceperat, diuina ope inuocata; in viam se dedit. Ac lætica quidem vestitus est; sed itinere, die, nocteque continuato; mutatisque ad celeritatem sæpe mulis; adeo feliciter amplius passuum millia tercentum confecit; vt qui perdere infirmam valetudinem labor debuerat, eam non mediocriter confirmaret. ac tam cito Romam peruenit; vt duo Cardinales, qui eodem tempore, ex iisdem partibus discesserant, cursuque iter fecerant, minime tamen ei præcurrere potuerint. sed simul cum eo sacrum conclaue, eo ipso die, quo reliqui omnes, intrauerunt. Placentiæ primò, quæ Mediolano quadraginta millia passuum distat, Missæ sacrificium fecit; quod superioribus diebus domi numquam potuerat, aut raro: deinde quotidie, toto itinere, in tanto celeritatis studio, ac labore facere perrexit. Iucunde autem accidit in via; vt ampullæ, vascula-

que

que medicamentorum; cum iumentum iis onustum prope Bononiam in fluuio concidisset; omnia fere vel confringerentur, vel flumine deueherentur. quod ille cum accepisset; ridens; faustum, inquit, signum, non opus fore amplius. Quamquam autem Carolo melius ex eo itinere fuit; non conualuit integrè tamen. Quin diu, capite, pectoreque cum laborasset; Romani medici de eius salute consultantes, aquis Lucensibus mederi constituerent; Mediolanenses vero contra sentirèt: ipse aliam ex eo fere tempore inuit vitæ rationem. nam cum toto iam anno medicorum consilia, præscriptaque satis exquisitè secutus esset; ciborum delectum, multasque eius generis cautiones adhibuisset: mutato consilio, ex sententia piorum, prudentumque virorum, iis medicarum obseruationum, quasi vinculis expeditus, liberiorem vitæ modum elegit; cibos, omnemque victus rationem sibi rudiores constituit. id eo libentius, quo sanctorum virorum vitæ magis ea ratio consentiret. consilium ita feliciter euenit; vt posthac bona semper valetudine vsus; neque pituita, tussi, aut febris fere impeditus, in Pastoralia officia, laboresque tantum incubuerit, quantum posteritati vix credibile videbitur.

Aliam sibi vitæ rationem constituit.





D E

VITA ET REBUS GESTIS,

CAROLI CARD. S. PRAXEDIS ARCHI- EPISCOPI MEDIOLANI,

Liber Tertius.

Gregorius
Pontifex crea-
tur. Carolus
amplissimis se
rebus abdicat.
CAPVT. I.

*Multa cum
Pontifice ad
ecclesiam opti-
me constru-
endam agit Ca-
rolus.*

Rostridie quàm erat clausum con-
clauē, hoc est III. Id. Maij, creatus est Pontifex
Vgo Boncompagnus Cardinalis sancti Sixti Bo-
noniensis, & Gregorius eius nominis XIII. ap-
pellatus. cuius humanitati, pietatique Carolus
cum valde consideret, ei multa suppeditauit, quæ ad Ecclesiam
optime constituendam, Romanosque mores componendos
facere posset; librosque Pontificio muneri aptissimos obtulit.
Audire illum Gregorius libenter visus est: nam & præcipue vir-
tutis virum; & vero etiam, si quid ad rem pertinet, dignitatis suæ
fautorem amicissimum agnoscebat. Quo vero melius res ordi-
nari possent, cum Romæ manere iussit; & vna cum optimis Præ-
sulis de iis, quæ agere oporteret, consultare. sed quamquam
ad Octobrem mensem Carolus Romæ moratus est; vix tamen;
vt sunt semper bonis consiliis plurima parata impedimenta;
quidquam perfici potuit. At vsui tamen fuere, quæ tum consul-
tata sunt; nam alia alio tempore Pontifex postea exequenda su-
scipit: Ad Pontificiam familiam ea, quæ Pij V. tempore vige-
rat, disciplina instituendam, Carolus non pauca contulit. Ber-
nardum

nardum Carniliam Dertonensem olim familiarem suum; apud Pontificem collocandum curauit; hominem pietati maxime deditum. cuius religio ita se in dies ostenderat: vt Ormaneto Patauij Episcopo facto, in eius fere locum, munusque a Pio vocatus successisset. Hic igitur in Pontificia domo, forisq; sacrę discipline seruiens, simul res Caroli omnes apud Pontificem, magna diligentia, studioque procurauit: Deo in primis ita prouidente, vt quod maxime opus erat apud ipsum Pontificem Carolo numquam deesset fidelissimus negotiorum illorum gestor; quę grauissima ad singularem Ecclesię fructum perpetuò tractauit. quam ad rem Specianum aptissimum postea, Gregorioque gratissimum habuit. vt meritò quis de Caroli familiaribus obseruauerit: tales Pontifices, eos sibi ministros asciuisse, talique loco habuisse. nam præter alios, etiam Constantium Tassonium Mutinensem ad se vocauit Pius; quem Mediolani Carolus familię præpositum habebat, antiqua probitate, pietateque hominem. Romę dum fuit, diuino rursus impulsu, visus est ad omnem sanctitatem acrius etiam, quam antea incitari. quod tum in publicis Ecclesię, Præsulumq; rebus, quibus ibi præfuit, conformandis; tum in vitę suę rationibus seuerius componendis declarauit. dolet non ea omnia certa, explicataque habere, quę ibi tamen Carolum fecisse, non leuibus ducor argumentis. sed quę satis comperta non habeo, ea satius arbitror præterire. illud vulgatum est; abiecta timiditate illa, quę plurimos solet a christiano fraternę reprehensionis officio, deterrere; plerisque Cardinales singillatim grauter, libereque monuisse de eo, quod christiana res ab eis, tamquam Ecclesię Dei Principibus, postularet: quibusdam etiam proprias causas demonstrasse, quibus præter ceteros ipsi vitę sanctitati studere deberent. quod officij genus, quamquam non omnibus gratissimum fuit; eius tamen, quę vis est veritatis, extitit in multis fructus ad pietatem non mediocris. Mediolanum demum rediens, Lauretanam ædem venit pridie sollemnis festi Omnium Sanctorum: vbi tum loci, tum diei festi religionemotus, ex veterum vigiliarum imitatione, tota nocte in sacrosancta illa beatissimę Virginis adicula vigilauit;

*Bernardum
Carniliam apud
Pontificem col-
locandum cu-
rat.*

*Roma ad san-
ctitatem ar-
dentius inflam-
matur.*

*Mediolanum
rediens Lau-
retanam ædem
visit.*

gilauit; sacrisque meditationibus, precationibusque mentem exercuit; Ludouico Moneta solo comite: quem sacerdotē in itinere familiæ præfectum semper habuit. tum vero domi, forisque rerum plurimarum fidelissimum ministrū; & supra quam senectus ferre posse videretur, in laboribus, & incommotis, quæ Caroli comitatus erant, patientem. qui cum ecclesiæ iam dudū, Caroloque se totum tradidisset; nihil tamen ex ecclesiæ, Caroliue rebus vnquam percipere voluit. Plurima Romæ Carolus ad ecclesiæ suæ commodum, fructumque obtinuit, quæ Pontificiis litteris continentur, in his fuit Romanarum stationum diuinum beneficium; quæ toto anno per varias vrbiſ ecclesias distributæ, eximios animi fructus afferunt ad salutem. illud etiam fecit; vt iis se muneribus, honoribusque omnibus iam tandem liberaret; quibus totum se, vt cupiebat, ecclesiæ suæ regendæ, ac custodiendæ dare prohibebatur. Pium ante orauerat, vt Archipresbyteratum S. MARIÆ maioris; summam pœnitentiarij muneris præfecturam; ordinum religiosorum patrocina; præsertim Franciscani, quod multi negotij erat; renunciare, Pontificiæque auctoritati relinquere liceret. sed passus ille non erat: pergeret iis muneribus satisfacere per viros idoneos a se substitutos: faceret autem ipse quantum posset, aut per episcopalem curam liceret: quamquam minus etiam, quàm antea posthac faceret; ita sibi satius videri; quàm ab eo munera eiusmodi relinqui: si quid in eo esset offensionis, præstare se velle: neminem se habere præsentem, quem Carolo præferret absenti. Nunc item Gregorium vehemēter orauit, vt id sibi permitteret. quod ita tandem impetrare posse videbatur, si modo vellet eos nominare, quibus ea recte Pontifex munera posset committere. sed cum id quoque modeste recusaret; neque annuit tunc quidem Pontifex; & cum non abnuisset tamen penitus; Mediolanum reuersus Carolus, statim iis se curationibus abdicauit, his ipsis litteris latine ad Gregorium scriptis.

Multa ad ecclesiæ suæ commodum a Pontifice obtinuit.

Caroli litteræ ad Pontificem in quibus San-

BEATISSIME PATER. Postquam Mediolanum, ad ecclesiæ mihi commissæ gubernationem redij, non indicaui amplius id esse differendum

rendum de officio summi Pœnitentiarij, ad quod me, mea cōscientia iam diu stimulabat, & vehementer urgebat. Cum enim pastoralis cura necessitas, me ab ecclesia Mediolanensi abesse non patiatur; ut præsens illi muneri, quod commemoravi; quodq; totum hominem, eumque præsentem postulat, satisfacere queam; illud omnino deponere statui. Ceterum, quia Saluator noster Christus IESVS Sanctitatem vestram totius Ecclesie sue administrationi præfecit; & curam tradidit, ecclesiasticas dignitates, & officia ad Dei honorem, gregisque sui salutem idoneis viris conferendis; atque ad hac, aliaque præstanda perpetuam spiritus sui præsentiam, ac singulare auxilium promisit; nihil conscientia mea tutius esse video, quam si illud integre in vestra Sanctitatis voluntate, & manu reponam. Quapropter nunc sponte, & libere officium hoc summi Pœnitentiarij in vestra Sanctitatis, tamquam in Christi, cuius vicem in terris gerit, manibus resigno; continuas interim ad Deum optimum maximum fundens preces, ut sibi hac in re, largius gratia sua lumen impartiri dignetur; quo is illi muneri præficiatur, qui nulla alterius residentia, aut occupationum necessitate impeditus; Dei, & animarum zelo flagrans, ac doctrina, & vitæ integritate præfulgens, digne ministerium ipse suum impleat. Isdem rationibus adductus, sponte etiam, & libere resigno in manibus vestra Sanctitatis Archipresbyteratum ecclesie S. MARIAE maioris; & officium Protectoris, ac Correctoris Religionis sancti Francisci, & Carmelitanae; nec non & Monasterij S. Marthe in Vrbe; ac omnium aliarum Congregationum regularium, quarum ego Protector existo. Atq; ita humillime vestra Sanctitatis pedes deosculor, me, ac Mediolanensem hanc ecclesiam in viscibus IESU Christi, eius pietati, & paternæ curæ toto corde semper commendans. Mediolani XIII. Cal. Decemb. M. D. LXXII. Eodem tēpore ad Philippum Regem de Germaniæ inferioris; & ad Sebastianum Regem, eiusque patruum Cardinalem de Lusitaniæ clientela dimittenda scripsit: cuiusmodi munera præsentiam in Vrbe desiderare; vbi coram, & diligenter, quod ecclesiarum, rerumque sacrarum gratia opus est, quæq; ad pietatē opportuna sunt prouinciis, curari possint: sibi id minime licere; & alioqui se totum ecclesie sue debere. Eadem fere de causa Britanum Principatum triennio antea alienauerat; quod enim ciuitati illi curæ tribuebat, id ecclesie sue adimere sibi videbatur:

Quitati suæ dignitates, & officia multa resignat.

Germania inferioris & Regni Lusitania clientelam dimittendam statuit.

quid aliorum conciliorum tempore solitus fuit, in eo concilio præstitit egregie. Concilij decreta, cum Romam de more recognoscenda mitteret, Ioan. Baptistam Castellium Vicarium suum primarium, alioqui profecturum, ad id munus delegit. Multa per eum Pontifici exposuit, non suæ solum, sed vniuersæ Ecclesiæ maxime vtilia; præsertim de conciliis in vnaquaque Metropoli, quod pluribus in prouinciis omittebatur, celebrandis. Verum alia de causâ Castellij profectio Carolo nec opinanti opportuna fuit; ob eaque rursus, absente Carolo, diœcesisque ecclesias lustrante, Gubernator in ecclesiam, eiusque ius, & potestatem, fecit. Sed repetam paucis, quo modo se iuris controuersia superiori tempore habuerit. Post Carolicæ, omnium, vt ante dicebamus, commotis animis, nihil fere turbatum est; Magistratusque æquiore animo omnia visi sunt administrare: eo maxime, quod magnum dissensionum odium, ac dolorem; & omnis contentionis aliqua ratione tollendæ desiderium, perspicue Rex ostenderat; ac Vincentio Iustiniano id in Hispaniis agente, qui ex ordinis sui Antistite, in summum S. Romanæ Ecclesiæ Cardinalium ordinem lectus erat; Duci mandauerat, vt controuersia dirimendæ aliquam omnino iniret rationem. Ita rerum meliorum spes diu confirmata, piis omnibus gaudium attulerat non mediocrem: præsertim Ioanne Baptista Rainoldo Senatus Præsede creato, cuius virtus, piaque consilia Carolo valde probata, ad publicam tranquillitatem semper valuerunt. Carolus etiam per Cardinalem Alexandrinum Legatum, agi Pontificio nomine de controuersis tollendis in Hispania curauit. cumque alius prouinciæ Mediolanensi gubernandæ destinatus, Romæ esset; per Pij Pontificis admonitiones, hortationesque rebus iisdem consulere studuit; præter id, quod ipse conatus est, cui cum ipso gubernatore necessitudo non levis a multis annis intercedebat. sed siue negotium eiusmodi non satis pro rei momento curare quidam voluerint; siue ob rei ipsius difficultatē, de rebus componendis nihil effici vnumquam potuit. Itaque Aluaro gubernante ob rerum venalium festis diebus proponendum licentiam a Carolo repressam; prohibitosque ludos publi-

Multa eaque vniuersæ ecclesiæ vtilia per Ioan. Baptistam Vicarium suum primarium Pontifici exposuit.

Præter iuris controuersia superiori tempore se habuerit, breuiter explicatur.

cos, quos in ipsa maioris ecclesiæ platea is apparabat; motus aliquid extiterat. quo tempore homo indignatus singulos ciuitatis ordines tentasse dictus est, vt certos ludos, choreasque publice, vnoque tempore ducerent: nihil autem propter populi pietatem perficere potuit: obiitque breui diem suum. Deinde cum successor Ducis venisset, Carolusq; Romæ esset; alia multa turbata sunt. Huic successori propositum esse videbatur, in administratione prouinciæ rem suam animose agere, ac confidenter: nam Ducis religionem, & erga Carolum, Ecclesiamque obseruantiam, remissi, timidique animi vitio; quod ipse Dux postremo tempore nimis exhorruit; quidam attribuerant. solet autem, qui cuiquam in munere succedit, in eam laudem incumbere maxime, cui contrariam vituperationem ille opinione hominum subiit. qua ex re fit nonnumquam, vt non tam vitij fugiendi studio, si modo vitium illud esset; quàm superandi alterius, famæque colligendæ cupiditate longius prolabendo, quis in contrarium vitium cadat. Principio igitur, cū Caroli Vicarius publicas choreas, de quò etiam in priori concilio Episcoporum constitutum erat, festis diebus prohiberet; quò tali tempore, sicuti sine dubio christiannum est, mortales rebus diuinis operam darent: & ea de causa contumaces quandoque nonnullos, quemadmodum his temporibus necesse est, ecclesiasticis quibusdam animaduersionibus coërceret: ei rei vehementer a magistratibus reclamatum est. Hos motus Carolus itidem sedare curauit absens. ac tametsi nihil perfectum est, quo publica quies vere stabiliretur; euenit tamen, vt grauius nihil accideret. Sed eo demum præsentē, ac visitandis ecclesiis, vt dicebamus, occupato; duo iussit Gubernator, quibus ius ecclesiasticum non mediocriter lædi, atque adeo labefactari existimabatur. alterum quidem per iustitiæ, quem appellant Capitaneum, contra liberum litterarum Apostolicarum vsum: prohibuerat enim litigantem litteris Apostolicis vti, eius non impetrata facultate. alterum vero contra eas omnes ecclesiæ rationes, de quibus antea cum Senatu disceptatum erat. ac primum quidem, cum iubente, paternoque amore admonente Pontifice, pie rescidisset; veniam, & ab-

solutionem

solutionem vna cum iudice impetrauit, hunc Carolus ante Sa-
 celli sui ianuam solemniter ritu sacro anathematis vinculo libe-
 ravit: Gubernatorem Ioan. Paulum Ecclesiæ, Cardinalis ex Se-
 natore factus, qui tum in Insubria morabatur. De altero vero
 eæ concertationes, ij motus, ea pericula fuisse; vt leuia fere præ-
 iis viderentur, quæ superioribus annis acciderant. Factum ita
 se habuit. Regiis quibusdam litteris biennio ante datis, non-
 nulla Ecclesiæ permittere Gubernator iussus erat, ex iis, quæ
 tum fuerant a magistratibus in controuersiam vocata: cui ta-
 men concessioni ab Ecclesiæ parte consenserat nemo. litteræ
 ad id tempus erant suppressæ. Aggreditur tunc demum Guber-
 nator, quod antea se facturum quasi per iocum Carolo dixerat;
 & ne faceret, Carolus vehementer, amiceque rogauerat: se-
 que nisi abstineret, testatus erat omni ratione repugnaturum.
 eas litteras ad eam rem minime datas, Caroli Vicario, appar-
 torique testatò denunciari iubet; præscribereque delictoribus, eo-
 rumque armis, ac coërcitionibus, quæ ius, libertatemque Ec-
 clesiæ certis finibus circumscriptè terminarent. Carolus Me-
 diolanum accepto nuncio reuersus; primò quidem per religio-
 sos viros, per Ioan. Paulum Ecclesiæ Cardinalem tentauit, si
 posset huiusmodi malo remedium aliquod afferre. cum nihil
 fieri potuisset; subita ille quidem declaratione; quamquam in
 re manifesta, abstinuit: qua sacrorum canonum pœnis, Guber-
 natorem, aliosque facti administratos teneri publice pronuncia-
 ret. beneuole autem monuit prius; mirari se vehementer, & do-
 lere, tantæ virtutis, pietatisque Principem eò fuisse adductum,
 vt tam aperte ius Ecclesiæ violaret, scire se mentem Regis longe
 esse diuersam. nihil ea denunciatione, iussus Ecclesiæ potesta-
 ti detractum sese intelligere; qui, & quod ille permittere visus
 erat, & quod permittendo prohibuerat, suo iure, vt antea sem-
 per, nihilominus erat factururus: sed tamen non potuisse dissimu-
 lare, aut silentio præterire talem licentiam. Sententia, pœna-
 rumque declaratione, quam promulgare poterat, supersedisse:
 de eius salute sollicitum, beneuole prius agere, paterneque vo-
 luisse. monere igitur, atque adeo anathematis eadem pœna

*Quadam Gu-
 bernator con-
 tra ius ecclesiæ
 aggreditur.
 Ne id faciat,
 monet Carolus.*

*Mitius cum
 Gubernatore
 agit, Sequen-
 ter remedium
 adhibeat per
 Ioannem Pau-
 lum Ecclesiæ
 Cardinalem
 tentat.*

proposita iubere; vt tridui spatio, quæ contra Ecclesiam fecerat, ea penitus rescinderet; seque rescidisse publice profiteretur: nisi effecisset; tum se, licet magno dolore; nomen eius tamquam anathemate notati, pro templis, locisque publicis propositurum. ob dignitatem vero magistratus, tum vt placide hominem acciperet; vnum misit ex Vicariis suis, vna cum sacerdotem ob eam causam nuncio facto; qui monitionis scriptum redderet. recusauit is accipere primò: sed Vicario admonente; Carolum moderatam eiusmodi rationem officij gratia elegisse: si per eum non liceret, quoniam id illi prætermittere nefas erat; scriptum esse in publicum proponendum: accepit ille quidem; sed adeo exarsit, vt statim scinderet, & proiiceret. post diem dictum, rursus virum grauem Carolus mittit: scripto se illum iterum vocaturum, antequam ad promulgationem veniret: pateretur; si tamen quæ monitus erat, facere nollet; habita dignitatis, vt prius ratione, sibi scriptum tradi; ne publicis locis affigeretur. Ille autem non multò post copiosas, aculeatasque responsiones, alias communi, alias latina lingua mittit, ad ea quæ Carolus monuerat, iusseratque: quibus persuadere conabatur, nihil se iniuste fecisse; neque Carolum quidquam ea de causa posse contra se pronunciare. quæ quidem scripta in vulgus edi curauit. Carolus, vt paucis dicam, post nonnullas dilationes; relatis tum initio, tum deinceps Romam diligenter rebus omnibus, quæ ad negotium pertinerent; scriptis publice propositis, Gubernatorem, aliosque facti participes a sancta Ecclesia abscissos declarauit. qua ex re tota Gubernator grauissime se offensum, commotumque plane vehementer, priuatim, publiceque ostendit: neque quotidiana communicatione voluit abstinere. plurima locutus aspersere, rursus scripturis contendens, homo alicuius litteraturæ habitus, alia scripta ad sui defensionem, Carolique accusationem edidit, totaque prouincia peruulgari iussit: quibustamen eo magis se ipsum arguebat, quo vehementius contendebat excusare, Carolique factum criminari. Plerique suspensio, sollicitoque animo diu fuerunt, ne quid acerbius, ob iram

Prin-

Quid cum Gubernatore agat quidne e contra ipse Gubernator faciat.

Gubernatorè, & alios facti participes ab ecclesia abscissos declarat.

Principis, accideret. rumor, vt assolet, eo vsque quandoque
 processit, vt Romæ vulgaretur incensas fuisse ædes Archiepi-
 scopales. Ciuitatis consilium Decuriones misit, qui duce Ta- *Ciuitatis consi-*
 tio Mandello Comite, & ciuitatis Vicario, Carolum suppli- *lium Decurio-*
 ces obsecrarent; ne ad eam grauissimam animaduersionem *nes ad Caro-*
 vinquam venire vellet, quemadmodum minatus esse vide- *lium obsecra-*
 batur, vt vniuersam ciuitatem sacris interdiceret. futuram il-
 lam sine dubio rerum omnium extinctionem, quas summis la-
 boribus plurimas, atque egregias ad salutem ciuitatis effece-
 rat. meminisset etiam, primò quidem se natura eius ciuitatis
 filium; deinde dignitate, & sacerdotio patrem. propterea ne
 aliorum culpa quidquam ab eorum nominum pietate alic-
 num statuere in eam vellet, quam sibi obsequentem, dedi-
 tamque semper cognouisset. Respondit in summa Carolus;
 pietatis se erga patriam, filiosque suos, tum precum ciuitatis
 rationem habiturum: seque ad illud extremum, nisi cano-
 nicarum sanctionum ratione coactum, minime venturum.
 Eluxit eo tempore maxime Caroli animus, virtute, Deique *Animus Caro-*
 fiducia in primis singulariter confirmatus. cum enim tota ci- *li Virtute, Dei-*
 uitas, metu suspensa teneretur; domesticis frequenter quo- *que fiducia*
 dam modo formidine sanguis refugeret; viri grauissimi amici *confirmatus.*
 maxima pericula, quamuis occulte, propter metum quoti-
 die nunciarent: vnus ipse inuictus acri, & præsentī animo res
 suas agebat. neque dubitauerit, opinor, intelligens quisquam;
 quin ad omnia perferenda, & ad ipsam quoque vitam pro-
 fundendam, si tanta fuisset temporum miseria, paratus esset.
 Ipsum video, cum Romam scriberet testatum esse plane di-
 serte: & Pontificis iussu facile se de omni conatu, iureque
 suo decessurum; & illo contra sentiente, omnia pericula pro
 sacræ auctoritatis iure conseruando subiturum. At dolorem ta- *Dolorem ob*
 men non omnino dissimulabat; vel ob id maxime, quia variis *peccata in Deū*
 modis in Deum peccabatur. populique salutaria studia impe- *commissa non*
 diebantur. In ipsis periculis, cum cum domi mansurum omnes *dissimulat.*
 existimarent; exibat paucis comitibus; quemadmodum iam
 modestiæ gratia solebat semper; & ad coelestium patronorum

corpora precesiones, sacrificiique causa, ut fecisset sanctum Ambrosium in periculis suis legerat, se conferebat. quam liberi, ac fidentis animi religionem, cum aduersariorum contemptiōi quidam tribuerent; nam & ipsum Gubernatoris palatium, dum Ambrosianam ædem rectè peteret, adire oportebat; sine causa multo magis incēdebantur. eò vero maior fuit Caroli patientia, atque animus; quod adhuc, licet optima Pontificis voluntas non deesset, Romanis subsidiis res eius aduersæ non satis subleuari videbantur. quamuis enim omnes eius mentem, constantiamque commendarent; pauci tamen erant, qui auctorum eius defensionem susciperent. Rursus autem Gubernator Carolum in inuidiam trahens affectati Mediolanensis imperij, ea de re multa iactare dicebatur. tum vero Comitem Ioannem Angussiolam Placentinum, Carolo insciente, misit, qui Aronensem Borromeiorum arcem, in Caroli potestate positam, Regis nomine occuparet: esse locum fidei hostibus oppositum: eorum quos Carolus ad eum tenendum delegisset, fidem sibi non probari; ut de Carolo ipso nihil diceret. Carolus autem cum id accepisset, misit statim ad Iulium Bibulcum patritium Mediolanensem, arcis præfectum, ut Comitem reciperet, arcemque traderet; quia id Regis causa peteretur. tum misit etiam ad Gubernatorem; qui non arcem illam solam, sed sua omnia, familiarumque suarum semper Regi præstò fore nunciarent. Præterea, quoniam plurima erant in vrbe pia sodalitia, plebeiorum fere hominum; qui cum reliquis diebus artificij suis operam dedissent; festis conueniebant; precibusque, & alijs pijs actionibus occupabantur: publico edicto Gubernator iussit, grauissimis pœnis propositis; ne congregarentur, nisi is Regis nomine adesset, quem ipse ad id pro singulis sodalitijs delegisset. & cum publice sacro induti ordine per urbem ire supplicationis gratia solerent; ne faciem de more haberent contactam, prohibuit. videri voluit se fecisse, ne quid contra reipublicæ statum ij homines machinarentur; qui pro ratione sacrarum exercitationum, proque pietate sua Carolo dediti erant. At genus id erat hominum a
sedi-

*Aronensem
Borromeiorum
Arcem in Ca-
roli potestate
positam occu-
pare Vult Gu-
bernator, con-
cedit Carolus.*

*Pia sodalitia-
rum exercita-
tiones impedit
Gubernator.*

seditione, armisque prorsus alienum: pietati vero inter alias ciuitatis partes maxime deditum. Fecit edictum, vt quicumque pietatis causa congregari solebant; metu pœnæ; & quòd viri Regis nomine delecti, vtpote nobiles, & aliis rebus occupati, moram, impedimentumque afferrent; omnes abstinerent; & magnum ciuitati bonum detraheretur, donec iussum illud postea tandem, vt dicemus, euauit. Interea Gubernator omni officio Romæ contendebat; vt, vel doceret nullo se anathematis vinculo irretitum esse, vel absolutionis facultatem cautionis gratia, si opus esset, obtineret. principes viri fauebant vehementer: cum magnæ prouinciæ præfectum esse: ibi grauissimi belli cum hostibus ecclesiæ catholicæ suscepti necessitatem instare: spectatæ alioqui virtutis Principi ad vitæ pericula pro fide catholica properanti, aliquid indulgendum: tanti, tamque pij Regis habendam esse rationem; qui iam mandata dederat, profectioemque vrgebat; cuius rei causa Gubernator ipse Mediolanensem administrationem dimiserat; fortasseque iam tum erat in itinere. Ita demum in eam sententiam plures ierunt; vt omiſsa causæ cognitione, absoluendi facultas ex priuilegio, cautius agendi nomine, concederetur. qua ex re publicæ rursus offensiones, indignaque multa acciderunt. cum enim litteras Apostolicas ea de re scriptas in itinere reddendas esse Romæ putaretur; ideoque potestas absoluendi cuilibet sacerdoti facta esset: Gubernator eas expectauit Mediolani. cumque a cœnobita quodam non peritissimo; Carolo contra præscriptum sacrorum canonum insciente: absolutionem in occulto esset consecutus; sacris palam interesse pluribus in ecclesiis conatus est. quod Pontifex ægre tulit; & eo nomine Carolo satisfieri iussit. Demum ille cum abiisset; re non admodum feliciter biennio gesta, extuberatione quadam, & corruptione totius corporis interiit. de morte illius frater vir princeps cum accepisset; Caroli precibus pie, studiosque commendauit, qui sese iam animæ illi suffragatum affirmans, facturum etiam in posterum promisit. Carolo in tam afflictis rebus id quoque solatij fuit; quòd non Romæ

*Quid Roma
tentauerit Gu-
bernator, quid-
ne impetrarit.*

*Gubernatori
euentum qualis.*

*Qua in tam
afflictis rebus
fuerint Carolo
solum solatia.*

*Internunciij
munus Orma-
netum Episco-
pum tam Pata-
uinum intuium
accepit.*

solum Castellum Ecclesiasticæ dignitatis acerrimum defensor, præter alios suos habebat: sed in Hispaniis quoque Ormanetum Patauinum Episcopum factum; qui quidem & vera de Caroli actionibus narrare; & optima suadere Regi pro pietate, gratiaque sua poterat. Internunciij munus apud Regem superiore anno ad modicum tempus mandatum, bonus sacerdos inuitus acceperat. nam si breui tempore in eo munere permanendum esset, ne quid ecclesia caperet detrimenti; tunc aula regia discedendum aiebat, cum & rerum statum, & hominum ingenia cognoscere cœpisset. si diu; ecclesiam Antistite suo destitutam multis, grauiusque incommodis esse afficiendam. Præterea ex eiusmodi absentia exemplis Principes adduci, vt Episcopos ab ecclesiis abstrahere, & in consiliis suis sæpe habere studerent. Huiusmodi modestissime proferens, tam perfecte parebat tamen; quàm studiose, frequenterque agebat, cum Carolo præsertim, vt ad ecclesiam suam redire liceret. cui Carolus & si tanti viri præsidium apud Regem rebus suis commodissimum videbat; quoniam in eadem erat sententia, & publicum Ecclesiæ exemplum suis rationibus iudicabat anteferendum; adiutorem in ea re semper sese præbuit. Ormaneti cura, tum maxime pietate sua Rex in eo perseverauit, vt optime de Carolo sentiret. quin eius præscripta, cohortationesque publicis litteris populo tum propositas, de sacris precibus pro Rege ipso, pro rebus Belgicis, belloque Turcico habendis, libenter legit; & supplicationem sine intermissione, eius quam Carolus publice per totam diocesim instituerat, exemplo, per Hispanias haberi iussit. nimirum Carolus tum saluti, prosperitatiue Regis maxime seruebat; cum maxime quorundam sermonibus eius voluntas, fidesque erga Regem in suspensionem vocabatur. Quemadmodum autem in priore illa consuetudine; ita in hac pij viri quosdam euentus obseruauerunt, qui vel Ecclesiæ, Caroliq; causam probarent; vel ecclesiasticæ animaduersionis auctoritatem confirmarent. Cum virum clarissimum Gubernator causæ defendendæ gratia Romam misisset; ille in Pontificis conspectum admissus, vix dicere cœperat, cum repente voce, viribusque destitutus concidit, & in-

Procebus Belgicis, & bello Turcico publicæ supplicationes instituerat Carolus; hoc & Rex per Hispanias facit.

Nuncius à Gubernatore Romanam missus, eorum Pontifice viribus de-

& inde asportatus est. nullus vero morbus tunc ei fuit: offensio tantummodo quædam in crure iter facienti acciderat; quæ prope modum erat sanata. sed domum tunc relatus, ita febri laboravit, ut in magno vitæ periculo esset. ex quo, plurima salutis causa vel perfecit, vel pie admodum sibi proposuit; tum de causa, propter quam legatus erat, tum de omni vitæ suæ ratione. cumque iam conualesceret, morte penitus inexpectata subito obiit. De magno Cancellario qui vna cum Gubernatore damnatus fuerat id euenit, quod ecclesiastici vim anathematis mirabiliter declararet. is antequam absolutionem impetraret, cum vinculum eiusmodi non satis pro gravitate æstimare videretur; interno quodam animi pulsu diurno, nocturnoque commoueri cœpit, atque agitari: tum vero vehementi tristitia opprimi: ut sibi quandoque morti proximus videretur, cumque dies multos ægre sustinuisset; medicos frustra adhibuisset; demum angoris assidui victus acerbitate, mortemque timens; ad Carolum misit, qui veniam peterent, Ecclesiæque satisfacerent. quamquam re nondum cum Carolo plene constituta, cœnobita quidam illi, ut homini moribundo, qui se satis Ecclesiæ facturum promiserat, absolutionis remedium impertiit: qua ratione is subleuatus, postea vna cum alio eiusdem facti particeps, adiuuante Carolo, Pontificiam absolutionem impetrauit. cumq; alio tempore se postea morti propinquum esse sentiret; ad Carolum misit, ut ad se venire subsidio vellet; & si quid forte adhuc opus esset, ab omni vinculo exolveret, quod ille facile concessit; & quibuscunq; rebus potuit, animam illam è corpore migrantem amanter iuuit, & consolatus est.

sistitur concidit, & post paucos dies moritur.

Quid magno Cancellario acciderit.

Carolus morienti magno Cancellario adfuit, eiusque animam amanter iuuit.

CAROLVS ita conflictatus; in ea tamen quæ suæ salutaria essent ecclesiæ pergebat animum intendere. cumque huius anni M. D. Lxx. iiii. tempus illud appropinquaret; quo pij mortales Christi Domini aduentum recolere; & multis antea diebus sese piis officiis, & actionibus ad sanctissimi Natalis eiusdem festa recte celebranda præparare solent: videretque temporis eiusmodi sanctitatem laicis pene ignotam; clericis suis vsu fere

Variis sacris institutis regi consultit. Romanam Iubilei causam proficiscitur. Med. redit.

CAP. III.

*Litteras ad
Populi pietatem
excitantem
edidit.*

3374.

*Morem mulie-
bris capitis o-
perendi reno-
uat.*

non receptam magis, quàm vt sacrarum vèstium, diuinorumque rituum mutatione declararent: quod multos iam annos exemplo suo docebat, tempus illud quotidiano colens ieiunio; id vt aliqua ratione ceteri sequerentur, studuit etiam publica cohortatione persuadere. Litteras ad populum edidit; quibus tum rationem, ritum, cultumque huiusmodi plene demonstrauit: tum pios omnes ad ea præstanda cohortatus est, quæ tale tempus; taliaque mysteria postulabant. quo in genere effecit postea tandem; vt non domus eius tantummodo, collegiaque multa, quæ eius nutu gubernabantur; sed plurimi alij clerici, laicique sanctum institutum, maiore alij, alij minore vitæ seueritate, vt fit in rebus, quæ cuiusque arbitrio relinquuntur; pie admodum agnoscerent, atque obseruarent. Initio anni M. D. LXX. IV. dies quadragesimæ proximos a corruptorum hominum impetu; tum cecos homines ipsos a vitiorum corruptela vindicare perrexit. litteris editis temporis religionem, mysteriaque declarauit. publicis supplicationibus, concionibus, omni ratione, a voluptatibus ad pias exercitationes traducere summo studio populum conatus est. Ac ea quoque per id tempus cura sollicitabatur: quòd sacrum illud Romanarum stationum munus ecclesiæ suæ cum acquisiuisset; constitutas ea de causâ ecclesias ita mares, fœminæque adibant; vt quæ res eis ad salutem comparata erat, ea re plurimi ad perniciem abuterentur. cum enim quam maxima animi, corporisque modestia ad veniam impetrandam, in diuinum conspectum venire deberent; immoderato, lasciuoque cultu studiosissime ornati, libidinosos exercebant obtutus. eam corruptelam, quamuis nunc dici tempora, nunc visendas ecclesias, viris, fœminisque separatim diuidendo; aliàs alia prouidendo, tollere curauerit; non potuit omnino consequi tamen. Morem muliebris capitis operendi, qui ad sacrorum locorum reuerentiam, vitiososque ornatus, aspectusque impediendos pertinet, eo tempore renouauit. mos hic Apostolica doctrina, disciplinaque iam inde ab Ecclesiæ initio comprobatus; Mediolani patrum memoria modestissime seruatus est; cum nedum capite puellæ, sed tota facie velo con-

consecta prodibant. persuasit id primo per parochos; & sacros concionatores; mox etiam iussit; vt exemplum alij Præsules imitati, idem eniterentur; seruarique etiam grauioribus pœnis appositis edicerent. Atque continuata rerum salutarium cura, synodum suæ diœcesis eo anno quartò habuit: quam ex Pontificis concessione, aliquot iam annis differebat. In eo de vestitu clericali, pro loci, aut dignitatis varietate distinguendo, tunc primum plene constituit. de sacris etiam peregrinationibus pie obeundis, quia Iubileus appropinquabat. de ratione synodi celebrandæ. de visitatione Præfectorum vrbis; & Vicariorum, quos per diœcesim constitutos habebat: deque eorundem conuentu coram Archiepiscopo quotannis agendo: alia multa clericis, populoque valde fructuosa. Addidit tunc primum ad synodi decreta scriptas monitiones quasdam ex veteri instituto; quibus ad officia sua singula recte seruanda sacerdotes excitantur. Dehinc, eo per diœcesim ecclesias inspiciente; Henricus Poloniae Rex constitutus, Carolo fratre Galliae Rege mortuo, ad regnum illud capessendum rediens, per Mediolanensem agrum iter fecit. quem Modoëtiæ Carolus conuenit; muneribusque religiosis donauit; optimisque præceptis ad pietatem recte colendam, Galliasque hæreticis tumultibus afflicta recreandas, iuuare studuit: qua de re Pontifex, cum explicate omnia, quæcumque cum eo Carolus egerat, exquisisset; valde illum commendauit. Neque Regem solum, sed Principes quoque, qui eum comitabantur, ille similibus officiis ad pietatem, religiosaque instituta curauit excitare. in quo, vt sæpe alias, ostendit, quam ad rem, quæ ratione Regum, Principumque amicitia Dei sacerdos vtatur. Atque ea omnia Rex; cum & verbis, & factis declarasset, plurimi se Carolum facere; pie, amiceque tunc quidem, quidquid postea euenerit, accipere visus est. Illud memorabile tunc Modoëtiæ contigit. mulier nobili genere nata, cuius mihi nomen hoc quidem tempore tacendum est; sic agitabatur, ac furebat; vt sanctissimæ Eucharistiæ, sacerdotumque præsentiam vix ferre posse videretur: implacabilem se ceteris plerumque præberet: furiosè

De vestitu clericali distinguendo constituit.

Henricum Gallia Regis Fratrem, Polonia Rex constitutus, per Mediolanensem agrum iter faciens, a Carolo iniussit. Et ab eodem ad pia studia cohortatus.

Memorabile quid Modoëtiæ contigerit ad Caroli sanctitatem declarandam.

matrem ipsam impeteret interdum. præterea intimo cruciatu quodam, agitationeque afflictata, nulla re, nulloque loco con- quiescebat. Id alij veneficiis tribuebant: alij cacodæmonis vexationem arbitrabantur. ac multis licet adhibitis remediis; adiuratoque, si quis inesset, dæmone; nullum dabatur leuamentum. Cum ad oppidum Carolus venisset; mulier, quæ sæpe non impedito mentis lumine suam agnoscebat miseriam; in spem venit, eius ope sese liberandam. cumque Carolus præteriret; domo illa subito prosilit, accurrit. prætergressus Carolus monetur; mulierem retro esse, quæ sibi peteret ab eo benedici. conuersus ad eam de more manu crucis signum format. tum ea grauiter commota, dolere perinde, ac debilitari sibi visa est, quasi grauissimum aliquid ex medicamento deiecisset; & ex eo temporis puncto bona vtens valetudine nihil vmquam amplius eiusmodi passa est. quod nos eam, virumque allocuti, diligenterque de tota re non semel sciscitati, ita esse comperimus. Annus sequens septuagesimus quintus vltra mille, & quingentos, ille erat Iubilei nomine insignis; quo sanctorum Apostolorum Petri, & Pauli, ac alias quasdam Romanas Basilicas visentibus, plenissima peccatorum venia concedi solet. Romam ire quidem Carolus salutis, piisque exempli gratia constituerat: sed ibi tantum morari, quantum veniæ consequendæ, præcipuisque, & religiosioribus locis visendis satis esset: immo nihil prorsus etiam cum Pontifice agere, nisi quid spirituale prorsus suppeteret. profectionem autem in autumnum ipsius anni sancti, sic enim recte appellant, contulerat. nam tempus illud ex omnibus minus incommodum ecclesiæ iudicabat, si quando ei abesse necesse esset. Sed antevertit Pontifex, & non semel Carolo iussit significari, vt ante anni initium iræt: multa enim posse admonere, quæ ad Romanæ Ecclesiæ dignitatem accommodata essent; & ad externorum exemplum, qui ex toto Christiano orbe Romam confluxissent, in primis vtilia. Verum plura is iam suppeditauerat per Carniliam; veluti de pauperum hospitio constituendo; de meretricibus segregandis. quod pium hospitali-

*Romam ire
constituit ob
sacri Iubilei
annum.*

*Pontifex, &
ante anni ini-
tium Romam
Carolus ead,
iubet.*

spitali-

spitalitatis officium, alioqui etiam Romæ sicuti existimo, præmeditatum, Præsulum, ceterorumque liberalitas, christianæq; beneficentia tantopere coluit; vt magnus, per exteras quoque prouincias, extiterit tam illustris exempli, religionis, pietatisq; fructus. Non satis habuit Carolus exemplo suo, suos Mediolanen- *Mediolanenses* aliosq; ad Romanam peregrinationem susci- *aliosq; ad Romanam peregrinationem suscipiendam non solum exemplo, sed literis eductis excitat.* piendam. fecit id quoque litteris editis: quæ per alias, non solum vrbes, sed prouincias quæstus causa a librariis disseminatæ, magnos christianis hominibus salutaris peregrinationis stimulos adhibuere. Itaque ante finem ipsius anni, qui agebatur, Pontificis voluntate profecturus; scriptam prius eius rei facultatem postulauit; non alia de causa, quàm ex desiderio eius instituti tenendi; vt ad factorum canonum præscriptum Episcopus ab ecclesia sua sine legitima facultate non discedat. qua de re illud etiam in tempore suasit Pontifici; ne vllum Episcopum absque illius concessu scripto, temporisque præfinitione adiecta, Romam ire pateretur; ne Iubilei nomine quis sedis suæ diutius deferendæ causam quæreret. Id ipse a suis clericis seruari mandauit; vt & cum suis litteris proficiscerentur; & illas Romæ Cæsari Speciano statim offerrent; a quo item, cum post tempus præscriptum redire vellent, afferrent vitæ ibi actæ, honestæque habitationis testimonium. Profectus igitur Carolus mense Decembri, asperum sane suscepit peregrinationis genus. quotidianum iter, non diuersiorum commoditate, sed temporis ratione metiebatur. nox cum, & hospitio egredientem, & ad hospitium venientem comitabatur. ea de causa facultatem, Missæ, vel duabus horis ante lucem faciendæ sibi, suisque impetrauit. sæpius eueniebat, vt comoda loca, amicorum etiam, principumque virorum officio vehementer rogatus, ad modicam lucis residuæ vsuram præteriens, ad hospitia plane rustica perueniret. vbi, quod neque præmitti quemquam volebat; & ob Aduentus abstinentiam, omnibus fere inusitatam, sibi vero exquisitè seruandam, aliud ad reficienda corpora non suppetebat; herbis sæpe, nucibus, pomis cum comitibus sustentabatur. ad ea interdum loca venit, quæ ne vnum quidem ad ipsum recipiendum, cubiculum

Quo tempore, quane ratione iter faciat.

Loca omnia religionis insignia in itinere vifit.

Laudabiliter, ac fanctè Roma verfatur.

lum haberent; fed in tugurio manere neceffe effer: vbi appetita plene frueretur incommoditate. omne tempus in rerum diuinarum contemplatione consumebat. loca omnia circa viam Romanâ religionis insignia, egregia pietatis fignificatione vifebat: cum ipfius vifendi cauffa ex villis, oppidisque plurimi paffim accurrerent. Itaq; Camaldulum adiit: Aluerniam, Affifium, aliaque loca Francifci fanctitate, memoriaque celebrata coluit. magna denique tum fua, tum aliorum fpiritali vtilitate iter confecit. Romæ ita verfatus effer, vt eius laudibus vrbs fancta completeretur; & quot homines exteri ibi erant, tot earum in variis regionibus præcones efficerentur. præteritas peccatorum confeffiones repetiit. certo diuinarum contemplationum curfu fe exercuit. ftatas Basilicas, pedes vna cum familia ordine procedente, omni pietatis, modettæque officio adiuit; & in iis loca omnia diligenter inuifit, quotquot præcipuo aliquo cultu cenferentur. In via litaniam, multamque omnino precationem, nullo interuallo dato, continenter obibat, plurimi etiam nobilitate præftantes, fe socios inferebant. fi quis obuius, etiam vir princeps, & familiaris offerebatur; nihil amplius officij cauffa præftabat; quàm, vt aperiendo capite, corporisque motu falutaret. multi honoris cauffa eo prætereunte humi genua ponebant: quod fi mirabantur Mediolani id videntes; multo magis Romæ; vbi tot alij præclari Antiftites, & ipfe Chrifti Vicarius erat præfens. Ignota mulier peregrino veltitu Carolo obuia, ita commota effer, vt nulla publici confpectus habita ratione; toto fe corpore ad eius pedes abiecerit; eosque religiofiffime complexa, ofculari verita non fit; cum eo fe complexu expedire ille, quantum poffet, conaretur. Ineunte autem mense Febr. anni M. D. LXXV. Roma profectus; cum Vaffallam tenderet; a Cæfare Gonzaga oppidi Principe, Camillaq; forore fua illius vxore, ad dedicandam ecclefiam, quam ij ædificauerant, inuitatus: de grauiffimo Cæfaris morbo, falutisque difcrimine nuncium accepit. vix circa Bononiam equo defcenderat; cum periculo audito; diuinis animæ illius charitatis ignibus accenfus; ftatim rurfus conscendit; & curfu, etiam nocturno celeriter eò contendit. quò poftidie mane cum

1575.

Audito Cæfaris Gonzaga affnii fumerbo Vaffallam celeriter contendit, animæ eum mirabiler suuif.

cum venisset; quasi longo ante spatio quicunisset; sese totum ad affinis animam iuuandam dedit. priuatam supplicationem præter eas, quæ publicæ habebantur, instituit; quæ a suis, aliisque religiosis viris sine vlla intermissione vicissim continuaretur. tum ipse eam exorsus, totum psalterium recitauit. atque Dei benignitate tanto fuit precationibus, salutaribusque verbis Cæsari adiumento; vt is demum a rebus humanis, ad diuinas mirabiliter animum auocaret; certamque mortem ita expectaret, atque obiret, diuinis rebus ad salutem rite munitus; vt si, quemadmodum Carolus ipse palam dicebat, in optimis religiosæ vitæ institutis multis sese annis exercuisset. Ibi Carolus post itineris laborem; post defatigationē cursus, qua solebat maxime affligi; post vigilias, totq; dierum, noctiumque incommoda; quiete nulla vsus; corpore Cæsaris ad sepulturam dato; ecclesia in oppido dedicata: sorore vidua iis de rebus monita, quæ ad salutem, ordinationemq; domus pertinebat, Mediolanum celeriter venit. Hic vero mihi iucunda sane incidit recordatio; quam bona cum lectoris venia, non præteribo tacitus: recordatio inquam, diei illius; cum e ciuili cursu reuocatus, Carolo me tradidi: existimans, a salutari via tali duce, ac patrono aberrare me non posse. hæret animo illius actionis suauis, iucundaque memoria; cum profanam mihi togam suis manibus detrahens, sacramq; induens, vir apostolicus, apostolica sententia hortatus est, vt veterē hominem exuerem, indueremque nouum, neque deinde breui mystica manuum impositione, per omnes sacri ordinis gradus extulit. Faxit Dei clementia, vt sacrorum dignitati, sanctitatiq; sacerdotis aliquo modo vita nostra possit respondere.

*Mortuo Cæsare
eius affine ali-
isque Vastalla-
peractis Medio-
lanum secessit.*

QVOTIESCVMQVE Romam proficiscebatur Carolus; quasi ad earum rerum honestissimū quoddam, sacrumq; emporium accederet, quæ sibi essent, ecclesiæq; suæ cōmodæ, ac salutares; turpe fere sibi existimabat inanem redire. Ipse item diuinis opibus confirmatus, Episcopalis vitæ cursum Roma rediens, acrior semper, fortiorque repetebat: & in vitæ sanctitate solebat insigniter progredi: licet alijs sæpenumero secus eueniat. nimirum

Quæ Romæ fecit de Vistatore Mediolanū misso. de Cremonensi, Bergomenique ecclesia recognita.

CAP. IV.

hæc

hæc valde distant; Romæ pietatem, ad sanctitatem; vel splendorem, ac speciem intueri. ipse certe id fructus ex Apostolica Sede, locisque sanctissimis referendum ostendebat. quæ de se durius statuerit, deinceps apparebunt. Familiæ nomen, annuente Pontifice, tunc ad humanarum rerum despicientiam, veterumque imitationem, dimisit: & eiusdem insignibus e scriptorum ecclesiasticorum signis sublati; eorum loco, Pontificia auctoritate, veterumq; Archiepiscoporum imitatione, cœlestium patronorum Geruasij, & Protasij martyrum, Præsulisque Ambrosij inter eos medij imagines substituit; appositis ex Ambrosij ipsius, non solum scriptis, sed sensu, atque animo, his verbis, Tales ambio defensores. Calculos ad precandum Pontificis auctoritate sacros, id quod pro salute gregis semper solebat, attulit innumerabiles; quamquam pauci pro Mediolanensium pietate visi sunt. Sacra septem insignium ecclesiarum Urbis indulgentiæ diuinæ munera obtinuit, in totidem Mediolani ecclesiis collocanda. quæ resfecit, vt quæ veteres ecclesiæ, locis, & rebus Mediolani erant cultu dignissimæ; negligentia vero sacerdotû, & aliorum pene derelictæ; rursus piæ multitudinis frequentia, cultuque præcipuo celebrarentur. sed eius rei promulgationem distulit in posterum annum: propterea quod Romani Iubilei donum sanctissimum itidem a Pontifice Mediolanensibus suis cum impetrasset; sacra illa beneficia disiungi satius duxit; quò illustriore gratia, vberiorique fructu singillatim exciperentur; præsertim, quòd vtrumque visendarum ecclesiarum operam requirebat. Anno igitur M. D. Lxxvi. vt hoc quasi præcurrendo narrem, cum edictum primò proposuisset, quò multa sacris locis indecora vetabantur; veluti de laicis a choro clericorum arcendis: litteras quoque edidisset, antiquæ pietatis plenissimas; vt fideles doceret, qua ratione in ecclesiis versari deberent; & ad sacrarum rerum reuerentiam incenderet: septem nominavit; Maiorem; sancti Ambrosij; sancti Nazarij; sancti Laurentij; sancti Stephani; sancti Simpliciani; sancti Victoris. tum postridie Calen. Iulij, qui dies Virgini dicatus est, celebri totius cleri, ciuitatisque supplicatione, lætoque apparatu, ipsas ecclesias

Familia nomen dimisit. Et loco insignium eiusdem qua sustulit Sanctorum imagines substituit.

A Pontifice sacra munera Mediolani ecclesiis collocanda impetravit.

Multa ad Dei cultum restituendum instituit.

fias pie adiit: eamq; supplicationem solemnem, anniuersariamque in perpetuum constituit. ipse vero; quod assuefaciendo populo esset accommodatum; nunc priuatim cum familia; nunc publice cum canonicis eandem obiit. idemque canonicorum collegia, religiosorum hominum ordines omnes: vicinias cum parochis suis: pia sodalitia, societatesque, separatim facere mandauit. quod quidem religiosum institutum Mediolanensium animis, & merito quidem, adeo insedit; vt in eo frequenter mar-
 res, foeminae, nobiles, ignobiles, versari conspiciantur. Præter
 spiritualia Carolus, in Vrbe alia quoque non parua suæquasiuit
 ecclesiæ: mille aureorum ex Braidensi Præpositura pensionem
 clericorum seminario: parem presbyteris minoribus ecclesiæ
 maioris, collegio suo Ticinensi detractam: a quo collegio iam
 Caluentianum Prioratum in canonicos itidem trāstulerat. cum
 enim tenues admodum essent eius ecclesiæ fructus: ipse vero, vt
 par erat, statas in ea canonicis horis, nocturni, diurnique tem-
 poris precationes integre restituisset; alias diuinorum munerū
 functiones ibidem auctiores multò, quàm antea vellet: aucto-
 ritate Pontificia fructus ita studuit augere; vt tum loci dignitati,
 tum occupationi. sacerdotum aliqua ratione responderent. Ve-
 rum pro vniuersa quoque Ecclesia; nam & illud erat ei semper
 propositum; Romæ plura curauit: de palatij Apostolici, Apo-
 stolicæque vrbis disciplina; deq; rebus ecclesiarum per prouin-
 cias componendis. ac in hoc postremo genere, iam vsq; a Pij V.
 tempore pro virili parte duo curauerat: alterum, vt esset Romæ
 proprium Cardinalium consilium, in quo res ecclesiarum, Epi-
 scoporumque referrentur, & quod opus esset decerneretur; al-
 terum, vt Episcopi mitterentur, qui apostolica auctoritate ec-
 clesiasticam administrationem, & Episcoporum vitam recognos-
 cerent; & quibus rebus opus esset, emendandam curarent. sed
 cum ad id tēpus ad ecclesias fere ditionis Ecclesiasticæ tantum-
 modo missi Præsules essent; egit Carolus dum Romæ fuit, vt ad
 alias quoque prouincias decernerentur. Cumque ditionis Me-
 diolanensis ecclesias lustrare, Archiepiscopalis officij sui esse iudicaret; id muneris a Pontifice suscepit, præcipuis saltem in ec-
 clesiis

*Multa præter
 spiritualia sua
 quasiuit eccle-
 sia.*

*Pro vniuersa
 ecclesia scrip-
 tate Romæ p. l. q.
 ta curauit.*

*Mira Caroli
modestia &
prudencia.*

clesiis exequendum; si totam non posset complecti prouinciam. & quoniam exemplo aliis præire maxime utile arbitrabatur; prius ad se mitti postulauit: quàm aliena recognoscendi, corrigendique onus acciperet: vt cum sua ipse alieno iudicio subiecisset; tum iudicaret aliena. cumque aliæ ecclesiæ aliis Episcopis attribuerentur; in eorum numero Castellius fuit olim Caroli Vicarius, Episcopus Ariminensis per id tempus creatus. omninores opportuna fuit; cum Præsules ad ecclesias ordinandas in varia legarentur imperia; in eorum numero Carolum esse; qui pro egregia libertate, auctoritateque sua, ad multa, quæ aliis fortasse difficilia fuissent, in eo genere aditum patefaceret, viamque muniret. Ecclesia igitur Mediolanensis Hieronymo Ragonio Veneto, tunc Salaminæ, quæ Famaugusta dicitur, postea Bergomi Episcopo, assignata est; cuius pietas, doctrina, rerumque episcopaliū vsus, Carolo valde probatus erat. Venit is mense Maio: cuius aduentum cum pro sua erga apostolicam auctoritatem veneratione, magno honore Carolus prosecutus esset; publicis supplicationibus eius negotij causa indictis interfuisset; ipsam actionem cœptam vidisset: in ecclesias prouinciæ discessit. Cremonensem autem primò petiit, cui præerat Episcopus Nicolaus Sfondratus, Ecclesiæ catholicæ postea datus Episcopus. excepit eum absente Episcopo magno honore clerus, & ciuitas, omnique pietatis officio coluit: cumque tum publicas supplicationes, tum sanctissimæ Eucharistiæ communicationem indixisset, frequētissimi conuenere Cremonenses; & vno die cœlestē cibum millibus hominum circiter octo præbuit. non explicabo Caroli in ea ecclesia labores, laborumque fructus; ad clericos; ad cœnobitas, mares, fœminasque; ad vniuersum populum pertinentes. satis dixerit, qui eos Carolo dignos fuisse dixerit. nam & eius auctoritas ecclesiis ad ea obtinenda sæpe valebat, quæ ipsi Episcopis erant difficilia: vt non Visitatoris tantummodo partes; sed etiam patroni sustineret. omnia vero religiosissimi Episcopi desiderio, studiisque optimis opportuna fuere. In eo munere visitationis obeundo, Carolus, tum in ea, tum in aliis vrbi-
bus sumptus quidem vitæ necessarios a clero accepit, nā læderet
canoni

*Cremonensem
ecclesiam reco-
noscendam
primo aggredi-
tur Carolus,
maximo hono-
re a clero, &
Ciuitate exce-
pit multis
præstitis.*

canonicum Ecclesiæ institutum; sed eos tantum, qui equitibus sex, peditibus tribus, solita eius familiæ parsimonia sufficerent. in ædibus Episcopalibus non habitabat; sed in aliis, ecclesiasticis tamen. Atque tum sibi, tum aliis Episcopis, quibus id muneris mandaretur, fecit ipse, vt, summis licet viris reclamantibus, etiam in cœnobarum ecclesias, potestas daretur; vt eodem tempore, ac eadem ratione, qua reliquæ, componi possent. Menses tres Cremonæ cum mansisset; mox ad Virginis natalem Mediolanum venisset; Bergomum postea profectus est. vbi episcopatū administrabat Federicus Cornelius postea Cardinalis; qui quidem in exequendis conciliorum prouinciæ decretis, & in ecclesia sua ordinanda multum profecerat. silentio prætereūda non est summa Senatus Veneti voluntas; quam iussis suis, de Carolo in vrbes suas quam honorificētissime accipiendo ostendit. quæ iussa Bergomenses Rectores, ciuesq; adeo cumulate perfecerunt; vt quæcumq; non solum ad amplissimi Antistitis; sed ad magni quoq; principis honorem maximum, studia, officiaq; expectari poterāt, omnia egregie præstiterint. quibus Episcopus cum clero suo pro conditione sua minime cessit. Carolus in ecclesia maiore Pontificia diplomata recitari iussit; pauca verba de causâ aduentus sui fecit: de quo latius explicauit in sequētis dici concione. Ciuitatis Rectores adierunt, Venetique Senatus nomine omnia illi a se fore parata testati sunt. & eiusdem ciuitatis nomine habita oratio populi gaudium declarauit; & metropolitici muneris veterem vsū, ea actione a Carolo restitutum cōmendauit. Ad publicas supplicationes, vt faustum esset, felixque principum indictas, maximus concursus fuit. motus, expiationeque animorum admirabilis. ipse tum in vrbe, tum in suburbiis, innumerabili mariū, foëminarūque multitudini, etiam ipsis Magistratibus, militiq; ducibus sanctissimam præbuit Eucharistiam. illud compertum est, vel aduentus famam, vel præsentiam eius solam ad animas salutariter commouendas; resque omnes recte componendas, plurimum valuisse. possentq; multa, & grauiissima numerari, quæ priuata, publicaque auctoritate illius aduentus causâ, pie præoccupata sunt. Expertus est in ea ciuitate

*Bergomum
proficiscitur.*

*Senatus Veneti
Voluntas de
Carolo honori-
ficæ excipien-
do.*

*Populi concursus
ad supplicationes aliasque
christianæ pietatis exercitia.*

Carolus; omnesque, quotquot illius, administri fuimus; bona hominum ingenia, animosque, tum rerum salutarium studiosos, tum ad perficienda mandata faciles. In maxima comitum, affectatorumque copia Magistratus ipsi frequentes aderant: quibus erant in ore semper Caroli laudes; prædicabantque, beatum fore orbem, si eius similes multos habuisset. In vnaquaque ecclesia, quam inspecturus erat, cum Missam pro sua consuetudine faceret; sacræ Eucharistiæ accipiendæ gratia plurimi quotidie conueniebant. Ibi collegium virginum cum ex suburbio ad tutiorem locum transulisset: corpora etiam sanctorum Firmi, & Rustici martyrum, quæ illæ in sua ecclesia habebant, aliò celebriter transulit: licet ex ea re nonnihil difficultatis extiterit, & tumultus. suburbani enim æmulatione quadam concitati; quo tempore putabāt ex alia parte ciuitatis venturos, qui sacras reliquias asportarent; ad ecclesiam repente veniunt; per vim ingrediuntur; in presbyterum custodem manus iniiciunt: loco capto, corpora custodiunt armati. quam sacri loci iniuriam, hominumque audaciam cum vindicare se velle Carolus ostendisset: cum primariis viris adhibitis adiere maximo numero suburbani, supplicesque, & humi abiecti veniam, absolutionemque petiere. Carolus præposterum pietatis ardorem valde reprehendit: dum maxime charas habere sanctorum reliquias viderentur, maximam beatis ipsis iniuriam facere; quia communis Domini sacras ædes, eiusque ministros violarent. non armis agendum illis fuisse, sed precibus; demumque pati facile debuisse; vt quod gratius Deo esse eius sacerdotes iudicarunt, id fieret. Arcam Dei quondam plastro impositam, cum agitatione bouum inclinata fere corrueret, Ozam cui rem sacrosanctam tangere nefas erat, manu tenuisse. audaciam hominis pietatis nomine susceptam Dominum ita vindicasse; vt is illico mortuus concideret. esse etiam pietati, & rerum sanctarum desiderio modum, certosque fines; quos sine diuina offensione transire homines non possunt. quod sanctas reliquias amarent; & apud sese retinere cuperent; pie facere, ac laudabiliter. sed cum immoderato earum studio, ad ecclesiasticæ auctoritatis contemptum, & ad rerum

Virginum collegium duorumque sanctorum corpora aliò transulit.

Suburbanorum tumultus.

Suburbani veniam a Carolo petentes patre ab ipso arguuntur.

rerum sacrarum violationem adducerentur; non pietatem esse, sed temeritatem castigatione dignam. re demum composita; qui vim sacris intulerant, eos singulos, venia prius a presbytero petita, certo signo notatos, Pontificali vestitu, solemni, & præscripto ritu, ante fores ecclesiæ, anathematis pœna Carolus liberauit; opportunaque opéra pœnitentiæ nomine iniunxit. tum reliquias in ecclesiam maiorem, magna hominum multitudine, amplexuque apparatu deportauit. Suburbani illi cercis accensis comitati sunt. Ad initium vsque mensis Decembris in eius ecclesiæ rebus componendis Carolus occupatus fuit; idque eo fructu, quem vel mandatorum ratio, vel breuitas temporis ferre potuit maximum. Brixiensem ecclesiam, quam itidem ex Pontificiis mandatis adire constituerat, tunc quidem ob anni tempus omittere coactus est.

*Suburbani pœ-
nitiæ anathe-
matis pœna a
Carolo libe-
rati.*

CONSULTATVM erat inter alia Romæ, cum ibi Carolus Iubileum Mediolani celebrat. conciliū Ep. quartū habet. Visitator discedit. CAP. V. 1576.

effect; de Iubileo, post annum, in prouinciis eorum gratia concedendo, qui varie impediti Urbem adire non potuerant. Quod cum ipse in primis impetrasset, secretoque habuisset; de magnis demum ex ea re populo suo spiritualibus adiumentis, animique fructibus acquirendis diu iam meditatus, negotium suscepit, studio, ac diligentia singulari: vt cum superiore anno maximum Mediolanensium numerum Romam ad sanctæ Urbis beneficia, capienda impulisset: reliquis, & eisdem rursus si vellent; Romanis beneficiis Mediolanum accersitis; sacra salutis subsidia, cœlestiaque animæ ornamenta compararet. Munus eiusmodi minime arbitror Mediolanensibus postea concessum; quàm Antonio ex Marchionibus Salutianis Archiepiscopo, & Galeatio Vicecomite Duce, Bonifacius nonus dedit, anno salutis M. CCC. XC. I. quo tempore admirabilis illa Basilicæ maioris ædificatio Mediolani cœpta est. Carolus igitur litteris primum editis, quibus ad diuinum munus salutariter accipiendum suos accenderet; festo die Virginis, quem Purificationis nomine appellamus; ab ipsius Virginis æde cum rediisset; vbi more maiorum candelarum ritum, mysteriumque obierat; in Pontificia maioris ecclesiæ

Carolus in maiori ecclesia Iubileum publicum celebrat ac solenniter celebrat.

cleriæ Missa concionem habens, Gubernatore, Magistratibusq; præsentibus rem promulgauit: Romanumque diploma; ac edictum suum, in quo præscriptiones in eo genere variæ continebantur, recitari iussit. Tum ad animos præparandos; ciuitate ad ieiunia, eleemosynasque excitata; omnes sacros ordines, populo comitante, publica supplicatione duxit, feria quarta ad sancti Ambrosij; sexta ad sancti Laurentij; sabbato ad sancti Simpliciani. statiuas deinde supplicationes in ecclesia maiore indixit; quo sacra collegia, clerusque omnis, atque vniuersa ciuitas, certis cuique generi horis assignatis, distincte conueniebant: ita ut horis quadraginta preces continuarentur. Cum per eos dies festo campanarum sono, animos diu pie commouendos curasset; in eorum extremo iussit vno tempore vesperi ab omnibus ecclesiis signa dari, quæ cunctorum animos inusitata quadam lætitia, cum rerum diuinarum desiderio coniuncta, perfuderunt. sequenti die dominico, quo die sacrosancti beneficii statuit esse initium; sacros choros, ordinesque rursus duxit vniuersos; idque tam pio, splendidoque apparatu, ut diuina quadam celebritas videretur, pompaque cœlestis. conuenire ex ecclesiis omnibus sacerdotes, sacris indumentis ornati, quæ pulcherrima haberent; tenentesque manibus cereos accensos, in pretiosissimis ferculis collocatas insignes sanctorum reliquias deducebant. infinita multitudo, non ex ipsa modo urbe, sed ex vicis, agroque vniuerso confluerat: quæ maximo in templo constipata, mutuisque impulsionebus perpetuo agitata, quasi vndis vltro, citroque commecantibus, vasti cuiusdam pelagi fluctuantis speciem afferebat: tum vero totis viis confertim emissâ, huc, illuc continenter fluitabat; dum res sacrosanctas inspicere, sacra agmina comitari, & pia quadam anxietate coronis, ut appellant, ad precationis vsum paratis, sacra fercula, religionis gratia, tangere certatim studebat. Quatuor Basilicas Romanorum exemplo constituit Carolus, quindecim dierum spatio quindecies obeundas; maiorem; sancti Ambrosij; sancti Laurentij; & sancti Simpliciani; quas ad sancti Nazarij addita, etiam Antonius Archiepiscopus olim con-

Quatuor Basilicas certo dierum spatio obeundas, & alias pie constituit.

constituerat, ad diuini illius muneris opem consequendam. Atque pro facultate Pontificia, certos sacrarum confessionum ministros, ea de causa delegit; certam præscripsit precandi, & ecclesias adeundi rationem: in qua quidem ratione currum non admisit; vanaque omnia ornamenta excludi curauit. Senibus; imbecillis; ægrotis; vinctis; religiosis virginibus; quæ claustris continentur, prouidit, ne eo minere carerent. Præter scripta, quæ multa ipse ad fructum, salutemque suorum edidit; libellos etiam de diuinis eiusmodi muneribus acquirendis, deque religiosis locis pie adeundis edidit. de præcipuis Mediolani ecclesiis, deque rebus, locisque earum religiosioribus, pij publici ardoris iuuandi gratia proprium libellum conscribi iussit. Ecclesias ipsas delectas, vt animi vehementius accenderentur, quam ornatissimas haberi iussit; & in ipsis quæcumque res religione insigniores essent, frequenter proponi: idque non incolarum tantummodo causa; sed exterorum quoque, quibus ad idem beneficium consequendum aditus patebat. Atque vt vitium, periculumque omne diligentius arceret, quod ex marium, foeminarumque ad eadem loca concursu esse poterat; ipsas statas ecclesias ex antiquo, etiam multorum locorum Mediolanensis diocesis, instituto; diuidi iussit; & vniuersiusque partem, quæ ad austrum est, maribus; aliam foeminis assignari, quamquam is fuit tunc sancti Iubilæi cultus, vt quæ alias corrupte fieri ad ecclesias solebant; eo tempore minime committerentur. Separauerat antea stationalis celebritatis gratia, ecclesias interpositis velis; sed tunc ligneis septis diuidi statuit, vt melius cauere; moremque veteribus visitatum, & quibusdam locis etiam retentum religioso fructu, ac exemplo renouaret: quod idem in alias quoque ecclesias, etiam castellorum, vicorumque postea paulatim introduxit; & decreto quoque sancit. Carolus ipse nunc cum canonicis suis, aliàs cum familiaribus; ecclesias frequens adibat, hymnis, psalmisque simul recitandis, in via operam dabat; res, & loca omnia, vt in libello demonstratum erat, pie viscebat. Collegia sacra omnia; piaque sodalitia idem fecere. tum Parochus quisque

*Ligneis septis
ecclesias diuido
statuit.*

*Frequenter ec-
clesias cum Ca-
nonicis, aliis-
que adit.*

sibi

*Multorum ar-
dor in ecclesiis
Inhibet causa
obvendiis.*

sibi commissâ vicinia comitante: collegia profana item artificij, mercaturaë societate congregata: alij chori multi marium, & fœminarum: vt viæ continua psalmodum recitatione, sæpe suauiterum sacrarum cantu, personarent. plurimi nudis pedibus, vestituque aspero, viri, & mulieres, etiam nobiles frequenter ibant: alij operta facie, tota via flagella sibi ad sumendas flagitiorum pœnas adhibebant. Vidi nobilem iuuetutem, & primariam, voluptatibus antea deditam, cannabino indumento, oculis in crucem, quam manu quisque tenebat, defixis, ordine eandem viam obire; tanta pietatis significatione, animorumque motu; vt boni omnes incredibili gaudio afficerentur; senes supplices manustenderent, Deoque toto corde gratias agerent; qui ad id tempus eorum vitam reseruasset. Ex agro Mediolanensi, singulisque vicis, & castellis quotidie populi integri, facto agmine, cuncte, cleroque præeunte, Mediolanum pedibus etiam nudis veniebant; quamvis viginti, atque adeo triginta millia passuum quidam abessent: ita enim Carolus hortatus erat, quibus etiam faciliorem sacri muneris consequendi modum præscripserat. Atque vnumquodque agmen in ecclesia maiore primo pla concione, optimis admonitionibus referta, excipiebatur: quod minus frequenter ipse, sæpius in die ad id in templum veniens, obibat. Ibi sacerdotes; & quæcumque ad animi expiationem, diuinique beneficij adeptionem opus erat; omnia præstò erant: neque verbo tantum Carolus aduenientium pascebat animos; sed ditino quoque sanctissimæ Eucharistiæ cibo: vt admirabili vicissitudine, ab vno ad alterum sæpius sacrum ministerium nullo transfret interuallo. Tum ad ecclesias constitutas, eiusque sanctas res venerandas se conferebant. demum rebus omnibus procuratis, quæ ad animi salutem pertinerent; ad vires quoque corporis resciciendas inuitati veniebant. nam id quoque prouiderat amantissimus pastor. Hospitio suscipiebantur in ædibus amplissimis, quas ad mares, fœminasque separatim recipiendas Carolus constitui curauerat. maribus recipiendis præerant primarij viri: fœminis matronæ grauissimæ; consilio, atque opera virorum probatæ vitæ, atque grauitatis adiutæ. huc

*Peregrinorum
hospitum præ-
parati erant.*

te. huc res ad victum necessariz, piaculum liberalitate, tum in- *Cinium inpe-*
 dustria multorum, qui eam rem auctore Carolo, curabant, vn- *regros libe-*
 dique comportabantur. Mensæ longissimæ, ordine multiplici *ralitat.*
 positæ: conspiciebantur, hominum millibus interdum quin-
 que, ac sex vno tempore sæpe accumbentibus, quorum dum
 corpora recreabantur, animi quoque ex pulpitis aptè dispositis,
 concionatorum sermone reficiebantur. sed ante cibum, anti-
 quo christianæ charitatis officio, de itinere fessis, pedes laua-
 bantur. quo munere cum Carolus ipse fungeretur, & cum do- *Carolus pere-*
 mesticis, canonicisque suis frequentaret; ad eandem exercita- *grinorum pe-*
 tionem multos quoque ex optimatibus excitauit; qui vna cum *des lauat, idem*
 ceterorum magno numero ei ablutioni operam assidue dabant. *eius exemplo*
 Ad piam animorum commotionem id opus maxime valebat, *optimates fa-*
 tum in iis, qui spectabant, & faciebant; tum in iis, quibus adhi- *ciunt.*
 bebatur. obstupefcebant homines cum ad pedes suos, viros no-
 bilissimos prostratos videbant; vixque officium eiusmodi fere-
 bant. at Carolus linteo præcinctum sese offerentem, & ad pe-
 des sedentium abiicientem conspicientes; tam noua specie ob-
 stupefacti, demissis oculis terram intuebantur; ore, corpore,
 mente ipsa denique minime videbantur posse consistere. Hæc
 cum assiduo labore Carolus gereret; tum illud asperitatis addi-
 dit; vt toto quadragenario solemnisi ieiunij tempore in asseribus *Toto quadra-*
 cubaret. quod ea quoque de causâ fecisse eius familiares puta- *gesima tempore*
 runt: quia cum satis magnus numerus peregrinorum lectis se- *in asseribus cu-*
 mel caruisset, culpæ id suæ adscripsit; & ea ratione voluit a se po-
 nam exigere. perseuerauit autem in eo, donec Episcoporum, qui
 ad proximum concilium venerunt, idque rescuerunt, precibus
 vix adduci potuit, vt solam culcitram asseribus imponeret. Ve- *Vi culcitram*
 rum pia illa populorum itinera, cum adhuc multa restarent, Gu- *asseribus im-*
 bernatoris sunt impedita iussu; cum de magnis vrbibus, Vene- *ponat vix im-*
 tiis, Mantuæque pestilentia oppressis; & aliis vicinioribus locis *petrant epi-*
 eadem contagione tentatis certi nuncij Mediolanum allati es- *scopi.*
 sent. prouidendum enim existimarunt Magistratus, ne quis in *Aliquot Cini-*
 urbem admitteretur, nisi scriptum testimonium afferret; se, lo- *tates Italia pe-*
 cumque vnde veniret, pestis suspitione carere; quod in tantæ *stilentia op-*
 multi-

multitudinis conuentu fieri non poterat. Id quamuis Carolo ex omni parte non placeret; cui periculum adhuc minus videbatur; quàm vt piis populis vicinis, ciuitatique tantus, tamque salutaris pietatis fructus adimi deberet: non restitit tamen; sed reliquorum vtilitati consulens concessit, vt in agro quoque Iubi-

Quartum Episcoporum Conciliū Visitatore Episcopo praesente celebrat Carolus.

lei beneficium consequi possent. Concilium tamen Episcoporum statò tempore ex instituto quartò celebrauit, praesente ipso Salaminio Episcopo Visitatore. diurnos, nocturnosque labores, quos cum vitæ asperitate, magnisque vigiliis coniunctos, in rebus componendis, parandisque primò; postea in congregatione Episcoporum tractandis, suscepit; & Episcopi, & alij, qui interfuimus, plurimum; & magis quàm vmquam antea mirati sumus. cum enim duas, tresue horas, siue sedens, siue in ligno stratus somno dedisset; reliquas omnes concilij negotiis, aliisque rebus tractandis dabat. Decreta confecit, quibus plurima complexus est, ad omnem ecclesiasticarum rerum perfectionem conformationem pertinentia; prouinciæque maxime vtilia; cuiquid opus esset, ex ecclesiis ante recognitis melius intellexerat. Quæ de sacris reliquiis pro dignitate habendis, aut transferendis; de religiosis peregrinationibus; de modestia in sacris locis tenenda; de vario supplicationum genere, proximis annis vsu probauerat; perpetuis prouinciæ constitutionibus commendauit. de sacrorum locorum fabrica, ornatu, omni que ratione multa comprehendit; que iam vsu fuerat expertus. magnam item earum rerum partem decretis fanciuit; quæ idem Episcopus Visitator in vniuersum de variis rebus ecclesiasticis, deque Virginum cœnobitarum disciplina præscripserat. de diuinis item officiis plurima; de Episcoporum, omniumque clericorum vita, modestiaque; de munere ecclesiarum recognoscendarum adiunxit. Alia multa constituit ad disciplinæ ecclesiasticæ statum constituendum, non vtilia solum, sed etiam necessaria, satis magno decretorum volumine; quæ bonorum Episcoporum studia in perpetuum iuuabunt. Ac eo tempore

Visitator in ecclesia Mediolanensi muneri suo finem facit.

Visitator in ecclesia Mediolanensi muneri suo finem posuit, qui multa per se, virtute, studioque suo, cum ad optimum ecclesiæ

clesiae statum contulisset; eo etiam Carolus, eiusque apostolica
 auctoritate in aliis multis usus est, ad ea consequenda; quæ vel
 tunc quidem a se tentari opportunum non iudicabat; vel au-
 ctoritate sua ordinaria ipse non poterat comprehendere: præ-
 cipue ad ea corrigenda, & ordinanda, quæ in ecclesiis regula-
 rium opus erant. inter alia per eum effecit, ut loco tum paupe-
 rum hospitalitati, curationique; tum piis aliis operibus desti-
 nata, ad Archiepiscopalem recognitionem, speculationemque
 reuocarentur: quique iis locis præfecti erant, in eorum admi-
 nistratione diligentiam ad sacrorum canonum præscriptum iu-
 re iurando recipere. quod eorum nonnulli res eiusmodi vel
 negligere, vel ita curare solerent, ut suis potius, amicorumue
 commodis, quam rebus sacris seruirent interdum: cum alio-
 qui tamen viri nobilissimi plurimi singulari fide, ac diligentia
 eiusmodi negotia pietatis ergo suscepta, tunc etiam gererent.
 omnino longe alia ratione Carolus illud visitandi munus ac-
 cepit, atque alij quidam, nam & ad ecclesiarum suarum perfectam di-
 sciplinam quamplurima conferri, addique studebat; & quod
 suæ culpæ esset, id demonstrari, corrigique valde lætabatur.
 dicebat maxiniam eiusmodi se officij expertum esse utilita-
 tem: nam cum natura homines in suis erratis cognoscendis
 parum videant, multum in alienis; cum aliorum Episcoporum
 res ipse perscrutaretur; in aliorum culpa, suam sese agnoscere:
 cum vero alius res suas recognosceret, multa, quæ se antea
 fugerant, doceri. Episcopus igitur festo die ante altare sedens,
 populo nunciauit discessum suum; dixitque se peragrassè to-
 tam diœcesim; ecclesias omnes, præcipuas per se, reliquas
 per alios lustrassè: res omnes ita ordinatas comperissè; ut
 ei ad multa discenda muneris ea functio valde opportuna fu-
 isset. quod perfectum non esset, præscriptum esse tamen in
 vnaquaque ecclesia diligenter. ideo fere vno executionis ver-
 bo posse actionem suam se concludere. cui Carolus è sede sua
 respondit: usurpare se posse illud sanctorum piscatorum, Tota
 nocte laborauimus, & nihil coepimus; nunc in verbo tuo la-
 xabo rete. nihil ad id tempus fere suis laboribus cum fecisset;

*Qua effeceris
 Visitator.*

*Visitator popu-
 lo suum nun-
 ciat discessum.
 se multa in hac
 lustranda diœ-
 cesi didicisse
 facietur.*

*Carolus a sua
 sede humiliter
 Visitatori re-
 spondet.*

eius tum Præfulis verbis, atque virtute, quem ex Apostolica Sede Romana Christi Domini Vicarius miserat, fructum tandem laborum ita sperare, quemadmodum illi cum iussu Domini re-te iecissent, magnum piscium numerum ad littus traxerunt. alia addidit pro modestiâ suâ, & ea quàm semper habuit ergâ Romanam Ecclesiam summa reuerentia. Episcopus autem ad Cas-lensem, aliasque provinciæ ecclesias perlustrandas se contulit; quæ cum Carolo vna cum aliis ad metropolim suam pertinen-tibus inspiciendæ essent, & componendæ; commodè tamen ei muneri vacare non poterat.

De Sanctorum
corporum
translationi-
bus a Carolo
celebratis.
CAP. VI.
*Caroli finis in
Sanctorum cor-
poribus trans-
ferendâ.*

SEd reuocandâ oratio est ad translationes sanctorum cor-porū referendâ; quibus Iubilei celebritas valde illustrata fuit, animiq; religiosius ad salutis suæ negotium procurandum præ-parati. Inter alia salutis adiumenta, quæ Carolus ecclesiæ suæ posset afferre, illud erat plane magnum; beatorū virorum, quo-rum reliquiis locupletata, ornataque erat, memoriâ redinte-grari: vt excitata, vel renouata erga patres, patronosque suos pò-puli pietate; nosset in posterum; velleque ad eorum confugere præsidium in calamitatibus suis. quam ad rem, licet non parum valuerit, aliquid ex eorum historia delibatum edere, quod in ec-clesiarum libro factum est; maxime tamen opportunum erat, ipsas sanctorum reliquias in apertum proferre; solempni Ecclesiæ pompa mōre maiorum circumferre; populo ipsi ante oculos proponere. Eius rei idonea illa visa est occasio; quòd, vt altaria, aliæque ecclesiarum partes, quemadmodum plerisque in locis Caroli tempore factum est, instaurarentur; locis suis sacrâs reli-quias mouere necesse fuit. omnino turpe erat, populum Medio-lanensem plurimos pastores habere, quorum sanctitas publice cõlatur; multos item Christi insignes martyres, præclara ciuita-tum præsidia: quorum nedum opem frequenter, vt debebat, im-ploraret; reliquiasque veneraretur; sed ne memoriâ quidem fere teneret. opportune vero, & vt videtur, diuinitus, Carolus fecit; vt ea clade ciuitati impendente, de qua paulo post dice-mus; tum Iubilei religione; tum voluntate in cœlestes patronos suos

suos pie inflammanda, plebem Mediolanensem ad animorum castitatem, salutariaque studia exercebat; quò minus cœlesti domicilio indigni, migrantes ex hac vita reperirentur. Atque iam ante annos quinque, hoc est postridie nonas Sept. M. D. LXXI. sanctas reliquias mouerat, & recognouerat, quas Basilica olim sanctorum Naboris, & Felicis, nunc sancti Francisci habet: sed sine eo apparatu, quem postea antiquæ pietatis esse animaduertit, & ad pios animos sancte commouendos accommodatum, reliquias Apostoli Barnabæ nonnullas a sacello suo: martyrum Naboris, & Felicis, Caii item, & Materni Præsulum Mediolanensium, a capite ecclesiæ, vbi altare maius erat; ad locum transfudit, vbi nunc illud situm est, alias recognouit, & suis locis reliquit; martyrum Felicis, & Fortunati; Sauinæq; matronæ. Nunc autem celebriorem translationibus addidit apparatus. Erat inter commemoratam Basilicam, quæ nunc est sancti Francisci, & Ambrosianâ; alia sancti Vitalis nomine dicata, quæ Fausti Basilica fuisse putatur; de qua etiam apud sanctum Ambrosium mentio est. ab ea titulû parochiæ Carolus cum amouisset; mox etiam ei persuasum est, vt eam monachis Ambrosianis concederet. prius autem inde exportandum putauit corpus veteris Archiepiscopi Mediolanensis, Monæ, sub altari conditum; cuius memoria in ecclesia Mediolanensi colitur pridie id. Octobris. Atq; die translationi dicto, qui post nonas Februarij consequebatur, quo die prima erat supplicatio ad sanctum Ambrosium ob Iubilei memoratam præparationem; misit vesperi, qui locum recognosceret, & quæ opus erant, pararet. nocte accessit ipse. ibi, arca lapidea, quæ in terram defossa erat, aperta; post precationem, stola collo inducta, ad sepulchrum abiectus, singillatim ossa illa veneranda extrahebat; & in arca serico panno intus ornata, tactus, menteq; in sancti patris meritis defixa, componebat; astantibus canonicis nonnullis linea veste indutis, qui pio operi inserviebamus; & aliis item presbyteris, diaconisque presentibus; quorum quidam lachrymas præ animi suauitate; gaudioque tenere non poterant. Arca deinde cum ossibus posita super altare; nocturnas preces ad sancti honorem accommodatas primò recitauimus:

Qua præparatione, & veneratione sanctorum sacra ossa ex sepulchro extraheretur.

citauimus: post etiam quæ diei illius erant addidimus. inde cum
 effemus profecti; canonici alij succedere; & post eos alij; vt tota
 nocte ex sacris institutis essent, qui ibi vigilarent, & precarentur.
 Mane, his peractis, quæ ad supplicationem pertinebant; ex Am-
 brosiana Basilica, ad corpus venimus; quod ornatissimo feretro
 humeris portandum erat. charum onus subiere in anteriore par-
 te Carolus, & Episcopus Salaminæ; in posteriore duo præcipua
 dignitate canonici. extra ecclesiam, canonici vicissim succedē-
 tes, vsque ad maiorem ecclesiam portauere, sacris, & pretiosis-
 simis indumentis ornati omnes. multos iam dies cœlum nubi-
 bus erat, pluuiisque perturbatum: at cum efferretur sacrum cor-
 pus, magna omnium lætitia, & admiratione, serena, clarissima-
 que luce fulsit. clerus vniuersus, hymnos, psalmosque ad rem
 accommodatōs per choros mûsice cantabat. tubarum sonus
 frequens ciebat pios animorum motus. Senatus sectabatur.
 multitudo præterea infinita. luminum vis innumerabilis. Cum
 ad ecclesiam maiorem ventum esset; feretro in altari posito, Ca-
 rolus de sancti laudibus concionem habuit. toto die conuenie
 populus ad beati parentis reliquias venerandas; immo agno-
 scendas; cum vel eius nomen plerique ignorarent; tum magno
 studio, coronis, sibi ad precandum paratis, religionis causâ fe-
 retrum tangi curabant. vespere verbis ab Episcopo Salaminio
 ad populum apposite factis; magno concursu, in subterraneam
 ædem corpus delatum est. Post triduum; cum tertiæ supplica-
 tionis gratia Carolus itidem ob Iubileum ad sancti Simpliciani
 cum clero venisset; aliam celebrauit translationem. Aronæ in
 ecclesia sanctorum Felini, & Gratiniani, quam Societati I E S V
 traditam diximus; erant corpora sanctorum martyrum Fidelis,
 & Carpophori. cum eorum memoriam in oppido vix vigeret;
 locus certè sepulchri ignoraretur; religiosa patrum cura, in alta-
 ri demum inuenta sunt. Atque cum veteris, & angustæ sancti Fi-
 delis ecclesiæ loco, quam eis olim Carolus Mediolani tradide-
 rat; amplam, & magnificam ex ciuium liberalitate cœpissent æ-
 dificare; ad sanctorum cultum magnificentius, & ad multorum
 salutem vtilius fore existimarunt; si ea corpora Mediolanū tranf-
 ferrentur;

*Qua ratione
 sacra transfe-
 rebantur reli-
 quia.*

*Cœlum iam an-
 te turbatum in-
 harum sacra-
 rum reliquia-
 rum transla-
 tione clara lu-
 ce fulsit.*

*Aliam cele-
 brat transla-
 tionem Caro-
 lus.*

ferrentur; & Fidelis corpus, vna cum martyrij socio in suâ ædem referretur. Ea igitur ex Caroli cōsensu, qui oppidi sui rationem, augendi cultus causâ, minime habuerat, ad sancti Simpliciani ecclesiam priuatim deportata; solemni ritu, atque apparatu ad constitutum locum transferenda erant. Carolus eò feria sexta nocte venit; reliquias composuit; diuina nocturnæ precationis officia obiit; ibi fuit donec lux appropinquaret. mane autem stata supplicatione absoluta, V. Idus mensis eiusdem, ad nouæ ecclesiæ locum eas magna celebritate transtulit; ipsis societatis clericis vmbraculum honoris causâ supra feretrum gestantibus. At populus Aronensis, quo inscio corpora fuerant asportata, paulo post, cum id cognouisset, valde commotus, acri admodum studio; vt vehemens esse solet in huiusmodi genere popularis impetus; de recuperandis reliquiis institit; neque conquieuit, donec eorum partem a Carolo acceptam in eandem ecclesiam Aronam referret. Addam aliam similem celebritatem, quæ fuit eiusdem anni mense Iulio. Obscuro autem, si cui forte videbor res huiusmodi aut diligentius colligere, aut pluribus exponere; quàm ad propositum finem intento, properanti-que gratum videatur: vt æquo animo patiatur, aliquid me rerum nostrarum memoriæ, non sine multorum fructu concedere; piisque nostris hominibus gratificari. Versamur etiam in hoc genere libentius, quam in Caroli rerum asperitatibus exponendis: quæ licet constantiæ, patientiæ, sacerdotalisq; roboris contra aduersa omnia retinendi, exemplum Dei ministris præclarum præbeant; illud tamen inest molestiæ, quod res piis temporibus propemodum indignas scribere necesse est. Piget explicare turbulentos quosdam motus, qui hoc ipso diuinæ placationis optatissimo tempore extiterunt. Itaque ad aliam translationem veniamus. Nonnulli ante annis monachi, qui ab Oliueto monte nomen traxere, nouam ecclesiam sancti Victoris cœperant, pulchram, & magnifici operis. quæ perfecta, veterem, quæ proxima erat, dirui volebant. illam dico, quæ Portiana veteribus appellata est; & sancti Ambrosij litteris, actionibusque illustrata. sed prius sancta corpora, quibus locus abundabat, tollenda erant,

Populi Aronensis ob sanctorum corpora Arona Mediolanum translata commotio

Similem instituit sanctarum reliquiarum solemnem celebrationem.

erant, & in nouam ecclesiam transferenda. occasionem libenter arripuit Carolus splendide translationis celebrande, qua & sanctorum reliquiis honos tribueretur, & Mediolanensem pietas erga illos quoque diuinos eius custodes renouaretur. Arce lapideæ erant plures ossibus plenæ, circum altare sub terram collocatæ: quæ ossa, licet neque nominibus, neque aliis signis distinguerentur; aliud tamen iudicari de iis non poterat, quàm ex iis sanctis corporibus esse, quibus eam ecclesiam esse copiosam veteribus monumentis testatum est. Vna erat arca sub altari, altius quam aliæ defossa: in ea corpora sanctorum Victoris martyris, & Satyri, sancti Ambrosij fratris, erant. his igitur omnibus primo legitime recognitis: demum 11 x. Calend. Augusti quo die S. Iacobi festum celebratur, Carolus ad locum, vigilandi ex instituto, precandique gratia; quia postridie futura translatio erat; se contulit. ibi nocturnis precibus de more habitis; & sancti Victoris vita recitata; ossa omnia ita composuimus; vt septem feretra portanda pararentur. Die sequenti clerus vniuersus in maiore ecclesia coactus, ordine ad sancti Victoris processit: vnde sublata sacra diuini amoris pignora, primò canonicorum, deinde monachorum humeris, viis apparatus, cantu ad beatorum gloriam significandam accommodato, circumlata sunt, tanto spatio, quantum opus erat ad longissimos sacrorum hominum ordines producendos; maximamque multitudinem capiendam. quibus ad eandem ecclesiam relatis, sacrosanctæ Missæ sollemnia celebrata sunt. reliquiæ toto die in conspectu populi relictæ, qui frequentissimus eò, magna pietate confluit. vespere autem reuerſo Carolo, sericis illæ pannis inuolutæ, præsentibus notariis, in capsas plumbeas reconditæ sunt. quæ Victoris, Satyrique erant, separatim in altare maius ecclesiæ sunt illatæ. Aliæ in suis arcibus lapideis a vetere ecclesia deductis, positæ, in sacello, quod ea de causâ monachi, Carolo auctore, ad suam subterraneam ædem addiderant; ita in variis capsis separatæ, ac in sacelli angulis, quantum fieri potuit, collocatæ sunt; vt primò fuerant inuentæ.

Quo in loco sacra iacerent reliquiæ quarumue Sanctorum.

Quo modo eadem recondita sunt, sacræ reliquiæ.

*Præfelli non
ea statim præ-
stant qua de-
bent.*

mensēs, totamque hyemem timendum affirmabant. Carolus autem, tamquam in specula collocatus, imminentem tristissimi temporis tempestatem, & si sic expediret, a suis enixe deprecabatur, & multis tamen prædicebat; nam & satis multas cernebat plagarum, grauesq; causas: & Præfectos videbat, aliorumq; rectores de humanis remediis valde sollicitos; diuina ipsa, quibus potissimum spes hominis christiani niti debet, minime quærere, vt oportebat: immo ipsa quoque humanæ diligentia officia minus integre, perfecteque præstare: sed quasi stupore quodam oppressos rei nouitate teneri, atque hesitare. id ille maximæ calamitatis breui futura indicium sibi videri dicebat. Ea de causa statuit Brixiaë visitationem eo anno omittere: immo ab vrbe penitus non discedere, donec rei exitum aliquem videret. tantum ea perficienda diligenter in vrbe curauit, quæ Salamina Episcopus per ecclesias facienda decreuerat. qua in re, quòd ita esset ceteris eius occupationibus commodius, consumebat meridia, nunquam tempus; & maximos calores contemnens, vrbis ecclesias quotidie singillatim adibat. iam pedibus instituerat ire: neque id in vrbe solum; sed in agro etiam, dum itinere breui singulos vicos obiret: quamquam hoc non tenuit semper, quòd nimis incommodum, laboriosumque suis esse videret, ea ratione ite facere. Publicæ supplicationes postea tamen diuinæ iræ placandæ gratia, ter ad consuetas ecclesias de more habitæ sunt. quarum causa cum Carolus, Gubernatore, Senatu, aliisque magistratibus præsentibus, concionem haberet ad populum; oblata occasione reprehendit eos, quòd tam sero ea quæssissent, quæ certissima sunt humanorum malorum remedia; cum alioqui tam vehementer suæ custodiæ confidissent; & eius causa pios illos conuentus præpropera festinatione prohibuissent. Sed illud quoque obiecit, dum causas diuinæ castigationis percenseret, quòd piarum societatum optimæ exercitationis iamdiu sine causa impeditæ, adhuc eodem statu tenerentur. quæ res magnam hominum multitudinem a salutaribus rebus auerterat, quæ ad Deum placandum plurimum valerent; vt ad voluptates, vitiaq; conuerteretur, quæ diuinas prouocarent animaduersiones. Ma-

nabat

*Publicæ sup-
plicationes ad
Dei iram pla-
candam cele-
brat Carolus,
concionem ha-
bet, multos gra-
uiter reprehē-
dit.*

nabat autem iam latius pestilentia; grauiusq; suburbium, quod *Latius grauius-
tur pestilentia.* est ad Comensem portam affligere cœperat: & in ipsa quoque vrbe multas inuaserat domos. Campus est ad orientis portā extra mœnia latissimus, & in quadrum redactus. ædificia circum *Locum ad quem
peste infecti
deducebantur.* extructa, ad eos qui tali morbo laborant separatim recipiendos, locis quàm plurimis distincta sunt: & fluuiialis aquæ riuo cinguntur. in medio campo sacellum S. Gregorio dicatum; quo nomine locus ipse solet appellari. Qui rebus eiusmodi curandis præfecti erant, recte quidem suspecta valitudine homines, aut suis ædibus inclusos esse; aut extractos, per homines mercede conductos, in S. Gregorij locum deduci iubebant. Sed nec dum ylla peneratio inita erat, qua vel ad curationem ægrotorum, vel ad pauperum victum, necessaria suppeditarentur. immo ædificia quoque longo tempore vacua, ita ab omni habitationis cōmoditate deserta erant, vt nihil præter nudos parietes relictū esset. itaque non morbo tantum miseri, qui eo adigebantur; sed fame, aliisque incommodis multis grauius premebantur, omnino inter se curari, inter se consolatione leniri, eos oportebat; & quæ ad vitam necessaria erant, a cognatis, si haberent, & misererentur, accipere. Sed quod grauiissimum erat, nulla sacra erant parata; nulla sacrorum hominum consolatio. vbi plures cognitione coniuncti eodem loco simul erant; vt quisque ante alios moriebatur, ita necesse erat a superstitionibus sepeliri; & qui eiusmodi beneficium aliis dederat, ipsum paulo post ab aliis accipere: augescente mirum in modū, ex aliorum, præsertim charissimorum miseria, extremisque ærumnis; propriæ calamitatis dolore. Cum hæc ita cœpta essent; neque enim magnus adhuc erat numerus; Carolū ipsum multi hortabantur, vt aliquo secederet. *Carolus et alio
secederet hor-
tatur miles,
sed frustra.* cum autem religiosos, doctosq; viros de se consulere; quamuis eos commendarent, qui in eo se charitatis officio olim exercuissent; non consentiebant tamen, vt vitæ periculum adiret ipse. tantum adesset, prouideret, cōsuleret, pro rerum euentu, & necessitate: verum a cōtactu caueret omnino. id q̃ paterna misericordia alienū, & factū difficile videbatur. nam & quotiescumq; domo ille exiret; multitudo periculo territa, quasi opem implorans,

rans, ad eum vt ad patrem accurrebat. propius positis genibus, vestimenta tangebant, & quibus tetigerant, manus osculabantur: quæ pietas, cautionis gratia, modo poterat cohiberi? Eos igitur sibi agendi terminos minime constituendos: sed pastoris officia omnia iam sibi suscipienda; & in suorum salutem omni studio, atq; opera esse incumbendum existimauit. Quid animo suo; quid in cubiculum suum abditus fecerit; neque scimus; & facile tamen ex iis quæ apparuerunt, assèqui possumus coniectu-

*Ad mortem ob-
eundam para-
tus testamentū
facit.*

*Miseria pestis
morbo infectis
paterne subue-
nit.*

ra. Ad mortem certe obeundam, perspicue paratus, etiam testamentum fecit, in quo hæreditate ad hospitium pauperum Mediolanense delata, multa pie legauit, ecclesiæ, amicis, & familiaribus. Tum ad gregem suum sine mora conuersus, miseris illis ad Gregorianas ædes derelictis cœpit subuenire; & ex domo sua, quæ res ad vitam erant necessariae, eas quotidie mittere. tum vero eleemosynas in vrbe, foris, atque adeo extra prouinciam corrogare; a clericis, monachisque qui abundarent, petere; vt illos, aliosque per urbem in egestate positos subleuaret. Quamuis autem maxime doleret, suos rebus ad victum necessariis destitui; multò magis tamen angebatur; quòd sacra subsidia, extremæq; ipsa ad salutem subleuationes deessent. Vidi equidem miserima, cum Carolum ad sancti Gregorij ædes Diaconus secutus sum; quòd ille ad ægrorum acerbitates certius cognoscendas, accesserat. Cum locum extrinsecus circumiremus; eiulabāt illi; & ad fenestras sese proicientes, calamitates deplorabant suas. alius ex tabe concepta; alius ex propinquo mortuo, animamue in eius conspectu trahente, gemitus edebat sane miserabiles. hic vitæ incommoda; ille diuinarum rerum inopiam lamentabatur. Cum ab omni alio subsidio destituti simus, ô Pater, clamitabant, tu nobis saltem benedicas. Carolus ægros tunc quidem quantum potuit, humanissime consolatus est: sed domum reuersus, vix e publico se conspectu receperat, cum pariete nixus; magno cum mœrore, Vidistisne, inquit, miserissimam illorum conditionem? humanis commodis omnibus spoliati, tristissimis casibus, doloribusque afflicti, ipsa etiam rerum diuinarum ope destituuntur: nec est sacerdos, qui tantus casus miseratus,

*Miserandum
spectaculum.*

*Carolus ægros
consolatur.*

*Morore affici-
tur magno.*

seratus, opem ferre velit, vnum scio; periculo meo eos in discrimine esse: nisi alia ratione Dei clementia subuenerit, quid mihi faciendum sit, constitutum habeo. Significauit sine dubio, si alij nollent; suo se ministerio voluisse miseris opitulari. Ac varios ille quidem sacerdotes cœpit tentare, si tam misere desertos iuuare vellent. vnusque oblatu est; qui confessiones quidem ægrorum audiret, & sacrosanctam Eucharistiam præberet; sed vngeré tamen rite recusaret. at optimus, diuino spiritu adiutus, consilium cœpit. in eam partem diœcesis Mediolanensis misit, quæ Heluetiis in profanis paret; indeq; non modo presbyterum, qui sacra omnia præberet; sed alios quoque accersuit, qui operâ suam in tali calamitate, mortis metu posthabito, locarent. gentis enim animi ob colluuiionis frequentiam, consuetudinemque firmati ita obduruerunt: vt nihil, aut non magnopere pestilentia contagium timeant; seque inter se inuisant, curent, funera prosequantur; cautionesque fere, quasi turpe aliquid, fugiant. Cum cœnobitas deinde aliquos; plurimis enim opus erat ministris; ad id munus inuitasset; alij non omnino recusarunt; alij aperte promiserunt; si suorum præfectorum auctoritas accederet. Non parua erat in parochorum officio difficultas. plerique enim periculum subire recusabant; atque adeo iure cogi se non posse etiam contendebant. verum Bernardinus Figinus; commemoranda est enim singularis boni presbyteri virtus; quamquam magna vis morbi magna que multitudo erat in Comensi porta, qua cura illius continebatur; partes suas ab initio vsque misericordii, fortique animo egit.

Sacerdotes per multos tentat, an miseros iuuare vellent.

Consilium capit opportunum.

Hæc cum ita essent; summum Pontificem sibi in primis consulendum Carolus statuit; neque enim adhuc Romæ refutabantur litteræ Mediolanenses. Quid de parochis agendum esset, per Carniliam consuluit: quidque ipse ex piorum, doctorumque virorum sententia existimaret, exposuit. Postulauit, vt auctoritate Pontificia posset homines regulares; quos mala mente claustris suis ad tale obsequium, periculumque exire velle, verisimile non erat; alienosque clericos, etiam suorum Anti-

A Pontifice multa perit; ipseque multa suppeditat ad ciuitatem iuuandam.

CAP. II.

stitum iniussu, volentes tamen, ad ægrotorum ministerium admittere: varia apostolicæ indulgentiæ genera, etiam quæ summa sunt, pro ratione, modoque obsequij, ministeriive, iis proponere, ac impartiri, qui ægrotorum curationi, salutique animi, & corporis varie inferuissent: veniam poenitentibus quorumcumque criminum dare; & quibuslibet animæ vinculis sacros homines liberare; quorum causa ad Romanæ Sedis auctoritatem confugere necesse est: coronis, calculisq; benedicere, quibus precantes varia indulgentiæ dona consequerentur. consuluit item, an ad pauperes subleuandos, bonis ad alios pios usus relictis, & quatenus, vti deberet; & ea de re facultatem petiit, etiam si alienatione bonorum immobilium opus esset. litteras quoque Pontificias ad populum; quibus ad calamitatem christiana mente sustinendam; & ad charitatis officia, ægris amanter præstanda, incenderentur. Præterea, quò mortis casum omni ratione leuiorem iis faceret, quos ad ministrandum aliis inuitabat; postulauit, vt Missis in facello sancti Gregorij faciendis, ita mortuis suffragari sacerdotes possent; vt qui Romæ in insigni illo altari sancti Gregorij faciunt. Concessionem autem non sibi tantum, cui aliquid humanitus accidere poterat; sed alij quoque, qui in ecclesiæ administratione succederet, poposcit. Deum supplex petiit; quidquid in omni cura, & administratione, quam sibi proposuerat aggrederetur, & faceret; id vt bene, feliciterque sibi, aliisque eueniret, summus Pater precaretur: & quas pro aliis venias, facultatesque petebat, eas itidem sibi iubere posset adhiberi. Annuit Pontifex Caroli postulatis. alia litteris quamprimum mittendis comprehendere; alia consultanda Carniliæ mandauit. qui tamen antequam ea conficerentur, vir optimus, optimo vitæ fine, requieuit. Sed rescripsit prius Pontificis verbis; laudare se Caroli animum, tum metu vacuum; tum vero ardenti incensum charitate gregis sui, quem sicuti nullo modo deterrebat, quin præsens omnium salutis diligenter consulere studeret; ita hortabatur, ne ipse illa facile cum vitæ periculo obiret, quibus exequendis aliorum opera sufficeret. maximum enim immensæ multitudini præsidium, in
eius

*Caroli postulat-
u annuit Pon-
tifen.*

*Eius animi
magnitudo a
Pontifice lau-
datur.*

eius vita esse positum; quæ si deficeret; omnia, vt videbatur, miserima strage perculsa, & prostrata fore. Neque pro sua tantum, sed pro aliis quoque prouinciæ ecclesiis, quibus immincebat malum, Carolus Romæ egit; vt ea item ratione Episcopos ad charitatem, fortitudinemque in eo genere adhibendam impelleret. Interea clero conuocato, animos omnium confirmauit: quæ partes essent hominum diuinis obsequiis addictorum, diligenter monuit. ad ægrotos in tanta rerum omnium inopia studiose iuuandos vehementer cohortatus est: Quibusdam exprimariis certas vrbiſ regionēs assignauit; vt quæ opus esse viderēt, suo quisque loco, diligenter pro tributa auctoritate curarent, aut Carolo ipsi denunciarent. Atque cum ex vrbe in castella, villasque; quam maxime a periculo remotas, nobiles viri, & alij quoque omnes, quicumque perfugij aliquid habebant, passim dilaberentur: plurimos ad se vocatos, qui reipublicæ vsui esse poterant, in vrbe detinere, & ad patriæ charitatem præstandam diuinis verbis incendere studuit. quosdam, vt firmitus teneret, piis operibus variis in ea calamitate necessariis præfecit. Præfectos autem assidue confirmabat, stimulabatque, vt afflictis rebus melius consulerent; nunc ad se vocando; nunc ad ea loca adducendo, vbi præſentes mala, miseriaſque cernerent; frequenter etiam ad eos mittendo. Clericum in consultationibus eorum semper adeste curabat. qui sanitati præſunt publica auctoritate conseruanda; vt potestatis vtriusque gubernatio apte ordinata conueniret; & ad subueniendū esset accommodatior. Hi magistratus, & præfecti, tum qui ciuitatis in consilio erant, primò quidem inuitata, & tunc inexpectata tempestate perturbati; simul ea re impediti; quòd, Regis ne, an ciuitatis sumptu, qui maximus futurus erat, tanta prouidentia essent, disceptatio erat; officij sui partes non satis, vt diximus, agere potuerunt. at cum sese colligentes, negotium serio susceperunt; rem omnem ipsi quoque magna diligentia, vt inferius apparebit, magnaue prudentia gessere. quæ de re qui eorum negligentiam, & tarditatem, primò de suggestu religiosi viri grauiter increpauerant; atque adeo crudelitatis nomine dure accusauerant; postea mirifice laudant;

Clerum ad ægrotos inuadendos hortatur omniumque animos confirmat. Vrbiſ regionēs distribuit.

Viros nobiles qui alio secesserant ad se auocat.

Magistratus perturbatio.

*Mediolanenses
laudantur.
Gubernatorem
mouet Carolus.*

runt; prædicaruntque, Mediolanenses tarditatem magno virtutis cumulo compensare. Gubernatorem præterea ipsum Carolus grauiter monebat; vt in tanto amplissima ciuitatis periculo, & pene imminente exitio, quæ opus essent, prouideret; ciuium fugæ modum poneret; egenis curaret subueniri. nam in dies morbus magis ac magis cum ingrauesceret, eorum numerus, quos ex vrbe quotidie magistratus educi, & in sancti Gregorij locum conijci iubebant, præter modum augebatur, & cum eo maxime rerum omnium egestas crescebat. Conquiri etiam

*Veterum exempla conquiri
curat, qui in
calamitatibus
gregem non deseru-
erunt suum.*

studiose veterum scripta curauit; quibus de gregea Pastoribus, & præfectis in calamitate non deferendo, præsertim pestilenti tempore, disputatur: exempla item eorum proferri, qui tali tempore curam ægrotorum, contempto mortis periculo, susceperant. atque omnia libello comprehendi, edique iussit; vt præcipuus aliquis pietatis ardor in hominum, præsertim sacrorum mentibus, Dei spiritu in primis agente, concitaretur; & ad contemnenda mortis pericula pij mortales acrius inducerentur. habuit in hoc genere ab Episcopis suis Mediolanensibus exempli aliquid ad imitandum. sed iis præcipue delectatus est; quæ, vt est apud Eusebium, Dionysius Alexandriæ Episcopus narrat: ægros grauissimo pestis tempore, ab christianis omni charitatis officio adiutos; non solum presbyteris, & diaconis; sed laicis quoque: qui quidem iacentibus assidentes, hilare ministrabant, & morbum etiam contrahebant: ipsa cadauera lauantes, ornantes, & funebri linteo inuoluentes, immo etiam humeris portantes, libenter vnà cum fratribus suis mortem oppetebant: eòque libentius, quò genus mortis a martyrij laude nihil abesse existimabant. cum interim gentiles homines miserabiliter se inuicem defererent; vir vxorem, vxor virum; filij parentes, parentes ipsi natos suos.

*Mendicis, de-
stitutisque aliis
subuenit.
CAP. III.*

C V M essent omnium animi tam tristis euentus expectatio-
ne suspensi; nullusque iam esset mercaturæ, artificiiue quæstus;
suam quisque domum ad quam paucissimos redigere studebat,
quia & sumptus diutius ita suppeteret; & in minori numero, mi-

nus

nus periculum futurum erat contagionis. Itaque & patritij famulos, famulasque; & mercatores, artificesque; operarios, quotquot poterant, missos faciebant. illi autem, neque suo labore, neque aliorum liberalitate viuere poterant: prouincia decedere, nisi certo vitæ discrimine, per finitimos non licebat; testæ etiam ipso carebant. Atque alij quidem, vitæ periculum contemnentes, vt vitam tuerentur; aut si minus possent viuere, honeste saltem occumberent; operam suam ægrotis, cadaueribusque deducendis; rebus quoque igne, & aqua purgandis, publice locauerunt. alij agmine facti, ad Carolum, tamquam egenorum patrem, omnes communi consilio confugerunt. quibus item se socios addiderunt mendici multi, qui ostiatim quæritare victum solebant. Carolus, quamquam de tot hominum inopia iam sollicitus erat, quod humano iudicio diu sustentari posse nullo modo videbantur; egregia tamen illa sua fiducia confirmatus, de iis subleuandis animo cogitare cœpit. post multa versata, cum in primis testæ, eoque amplo opus esset; venit in mentem magnarum ædium quas in via Romana, septimo ab vrbe lapide, Franciscus Gallorū Rex ante annos circiter sexaginta construxit; victoriæ illius monimentum, quam de ferocissima Helueticorum multitudine, pro Mediolanensi Duce Maximiano pugnante, reportauerat: qua de re eas Victoriæ etiam nomine appellauit. quas quidem ædes, cum adiuncto agro, Carolus olim, cum nescio qua ratione obtinuisset, pro ea parte, quæ ad eum pertinebat, primario pauperum hospitio donauerat. eò igitur gregem miserabilem misit; supellectilem ad vitæ necessitatē supeditauit; mares a foeminis disunctos haberi iussit; certas precandi exercitationes, horasque præscripsit: religiosos viros laicos, & sacros, præsertim quos vocant Capucinos præfecit; qui eorum res curarēt; & multitudinem malis fere artibus assuetam in officio continerent. vt autem facilis, & otij malum arceretur, & vnde viuerent suppetere; ad vicos, villasque, quæ circum essent turmatim eos educi quotidie præfectorum cura iussit; & eleemosynas passim quæritare. ordine autem quæque turma crucem sequebatur, & litanix in via operam dabat. ac, tametsi in-

Multi famulos, & operarios missos faciunt.

Ad Carolum confugiunt domorum subsidio destituti.

Caroli consilium pro his miseris inuandis, charitas, et prouidentia.

*Quaratione in
officio continen-
tium.*

*Caroli factum
memorabile
in vestendis
pauperibus.*

*Iucundum pie-
tatis spectaculum.*

credibile visum fuerat, de tali hominum genere; sine flagitio fere, toto pestilentia tempore, quietam in eo loco vitam egerunt. id fecit indigentia; fecit eorum, qui præerant diligentia; & pœnæ item metus: nam ad eos, qui deliquissent, puniendos, iudicem suum mittebat Carolus, quemadmodum cum Senatu conuenerat; qui homines castigari, & virgis etiam cædi iuberet. Ipse quoque præsens interdum eorum res cognoscebat: tum ex Archiepiscopali domo, licet inopi iam, peneq; exinanita, elemosynarum subsidio deficiente, quæ opus essent, & suppetebant, petere, atque asportare iubebat. Fuerunt autem ij circiter trecenti. Verum cum hyeme ingrauescente homines semiuestiti maxime algerent; memorabile fuit Caroli factum; qui cum aliud non haberet; velaria, quibus ex simplici laneo panno, nulla textili pictura, ad parietes vestiendos utebatur: item conopea, velia, stragula; quibus ex eadem materia, & opere, operiri lectos, ostia obtendi, mensas sterni opus erat; omnia concidi iussit; & ex iis duplices vestes quamplurimas cum caputio fieri, singulisque tradi. vt iucundum, pietatisque plenissimum spectaculum, multitudo pauperum, marium, foeminarumq; præberet; purpureis, violaceis, viridibus, pullisque vestibus, olim ad amplitudinem comparatis, varie induta. scio ex eiusmodi suppellectili nihil reliquum in Caroli domo fuisse, præter vnum viride, & vile conopeum, nescio quo casu omissum: & cannabinum item stragulum viride, quod laneo panno fuerat subfutum; quod in ea ipsa mensa stratum Carolus habuit, qua legendo, scribendoue utebatur: neque vnquam postea mutauit; sicuti neque pannos parietum, neque stragula ostiorum vmquam restitui, vsq; ad mortem passus est. Sed ne aliis quidem rebus vllis tali tempore pepercit. vestes, caligasque, necessariis tantum retentis, aut donauit; aut vendidit, vt pretium pauperibus daret. pelliccas vero vestes ita alienauit; vt vsum eiusmodi sibi in perpetuum interdiceret. omnino domus tota rebus iis omnibus exhausta est; quæ sibi, familiarq; prorsus ad vitam necessaria non essent. nam Carolus ipse cellas ingressus, ne quid forte contra eius voluntatem reseruaretur, inspectis receptaculis, omnia extrahi iussit. pecunia

nia quoque multa mutuo accepta; quæ non nisi ex sequentium annorum fructibus solui posset. quin ea ipsa quandoque penitus defuit; cumque nihil suppeteret, vnde necessaria emerentur, & nox iam esset; magnum pecuniæ numerum, pro consueta in elemosynis dandis magnificentia, Cusani fratres Pomponius, & Augustinus misere: vt ob illam, præclarasque alias virtutes, Augustinum in sacrosanctum Ecclesiæ catholicæ Senatum cooptatum, non solum Mediolanensis, sed Ecclesia quoque lætetur vniuersa. ac non ciues solum, sed exteri etiam multi quæ pauperibus dare statuebant, eaque magni momenti, mittebant ad Carolum, quem optime omnium distribuere sciebant.

Pecuniam ad inopes alendos mutuo accipit.

Pomponius, & Augustinus Cusani fratres pecuniam in elemosinam distribuendam ad Carolum mittunt.

I A M pluribus locis tacta morbo ciuitas, in tantum periculum adducta erat; vt quasi multis partibus iniecto igne, subito, atque horribili incēdio conflagratura videretur. prudentes certe, patriæque amatores viri summo opere dolebant; breui fore, vt amplissima ciuitas, morbo, luctuque confecta miserrime concideret; & ciuium internecone vastata, in solitudinem propemodum, vt antea simili ex morbo, redigeretur, multitudo namque populi maxima est: insigni numero plebs, & vulgus; genus hominum ad contagium maxime accommodatum, ob confertissimam habitationem, & sordes: qui si non pestilentia, fame certe breui interituri videbantur. solent enim ex quotidiano quæstu viuere; cui tunc locus non erat. & si quid superfit; in vestimenta potius, etiam quæ longe eorum statum superant; quàm in res ad paulò diuturniorem victum parandas, malūt insumere. Is cum esset prudentium virorum sensus; ne Carolus quidem, nisi Dominus præcipua aliqua, atque admirabili ratione subueniret, aliud fore existimabat. Attamen litteris a Pontifice interim, & concessionibus allatis; alacri, promptoque animo, Deo fretus, & charitatis stimulis concitatus, ad reliquam afflictæ ciuitatis curam aggressus est. Atque Parochos, quamuis de eorum debitis populo officiis adhuc definitum non esset; grauium tamen scriptorum sententiam secutus, iussit consistere; ægrotis suæ parœciæ adesse; sanctæque, pœnitentiæ saltem, & Eucharistiæ

Parochorum officia: supplicationesque publicæ, pestis causa.
CAP. IV.

Litteras a Pontifice accipit, et prompto animo afflictæ ciuitatis subuenit.

*Sacramenta
peste correptū
ministrans cur-
rat.*

*Ne sacerdotes
sacramenta
ministrantes
peste inficiantur
sapienter
providet.*

*Publicas sup-
plicationes in-
dicit, populum
ut ad Deum
ex corde con-
uertatur, sedu-
lus monet.*

*Indulgentias
auctoritate
Pontificis qui-
bus imperia-
tur.*

sacramenta ministrare. qui resisteret multavit; quosdam etiam in carcerem coniecit: quamquam plerique minime coacti, ac satis fortiter in vrbe, totaque diœcesi, officij sui munera tandem obierunt: quidam etiam sponte extremam vñtionem moribundis adhibuerunt. Cum autem artificia varia, mortis metu industriam acuente, quidam inuenirent; quibus sanctissimam Eucharistiam, vel longe, vel lecti morbo affectis præberent: nullum adhiberi Carolus passus est; sed manu libere porrigi sacrosanctum cibum omnino statuit. At etiam decentes cautiones & probauit, & docuit: veluti, vt contra ægroti spiritum sacerdos vultu non consisteret; sed eum commodè semper declinaret: vt inter eum, ægrumque poneretur ignis, cuius vi, quæ in aëre esset, tabes absumeretur: digitos statim post ministerium, vel aceto, vel accensi cerei flamma purgaret; indumentorum suorū, ægrique contactum studiosè caueret; sua etiam statim mutaret, purgariue curaret; & alia eiusmodi: Baptismum quoque, non mergendo, vt Ambrosiani ritus est, sed aquā infundendo ministrari concessit. Impetrata deinde Apostolica præmia, vt iam inciperet impartiri; populumque iam totum ad diuinum auxilium implorandum, Deumque in primis placandum conuerteret; publicas supplicationes indixit. Litteris editis populum vehementer cohortatus est, vt vere iam, totoque animo ageret; ieiunium cum supplicatione coniungeret; quam frequentissimus conueneret; & quæcumque posset, etiam extrinsecus, abiectionis, & pœnitentiæ indicia ex animo daret: tum vero pauperum miseriā quantum posset, quisque subleuaret; & proximo die dominico, postridie nonas Octobris, sanctissimam Eucharistiam, peccata confessus perciperet. qui id facerent, iis auctoritate Pontificia plenissimam peccatorum veniam concessit. monuit diem illum sacrosanctæ communicationi dictum, diuino beneficio, eoq; singulari insignem esse; in quo ante annos septē Dominus admirabilē contra Turcas victoriam ad Echinadas largitus erat: proinde noua quoq; sperarent diuinę clemētiæ beneficia. Quoniam vero supplicationum gratia magnū esse conuētum oportebat; verebantur maxime qui humano iudicio ducebantur, ne pestifera

pestifera contagio, morbusque magnopere augeretur: ideoque Magistratus rem minime probabant; neque tamen, tanto imminente diuinę animaduersionis periculo, magnopere resistebant. & vero etiam rebus iam in summum pene periculum adductis, non valde periclitari ea in re ciuitas videbatur. Carolus igitur in eo perstitit, vt ad supplicationes conueniretur. tēpus enim iam tandem videbatur; cum ab humanis consiliis, diligentiaque minime penderent. vim publicę, ac coniunctę precationis non ignorabat; populo præsertim afflicto, salutariterque commoto: simul exemplis maiorum confirmabatur, tum domesticis, tum externis. nam & in simili causâ S. Gregorium ita suasisse sciebat. & ciuitatem Mediolanensem, acceperat, cum olim triennio peste laborasset, neque liberationis spes ostenderetur; ad extremum omni multitudine conueniente, religioseque ter supplicatum ad statas ecclesias eunte, subito, mirabiliterque liberatā. minus vero erat incommodi, quia fœminę, puerique incautiōra capita, domo prodire iam edicto vetiti erant. Feria quarta cum clerus, populusque frequentissimus in maiorem Basilicam conuenisset; vt ad sancti Ambrosij supplicatum iretur: priusquā in viam se darent, Carolus cineres, stata pœnitentię significatione, singulis imponebat: capita vero plerique, & ipsi quoque Magistratus, lachrymantes submittebant. Iuit Carolus cappa, vt appellant, funesta vestitus; cuius caputiō caput induerat; postremamque partem ex instituto prolixam, nemine sustinente trahebat. nudis erat pedibus: funem collo, vt damnatis mos est, circumdederat: magnam Crucifixi imaginē ferebat; quam fixis oculis progrediens perpetuo intuebatur. omnino veluti reus sordidatus, supplex veniam pro suis charissimis filiis petebat. neque dubito quin iam tum initio pro eorum salute, vitam suam obtulerit: qui postea publice verbis, & factis declarauit pro eis sese deuouisse: vt illius boni Pastoris fungeretur officio, qui animam suam dat pro ouibus suis. simili habitu fuerunt canonici. immo plerique sacri viri, plurimi etiam laici, cum de eo, quod Carolus facturus erat, fama percrebuisset, nudis pedibus venerunt; cum funibus item collo aptatis; paruisque crucibus, quas

*Magistratus
publicę sup-
plicationes non
probat Carolus
sic senten-
tia.*

*Cineres singu-
lorum capiti-
bus imponit &
lignebrem Ge-
stem induit
aliaque pœni-
tentia signa
ostendit.*

manu tenebant. In Ambrosiana Basilica concionem de suggestu habuit; in qua themate illo ex Ieremia proposito, Quomodo sedet sola ciuitas plena populo; ex tanta, tamque repentina amplissimæ ciuitatis mutatione, rerum humanarum inconstantia, cœlestiumque irarum vim ante oculos ponere; populumque ad errata, sceleraque sua deslenda, & calamitatem salutariter ferendam; tum vero vitæ rationes melius instituendas, incitare curauit. Antea sæpe ille quidem ad populum verba facere solitus fuerat; sed licet religiosi viri quandoque suassissent, suggestum conscenderat numquam; concionemque habuerat ad altare sedens. at tali tempore fecit calamitatis, periculique magnitudo; tum pia, quæ animis omnium inerat, affectio, communisque dolor; qui propius, & clarius ex superiore loco consolatione leniendus erat; vt eò tunc ascenderet; ac eiusmodi loco postea pergeret semper concionari. Itaque tunc mœstissimo habitu dicens, Dei spiritu in primis incitante, concionem adeo commouit; vt omnes fere in fletum adduceret. & cum initio plerique separati, ab aliis tangendis cauerent; postea nulla periculi habitata ratione, confertim ad suggestum propius accedere, audiendi studio conabantur. Feria sexta ad sanctum Nazarium litania fuit; vbi eodem modo, ex illo Chaldaei Regis somnio, de processu, pulcherrimaque arbore; cuius copiosissimis fructibus, ramis, vmbraque commodissime animalium genera omnia utebatur; quæ mox ita succidi, & dissipari iussa est, vt radices tantum mainerent: populum suum ad vitia recognoscenda impulit, quibus in sua maxima opulentia seruierat; vt ea ratione quemadmodum par erat, improbata; noua iam, & vtiliora sibi consilia proponeret, quibus a Deo veniam posset impetrare. Sabbato itum est ad celeberrimam beatissimæ Virginis ecclesiam, apud aliam veterem S. Celso dicatam, pia sodalitia tunc ex instituto veteri, contra quam Gubernator olim iusserat, operta facie conuenerunt. illud etiam amplius factum; vt ex omnibus ecclesiis, quæ commode potuerunt, sacræ reliquæ elatæ cum luminibus portarentur, ad animos magis commouendos. Tunc quoque de sacrosancti illius clauis memoria renouanda Carolus constituit; quem ab

In dñi Ambrosij Basilica suggestum conscendit ad populum concionem habet.

Eodem aliadie in ecclesia sancti Nazarij prestat officia.

Ad diuina Maria qua est ad sanctum Celsum eadē tempore prestat.

S. Helena

S. Helena in frœnum redactū fuisse, tum alii narrant, tum S. Ambrosius in primis: Eum clauum Carolus alter Mediolanensis Archiepiscopus, vniuerso clero comitante, maximaq; populi frequentia, se ad maiorem Basilicam anno M. CCCC. LXI. xiii. Cal. Aprilis, ab antiqua ecclesia S. Teclæ, transtulisse testatur. de qua ecclesia tollenda, eiusq; clero, rebusque in ipsam maiorem Basilicam transferendis, idem ipse sententiam tulerat. Fuit clauus ad hoc tempus excelso loco in summo fornice, ad ipsius ecclesiæ caput collocatus. & quamuis lampades quinq; ante illum perpetuò collucerent; non satis tamē decore affixus; paucorum etiā veneratione, memoriaq; tam sancta res, tamq; insigne Christi Domini sanctissimæ, atque acerbissimæ passionis instrumentum, colebatur. Clauum igitur per sacros homines machinis in sublime tractos, sabbato abstulit; & amplæ cruci apte insertum portauit, summa populi totius approbatione, religioneq; eo die occasione ex clauo accepta, de clementissimi Domini erga mortales benignitate dixit; & propositis, quæ pro eis acerbissima perpeffus est; ad diuinam misericordiam implorandam vehementer eosdem excitauit; & ad omnia bene speranda confirmauit. ferrum sacrosanctum non statim ad locum suum referri; sed omnibus propositū esse constituit, in altari quadraginta horis venerādum: vt ad salutis suæ negotium procurandum tota ciuitas eo spatio conueniens; proximo rei sanctissimæ aspectu vehementius afficeretur. Deinde antequā reponeretur, aliam celebrauit litaniam; cumq; longissima via tulit, cum vniuerso itidē clero, & populo ad celebriora loca sex, quæ Pontiū nomine præcipuas ante portas ex veteri vrbis situ, appellantur. Mirum fuit, ciuitatem vniuersam, quasi contagij metu solutam, libenter, studioq; omnibus iis diebus ad supplicationes cōuenire. & ei tam feliciter euenit; vt in tanto hominū conuentu, eoq; sæpe repetito, cum etiam cœlū humidum esset, & graue: non modo nemo in ipsa via ceciderit, sed nihil acciderit omnino, ex quo auctum esse cōtagium appareret. quod magis mirū videatur, si cum illius litanix euētū, quæ S. Gregorii suasu Romæ, vt modo tetigimus, habita est, cōferatur: quæ quidem cum non vna, vniusue cœtus,

*De sancti Clauis
renouanda me-
moriam statuit.*

*Quomodo in
Basilicam ma-
iorem sit trans-
latum quomodo lo-
co collocatum sit*

*Clauum am-
plæ cruci inser-
tum in publica
supplicatione
peras Carolum.*

*Quadragesima
horis veneran-
dum in altari
maiori summi
templi dimis-
sit.*

*Aliam cele-
brat processio-
nem clauum
eodem modo
gestat.*

*Vniuersa cini-
sas simul ad
has supplica-
tiones conuenit
& nullus mo-
ritur.*

sed

sed septemplex fuisse tradatur: vnus tamen horæ spatio octoginta homines in ipsa via interierunt. Sed Deus perpetuò clemens, ex causis, quæ nobis ignotæ sunt, non eadem semper tamen vtitur miserendi ratione. Diuinarum autem supplicationum finem Carolus minime faciens, præscripsit præterea collegio maioris ecclesiæ, vt secunda quaque hebdomadæ feria ad Ambrosianam Basilicam supplicatum iret: reliquo clero vniuerso; vt præter id, quod in ecclesia sua facere quisque debebat, quotidie in certas partes distributus, vna cum populo, veniret supplex ad ecclesiam maiorem. In ecclesiis itidem externis ad eandem rationem preces varias mandauit: vt in vrbe, & foris, mane, meridie, vespere; neque solum in ecclesia, sed domi, vel in via propter eos qui inclusi erant, perpetua fere esset supplicatio. quæ quidem exercitationes iubebat fœminis a maribus separatis, vbi opus erat, haberi: fœminasque semper velato capite conuenire. formulas etiam precationum ad eam rem, tum alias, tum in Missæ sacro adhibendas edidit. quæ omnia singillatim persequi nolumus; ne cui forte narratio molesta sit: præsertim cum libellis tunc Caroli iussu editis cōtineantur. Hæc publice per urbem fiebant; præter ea, quæ per religiosa virorum, fœminarumque collegia, partim ex Caroli præscripto, partim ex Antistitum religione, proprie, non solum in ecclesiis palam, sed etiam priuatim, pie, sancteque agebantur, ad diuinæ misericordiæ opem exposcendam.

Votum ciuitatis: ædium custodia: & alimmenta inclusorum.

CAP. V.

Pestilentia adhuc latius grassatur.

SVPLICIS ECCLESIAE, Sacerdotisque sui preces non statim audire visus est Dominus. quin pestilentia latius in dies cœpta progressionem manās, iam totam occupauerat ciuitatem. Sed liberatione dilata, eam mentem, eaque consilia, ad ciuitatem sacra, ciuilique cura tali tempore gubernandam, eius rectoribus diuina clementia dedit: vt nihil vniquam præclarius in eodem genere factum videatur. Carolus autem ita se gessit; vt licet fatendum sit, antiquæ pietatis, & lumen, & vim ad maiora facienda valuisse: exemplum tamē ipse, memoriæ, quod sciam, aut litteris adhuc minime proditum, gregis pestilentia tempore gubernandi,

gubernandi, curandique Pastoribus reliquerit. Eam rationem, quantum potero, breuiter exponam: dicam vero prius, quæ Mediolanensis ciuitatis consilium, reliquis etiam, qui in vrbe erant, consentientibus, Deo, eiusque martyri Sebastiano vouit; quem & propter similia beneficia per eum quandoque impetrata; & quod matre Mediolanensi natus, Mediolani quoque eruditus esset, sibi deprecatorem aduocarunt. vouerunt igitur, nouam martyri ecclesiam, vetere diruta, ædificare: conferre, vnde sacrum in ea fieri quotidie posset: diem martyris festum, etiã cum diei antecedentis ieiunio colere: ecclesiam ipsam, cum solemnibus donis, quotannis in die voti, hoc est Id. Octobris, & festo item martyris adire: vas pretiosum offerre; quod eiusdem martyris ossis decorum esset receptaculum: alia addiderunt, quæ hic explicare necesse non est. Carolus vero, vt voto rite, decoreque soluendo quam maxime faueret; quibus diebus populo conueniendum fuit; vna cum clero ecclesia adita, sacrisque apparatus peractis, religiosissimam effecit celebritatem. atque anno post, cum ciuitas ex diuturna afflictione recreata esset; ædificij forma probata, primum ex ecclesiæ statuto ritu lapidem posuit. Cum igitur ægroti vna cum rebus suis, vt quisque morbo inficiebatur, pro iam instituta gubernatione foras educendi essent; tam magnus erat numerus; vt Gregoriana loca exigua eorum partem caperent. Ideo extra moenia ad vnamquamque portam, agro conducto, casæ quædam ex lignis, paleaque constructæ sunt; vt portæ singulæ quasi vicum quendam casarum circiter ducentarum haberet. de earum autem opportuna, & salubri ædificatione Carolus, qui nihil ad se non pertinere arbitrabatur, quod ad ægros, egenosque suos iuuandos spectaret, plurima monuit; & parochis etiam suis libello edito præcepit, at multi etiã, quibus non deerant facultates, eas sibi, cum egredi necesse esset, ampliores, & commodiores ædificarunt. De iis vero, qui in vrbe manerent singularis quædam ratio, ne malum serperet latius, neq; tamen sine aliquo exemplo, inita est. Publico interdicto non pueri solum, & foeminae, vt antea; sed quicumque in vrbe essent; rebus, vt quisq; posset, ad eius temporis victum, comparatis, iussi sunt

*Extra moenia
ad vnamquam
que portam,
casæ ex lignis
construuntur
ad ægros exci-
piendos.*

*Omnes qui in
vrbe erant iussu
si sunt quadra-
genta diebus
decem se conti-
nere.*

Res miseratione digna.

quadraginta diebus domi se continere. gratissimæ poenæ iis, qui non parerent, propositæ: publicæ custodiæ constitutæ ad populum continendum: furcæ quoque per urbem pluribus locis, ad terrorem iniiciendum erectæ. certis tamen hominibus concessum est, ut exire, necessariaque, domum quisque suam, referre possent. Miseranda sane res erat: quæ ad rerum humanarum nobilitatem, diuinæque animaduersionis severitatem aliquo modo contemplandam, magnopere valeret: amplissimam civitatem paulo ante admirabili ordinum omnium frequentia celeberrimam; civium, externorumque splendore ornatissimā; nobilium hominum, curruum, equorumque pompa, & concursu passim fulgentem; publica quadam latitia, atque opulentia semper florentem: quæ utinam extra christianæ modestiæ fines tantopere non prodiissent: tunc in solitudinem propemodum esse redactam. Sacræ ædes vacuæ; foræ derelictæ; negotiatorum mira multitudo, atque assiduitas tota sublata; notariorum, omniumque iudiciorum prope infinita turba disiecta: in viis furcæ pro ornamentis; nemo fere obuius, nisi funesta carra; quibus vel cadauerum acerui, vel ægroti semianimes, & squallidi, efferatorum hominum opera, suis a sedibus, rebusque charissimis auulsi, quasi proiiciendi, foras asportabantur: quorum non aspectus solum, sed ipse rotarum stridor, ad obuios longe monēdos comparatus, etiam a remotis auditus magnum iniiciebat horrorem. Quamquam autem maximus civium numerus, immo ex tribus, duæ propemodum partes ab urbe iam discesserant: maxima tamē remanebat, ut in urbe frequentissima, egenorum multitudo: nam & qui se periculis subducentes exierant, ex locupletioribus fere fuerunt. ut autem res ad victum cuique; reposita quotidie minuebantur; ita numerus in dies augebatur egentium, cum igitur ex tanta inopia, & ipsis egenis interitus, & reliquis non paruum periculum immineret; consilium civitatis egregia sane providentia, & humanitate, iis omnibus statuit subvenire; & domo inclusis quotidiana cibaria ostiatim ministrare. quam ad rem cum aliud consequi non posset; communia civitatis vectigalia venalia proposuit; magnamque pecuniæ vim ex ipsis confecit, memorabile fuit, hominum

Civitatis consilium pro egenis alendum laudatissimum.

num circiter quinquaginta millia de publico mensibus amplius sex fuisse sustentata; quamquam multæ etiam eleemosynæ in id collatæ sunt. sed neque illud vulgare: quæ ad victum necessaria essent, gratuita piorum, nobiliumq; virorum manu, operaque quotidiana per singulas domos tradita fuisse. quorum egregiam erga patriam, pauperesq; pietatem, hic nominatim commendarem, nisi nimis longum esset, ob magnam numerum; confidentemque, coelestia potius ab eis; quam caduca hæc, quali acumq; sint, laudis humanæ præmia expeti. Ea tempestate multorum inanis elatio, improuidumq; cōsiliū correctum est: qui magnos quæstus in epulas, vestitumq; immoderatum insumentes, splendorem stulte retinere conantur; qui tum conditionē suam longe superat, tum subito aliquo impedimento; verti potest in sordes. In ea publica egestate, vicorum, oppidorumq; multorum officium liberalisq; obseruantia erga urbem, tamquam matrē suam, extitit: nam triticum, & alia, quæ ad egenorum multitudinem alendam vsui esse possent; vt inter se corrogare, colligereq; potuerūt; sponte Mediolanensibus misere. vt etiam Casalense oppidum, quod in Cremonensī diocesi Mediolano distat millibus passuum amplius septuaginta, munera præclara miserit. qua de re Consiliū ciuitatis & gratias egit, & grati animi significatione, quosdam ex eius oppidi primariis ciuitate donauit.

Vicorum oppidorumque erga urbem liberalis obseruantia.

Quid cum Casalensi oppido faciat Caritas.

QVONIAM verò plurimis ad tantam multitudinem curandam, iuuandamque, opus erat ministris: qui vero præmiis ducerentur humanis; ij neque ita multi reperiebantur, vbi maxime vitæ discrimen non dubie versaretur; & minus amanter, imo plerumque odiose officium tribuebant: Carolus pro Pontificia auctoritate, Apostolica dona singillatim, distincteque proposuit iis, qui variis officiis, muneribusque ægros iuarent; medicis, præfectis variis, chirurgis, obstetricibus, nutricibus, famulis, aliisque quorum industriæ, atq; operæ in ægrorum, egenorumque cura, posset esse locus. maiora vero grauioribus, cumulatioribusque officiis, ministeriisque assignauit. Cum autem nulla in re consilium, laborem, vigilantiam, auctoritatemque

Carolus ministros ægrotis suppeditat.

CAP. VI.

Sacerdotes desiderat Carolus qui in spiritibus agrotos inueniunt.

suam afflictæ ciuitati deesse pateretur; iis de rebus erat maxime sollicitus, quæ ad animas expiandas, saluandasque pertinebant. sacerdotes desiderabat in primis, qui sacrosanctis rebus iuuarent ægrotos, ac Gregorianæ quidem turbæ, priore mortuo, alium itidem ex Helueticis regionibus presbyterum dederat. in quo tantus fuit morbi contemptus; vt locum ingressus, statim se in eodem lecto collocarit, in quo alius mortuus erat: posteaque licet pestilentia bis affectus, numquam deterreri potuerit ab ægris assidue, non solum adeundis, audiendisque; sed quocumque modo opus esset, tangendis; atque tractandis, vsque ad pestilentia finem. dederat item Paulum Belintanum Brixiensem, ex Capucinorum ordine: qui sacramentis exceptis, non enim sacris erat initiatus; rebus omnibus multitudinis salutem curabat; ac Præsidis cuiusdam eo loco personam, partesque sustinens, & pestilentia nomine inclusos, & eis inseruientes, etiam auctoritate Senatus in officio continēbat; puniebatque delinquentes. At iis item quasi valetudinariis castris, quæ extra mœnia posita erant, consulendum erat; sacerdotesque dandi, qui sacra præberent; ne flagitia committerentur curarent; & ipsorum quoque præfectorum actiones obseruarent. Ad cœnobias igitur regularium hominum conuersus; eorum Præfectos vocauit, qui alios quoque sacerdotes audiendis sacris confessionibus destinatos adducerent. eos in huiusmodi fere sententiam est allocutus. Miseram, ac luctuosam ciuitatis nostræ conditionem, si vobis explicare coner; ineptè faciam fratres. nemo est enim, cui non ante oculos perpetuo tantæ miseriæ versentur: immo neminem tam durum arbitror, cuius non misericordia iam disrumpatur animus. charissimorum capitum præsentia, omniumque subsidio homines destitui; ex proprio, dulcique domicilio, rebus suis relictis, ægros, & semianimes extrahi, funestis, sordidisque carris in ea tecta duci, quæ stabulis, quàm ciuilibus ædibus multò similia sunt; vnde redeundi vel nulla, vel exigua spes manet; in mortis quasi faucibus assidue teneri: hæc vt humana fert imbecillitas, prorsus misera sunt: sed quoniam tamē sunt huius tantummodo vitæ, & temporis; videri possunt tolerabiliora: maxime

Ad regulariū cœnobias conuertitur, sacerdotes acquirit.

Pius Caroli sermo ad viros regulares.

Qua religioſos animos ad misericordiā flectere possunt, proponit.

maxime si quis futurorum spe sese erigat. At iis quoque subsidiis, atque opibus deseri, quæ ad alterius vitæ felicitatem, bonæque æterna maxime conducunt; ut cum præsentia quis amittat, in discrimen quoque veniat futurorum, quæ perpetuo manent: id vero, & iis, qui patiuntur, miserrimum est; & nobis, quibus earum rerum cura, potestasque diuinitus data est, graue sane, & periculosum. Scientibus nobis, ac videntibus, ut pestilentia corpus, ita pij fratrum nostrorum animi rerum diuinarum desiderio contabescunt. semiuuius vocibus sæpissime, vel obtutu ipso sacra postulant; misericordiamque implorant: nos autem duricuntamur, aut despiciamus. Parochos in officio, ut scitis, continemus; sed non sufficiunt multitudini, quemadmodum notum est; ne si quidem eorum quisque plurimum vires haberet. omnino qui ad casas educuntur, multo sunt remotiores, quam ut iis, suis possit parochus subuenire. quin etiam parochi sæpe ab suis refutantur, cum ægrotis minitrauerint, donec tempus comprobauerit sanitatem: ita ut ipsis etiam vicinæ incolis aliorum opera necessaria sit. Externos sacerdotes quasiui, neque frustra: sed plurimis adhuc opus est: ad casaseducta multitudo certe destituta iacet. alios qui operam dare velint, non reperio; cogere non possum, nec debeo quemquam. Confugio ad vos, quorum conditio, & status, ita rerum omnium humanarum contemptum præsert, ut vnam diuini cultus, humanæque salutis curam intueatur. si vitæ periculum pro aliena salute adire, Dominumque in hoc genere imitari, cuiusquam est; vestrum esse videtur in primis. Non ita egent ægri subsidiis nostris, fateor, ut sine iis spes salutis nulla maneat. verum sæpe necessaria sunt; ceterum quantum semper prosint, non solum malis, sed etiam bonis; clarius est, quam ut disputetur. vel de sensu nostro nosmetipsi coniecturam faciamus; quantum afferre soleant tum ægroto corpori, tum maxime animo de salute sua sollicito leuationem. sed quibus tam profusa liberalitate misericordia tributa est, quomodo ipsi suam tam anguste circumscribunt; & necessariis, extremisque rebus metiuntur? Qui omnium, etiam inimicorum, impiorumque salutis causa, Dei filius sum-

Miserabilior est illis subsidia deseri quæ ad æternam felicitatem conducant.

Parochos in ægrotis iuuandis in officio continere decet.

Externos sacerdotes iam si quæ sitos afficiunt.

Ut religiosi hoc charitatis officium suadeat.

Pro impiis Dei filium cum deo

dedecore crucifixus.

mo dedecore, cruciatuque acerbissimo, fixus in cruce mortuus est: idem nos, qui tantum ab eo beneficium consecuti sumus, inuitat; vt quietæ, gloriosæque mortis periculum pro piis fratribus adeamus. cui tantum debemus, quantum millies moriendo sine dubio assequi non possumus; is ne vilem quidem vitam hanc, sed eius tantummodo periculum poscit. in his periculis ita versari plurimos videmus, vt mortem tamen effugiant: immo etiam multos metu solutos eadem subire. sed si nos non effugiemus; hoc mori non erit, sed eam potius, quæ vere vita est, citius consequi. omnino quid habet in humanis rebus summa nostra tenuitas, in quo pro summis, & immortalibus Dei beneficiis vere gratum animum præstare possit; si occasionem amittamus huiusmodi? quid autem? vitæ parcimus, post paucos tamen annos, aut dies, aut vero horas vt humana conditio est, necessariò amittendæ. quin hoc

Pro hoc charitatis officio præstando, mortem non effugere, non est mori, sed vitæ exitum consequi.

Quod charitas non impetrat, sæpe necessitas extorquet.

ipso ciuitatis casu, quam periclitationem fratrum charitas a nobis non impetrauerit, eam facile iam iam extorquebit contagionis necessitas. facile, quemadmodum alij fere innumera- biles, licet omni sibi diligentia caueant, moriemur. quàm pulchrius est, hæc quidem in re, necessitati nos antecurrere, gratissimamque Domino pro peccatis, proque eo, quod eius immensæ benignitati, maiestatiue debemus, hostiam præbere? videmus heu quotidie plurimos hæc eadem adire pericula, mercede vilissima conductos; quæ sæpe ne fruuntur quidem: nos tantis de causis, tam amplis propositis præmiis, moramur. si respicitis obedientiæ legem; cuius virtute vestras actiones ad salutem roborari recte vultis: illud, sicuti vos non latere iam arbitror, in manu nostra posuit summus Pontifex, communis omnium Pater, atque Antistes: cuius etiam literas recitari audistis, quibus ad præclarum nos sanctumque iuuandum fratrum munus vehementer cohortatur. non est, quod Antistitis ibi quis, aut respiciat voluntatem, aut interdiktum vereatur; vbi Antistitem omnium Princeps, & velle se declarauit; & suas addidit cohortationes. Deo vos hoc tribuere muneris volo, fratres, quod, quemadmodum spero, suscipietis:

Pontifex suis literis religiosæ & pestelaboratibus operam ferant hortatur.

cipientis: sed maximo nos quoque beneficio affeceritis, quod nulla umquam delere poterit obliuio; si huic summæ sollicitudini, dolorique meo, vestra virtus hoc attulerit leuamenti; ut hic aliquot videam ad opus sanctissimum paratos, vltro vitam suam in hoc beatum discrimen Deo, mihiq; offerre. non dubito, quin aperto semel ab nonnullis vel paruo aditu; plurimi alij, qui nunc grauiori quadam insolitæ rei opinione deterrentur, quasi lata via introeuntes, exemplum hilare sequantur. ita qui prior id fecerit, is se aliis auctorem, ducemque præbuerit; magnoque pondere auxerit meritum suum. Neque vere nouum ad vos nunc offero charitatis ardorem. ita Patres nostri Dei spiritu incitati in re simili fecerunt; ita faciendum docuerunt: quemadmodum ex veterum scriptis iussu nostro collectis, editisque satis apparet. immo opus eiusmodi ita extulerunt, quod ad animos nostros stimulandos maxime valeat; ut martyrij genus esse confirmarent. optabile sane tempus, quo absque tyranni crudelitate, sine eculeis, sine ignibus, sine bestiis, omnino sine illa cruciatuum asperitate, quæ humanæ imbecillitati maxime solet esse formidabilis; martyrij palmam consequi possumus: immo, & sine ea acerbitate possumus, quæ solet semper cum huiusmodi morbo esse coniuncta; ut ægroti destituantur ab omnibus, nulliusque ope subleuentur. quod ægro cuiumque dabitur, id multò minus negabitur ægrorum Patri; nobisque imitatio prodèrit illius exempli, quod per nos proditum fuerit. sperare quisque potest; incolumem se fore; id multò maiori ratione, quàm alij fere innumerabiles; quos videmus, nulla cautione, nulla etiam temperantia, in medio pestilentiaæ æstu assidue versari: sed si morbum quis contraxerit; quando alij deficient, ego ipse, qui egenorum causa inter vos quotidie versabor, adero; mihi curæ erit vtraque salus vestra; ego libenter subueniam; ego me, si opus fuerit, sacrorum ministrum iam nunc vobis offero: qui quidem diuina ope fretus, neque laboribus, neque periculis vllis parcere decreui, ut Pastoralis officio meo satisfaciam, & quibuscumque rebus potero, gregis mihi commissi saluti seruiam. Huiusmodi Carolus: cuius

*Caroli grati-
nima significa-
tio.*

*Tale erga ægro-
tos charitatis
officium præ-
stiterunt antea
qui patres.*

*Pro iuuandis.
Laborantibus
pestilentia mor-
ti martyrij ge-
nus.*

*Caroli mira
benignitas.*

*Caroli oratio
ad regulares
quid effecerit.*

*Laici regula-
rum exemplis,
& Caroli hor-
tationibus in
misericordia
officiis se exer-
cent.*

*Quomodo re-
gulares distri-
buerit, eorum-
que munera.*

cuius orationis vim, scio me tamen his verbis non esse consecutum: talem enim se auditores sensisse testati sunt; ut ex ea sibi aculeos, & vincula iniici viderentur; & humana quidem facultate nihil efficacius fieri posse iudicarent. Res ipsa declaravit, quid Caroli oratio diuina vi roborata posset: continuò enim sacerdotes circiter viginti octo sese ad ægros sacris rebus omnibus subleuandos, promptos esse professi sunt. quo quasi fundamento iacto; alij multi præstò fuere: neque vñquam postea defuerunt, toto ipso pestilentia tempore, qui mortuis succederent; & vbi Carolus iuberet, operam suam libere ponerent. quorum omnium paratum hospitium erat Caroli domus. laici præterea multi exemplis huiusmodi, Carolique adhortationibus excitati, atque incensi, iisdem misericordiae officiis, obsequiisque, sese quamdiu pestilentia fuit, exercuerunt: & variis ægrotorum commodis amanter inseruientes, in pestilentia discrimen christianè se libenter obiecerunt. Pulcherrimum visu erat, mares, fœminasque frequenter ad Carolum ipsum accedentes, operam in eo genere suam fidenter polliceri; cannabinamque vestem quandam fusci coloris, quam is tradere ad id solebat; hilare, quasi insigne aliquod magni honoris accipere: tum salutaris signo, precationeque optimi Patris confirmatos, ad assignata munera conuolare; nulloque mortis metu, mortis pericula, quasi rem iucundam, adire. Ex omnibus propemodum religiosi ordinibus sacerdotes fuere, qui ad eam se piam curationem offerrent: sed plurimi ex Capucinis. Memorabilia ubique fuere christianæ charitatis exempla; quorum vel exiguam partem persequi nimis longum esset. liceat tamen aliquid domesticæ pietatis ad posterorum exemplum tangere: cum vnum, & alterum ex nostro S. Barnabæ collegio pestis attigisset; certatim petebant multi, ut inseruire fratribus liceret: neque id mirum; cum ad extraneos quoque iuuandos multi se paratos ostenderint; duo certe vitam in eo munere profuderint. Singulis igitur casarum vicis, si ita volumus appellare; quamquam eos etiam a paracho suo quandoque lustrari iubebat; vnum, duosue ex sacerdotibus, qui se obtulerant, prout necesse videbatur, Carolus præposuit, & vbi-

que

que peccatorum confessione, diuino Eucharistiæ pabulo, vntione extrema, ægrotos ita fere iuuados curauit; ac si non multitudo maxima pestilenti morbo affecta; sed mediocris numerus in hospitio aliquo congregatus fuisset. immo alios illi ægrotos in eo superabant; quòd a quocumque sacerdote, morientes plenam peccatorum veniam, ex concessione Pontificis accipererant. Satis autem diuersos sacerdotes, ad sacra præbenda destinauit; ne timentes ab iis, qui tetigissent infectos, rebus forte salutaribus abstinere. Illud quoque solatijs Carolus iis, qui in casis detinebantur dedit; vt Missæ sacrum, si non audire, saltem videre omnes possent. iussit enim tabernaculum ex tabulis ita alte extrui, vt sacerdos in summa parte faciens, ab omnibus casis conspici posset. Licet autem acruatim fere, ob multitudinem, carris imposita cadauera ad sepulturæ locum portarentur; sacros tamen homines, apto loci intervallo comitari; preces, lumina, & alia quæ in funere esse solent, adhiberi iussit. immo neque sacrum sepulturæ passus est officium, ritumue prætermitti. nam ad posteriorem Gregoriani valetudinarij partem, ex alijs locis cadauera plaustris afferri solebant; cumque magnus esset congestus numerus; tum sacerdotibus rite precantibus, ecclesiasticisque cœrimonijs adhibitis, in ampla fossa ad id facta, consecrataque, omnia simul ad sepulturam quotidie dabantur. quo loco mirabile quiddam euenit; quod Carolus ipse tum de suggestu, tum libello de pestis memoria edito prædicauit; mihi que prætereundum silentio non est. summo mane Gregorianus presbyter sacramentum sanctissimum ad ægrotos suos afferens, non longe ab ea quam memorauimus parte forte præteribat. tum ex magno corporum acruo; quæ proxima nocte illata fuerant, vnum sese attollere conatur, genibusque consistere; ac simul voce, inquit, morienti, verbisque interruptis, Per Deum obsecro Pater, mihi quoque. cumque a sacerdotis clementia statim omni pietatis indicio sacramentum accepisset; eodem loco procumbens, nullo præterea motu iacuit. quod quidem singularis beneficii loco animæ illi, ob religiosum, & ardens illius diuini cibi studium, tributum credibile est.

*Qui in dimi-
bus contine-
bantur vel au-
diunt, vel vi-
dent Missæ sa-
crum.*

*Modum defe-
rendi cadaue-
ra ad sepultura
locum locum-
que ipsum in-
struit Carolus.*

*Casus mirabi-
lis.*

etiam, vt in magna calamitate, piis omnibus sane iucunda: cum totam viderent maximam ciuitatem, ex libera euagatione, ac licentia, in cellas quasi redactam, & in monasterium quoddam conuersam; imitatione canonici instituti, septem temporibus noctu, atque interdum publice precari: & vno tempore, vias omnes, testaque vrbs vniuersa sacris vocibus audirent personare. Hæc omnia cum ita instituisset Carolus, loca omnia obibat *Loca omnia lustrat.* frequenter; quotidianaque opera præsens de omnium rerum statu cognoscebat: hortabatur, iubebat, quæ fieri oporteret: per vicos, & plateas mira humanitate infimis hominibus precationis ritum tradebat; rediens rationem poscebat; qui præcinerent ipse deligebat: cum multos simul videbat ad ianuas congregatos; eò veniens religiosis, piisque verbis apposite monebat: omnes consolabatur; & ad otium illud sancte accipiendum, consumendumque inducebat, omnino tanta erat Caroli mansuetudo; vt quilibet ex infimis ordinibus libere alloqueretur; eius se precibus, domumque suam commendaret; & tamquam patri, quæ sibi opus essent, quæque vellet, familiariter exponeret. multi, qui pudore quodam impediti præfectis, aut aliis quibuslibet inopiam suam patefacere non audebant, aperiebant illi multò facilius; illeque egenos eiusmodi iuuare præcipue studebat. mulierculæ etiam annulos, & alia eiusmodi in manum tradebant; quibus venditis, pretio pauperes subleuaret. tantam autem in eo sibi spem cunctus populus posuerat; vt eius aspectu primo, vicinia tota frèquenter edito clamore, misericordiæ, vocem mitteret. Gregorianas item ædes sæpe circuibat, casasque lustrabat. ac ad singula consistens domicilia; singillatim de iis quæ ad animæ salutem primò; deinde quæ ad corpus pertinerent; item de opera ministrorum, diligenter inquirebat: quod erat prouidendum, curabat diligenter; & memoriæ gratia, quod factò opus erat confestim in libello notabat ipse. pecuniam quoque manu sua large dabat egenis. eius erat consuetudinis; ex hebdomadæ diebus, duos ijs dare qui in ciuitate manebant; reliquos iis, qui extra mœnia erant educti: domo exire numquam, nisi suorum *Charitas eius, Et prouidentia.* salutis gratia. mittebat etiam aliquos ex primariis suis presby-

teris; qui in equis cistas tenentes, ægrotis ostiatim tribuebant exquisitiora quædam, quæ languentibus stomachis essent leuamēto. Ægrotos, qui ob dignitatem in vrbe relinquebantur, ipse visibat; consolabatur; indulgentiam tribuebat, cubicula ipsa ingrediens; ad ipsos quoque lectos accedebat. In primis curabat ecclesiasticis viris subueniri; iis præsertim, qui ægris deseruierāt: ideoque iusserat, vt sine mora, de inferiorum morbo gradatim certiores fierent superiores. ipsis parochis in vrbe, si pestem contraherent, iuuandis, se ipsum offerebat: in diœcesi vero vicinos parochos, tum Præpositos, aut Vicarios hortabatur, vt subuenirent. atque his non solum sacramenta ministrari decreuit; sed etiam religiosæ consolationis leuamen, quamdiu animam agerent: missis ad id quocumque oporteret sacerdotibus, adhiberi. Atq; huiusmodi Caroli instituta, quotidianam præsentiam, cohortationesque, cum eximia charitate, & suauitate coniunctas, plurimum valuisse dubium non est; vt tanta ciuitas, carceris genus eiusmodi tandiu facile toleraret: quod initio vix sperabatur: quodq; ab aliis ciuitatibus fere non potuit obtineri. Quamquã autem ab initio Carolus, vt demonstratum est, consilio fauit de populo in custodia habendo: cum intellexit tamen plus ei remedio tribui, quàm ad diuinam misericordiam agnoscendam opus esse videretur: ideoq; præscriptum quadraginta dierum tempus produci; ita vt ipsis natalitiis Domini festis populus ad ecclesias conuenire, ipseq; Pontificiam indulgentiam, quæ ad ferendum Italiæ peste laboranti auxiliũ, Pontifex in vniuersum proposuerat, promulgare, liberisq; conuentibus celebrare non posset: cum Gubernatore, qui Viglebanum secesserat, grauitèr exposulauit; vixque se continuit, quin omni suo conatu resisteret. Tantum tribui Carolus humanis rationibus volebat; vt spem suam omnes in diuina clementia præcipue sese collocare, re ipsa palam profiterentur. ad id suadendum recens conuentuũ illorũ euentus; quando frequentissimus populus ad ecclesias supplicatum ductus est; graue argumentum suppeditabat: præter ea, quæ ex veteri memoria suppetebāt; demonstrabantque, supplicationum conuētu potius, quàm solitudine, veniam a Domino fuisse impe-

*Quomodo cum
ecclesiasticis
viris se gerat.*

*Ut populus in
natalitiis Do-
mini festis ad
ecclesias con-
ueniret, opta-
bat.*

impetratam. Cessit nihilominus Carolus; credo ob sacras pre-
 cationes, diuinaque officia; quibus tamen assidue populus intra
 domesticos parietes exercebatur; & in instituta vigilantia pasto-
 ralis opera perseuerauit.

Hæc ita cum ageret Carolus; quæ quidem, his præsertim Præbet ægro-
tis Sacramen-
ta.
 moribus, & hac remissiore Pastorum cura, magna merito, atque
 adeo maxima iudicabantur: sibi tamen parum facere videbatur;
 quia tangere, tractareq; pestilentia nomine suspectos, aut etiam
 infectos, sibi quoque pro suo munere non contingeret. Apud
 se igitur primo cogitauit, esse in vrbe, atque in tota diœcesi plu-
 rimos, qui confirmationis sacramento muniti non essent: hos
 ex hac vita pati sine tali sacramento decedere; quo salutis immi-
 nentecertamine, diuina firmitas, & robur animis adderetur: ne-
 que satis animarum charitati consentaneum; & sibi qui solus
 posset, etiam quodammodo turpe; omnino sibi minime com-
 mittendum existimabat. id eo magis, quod ab hæreticis sacra-
 mentum illud hoc tempore grauitè sciebat impugnari. Itaque Confirmationis
sacramentum
confert multis
etiam peste la-
borantibus.
 indicta chris-matis sacri per vrbe[m] administratione; quàm potuit
 decore, per vias Episcopali illo munere diu satis functus est. licet
 enim quotannis, statò tempore per vrbe ecclesias idem faceret;
 multa tamen adhuc hominum millia inuenit, qui nondum sa-
 cramentum illud acceperant. atque ipso initio, licet de morbo
 suspectos, & a reliquis segregatos minime vocasset; dubium ta-
 men non est, quin affectos peste quam plurimos inter eos con-
 firmauerit. fieri namque non poterat, vt omnes simulatq; con-
 tagione infecti erant, a ministris deprehenderentur, & a ceteris
 separarentur. verum ipsos quoque palam infectos, ægrotosque
 postea libere, sicuti dicemus, admisit. Vrbis cum tantummodo
 rationem sibi non esse habendam statueret; vicos etiam, castel-
 laque totius diœcesis, quæ morbus oppresserat, mira celeritate
 omnia adiit; & in iis eiusdè chris-matis sacrosanctum remedium
 passim adhibuit. Postea vero; vt quemque locum recens infectu[m] Ad alia loca in
seba contendis
eadem quæ in
vrbe subsidia
præbet.
 audiebat, ita eò statim solebat aduolare; ac eadem ratione cala-
 mitosis consulere. Eadem vero via, occasioneq; ad alia quoque
 vtebatur

utebatur gregibus suis salutaria: nam parochos, aliosque sacerdotes ad ægrotorum curam studiosius suscipiendam excitabat, confirmabatque: quosdam etiam compellebat. ægrotos ipsos consolabatur: precationum publicarum rationem præscribebat: omnem populi gubernandi, custodiendi, eleemosynis iuvandi rationem recognoscebat: cœmeteria consecrabat, quo rite multitudo cadauerum inferretur. Præfectos item, ministrosque civiles iuvare studebat; monendo; ad officia commissa inflammando; mercedem promittendo. sacros ministros pluribus locis ab eorum vi, atque iniuria defendit; qui sacrorum munerum liberam functionē, ecclesiasticamue administrationem, siue in sepultura corporum, siue in distributione piorum emolumentorum, quandoque in oppidorum ingressu, & egressu, vel in segregatione sacrorum hominum, & huiusmodi aliis, impediebant. populos ad ecclesiarum ædificationem; ad festorum dierum integrum cultum, chorearumque refutationem, & alia pia opera publice vouenda, perduxit. Cumque ita frequenter, ut necessitas ferebat, ipse loca omnia obire non posset; suos cum potestate sæpe misit; qui loca reuiderent, easdemque res recognoscerent. quibus si Præfecti locorum exquisitæ custodiæ gratia restitissent, & locorum ingressum prohibuissent; anathematis pœnam adhibuit, & ea ratione aditus omnes suis patefecit: quos tamen certa sanitatis testimonia volebat a Vicariis suis afferre.

Populos ad pia opera publice vouenda perduxit.

Multos in itineribus labores suscepit.

Atque iis itineribus Carolus incredibiles plane suscepit corporis, animique labores, non primis iis solum mensibus, sed sequentibus quoque omnibus, quamdiu morbus vixit; ut neque cibi, neque somni, neque longinquitatis asperitatisue ullius habita ratione, omnia loca celerrime adiret, & perlustraret; sacrisque officiis, & muneribus, assidua contentione operam daret. Foris ad sacram chrysmatis confirmationem etiam infectos ipsos hoc modo cœpit admittere. cum ad vicum in via Mo-
doëticiensi venisset, qui sexto ab vrbe lapide positus, Sextus appellatur; & ad sanctam confirmationem conferendam ibi paratus esset: animaduertit, morbidos quoque magno teneri eius sacramenti desiderio. cogitauit apud se; neque tunc primum; indigere

An quibusdam in celis sacramentum confirmationis præbere debeat, suspicatur, confert audens.

Indigere illos magis, quàm alij, vtpote morti propinquos, eiusque modi salutis adiumento. itaque diuinum sibi lumen, ea in re precatus, Monetam interrogat; censeretne, miseros etiam illos admittendos. neque affirmare ille, neque negare audet; tantum si admittere vellet, operam suam pollicetur. Ecce autem dum cōsultat; exiis circiter duodecim adueniunt, & se diuinæ vnctioni offerunt. satellites, & præfecti conuulsiis increpare, repellere, minitari, nisi statim ad locum reuertantur. Carolus vero; iam nihil, inquit, dubitemus; neque enim casu omnino venisse iniussu existimandi sunt: & præfectis abstinere, silereque iussis, eos, aliosque rite confirmauit; idemque passim postea, & foris, & in vrbe fecit. accidit autem in vico Tritio, vt ægrotus quidam, vix Caroli manu peruncta fronte, mortuus caderet ante illum. Obtulit se præterea occasio; vt quod erga parochos, & alios presbyteros animis curandis præfectos, de infectis iuuantibus, tangendisque facturum se pollicitus erat, re ipsa præstaret. in quo quidem consilio, ac voluntate; quamuis ei multi contradicerent; persistendum sibi iudicauit; affirmans, parochum se esse parochorum: absurdumque videri, ac turpe; si ipse, qui parochos hortaretur, & impelleret, vt curæ suæ commissos, sacris rebus iuuarent; quique eis non semel eam operā pollicitus erat; quam ipsi aliis tribuissent: nunc cum opus esset, abstineret; periculumque fugeret. & qui aliis omnibus persuaderet, vt metu mortis abiecto, deferrent ægrotis; oblatam occasionem aspernaretur, aut dissimularet: offensionem id multis futurum; cuius causa vel in eo charitatis officio frigerent, vel penitus abstinerent. Ac primò quidem in vrbe parochum ecclesiæ sancti Victoris ad theatrum, item sancti Babylæ, & plures alios ex pestilentia iacentes, pie visit, ac amanter consolatus est: nonnullos eorum sanctissimo Eucharistiæ cibo refecit: qui paulo post vi morbi interierunt. Illud vero fortius, illustriusque factum. Qui parochiam sancti Raphaëlis curabat, ex quorundam consuetudine, quos incaute in domum admiserat, morbum contraxit: adiit illum statim Carolus, & ægritudinē pia consolatione leniuit. cumque valde oppressum aduertisset, sacris muniendum iudicauit.

Quidam Caroli manu fronte peruncta ante illum cecidit mortuus.

Multos enim pestilentia iacentes visit.

postero

postero die, mane ad eam ecclesiam venit, vt Missa facta sanctissimam Eucharistiam ad parochum deferret; eique extremam vnctionem adhiberet. Post Missam, in quo illius clericum morbi nomine suspectum sacrosancto cibo paut; dum se mutatis rite indumentis, ad reliqua pararet; clericis, & ministris, qui astabant, & inseruiebant, ob periculum expallescentibus: ad ecclesiam venerunt, Ioan. Baptista Capra ciuitatis Vicarius, & Alfonso Gallaratus designatus, nunc Senatores; vnaque patritij multi, ex ipsius ciuitatis consilio: qui neque loci, neq; sacri muneris ratione deterriti, prostati, ac supplices a Carolo ciuitatis nomine cum lachrymis petierunt, ne in tantum se vitæ discrimē vellet obiiicere. aliorū ministerio presbyteri saluti consuli posse. si forte contracto morbo ipse ex hac vita abiisset; res ciuitatis, totiusque diœcesis; quæ, vt in maximo periculo optime tamen se haberent, & feliciter gubernarentur, in summam confusionē, desperationemque adducendas. omnium animos eo duce, & præside sustentari. diuini propemodum, & humani subsidij spē in eo vno esse collocatam. Constitit Carolus ad amantissimas ciuium, filiorumque preces audiendas, quibus, cum, eo vno excepto præsentēs omnes lachrymas funderent, respondit: Gratiās se agere de tali amore, pietateque in Pastorem suum: sed ne ægre ferrent, si munus illud obiret: suum id esse officium, suasq; partes: in quibus etiam si vitam amisisset, recte id factum omnes iudicare deberent. neq; ipsis ideo desperandum; sed diuinæ bonitati, summæque potentiae magis confidendū; cui facillimum erat sine ipso ciuitatem seruare; aut alium Pastorem meliorem dare. Cum aliud impetrare non possent, illi magno affecti mœrore tacuerunt. Carolus vero primò Eucharistiam ad presbyterum iacentem, & iam tabido corpore æstuantem attulit, præbuitque: deinde etiam, eius cubiculum ingressus solus, ministro Bernardino Taurusio in limine consistente, extremum vnctionis sacramentum rite contulit: & piis, suauiusque verbis confirmauit. Parochus ita confirmatus paulo post accepta sacramenta, pie mortem obiit. Ad alium parochum sancti Petri, ad caminatellam appellāt, ex peste iacentem iuit, animo itidem

Nobiles Viri ciuitatis nomine Carolum conueniunt, obsecrant ne se in Vita periculum obiciat.

Ad ciues responsio.

Parochus quidam peste infestus Carolo ad se veniente quid faciat.

sacra

sacra ministrandi: sed cum aduenisse Carolum bonus presbyter audiisset, ægre ferens tanti viri vitam in suo capite periclitari; quantum potuit conatus, surrexit e lecto, & in ecclesiam venit. concessit Carolus, vt Eucharistiam ibi acciperet; sed iussit deinde ad cubiculū redire, & in lectulo se collocare: quo statim eum secutus est, vt extrema muniret vnctione. recusauit ille, periculum adhuc quidem tantū esse non concedens: sed postero die, cum de morbo ingrauescente accepisset, reuisit eum Carolus, riteque vnxit. qui postea vi morbi oppressus abiit ex hac vita. Ex his actionibus omnibus, contactibusque nullam sensit Carolus, Deo in primis bene iuuante, contagionem. quod eius fiducia fuit valde consentaneum. confidebat enim maxime, solo actu, contactuue ad rem sacram necessario, morbum a nullo presbytero contrahendum. atque ita toto illo tempore euenisse prædicabat. qui interierant, pestemque attraxerant, eos sibi non cauisse in ceteris, vt oportebat. Fiebat reuera, vt cum quis ad ægrotos iuuandos animum induxisset; quasi se ipse abiceret, & pro derelicto haberet; omnem omitteret cautionem; & non necessaria iuxta, ac necessaria pericula adiret. Ipse autem qui libere, & absq; vllō metu sacra omnia peragebat; in reliquis omnibus exquisita cautione utebatur, vt contagionem vitaret; idemq; summa diligētia iubebat a suis obseruari. maxime autem curabat in iis sacris officiis indumenta sua ita collecta, & contracta esse; vt ne modico quidem alieni panni tactu, quod facillime fit, infici possent. Initiaci, qui vicus omnium miserrime tunc peste afflictus est; ecclesia, cœmeterioque iam completo; quamplurima in cāpum cadauera illata erant, quotidieque inferebantur. locum religiosi ritus gratia sibi Carolus consecrandum statuit. terra iam obanni, dieique tempus calefacta, magno tabidorum cadauerum numero humato, fœtoris, corruptique vaporis multum emittebat: vt eius administri, clerici de vita sua tūc maxime desperasse affirmant. eo loco Carolus, quantum ad actionem consecrādi, quæ longa est, opus erat, cum sine sollicitudine vlla moraretur: in ceteris ita cauebat; vt ne ipsos quidem viatorios sacculos, perasue; opus enim faciebat ocreatus, & ex itinere; humi

Cauere se agebat in omnibus ne inficeretur. praterquam in sacris peragendis.

A loco consecrando ob tabidorum corporum fœtorem non deterretur.

Quando infectum tangit ab aliis sese separatim habet.

poni pateretur. Ibi tamen plurimos sacra vñctione confirmandos, cum reperisset; ecclesiæ, cœmeteriique foetentis periculum deuotans, in platea sacramentum administrauit, primò valentibus, deinde reliquis item vniuersis. Quamuis autem ita cōfideret; quotiescumque morbo infectum tetigerat, separatim sese habebat ab aliis. ex familia eos tantum sibi propius inseruire patiebatur, qui necessarij essent, & id facerent libenter, & ex animo. ea re interdum accidit, vt cum alius esset nullus, sibi ipse, vt quilibet priuatus homo, quibuscumque rebus opus esset, ministraret. Qui adibant, eos interposito longurio audiebat. per vias aliquem anteire iubebat, qui virgam, periculi indicium, ferens, tacite obuios moneret, vt cederent. In ecclesia procul a canonicis sibi assistere solitis, & a ceteris clericis congruo interuallo se continebat. cumq; passim homines cōtagionis causa suspectos humano iudicio quadraginta diebus segregarentur; ipse sibi, sacerdotibusque aliis, qui sine magno ægrorum damno abstinere diu non poterant, septem tantummodo præscripserat dies. Cum ita suis caueret; euenit tamen, vt tres ex familia, & ex eorum numero, qui ad Carolum tangendum non accedebant, morbo contracto, interirent; vnus ab epistolis, alter a pedibus, tertius stabularius. Fuisse non ignoro, qui Carolum seruatum eo tempore dictarent, ex variis medicamentis, quæ multa sunt illi, etiam a Principibus viris, Italiæque Regulis missa. sed ego ipsius verbis affirmo, ea contra pestem, periculo facto, minime valuisse: scioque nihil ab eo adhibitum fuisse, præter spongiam aceto imbutam; quam, vt alij passim, in pila lignea perforata inclusam manu ferebat; & aliquid etiam aromatatum, quod ore solebat interdum tenere.

Contra pestis periculum nullum sibi adhibet medicamentum.

Nonnulla emendat vigente peste. ipse progreditur in via salutari.
CAP. IX.

OBLATVM est ex ea plaga Carolo tempus, ad multa reprehendenda, multaq; efficienda, quæ alioqui multos aduersarios, magnamque habuissent difficultatem. est enim animus in periculis ad pietatem, & emendationem propensior. & qui cō se loco esse sentit; quamquā eo sumus semper mortales omnes; sed qui tamen ex manifestis periculis, ea se conditione esse videt, vt facile

facile iam iam ex hac vita sit ad diuinum tribunal rapiendus; meliora fere, sanctioraque consilia eligit. Ita cum etiam optimates in publicis concionibus Carolus liberius increparet; plerique ne dum indignarentur, potius ad errata dolenda, publiceque deflenda pie mouebantur. Sed habuit etiam tempus illud sua vitia, criminaque permulta: plurimique fuerunt duri, ac pene ferrei homines; qui nullis calamitatibus, periculisue flexi, peiores etiam, quam antea euasere. In assiduo mortis discrimine, & fere inter ipsa cadauera erant, tum qui aliena surriperent; tum qui effrenatè luxuriæ seruirent: vt qui valetudinariis præfecti erant, illud non in postremis curare oporteret, ne libidinosis criminibus daretur locus: eueniretque interdum, vt cum illud vehemens admodum sit contagionis genus, miseri in ipsa propemodum peccati actione interirent; & vno tempore corpus, & animum pestilentia duplex interimeret. In castellis frequens erat, & maior etiam quam consueuerat, aduersus sacra quædam instituta contentio; ab iis maxime qui nobilitate, opibusque præstant; quos quidem; bonos excipio semper; Ormanetus ille, paruus ecclesiarum tyrannos quandoque appellabat. tunc autem ob commercij communis impedimenta, magis ab Antistitum correctione remoti, maiorilicentia, atque audacia utebantur. Itaque affirmabat Carolus, suis extra urbem administris numquam maiores obiectas fuisse in munere suo exercendo difficultates. addebat se tunc re ipsa perspexisse, quod fertur; bonos meliores, malos peiores animaduersione fieri. Sed Carolus dati temporis beneficio vtens, nonnulla sibi aliisque facienda suscepit, quæ ad augendam religionis, sanctitatisque disciplinam pertinerent. Ignis beneficio *cepit*, leuationeque hyeme sibi interdixit; vt frigoris asperitatem die, nocteque ferret abiecta culcitra paleas elegit ad cubandum. carnem a mensa sua repulit. modicum illud, quod ieiunii diebus vespere, medicinæ potius, quam cibi causâ sumitur, reiecit. quæ omnia ita in posterum retinuit; vt in dies etiam, quem admodum suis locis dicetur, augeret. Cumque Arimienensis Episcopus, olim eius Vicarius, amantissimis litteris,

*Post tempore
vicia, & crimi-
na permul-
ta.*

*Senioremi-
ta rationem
instituit Caro-
lus.*

*afflictiones
remittat mo-
net episcopus
Ariminensis.*

*Alia sibi agen-
da statuit.*

*Ut clerici bar-
bam sibi praci-
dant perfici.*

ciuitate liberata, vehementer rogasset; vt quando iam Deus pestilentiaē poenam remiserat; ipse itidem remitteret afflictiones, auertendā poenā causā susceptas: augendi potius esse causā illē respondit; cum moribus minime emēdatis, duriora pertimescenda esse viderentur. Concionari quoque festis, & præterea duobus aliis in Quadragesima hebdomadā singulā diebus, instituit: & canonicorum funera prosequi. Cantores a se non approbatos, aut clericali vestitu non indutos, ab ecclesiasticis officiis, quā antea diligentius exclusit. Ianuas, quæ in lateribus ecclesiarum erant, obstruxit. In vniuersum autem, quæcumque antea decreta erant, vt omnia perficerentur; & per diocesis quoque loca, quantum posset, res omnes componerentur, per id tempus studiosius curauit: nouosque præfectos elegit, quibus ad ea curanda diocesis regiones separatim distribuit. Illud etiā perfecit, quod difficile omnibus videbatur; vt clerici omnes barbā sibi præciderent. Iam dudum id se cupere ostenderat; tum vt corruptelam sacrorum hominum tolleretur; qui profanas, militaresque barbarum formas, & earum frequentes, leuesque mutationes indecore admodum imitantur; tum vt vetus clerici, præsertim Mediolanensis institutum renouaret. plurimi enim superstites illud viderant in ecclesia Mediolanensi seruari; nonnulli adhuc seruabant. Verum cum eade re Carolus agere cœpisset, sermoque percrebuisset in clero; fuere, qui eius non modo iussū, sed etiam exemplum præuenerunt; barbāque sine mora posuerunt. cum autem ipse rasus in publicum prodiiisset; litteras etiam ea de re ad clerum proposuisset; quibus factum potius laudabat, quā faciendum hortabatur; argumentaque explicabat, quibus id fieri deberet; clericales item virtutes commendabat, quæ eiusmodi pilis abrasis significarentur: omnes fere paruerunt. qui difficiliore tunc fuere; postea maiori vrbis celebritate, cum multo magis erubescerent, cuitare non potuerunt. illud vero institutum decreto; deinde in synodo diocesis sancito, confirmauit. dictum Caroli hoc de genere venit in mentem: qui cum collegium canonicorum recognosceret; quendam, qui adhuc non paruērat, reprehendit. eius nomen erat

erat graui de crimine delatum. homo respondit, pudere se, rasoſque clericos remigum ſibi ſimiles videri. tum ſeuere Carolus, At, inquit, adhuc pender cauſſa tua. Ita Carolus tempus natuſ idoneum; pietatis ardore, afflictionum quaſi ventis in eius animo vehementius excitato; in omni ſanctitatis laude tunc vehementer ipſe progrediens, ceteros quoque ad ſalutem, optimamque diſciplinam iuuare ſtudebat.

PESTILENTIÆ vis cum Octobri menſe, vti demonſtraui-
muſ, valde progreſſa eſſet; minui cœpit Nouembris initio;
poſteaue paulatim ita debilitata eſt; vt ex ea tamen quotidie ali-
liqui morerentur; interdum etiam multi. quod ex veſtimento-
rum traſtatione fere accidebat. ob id proximus annuſ M. D.
LXX. VII. in timore fuit. & hyeme quidem veris, atque æſta-
tiſ; æſtate vero autumnuſ aduentuſ formidabant. quidam etiam
verebantur, ne in annos plures, vt olim acciderat, illud, quid-
quid erat, contagionis maneret. Sed Dei clementia, ſicut iam
iam narrabitur, opinionem, ſpemque hominuſ longe ſupera-
uit. Celebrauit Caroluſ poſt initium anni, ſtatim precationuſ
officiis, trinaque ad eccleſiaſ decreta ſupplicatione, Apoſtolica
indulgentiæ beneficiuſ; quod ſuperius diximuſ a ſummo Pon-
tifici toti Italiae, ad peſtiſ pericula auertenda fuiſſe propoſituſ.
Iuit ipſe nudis pedibuſ, & eodem habitu, quo initio peſtiſ, ad
eccleſiaſ. iui muſ canonici, magnaue cleri, & populi parſ. con-
cioneſ ille habebat, magno lachrymantis populi fructu. poſt
eaſ, ipſo, & canonicis humi poſtratiſ, litania habebatur: Miſſa-
que a ſacro maioris eccleſiæ collegio fiebat. omnino ea celebri-
taſ, precatioque viſa eſt ad emendationem moruſ, piaſque ani-
morum affectioneſ plurimuſ valere. Appropinquante Qua-
drageſima ei uſ primæ Dominicæ cultuſ ex toto reſtituit. Reti-
net Ambroſiana Eccleſia Quadrageſimæ vetuſ inſtitutuſ, quo
dieſ quadraginta duo tantuſ numerabantur. iam dudum au-
tem fecerat immoderatuſ voluptatiſ ſtudiuſ, quo miſere an-
te ſacri temporis illiuſ initiuſ, plurimi Chriſtiani nominis affi-
ciuntur; vt Dominicuſ ipſuſ diem, qui quidem veluti ſanctæ

Nouas cele-
britateſ, alia-
que religioſe
peragit, remiſ-
ſa peſte.

C A P. X.

1577.

Nouas celebraſ
ſupplicationeſ,
eodemque ha-
bitu, nudique
pedibuſ ſicuti
in prioribuſ in-
cedit Caroluſ.

Prima Domi-
nica Quadra-
geſima cultuſ
reſtituit.

Quadragesimæ caput, colendus erat, ab ea penitus amputarent;
 & ad voluptarium tempus sic adiungerent; vt cum ad Quadra-
 gesimæ dies sancte agendos, cuncti sese paratos ostenderent; is
 tamen tamquam voluptatis extremus dies, profani totius gau-
 dij, peruersitatîsq; omnis quasi cumulus redderetur. Antea Ca-
 rolus, vt tetigimus, partim quidem restituerat dici sanctitatem,
 magna multitudine ad Eucharistiam suscipiendam, & ad con-
 ciones, precesq; diuinas allicienda. Sed cum Romæ, Mediolani-
 que, multis adhibitis viris, qui religione, doctrina, iudicioque in
 primis excellebant, ea de re consultasset: superiore quidem an-
 no cum Iubileum celebraret, litteris editis monuerat, docue-
 ratque populum; diem illum Quadragesimæ initium esse; om-
 niqueratione, cohortatus erat, vt cum non secus ac alios colere
 vellet: clero autem idem iusserat; quod populum exemplo suo
 vehementius excitaret. cum autem vidisset recte populum ac-
 cepisse; plurimosque ita cohortationi paruissse, vt si decreto iam,
 & lege res sancita esset: hoc anno cum adhuc in morbo, luctu-
 que ciuitas esset; edicto generali rem sanciuît; & in proximæ sy-
 nodi decreta postea retulit. Vrbanaŕum item ecclesiarum reco-
 gnitionem eo tempore aggressus: ad pleniorẽ ciuitatis corre-
 ctionem; præter ea, quæ ad populi salutem ipsa vnus cuiusque
 ecclesiæ visendæ actio suppeditat; illud adiunxit; vt ædes singu-
 læ, sacra aqua, sacrisque precibus adhibitis rite lustrarentur. quæ
 res valde accommodata erat ad domos quodammodo expian-
 das; & a pestilentis illius vexationis vestigiis, quæ manebant, li-
 berandas. Itaque recognitionem ecclesiarum incipiens, statò ri-
 tu primò ad ecclesiam maiorem eques, clero præunte, Pontifi-
 calibus indumentis adductus, iucundum eò calamitoso tem-
 pore spectaculum ciuitati præbuit: iucundum, inquam, non ob
 ornamenta solum, & egregiam pompæ sacræ speciem; quæ ta-
 men ex longo luctu lætior, pulchriorque apparebat; sed ob id
 quoque; quòd, qui antea partim summa humanitate, & abie-
 ctione, suorum commodis seruierat; partim habitu miserabili,
 summoque squalore Dominum pro iisdem publice precatus e-
 rat; tunc augustò ornatu, splendidoque apparatu ingrediens;

miram

Ad Urbana-
 rum ecclesiarum
 recognitionem
 summo appa-
 ratu se accom-
 git.

miram quandam rerum vicissitudinem cum lætitia coniun-
ctam ante oculos poneret: eodem ostendens tempore, quàm
ex christianæ virtutis præscripto, & sese abiiicere; & rursus sacram
maiestatem conseruare, cum opus esset, pari animo, voluntate-
que nosset: Apostolo non dissimilis, qui & abundare sciebat,
& penuriam pati. Expiationem ædium aggressus; vt maiorem
dignitatem, fructumque res haberet, exorsus ipse, suas, canoni-
corumque ædes aspersit. cumque ea progredi per urbem inci-
peret actio; populus summa voluntate, pietateque eam expe-
tere videretur; certatim vnaquæque familia ad rerum sacrarum
honorem, decore domum ornare conaretur; imagines, & li-
bros a christianis moribus alienos deleteret, abiiiceretue; sacras
picturas, & ad pietatem accommodatas apponeret; aliaque e-
iusmodi, pro ratione Caroli litteris præscripta, atque edita com-
pararet: cum etiam multi publicis flagitiis maculati, de igno-
minia vitanda deliberarent; ne sacerdos eorum domos præte-
ririt, quemadmodum Carolus faciendum iusserat: omnino
cum plurima ad corruptelas tollendas, pietatemque augen-
dam instituta essent: Gubernator, aliquæ magistratus, quasi in
eo ius regium læderetur, intercedere, & queri cœperunt; rem-
que varie disturbarunt. Populi custodiam paulatim cum morbo
ipso remissam, Gubernator appropinquante Quadragesima per
edictum renouauit: sed Carolo conquerente euenit, vt multi
tamen ad ecclesias nulla facultate exirent, & ad sacras concio-
nes conuenirent. maxime vero Pontificiæ illius indulgentiæ
caussa, quæ tota prouincia eo insigni die celebris habetur, quo
cœlestis nuncius ad Mariam humanæ salutis causâ venit, magna
multitudo prodiit ad destinatū indulgentiæ consequendæ tem-
plum. quo tempore mirum extitit afflicti populi solatium: mi-
raque ciuitatis apparuit alacritas, in ecclesiis insignibus, quibus
diu caruerant, assidue frequētandis; supplicationibus obeun-
dis; gratiisque Deo de oblata spe liberationis agendis. tam-
quam ex diuturno carcere ciues ea libertate recreati, nec fa-
tigari, nec satiari pio, assiduoque eiusmodi labore posse vide-
bantur. quæ alacritas eò maior erat, quò ex multitudine, ac fre-
quentia.

*Ædium expi-
ationem aggre-
ditur.*

*Quid Guber-
nator, quidua
Magistratus
faciant.*

*Pr omnibus
ante Pascha ad
ecclesias conue-
nire liceret,
effecit Carolus.*

*In festo Inven-
tionis sancta
crucis in solem-
ni supplicatio-
ne sacratum
clauum portat.*

*Clauum in al-
tari collocatum
quadraginta
horis coli sta-
uit.*

quentia, quæ cernebatur, exiguus eorum numerus cognosceba-
tur, qui peste interierant. Fecit etiam Carolus, vt sacrosanctis
diebus, ante Pascha, vsque ad octauam illius celebritatis diem,
omnibus domo egredi, & in ecclesias conuenire liberum esset.
indignum enim illi videbatur, tali tempore, talique diuinæ cle-
mentiae pignore, christianos ecclesiis adhuc prohiberi: difficile-
que admodum erat, omnibus domi inclusis, vt tempus necessa-
rio postulabat, sacrae confessionis, communionisque potesta-
tem facere. omnes autem illi conuentus adeo feliciter acti sunt;
vt nihil prorsus accessionis morbus acceperit; neque opus om-
nino fuerit amplius custodiam imperare. Festus aduenerat dies,
quo sanctæ Crucis ab S. Helena inuentæ memoria colitur. cum-
que illustriorem sacrati clauiculi cultum, quem superiore anno in-
stitauerat, annua celebritate aliqua Carolus continuare in a-
nimo haberet; eum diem ad id aptissimum iudicauit. clero igitur
vniuerso conuocato, clauum a loco suo demissum publico
conuentu, festoque apparatu, tulit ad ædem sancti Sepulchri
nomine appellatam. Euenit autem non sine magna priorum læ-
titia; vt cum nebulosum cœlum, neque sine imbre esset; sanctis-
sima re in altari deposita, subito serenum redderetur, claraque
luce refulgeret, donec isset, & ad ecclesiam maiorem sacri or-
dines essent reuersi: tunc enim rursus nebulae, atque imber æ-
rem occupauit. Ita conuenit populus ad eam supplicationem;
vt vnaquæque pars signum illius sancti sequeretur, cuius nomi-
ne parochiæ suæ ecclesia dedicata erat. quæ ratio, tunc primùm
Caroli iussu fuit adhibita ordinis, pietatisque gratia. fuit institu-
tum non dissimile labaris illis, quæ Constantinus in exercitu suo
significatione pietatis haberi, gestarique iussit. clauum in altari
collocatum, quadraginta horis coli constituit, clero, & populo
distincte per collegia, & regiones, singulis horis ad precationem
conueniente. Carolus autem inde numquam discedens, vt
quæque populi pars adueniebat; ita primò quidem pia verba ad
eos faciebat; mox de suggestu ad altare veniens beatorum inuo-
cationi, litaniaeque cum eis operam dabat; postremò antequam
abirent eis benedicebat; decennemque auctoritate Pontificia
largie-

largiebatur indulgentiam. dum autem alia pars veniret; alia, quæ rursus diceret, ex diuinis Bibliis, quæ ibi habebat, flexis ante altare genibus meditabatur. hoc ipsis quadraginta horis continuis facere constituerat; sed prohibuit Gubernator, post primam noctis horam domo quemquam egredi. At ab aurora nihilominus ad noctem, Carolus circiter horas sexdecim, in ea exercitatione ita permanebat, vt ne vlla quidem naturæ necessitate ab altari auelli posset; donec quadraginta tamen horarum diurnarum spatium completum est. in quo viri patientiam omnes mirabantur; eò magis, quòd neque somno, neque vitæ commoditati propterea præter consuetudinem quidquam nocte tribuebat. Post illum horarum cursum clauus eodem modo, atque eadem celebritate in suum locum relatus est; ciuitasque ex ea re magnam visa est leuationem doloris accipere. sed clauifiguram scite prius expressam, & ipsius ferri contactu sacratam, Carolus misit ad Philippum Regem, donum optimi Principis pietati accommodatissimum. Ea igitur anniuersaria celebritate constituta; tum clauus, tum dici cultum mirum in modum amplificauit. Pulcherrima, pietateq; plenissima certe actio illa est. In amplissimo totius cleri conuentu, maximoque totius populi concursu; musicis choris suauem concentum edentibus; populo misericordiæ vocem indentidem ex animi pia commotione mittente: tres sacerdotes, ex iis, qui adsint dignitate præstantiores; in quibus non semel Episcopos vidi, sacris, splendidisque vestibus induti, machinis, quæ non apparent, in sublime sensim feruntur; in apto quodam, ornatissimoque receptaculo decore collocati, integumentis pellucidis ita circumdato, vt inclusis luminibus lucidissimæ nubis speciem præferat. cum ad fornicem summum, locumque demum longo tractu, temporeque peruenerunt; ablato clauo, eodem modo demittuntur. cum ad solum nubes venit; Archiepiscopus qua par est, veneratione excipit sacrosanctum ferrum; & in ampla cruce media aptè insertum, ipse fert ordinum sacrorum pompa antecedente. Inclusit autem illud honoris, commoditatisque gestandi gratia Carolus argentea theca; sic, vt per crystallum perspiciatur, locum præ-

*Ab aurora est
que ad noctem
a templo non
discedebat.*

*Clauus eadem
celebritate in
suum locum re-
stituitur.*

*Clauifiguram
ferri contactu
sacratam ad
Philippum Re-
gem mittit.*

*Quali ceremo-
nia, & alio loco
clauus e subli-
mi loco depona-
tur in eundem-
que referatur.*

terea ubi affixus est, tum ferreis clatris, lapidibusque supra compositis muniuit; tum splendide etiam ornauit.

Post alias supplicationes de-
mum ciuitatis
liberationem
celebrat.
CAP. XI.

INTEREA licet humanæ diligentiae officia, eaque exquisita non deficerent; manebat aliqua pestis tamen: neque obtineri poterat, ne quotidie nouis casibus, iisque minime contemnendis, ciues exterrerentur. Quocirca remedium rursus publicæ precationis Carolus, expiationisque animarum quaesuit. solita diuina præmia, sicuti consueuerat, a Pontifice impetrauit; populoque proposuit: quæ mense Iulio mæstis supplicationibus, concionibusque, ut antea, vna cum clero, & populo prosecutus est. Cum autem per id tempus ex peste Brixia miserrime laboraret; eò voluit Carolus aduolare; sed nescio qua ratione dissuadere visus est, impedireque Episcopus; qui quidem cum optime ægrotis consulere cœpisset; post interitum nonnullorum ex domesticis suis, non longe ab vrbe secessit. ex iis ille fuit, qui Carolo per litteras initio suaserant, ut propositis sibi officiis abstineret. Attamen, ut auxilium aliqua ratione Brixiensibus ferret, præter cohortationes ad Episcopum missas; eò Carolus dimisit Paulum illum, quem toto reliquo tempore Gregorianæ multitudini præfuisse diximus. Cum idus Octobres venissent, publici voti dies; Carolus ea celebritate litteris publicis ante denuncia- ta; ciues proximæ iam liberationis spe proposita, ad veram diuinæ misericordiæ fiduciam excitauit; tam incerto præsertim humanæ industriæ præsidio cognito. nouas supplicationes decreuit in vrbe, ac in diœcesi. sacris in æde S. Sebastiani celebratis, dici religioni satisfieri curauit, & voto. populus per partes de more distinctus conuenit: ciuitatis consilium, & qui in singulis parœciis a populo mandatum acceperant, solemnia dona obtulerunt. Respicens deinde pius Pater eorum conditionem, qui toto illo tempore in vrbe, diœcesique; immo in aliis item Italiæ ciuitatibus mortui erant; quibus pro morbi eius ratione, quo cognati omnes sæpe absumentur; deesse fere credibile erat, qui sacris officiis opem ferrent: ut suis, & alienis, omnia optimi patris officia præstaret; communes eis exequias constituit, tribus diebus

*Brixia peste
laboranti au-
xilium fert
Carolus.*

*Nouas suppli-
cationes in pu-
blicas voti die
instituit.*

*Peste absum-
ptis communes
exequias tri-
bus diebus ce-
lebrandas con-
stituit.*

diebus celebrandas, qui sancti Martini diem festum sequebantur. qua in re viuus quoque ipsis consulebat; si officia illa, & sacrificia christiane prosequentes, integram sibi, atque aliis, religiosi operis virtute salutem possent impetrare. primo igitur die, vna cum omnibus presbyterorum collegiis in ecclesia maiore, funebria sacra celebravit. altero, tertioque die in vrbis ecclesiis peracta sunt, quæ collegia habent; ad quæ singula reliqui omnes regionis eiusdem clerici conuenerunt. vnumquemque presbyterum pro iisdem Missæ sacrum iisdem diebus facere iussit. ad eandem rationem sacra in diœcesi facienda mandauit. primò autem populum ad id publicis litteris cohortatus, ad alia quoque opera incitauit; quæ suffragio, salutique mortuis esse possent. Post hæc in longinquiores diœcesis partes excurrit; & ad loca venit Helueticæ ditionis; tum pestilentie causa; tum vt nonnullas in ecclesiam prohiberet iniurias. quibus in locis, quoniam permisti erant, morbidis æque, atque integris sacramenta præbuit. Quod iam mente Carolus de ciuitate liberata conceperat, id enunciare volebat palam; religiosoque ritu publicam ea de re celebrare gratiarum actionem. sed contra magistratus dicebant: debilitatam valde, sed non extinctam esse pestilentiam: docere id, si non quotidianos, ac frequentes; aliquos tamē adhuc ex eo morbo morientium casus: vel illud valde vereri, ne potestate facta; cum ea, quæ publicis iussis recondita consignataque fuerant, depromerentur; multa pestilenti contactu affecta, rebus adhuc recentibus, reperirentur; quæ de integro ciuitatem in easdem miseras coniicerent. si liberatione promulgata, rursus inualefceret morbus; præter calamitatem & damnum; quàm id pudendum foret? Sed tenuit animo mirum in modum confirmato, propositum Carolus. de libera, integraque, non ciuitate solum, sed etiam diœcesi certum vna cum magistratibus constituit. ad agendas publice de accepto maximo beneficio gratias, proximum sancti Sebastiani festum diem anni M. D. L. X. X I I X. delegit: vt quem patronū imminente periculo, sibi Mediolanenses aduocauerant, eodē postea impetrata venia, ad gratias recte agendas yteretur adiutore: & quem initio

*In longinquas
diœcesis partes
pestis causa
præcipue ex-
currit.*

*Pro ciuitate,
& diœcesi li-
berata publi-
cam ea de re
gratiarum ac-
tionem habet,
1578.*

*Supplicationes
celeberrima
Et sanctissima
sunt.*

afflicti orauerant, eidem in fine liberati, gratos sese ostenderent. Itaque præter supplicationes, quæ alioqui ad illius ecclesiam habendæ erant; binas alias Carolus indixit. itum est ad sancti Ambrosij, deinde vt initio periculi factum est, ad vrbis compita omnia. Quæ quidem supplicationes, vt celeberrimæ, ita sanctissimæ fuerunt; ob id quoque in primis; quod sacras reliquias omnes, quam maximo fieri potuit ornatu, clerus vniuersus, vt antea, ferre iussus est; cum vi luminum prope immensa; quæ non modo clerus adhibuit sed populus quoque frequentissimus. Affuerunt Gubernator, Senatus, & Magistratus reliqui; omnesque publice, pieque gratias egerunt, ex libello, cohortationeque, quam ad eam rem Carolus edi iusserat. Atq; dum ad compita ordines duceret; ad Cruces morabatur, quæ ibi pestis causa erectæ fuerant; & posita sacra re, quam ferebat, in mensa ibidem ad id decore constituta, rite precabatur. mira pietate clerus, & populus in ea supplicatione perseuerauit vsque ad noctem, cum mane cœpisset. via etenim ob amplitudinem vrbis longissima est, accessit maximus plurimorum tormentorum sonus honoris, & lætitiæ gratia ex arce effectus, dum sacri ordines ea vrbis parte transirent. Cum in ecclesiam maiorem reditum esset; sanctissima Eucharistia prius per ecclesiam omnibus sacrorum hominum choris comitantibus lata, in altari posita est: cum omnia maximo, gratissimoque sono, hymnis, psalmisque, tum tubarum etiam clangore personarent. Ibi Carolus, quasi nihil adhuc fecisset, quadraginta horarum precationem ante sanctissimam Eucharistiam instituit; in qua eadem patientia, & labore, quo antea sacro proposito clauo, sese exercuit. Quo tempore cum in concione ciuitatem a morbo diuina ope liberatam diserte prædicaret; erant qui valde mirabantur, quo certo signo id posset affirmare; non nihil etiam verebantur, vt ea præstari posset in posterum affirmatio. quod ita Deo concedente, factum est tamen. Alia quoque ciuitas, consueta populis lætitiæ signa multa edidit, quæ præterimus; litteræque ad externos populos datæ, ad mutuam consuetudinem plene restituendam. Carolus Episcopos prouinciæ missis litteris monuit; rogauitque,

*Ciuitatem a
morbo ope di-
uina liberatam
magna multo-
rum admira-
tione affirmat
Carolus.*

*Vt Episcopi
prouincia Deo*

que, vt vna vellent gratias agere, atq; alij omnes per litteras gratulati sunt: Nicolaus autem Cremonensis Episcopus; ex præcipuo in Carolum, patriamque amore, gratulationis causâ Mediolanum venit; & de suggestu concionem in ecclesia maiore præsentè Carolo, Gubernatore, Magistratibusque ad populum habuit sanctam, & luculentam. Mortua fuisse hominum circiter tredecim millia in vrbe; octo vero in agro, ad initium mensis Decembris anni M. D. LXXVI. Carolus litteris suis testatus est: ex quo tempore numerum eorum, qui morerentur, vsque ad morbi extinctionem, non magnum fuisse iam diximus. alij vero de vrbe tantum commemorantes, ab initio morbi, vsque ad integram liberationem, in ea mortem obiisse affirmant hominum circiter decem, & septem millia: nata vero, vt id quoque referamus, eodem spatio temporis, quinque millia, & tertentum. Vici, & castella, quæ peste laborarunt, fuerunt ad centum viginti. Ecclesiastici viri omnium ordinum in vrbe, & diœcesi, centum viginti diem suum obierunt: tres tantum ex iis parochis, qui officium erga ægrotos non deseruerunt: quorum nemotamen, quod constet, ex sacris officiis, quæ cuiquam ægrototribuerit, morbum contraxit. Illud minime prætereundum, exquinque, & sexaginta monasteriis Virginum, vnum peste tactum in vrbe, in quo duæ tantum Virgines; alterum in diœcesi, in quopauca omnino mortuæ sunt. neque in iis quidquam de præscripta, & cõsuetâ claustrorum, custodiæue disciplina remissum est. In ecclesiis omnibus, vt ante consueuerat, statis horis, sacra officia, muneraque clerici toto eo tempore obierunt; qui congruenti ad contagium vitandum spatio, aliis ab alio consistebant. quod vt ecclesiæ maioris collegium facilius exequeretur, subterraneam viam ab ædibus canonicorum in ecclesiam ipsam eo tempore Carolus fodi, construique iussit. Hic fuit maximi illius periculi exitus, vnde magnam vrbi ruinam intelligentes omnes extimescebant. qua in re singularem profecto Dei clementiam perperuò gratissimis animis erga nos agnoscere Mediolanenses debemus; neque vñquam gratiarum agendarum finem facere. Quid in rebus tantis Carolo sit tribuendum; res ipsa loquitur.

pro beneficio accepto gratias agant litteris mouet.

Quor hominū millia tum in ciuitate, tum in diœcesi sine mortua, restatur Carolus.

Multa millia hominum pestis tempore nata sunt.

Duo ex tot Virginum monasteriis peste sunt tacta. Et per pauca Virgines sunt mortua.

Quid Carolo in his rebus tribuendum sit.

Multa quæ aliis in tali casu proponat exempla Mediolanum habet.

ipse vero nihil suis laboribus, studiis, vigiliis, lachrymis tribuēs; piorum ciuium precibus, eorum maxime, qui simplices sunt, & incorrupti, omnia facta, impetrataque esse prædicabat. Habet certe Mediolanum, quæ proponat aliis in simili casu, tum sancti Pastoris, tum optimorum ciuium præclarissima exempla: siue, quod in primis graue est, requiratur, quod ad iuuandas animas; siue quod ad corpora subleuāda; & omnino ad omnium rerum aptam, rectamque gubernationem tenendam pertineat. Quid enim magis commune, quàm inuadente peste, sibi quemque, rebusque suis consulere; etiam a coniunctissimis discedere; longe, quantum potest, pericula fugere? quod magis peruagatum malum; quàm infectos deferri, rerum diuinarum inopia, curationeque omni destitui; plerumque etiam fame cruciatis, interire? quæ quidem contra diuino munere nobis euenerunt: ut vere Carolus dicere soleret, circumspectis rebus omnibus, piisque operibus ponderatis, fructum, quàm damnum multo maiorem fuisse ciuitatis. Ac singularis quidem Dei benignitas; ciuitatisque, ut in malis eiusmodi, singulare bonum, per se quidem apertum sine dubio fuisset omnibus: qui modo cogitare vellent, infinitæ prope multitudinis ciuitatem, pestilentia penitus occupatam, tam exiguo mortuorum numero; tanto rerum omnium ordine; tantis, tamque promptis ad salutem subsidiis feliciter euasisse. Sed illustrata sunt hæc omnia multo magis aliarum ciuitatum Italiæ casibus. quibus locis, etiam iisdem tentatis includendi populi remediis, longe maxima strages laicorum, sacerdotumque hominum fuit; ipsis quoque marium, foeminarumque monasteriis occupatis, de ciuitatibus loquor, quas vere pestis complexa est: nam verius quædam tentatæ sunt, quàm occupatæ. De rerum autem procuratione, quæ vel ad sustentandum corpus, vel ad subueniendum animæ pertinerent; de gubernatione tota; de supplicationibus aliarum ciuitatum, nihil attinet scribere: quæ quidem rebus Mediolanensibus (notam rem commemoro) ne minima quidem ex parte conferenda sunt. Adde huc item potest, qui velit; ut clarius, quomodo nobiscum actum sit, agnoscat, eorum recordationem, quæ ante annos circiter

circiter sexaginta Mediolanenses pestilentia vexati non semel
pertulerunt. id tantum commemorabo, quod Galeatius Ca-
pella refert; anno M. D. XXI V. cum pestis ciuitatem neq; tunc
primò, sed quartò iam per id tempus inuasisset; Dux, Senatus,
Magistratus omnes sese recepissent Modoëtiam; cò breui ven-
tum esse, vt res ipsæ ad victum necessariæ penitus deficeret. tum
infectorum maximum numerum, qui è ciuitate, vt fit, emissi
fuerant, cãptis armis in vrbe ingressum, noua pericula intulif-
se. supplicationibus demum, extrema rerum conditione habi-
tis, ita diuinam misericordiam impetratam; vt quatuor
mensibus tamen amplius quinquaginta millia ho-
minum in vrbe interirent; præter alios in-
numerabiles, qui in oppidis defi-
derati sunt.





DE

VITA ET REBUS GESTIS,

CAROLI CARD. S. PRAXEDIS ARCHI- EPISCOPI MEDIOLANI,

Liber Quintus.

Quæ post pe-
stem contra
Caroli auge-
ria sunt.

CAPVT. I.



VM res tantas Carolus gessisset;
restabat, vt iis præmiis afficeretur, quæ præstan-
tissimo cuique, ex iis, qui Christum sequuntur,
in terris quidem sunt expectanda. dico, vt variis
rursus molestiis, acerbitatibusque premeretur.

*Hominem ten-
tari cur per-
mittat Deus.*

Id cum Diabolus ad impediendum commune salutis negotium
semper curet : sæpenumero etiam Dominus permittit ; ne sese
homo magno salutis periculo efferat : & eo maiorẽ gloriæ mer-
cedem accipiat in coelo; quo grauioribus in terra perfunctus est
periculis, & laboribus. Caroli res pestis causâ gestas, præsentis,
absentesque; ij quoque qui initio in multis dissenserant; diuinis
laudibus extulerunt : & pene ex vltimis terris, etiam regiæ missæ
fuerunt gratulationes. alieni homines, ac maleuoli coacti sunt
vel obmutescere, vel probare multa. Sed non ideo tamen non
fuerunt; qui proximis annis duobus, negotium ei grauius etiam,
& molestius, quàm antea variis de rebus facerent. ac ob ea ip-
sa, quæ pestilentia causâ fecerat, criminis aliquid inuenirent ad
Pontificem Gregorium deferendum. Igitur Gubernator, qui iam
inde

inde ab eius cui succederat tēpore, alienum, a Carolo animum propter ea quæ tum acciderunt habuisse videbatur; vix morbi sublatis impedimentis, iurisdictionis ecclesiasticæ negotium instaurari curat: Senatus nomine Romam ea de re mitti iubet. delectus est Iacobus Ricardus iurisconsultus Laudensis; nunc Senatus Mediolani Præses, cuius virtutem, diligentiam, studiumque, cum regij legati probarent; modestiam quoque, & aduersus Carolum reuerentiam ipsi quoque Caroli procuratores laudabant. Ac eodem fere tempore venit a Rege missus ex Hispania Marchio Alcannisij, vir prudens, & pius; qui diu iam omnium iuris ecclesiastici controuersiarum causâ expectabatur, quæ in aliis quoque erant Regis prouinciis. de quo principe viro silendum non videtur; licet regiam causam caute, ac diligenter egerit; optimo tamen animo, summaque obseruantia in Carolum fuisse: nam & a Rege plurimi illum fieri affirmare solebat: stultumque omnino esse palam semper prædicauit, de ipsius mente quidquam a sanctitate alienum suspicari. Itaque Gregorij Pont. iussu nonnulli Cardinales, viris aliis eruditissimis adiunctis, rem totam cognoscendam susceperunt. Sed ad pristinas causas addi Gubernator iussit recentem de pestilentia querelâ; quod de sacris hominibus pestis causa custodiendis, & liberandis Carolus constituerat: feceratque, vt omnes, quicumque ecclesiasticæ administrationis gratia opus fuissent, ad omnia loca peruenirent, suorum tantummodo de sanitate testimoniis acceptis. eam ob rem ciuitatem scilicet in discrimen adduxisse criminabatur. Præterea Caroli administrationem; eiusque Vicariorum foris, & in vrbe magno studio scrutatus est, si quid inueniret errati; vt multis eum posset nominibus accusare: vsque eo, vt si ecclesia rectore casset; si quid forte grauius publice peccati poenitentia nomine imponeretur; & alia eiusmodi diligenter obseruarentur; & iis de rebus testimonia Romam mittenda colligerentur. Procuratores castellorum agri Mediolanensis eiusdem iussu multi Mediolanum vocati; varique de Vicariorum actionibus interrogati sunt: qui tamen licet minarum aliquid interponeretur, & ea de causâ non sine magno incommodo,

Gubernator iurisdictionis ecclesiasticæ instaurari curat negotium.

Marchio Alcannisij controuersiarum causa ex Hispania mittitur.

Quid de Regis mente referat Marchio.

Multas scrutatur vias Gubernator & Vicariorum apud Pontificem accuset.

pluribus diebus in vrbe detinerentur; adduci non potuerunt, vt contra Vicariorum ipsorum sacram gubernationem quidquam dicerent; aut vero, quod magis cuperetur, litteris consignarent. Quarum rerum idoneos quosdam Gubernator nactus videbatur administratos; ex quibus nonnulli Carolo plurimum ob eius merita debebant. Ciuitatis consilium in ea causa, sibi adiungere curauit: adduxitque tandem, vt primò litteras; deinde etiam, vti dicitur, nobiles legatos ad Pontificem mitteret; & de multis, quæ ipse iniusta iudicabat, populi nomine conquereretur. Accusationis vero capita erant; de ludis publicis, saltationibusque prohibitis; de festorum dierum integro cultu vindicato; de peccatorum quorundam absolutione, ob frequentiam, licentiamque nimiam, reseruata; de primo die Quadragesimæ in antiquum statum restituto; de seruitute, atque iniuria sacrarum ædium, ianuis a lateribus clausis, sublata; de marium, & foeminarum ad honestatem, decusque sacrum conseruandum in ecclesiis separatione; de beatorum patronorum Protasij, & Geruasij festo die, cultuque veteri redintegrato: & si quid simile forte nobis excidit. Quæ quidem, quoniam fieri non poterat, vt duriuscula quibusdam non viderentur; qui per se iis rebus commoti essent, eos tali auctoritate contra Pastorem suum multò grauius incitari; qui vero quieti, tentari magna ex parte, & non mediocriter commoueri, necesse erat. Interim vero si quid ipse horum posset, id re ipsa, factisque disturbare, rescindereque studebat. quæ Carolo displicerent, ea studiose conari videbatur. nam saltationes instaurauit; hastiludia etiam alieno prorsus tempore exerceri iussit: quæ olim de sodalitiolorum coetibus habendis turbata erant, renouauit. Ad hæc quæ collegia, monasteria, quique priuati vellent ex sacris, profanisque ordinibus, Caroli iussis, decretisque resistere; iis omnibus Mediolani, Romæ, auctoritate, gratia, suorum opera sese præbuit adiutorem: omniaque regij nominis integumento studuit honestare. Quæ Carolus melioris disciplinæ gratia faciebat; ea sæpius in personæ suæ sine causa vertit iniuriam; & ea de re magis etiam sese commotum præbuit. Neque, licet Carolus eum quandoque paterno mone-

*Accusationis
capita.*

Quæ Carolo displicent renouat Gubernator.

ret officio; qua de caussa, quoue animo faceret, simpliciter aperiret; rerum quas contra is tantopere laboraret, fructum ad Dei cultum, salutemque hominum demonstraret; acquiescebat vltimo modo tamen. Huiusmodi Gubernator per eos annos magno studio, vehementiaq; & sua sponte incitatus, & ab aliis, vt ferebatur, instigatus egit: & in ea contentione tamdiu perseuerauit, quamdiu licuit in vita commorari. At sacri quoque ordinis homines in multis ad rem perficiendam, Carolique sollicitudines, & curas augendas, ex altera parte non defuere. quod quidem earum rerum, quæ contra sanctitatis excellentis viros instando fiunt, plerumque solemnitas accessio quædam, atque cumulus esse solet. Cœnobitæ magna ex parte, propter ea, quæ circa suam, virginumque sibi creditarum disciplinam, eo quoque tempore Carolus agitauit, illi sese infensos admodum præbuerunt; præsertim ob eas hospitales ædes, quæ virginum cœnobiis ipsorum commodo sunt adiunctæ: quarum corruptelas quasdam tolli studebat. itaque Romæ quidam eorum, occasione ex ceteris, qui aduersabantur, arrepta, in eum, eiusque existimationem acerbe, quantum potuerunt, inuasere. Religiosioris item ordinis nonnulli, aliqua ex parte consenserunt; Caroli studiis, atque operibus non obscure detrahentes; & causam aduersariorum probantes. ac inuenti sunt, qui de suggestu celeberrimis in concionibus, id facere non vererentur. quorum dictis, Principis, ac omnium, qui cum eo Caroli oppugnandi negotium susceperant, animis acuebatur: alebatur multarum rerum licentia, quas iamdiu Carolus communi bonorum consensu, tollere contendebat: offensiones omnino publice ac priuatim extabant graues, & multæ. Quod libertatis genus, cum tacitus mira patientia, bonis indignantibus, diu Carolus tulisset: priuatisque tantum admonitionibus temperari beneuole curasset: demum iustitiæ seruandæ necessitate, gregisque sui charitate coactus, remouendum esse, coërcendumque statuit. ac ea concionandi ratio reprehensa Romæ grauiter, & punita est. Fuisse autem ex iis quoque, qui præcipuo religionem studio colere profitentur; qui diuersum a Carolo sensum haberent; haud

Ecclesiastici ordinis homines quidam, Carolo curas augens.

scio mirandum ne sit. nam ut quisque varie affectus est, ita varie sentire oportet. non est erga Deum par omnibus pietatis ardor. neque omnes ex iis, quæ proponuntur, optima sequuntur perpetuo. humanæ prudentiæ rationibus interdum, quàm religioso, diuinoque lumine, quidam magis ducuntur. Diuersa etiam sunt eorum, qui religiose viuunt. instituta; immo diuersæ ipsius sanctitatis viæ: hic ad seueritatem, duritiemque; ille ad comitatem, suauitatemque procliuior. Intra fortitudinis, temperantiæ, omnium denique virtutum gradus, alius ad summos nititur, alius inferioribus contentus est. Quæ quidem hominum

Hominum Varietate ferenda.

varietas ferenda est; si modo ipsi se inuicem ferant: ac non alter alteri, quia diuersam sequatur rationem, detrahere velit, & obtrektare. id enim non admiratione solum, sed castigatione dignum videtur; præsertim si in Præsulem fiat, & publico loco; quod nominatim sacris sanctionibus vetitum est. quod quidem vitium in tantis humanis perturbationibus studiose cauendum est, ac diligenter. impulsus enim, quo ad aliena reprehendenda mortales feruntur; vehemens plerumque est: ac ut quisque ingenio, doctrinaque maxime valet; ita solet acerrime, nisi magna virtus resistat, ad id incitari; libentiusque in excellentes, & spectatissimos viros: quod vel ad gloriâ illustrius id videatur; vel ad excusationem commodius, si quis ea non assequatur, quæ non excellere, sed extra virtutis modum prodire iudicat. Interdum ex hominum existimatione; immo ex ipsa religionis exercitatione, atque etiam ex aliqua diuini luminis illustratione, sese homines infirmi efferunt; sibi que de ceteris iudicium arrogant. Urget etiam maxime principum virorum auctoritas, & gratia: qua non moueri, & a recta mente non deduci, solidæ pietatis, & constantiæ est.

De Oblatorum
Congregatione.
& reliquiis
ecclesiæ maioris.

CAP. II.

INTER eas accerbitates, quarum exitum postea exponemus, Carolus nouas quærere non desistebat salutis vitæ progressiones. etenim ex præterita pestilentiae calamitate, quemadmodum aliis mortiferi æstus venenum in membra iniectum; ita illi pietatis, & charitatis ardor in animum immixtus videbatur: tuncque

tuncque magis quàm vnquam antea erat ad summòs sanctitatis, perfectæque disciplinæ gradus erectus. Illud inter alia, sublatò statim pestilentia morbo, curauit; vt cœnobiticam vitam vna cum clericis suis institueret. de qua tamen antequam narro; de sacris reliquiis dicam, quas ille sub altare subterranei sacelli; quod veteres Confessionem appellarunt, in ecclesia maiore recondidit. Sacellum hoc ipse perficiendum curauit, in primisque coluit; in eo Missæ sacrum frequenter facere solitus fuit; non semel integro noctis spatio pie vigilauit; in suo denique testamento sanctis reliquiis, sacraque, & pretiosa suppellectili locupletauit. tunc autem ibi condidit corpora sanctorum martyrum Cantij, Cantiani, & Cantianillæ; & item Maximi militis Thebæi: sanctorum Episcoporum Mediolanensium; Monæ, quod ab ipso Carolo antea è Fauisti ecclesia translatum diximus; Dionysij, quod vna cum Aurelij itidem Episcopi reliquiis, olim ab ecclesia Dionysiana translatum fuerat; & Galdini, quod Pontificiis insignibus, vel eorum saltem vestigiis ornatum, ita in arca marmorea inuenimus, vt primo fuerat sepultum. cineres sanctæ Pelagiæ; vnum ex ossibus sancti Iuliani Episcopi Cenomanensis. ex iis autem corporibus cū non modica pars ossium desit; quorundam etiam capita: crediderim ea esse in aliis ecclesiis, quæ eadem se habere corpora prædicant. Ea igitur omnia Carolus ad id tempus alieno fere loco habita, summa diligentia, decenciaque; condidit. & in cellula sub terrâ fabricata, testudine super eam ducta, insculptisque litteris firmiter clausit, mense Ianuario anni M. D. LXXIIIX. Capita vero martyris Thebæi, Monæ, & Galdini & item martyrum foeminarum principis Teclæ minime condidit; vt thecis argenteis includerentur; & celebritatis causâ in altari de more proponi possent. Redeamus nunc ad cœnobiticam institutionem. Cum pro Episcopalis vitæ statu, qui religiosos ordines quoscumque perfecta, optimaque vitæ institutione antecellit; & vtinam re, factisque semper antecelleret; humana studia Carolus, resque caducas animo iam penitus abieciisset: ad rem perficiendam, aliosque exemplo commouendos, illam animi conformationem, re ipsa præstare, factisque; exequi cupiebat.

*Subterraneum
sacellum in maiori
ecclesia
perficiendum
curat Carolus,
in quo nonnulla
sanctorum
corpora condit.*

*Cœnobiticam
vitam vna cum
clericis more
veterum episcoporum
institueret cupiebat.*

quod quidem ad imitationem eorum veterum Episcoporum valde pertinebat, quos in primis sancta colit Ecclesia. Egit primo ea de re cum canonicis maioris Basilicæ; quos ea cōiunctionis accessione, vti vere fratres arctius complecti volebat; & tamquam ecclesiæ senatum, vt veteres dixerunt, in ecclesia gubernanda coniunctè magis adhibere. neque vero id a superiorum instituto valde aberat; nam inter se olim eiusmodi vitæ rationem Mediolanenses canonicos, collatis in communem vsum fructibus, sub Archiepiscopo Oberto habuisse, testantur Eugenij tertij summi Pontificis litteræ; quas aliud agentes nos eo ipso tempore forte reperimus. volebat vero ipse quoque Carolus redditus suos omnes, vt alij, conferre: vt qui ei curæ præfectus esset, habita ratione dignitatis, officij, & eorum omnium, quæ Caroli persona, sancte tamen, postulabat; prout cuiq; opus fuisset, distribueret. & omnino quantum pro ratione dignitatis posset, pari conditione cū suis fratribus viuere, in animo habebat. Sed quamuis ex eis nonnulli consentirent, quibus vitæ ratio ad diuinorum consiliorum præscriptum proposita erat; ceteri tamen adduci non potuerunt. Id cum minime successisset; aliam societatem instituere constituit, clericis omnibus communem. qui cœnobiticæ disciplinæ imitatione viuentes, ecclesiæ Mediolanensi multò magis, quàm ceteri clerici mancipati, Archiepiscopoque addicti, sacra munera, quæ pro tempore, vsuque ecclesiæ oporteret, prompto animo ex Archiepiscopali iussu obirent. In eum numerum plures canonici, vna cum alijs presbyteris, & clericis nomen dedimus. vitæ conditiones post multa, Romano Pontifice consulto, hæc fere eo quidem initio constitutæ sunt: vt Oblati S. Ambrosij ij dicerentur; quòd non certo homini, sed ecclesiæ Ambrosianæ sese addicerent; vtque Archiepiscopo semper obedire promitterent, voti vinculo astricti. hæc vero eorū munera fere commemorata sunt; ecclesias per-lustrare, ac recognoscere; parochi munus, vbicumque necesse esset, ad tempus sustinere; sacras habere conciones; muliebribus cœnobijs sacris ministerijs inservire; christianæ doctrinæ rudimenta per ecclesias docere; collegiorum a Carolo institutorum guber-

Aliam societatem erigere constituit, nomen dant mulieribus, & Oblati sancti Ambrosij nuncupantur.

Fluuius societas, vbi munera quæ sunt.

gubernationi operam dare: Archiepiscopalis etiam domus ministeria obire. quibus quidem in rebus ita Carolus iis uti constituit, ut tamquam Apostolicos viros, quocumque opus esset, mittere; tum ad arbitrium suum reuocare, posset; utpote iis vinculis solutos; quibus clerici passim detinentur, haud penitus Deo, Ecclesiæque traditi; sed arbitrato suo viuentes; & commodis, vtilitatibusque suis, suorumque sæpe seruietes. quod si qui magis ad vitæ perfectionem accedere, rebusque suis omnibus, quæ possideri possunt, per votum se vellent abdicare; aut vero facultates suas retinentes, earum tantummodo potestatem ad Archiepiscopi arbitrium deferre; eos admisit. Laicis item locum dedit, qui sine voto operam suam facultatis, artificiiue cuiuspiam nauare vellent. Vota eius conditionis esse statuit, ut ea posset Archiepiscopus remittere; & iis astrictos, cum opus esset, liberare. societate non exclusit, qui certis ecclesiis addicti essent: quarum beneficia tamen dimittere, sicuti neque accipere, sine Archiepiscopi consensu non possent. Ita cum multi separatim per varias ecclesias, aliosque locos viuerent: certa quoque collegia constituenda decreuit, ubi clerici simul, tamquam in cœnobio vitam agerent. quam ad rem idoneos societati redditus assignari Pontificia auctoritate postea curauit: negotiumque totum confecit; quemadmodum institutionibus eo de genere editis fusius continetur. Eiusmodi societatis institutionem visus est studiosissime Carolus, si quid umquam, suscipere, & prosequi: ut in alliciendis ad eam clericis, humanitate, officio, familiaritate, oblitus interdum fere videretur grauitatis, amplitudinisque suæ. erat enim ad animarum salutem omnibus viribus quærendam tanto ardore incitatus; in quo congregationis illius summa consistere debebat; ut nihil in eo genere facere se posse, existimaret, quod minus non esset, quam res ipsa postulabat. Plurimis id persuasit; maxime tunc oblata diocesana synodi occasione; in qua tribus de more concionibus; propositis Dei ministrorum officiis; contra vero eorundem negligentia ante oculos constituta, licet modico admodum spatio ad meditandum dato; clerum adeo commouit; ut multæ lachrymæ profunderentur:

*Quibus modis
ad hanc societatem
ingredien-
dam clericos
alliciat.*

presby-

*In Diœcesana
Synodo dñ con-
cionatur, la-
chrymantur
multi.*

*Inchoata a se
societatis colle-
gium ad eccle-
siam sancti Se-
pulchri insti-
tuit.*

*Presbytero in
collegio agro-
tanti mini-
strat saepe.*

presbyterique; quorum alioqui plurimi diuturna quadam consuetudine ad res eiusmodi obdurescere solent; ad munera sua diligenter, sancteque obeunda mirum in modum accensi discederent. præsertim vero tertio die, visus est multis diuino spiritu afflatus, inusitatam quandam, diuinamque dicendi vim adhibere. Vnum ipse collegium constituit, ad ecclesiam sancti Sepulchri: quem locum boni presbyteri nonnulli, Monetaque inter eos, etiam ante Carolum Archiepiscopum colentes, antiquam Mediolanensium clericorum disciplinam, in maxima ciuitatis corruptela retinebant. In ea igitur ecclesia societatem, actis interuenientibus, instituit XVII. Cal. Sept. & primos sese offerentes celebri ritu, apparatuque recepit. quos alij magno numero secuti sunt: quamuis Caroli præsentia per mortem de medio sublata, locum multi deseruerunt; beneficiaque, aut alias vitæ conditiones quæsierunt; iis ad S. Sepulchrum relictis, qui vere sese Ambrosio, ecclesiæque Ambrosianæ tradiderant. At collegium, societatemque, quoad vixit, Carolus numero, sacrisque muneribus florentem conseruauit: Oblatis ipsi multum usus est: in eo semper perseuerauit, vt eius ordinis clericos benigne admodum tractaret, charosque haberet. collegium frequenta-
bat; sacra munera in eo, sacrasque & pias exercitationes publice instituebat: tum vero priuatim communicationes, consultationesue rerum ad eam disciplinam, & omnino ad clericales virtutes pertinentium, certis temporibus cum eis familiariter habebat, imitatione regularis instituti. Cum in eo collegio grauissime presbyter agrotaret, & mediocrum sententia morti proximus crederetur: ibi Carolus ipse humilia fraternæ charitatis officia captans, tanta assiduitate, die, nocteque ei affuit, atque etiam sæpius ministravit; vt singularem benignitatem, eximiamque tanti Præfulis humilitatem omnes obstupescerent: neque vero deseruit; donec post dies multos, quibus ille semper fere animam trahere visus est, mortis periculo liberatū reliquit. quod Caroli sanctitati, precibusque a Domino quasi per miraculum concessum esse, plerique crediderunt.

ANIMI diuinitus ardentis indicium, præcipuique res ex-
empli visa fuit omnibus Taurinensis peregrinatio. Habet Sab-
audia Dux, magno Dei beneficio, Sindonem illam, qua sanctis-
simū Iesu Christi corpus olim pij viri de cruce sublatum inuol-
uerunt. eam Carolus cum visere iam antea optaret; tum a pe-
stis calamitate magno eius rei desiderio cœpit teneri; neque am-
plius illius explendi tempus sibi differendum statuit. Ea re acce-
pta, Dux Emanuel, qui alioqui, & sacrum linteum ab oppido
Camberio, quod vltra Alpes situm est, Taurinum transferre ius-
sit de causis in animo habebat; & Caroli præsentia, consuetu-
dineq; frui pro sua pietate, & in eum obseruantia cupiebat; oc-
casionem arripuit; Carolū inuitauit; & linteum transferri ius-
sit; Iter pedibus facere Carolus constituit, quod est passuum o-
ctoginta millium. ex plurimis, qui libentissime profecti essent,
idoneum comitatum, sacrorum, piorumque hominum dele-
git. itineris, exercitationumque rationem ordinauit. dictus est
profectioni dies. Pridie vero eius diei, comitibus conuocatis,
exposuit quid in itinere fieri vellet. mane a sacerdotibus missa
facta; accepta ab aliis sanctissima Eucharistia; omnes affuerunt
cum baculis, & indumentis; quibus solent pia de causa peregrin-
antes vti. quibus ex ecclesiastico ritu, cum Carolus benedixisset,
discesserunt. clerus maioris ecclesiæ vsque ad portam ciuitatis
comitatus est. ibi Carolus breuiores vestes, baculumq; sum-
psit. tum canonicos pie admodum, atque amanter singillatim
complexus, magna cum multitudinis quæ secuta erat, piaque
iucunditate, dimisit; & iter ingressus est. Itineris ratio fuit: sum-
mo mane, sacris procuratis, aderant omnes; & ab ecclesia initiū
erat proficiscendi. bini ibant; & horis certa ratione distributis;
nunc ei rei a Carolo præfectus, salutarem meditationis mate-
riam tradebat; nunc taciti, & meditantes ibant; pias animorum
conceptiones postea conferebāt; alias alternatim psalmos pro-
nunciabant. interdum ex calculorū corona, quam manu tene-
bat quisque, precationem Dominicam, & Angelicam salutatio-
nem inter se repetebant. ambulanti bus denique nihil otij relin-
quebatur; totum viæ tempus salutariter consumebatur. Cum

Taurinensis
peregrinatio.
CAP. III.
Sindon qua
Christi corpus
fuit inuolutum
apud Sabau-
dia Ducem.

Camberio
Taurinum
Sindonem
Dux transfert.

Ad sacram Si-
sendam Sindo-
nem pedibus
iter facit Ca-
rolus.

Quid in itine-
re seruari so-
lit, exponit.

Quo apparatu
ad iter se ac-
cingat, quo or-
dine procedant
quibusque ex-
ercitiis occu-
pentur pere-
grini.

meridie, vesperique ad oppida hospitij caussa venerant; adibant ecclesiam primo; ibique Carolus more suo genibus flexis, cum suis canonicarum horarum preces obibat; licet corpore de via sæpe non mediocriter languenti. *dum manebant*; mensa, quæ semper moderationem, ne dicam inopiam præferebat, sacra lectione, pious sermone minime vacabat: reliquum temporis, quod erat exiguum, rebus corpori necessariis dabatur. Mirificus erat toto itinere concursus ad vias, quibus pius comitatus transibat. in oppidis, vicisque in quibus fortuitum semper hospitium eligebatur; ut mira omnium commotio; ita singularia erant christianæ benignitatis officia. certatim omnes honoris, & reuerentiæ significationes dabant. certatim etiam quandoque ad domum quisque suam rapiebant peregrinos; ubi pie admodum, amiceque eos tractabant; pedesque lauabant. aliàs vero, si aduentus differretur ad noctem, lumina ex cunctis ædibus proferebantur. comites in itinere multi sese offerebant. Ioannes Franciscus certe Episcopus Vercellensis, una cum aliis viris religiosi, ab vrbe sua numerum auxit. Quamquam autem ipsa tota actio ita ordinata, plena optimi, & inusitati exempli erat; quædam in Carolo tam præcipue licebat passim obseruare: singularem quandam hilaritatem, quam ex incommodis hospitii capiebat: non patientiam solum, sed gaudium, quo pluuias, lutum, alias viæ difficultates, corporis etiam defatigationem perferebat: ex qua ægre admodum sæpenumero membra trahere videbatur. interdum etiam antequam cibum sumeret, mira humanitate, & modestia ieiunus adhuc aliis prandentibus legebat. Toto iucunda res fuit itinere; amplissimi Pontificis personam videre cum inopis peregrini humilitate coniunctam. sed iucundissimum omnino spectaculum; cum eo quarto denique die Taurinum appropinquante, qui fuit V. Id. Octobris; post Archiepiscopum, nobilesque viros multos, Dux ipse cum Principe filio; tum Cardinalis Vercellensis, multique Episcopi, qui conuenerant, obuiam humili, atque abiecto peregrinorum numero; cum nobilissimo comitatu, armatorumque militum ordinibus processerunt; faustisque salutationibus, cum magno tormentorum bellicorum

Frequens populorum concursus ad peregrinos suscipiendos, simul & excipiendos.

Episcopus Vercellensis cum suis religiosi numerum peregrinorum auget. Maxima alacritate incommoda sustinet Carolus.

Dux cum principibus suis cum ecclesiasticis ordinibus, tum secularis peregrinis obuiam procedit, magnoque cum honore illos excipit.

licorum sonitu exceperunt; seque socios itineris modici, quod restabat, in eum numerum intulerunt. Ventum est primò ad maiorem ecclesiam precandi causâ; postea in palatium ad sacellum sancti Laurentij, vbi sacra Sindon erat; maxima cum hominum multitudine; non solum ex vicinis locis, sed Mediolano, & ex aliis ciuitatibus, regionibusque, qui rei fama permoti, cupide conuenerant. Ibi Carolum quasi factum subito ex egente ditissimum, non sine delectatione obseruabant multi, magnificentissimo, planeque regio apparatu, quem præcipuo studio Dux adhibuit, ita plane vt, vt tuguriis in itinere vsus fuerat. Ac licet ob exorta itineris labore sub pedibus tubercula, ita laboraret, vt incisione etiam opus fuerit; noluit iacere tamen, & munera sua libere semper obiit. postero die priuatim peregrinis sanctum Linteum ostensum est; Carolique iussu multa de eo dicta sunt ad animos, ex tali specie per se maxime commotos, magis etiam excitandos. publice deinde spectandum in amplissima platea, præsentem, tenentemque Carolo cum Episcopis omnibus, Pontificiis vestibus indutis; Duce, nobilitate, omnique populo astante, propositum fuit. Mox ante illud in maiore ecclesia decenter, cum perpetua sacrorum virorum, & religiosæ militiæ custodia, collocatum; quadraginta horarum supplicationem de more Carolus instituit; horis clero, & populo ad conueniendum, precandumque distincte distributis. quo in supplicationis munere partes suas minime desiderari Dux ipse passus est. singulis horis, singulas conciones viri sacri, suam quisque, Carolo de more id exigente, habuerunt; etiam Episcopi, & Cardinalis ipse Vercellensis. Carolus vero plures habuit. Cumque plurimos aduenisse ex propinquis vallibus hæreticos animaduersum esset; tum ad eos sanandos conuersæ sunt conciones; tum tempus supplicandi etiam prorogatum. Octauo demum die Carolus, cum toto eius temporis spatio in ecclesia, intra parietes, in mensa, & vbique salutaria dicta, exemplaue, vt cuiq; coniicere facile est, abunde protulisset; iam iam discessurus, longos habuit cum Duce de imperio pie administrando sermones. tum vero surrexit amplissimus Princeps; & ad Caroli sese pedes abiicit;

Peregrinis priuatim sanctum Linteum ostenditur.

In platea publice spectandū proponitur.

Quadraginta horarum supplicationem in maiori ecclesia instituit Carolus.

Huius rei causa Hæretici Taurinum concedunt.

Discessurus Carolus cum Duce longos habet sermones.

Ducem filiorumque humilitas & erga Carolum obsequantia.

Quid Principi filio inbeant Dux.

Nobilis Cinitatis matrona baculum quo inuimere & suus est Carolus conquisit ac pie seruauit.

Ad Varallium montem diuertit Carolus, spiritualibus exercitationibus occupatur.

idemque Carolum Emanuelem filium, nothumque Amadeum facere iussit. ac supplex, ut sibi, filiisque benedicere vellet, postulat. recusabat Carolus, suum id eo loco non esse dicens; & quantum poterat, cum erigere munus accepisset; negabat surrecturum: cum lachrymas neque Dux ipse, neque astantium quisque tenere posset, in tam praelara, atque illustri singularis pietatis, religionisque specie. cum impetrasset tandem, quod postulauerat; iussit Principi filio, Carolum obsecraret, ut se filij loco semper habere vellet; ipse perpetuo tantum virum coleret, eiusque praeceptis studiose obediret. tum ipse quoque Carolum ea dere vehementer orauit. Id re ipsa effectum est: nam paulo post Emanuele mortuo, Carolus Emanuel Dux factus, Cardinalem Patris loco semper habuit: illeque Ducem quibus rebus potuit semper ad salutem, imperiique prosperitatem amantissime iuuuit: neque tempus ullum praetermiserunt, quo simul esse possent; quin eo studiose vterentur. Ita se habuit peregrinatio illa, pietatis fructu sine dubio in omnes partes vberima; Caroloque ipsi ob sanctissimi Lintei in primis cōtemplationem diu expetitam, deinde etiam ob perspectam Ducis singularem pietatem, Principisque optimam indolem, iucundissima. Non est praetereundum; nobilissimam ciuitatis matronam, baculum, quo ille in itinere vsus erat, magno studio conquisitum apud se pie seruasse, atque inter res charissimas habuisse. ut videatur Dominus eiusmodi honores prorsus inusitatos Carolo tunc eo loco haberi constituisse; cum alibi sollicitudines, & molestias inusitatas sustineret. Inde Carolus accepta ecclesiarum quarundam visendarum occasione, diuertit ad Varallium montem, ut propositis per loci illius imagines Domini perpeffionibus; ipsam rursus quodam modo sacri Lintei miserabilem speciem, quæ eius vulnera, cruciatuque omnes acriter admodum refert, absens renouata meditatione contempleretur. Ibi animum diuinarum rerum cogitationibus, corpus vero pane, & aqua tantum sustentauit; noctem totam ad ædiculam quandam, ex iis, quas mons plurimas habet, vigilias egit, vnacum Francisco Adorno societatis

IESV; quo sæpe sacrarum exercitationum adiutore vti solebat: demum Mediolanum rediit.

INTER alios salutes fructus, quos ex ea diuina pestis animaduersione populum suum percipere Carolus volebat, erat integra morum conformatio illius temporis, quod a festis Natalitiis ad Quadragesimam interponitur. cum enim superioribus annis, corruptelas eiusmodi non mediocriter moderatus esset; cupiebat, sperabatque, eas omnino tunc demum tolli posse. animis enim periculis, afflictioneque deterritis; verisimile videbatur fore, vt consuetum illum ad voluptates impetum homines remitterent; & ad diuinum cultum attentiores in posterum redderentur. Atque anno M. D. LXXII X. hoc est extincta vixdum pestilentia; ita prorsus euenit, vt ille cupiebat: quamquam, quod ad Principes viros attinet; non tam fecit recens morbi, periculorumque memoria; quam pietas optimæ feminae Annæ, Gubernatoris vxoris; quæ rebus diuinis, salutaribusque dedita, Carolique studiosissima, virum quantum poterat, in eo genere moderabatur, adolescentescque filios refrenabat. ceterum reliquo anni tempore, quamuis a spectaculis, ludisque alieno; maxime vero iisdem proximi anni M. D. LXXIX. diebus, nihil ad moderationem valuit; non recens castigatio; non vxor; non Caroli studium; non rei frumentariæ inopia, quæ pestem consecuta est; non Belgica pericula, armaque Regi catholico, & Ecclesiæ sanctæ infestissime illata; quæ quidem vitiorum detestationem, supplicationesque exposcebant; non autem voluptates, & vitia. non Regis ipsius denique, regiæque familiæ luctus; immo neque ipsa etiam regia mandata valuerunt: cum tamen eorum quoduis per se valere debuisset. luctum regium intelligo, ex filij adolescentuli Ferdinandi Hispaniarum Principis obitu, adiuncta præsertim etiam Ioannis fratris nothi, quem Belgicis rebus præfecerat; Vincelsai Mariæ Imperatricis eius sororis filij; & Sebastiani Lusitanæ Regis eius propinqui, morte. quibus de rebus, quæ quidem trium mensium spatio acciderât, Regem & in mœrore esse, & nouarum curarum accessione val-

Contra vitio-
sas voluptates,
spectaculaque
pugnat. Finit-
imas ecclesias
iuuat.

CAP. I V.

1579.
Multos habet
Gubernator
quibus respi-
scat impulsus,
sed frustra.

*Ob filij obitum
pias ad Prouin-
ciarum Præsi-
des litteras dat
Rex.*

de premi credibile erat. Atque Ferdinando Octobri mense ante mortuo, cum ad Præsides prouinciarum Rex pias admodum litteras dedisset; Carolus iis vti commodum putauit, quæ Gubernator Mediolanensis acceperat, ad malas proximi temporis consuetudines excludendas. scribebat Rex, magno se quidē ex obitu filij dolore affectum, tum quod optimæ esset indolis, optimæque spei; tum quod ei se, vt primogenito, & Principi hæredi iureiurando regna Hispaniarum obstrinxerant. se tamen ciuismodi a diuina manu æquo animo vulnus accepisse; imo gratias egisse; quod innocentem adhuc puerum a terreno, ad cœleste regnum transtulisset. proinde omiſſis luctuosis officiis, supplicationes publicas, ad impetrandam flagitiorum veniam, magna; reipublicæ incommoda deprecanda, decerni curaret. id quò facilius obtineretur; daret operam, vt quatenus regio ministro conueniret, flagitiosi mores qui calamitates inuehere solent, studioſe corrigerentur. Carolus igitur Regem, Reginamque prius religioſe per epistolam consolatus; eas litteras, ſuis ad populum litteris incluſas, proposuit, atque edidit: populumque grauiffime monuit, vt Regis ſui fortitudinem obſeruaret, & in aduerſis imitaretur; incommoda maxima precando ſubleuare ſtuderet; auctoritatem, iuſſumque abſtinendo, beneque agendo exequeretur; idque in iis præſertim vitandis malis, quæ ſolebant ex publicis vitioſis voluptatibus proficiſci. Varias autem ſupplicandi rationes, iis litteris, per eccleſias vrbis, aliasque præſcripſit, atque inſtituit; pro catholica Eccleſia; pro regia proſperitate; pro ſalute mortuorum Principum: quibus etiam in ſequentes meſes populi pie, feſtis præſertim diebus occuparentur. quod vt alij quoque prouinciæ Mediolanensis Epiſcopi facerent, litteris ad eos datis, admonuit. Inſtituit eo tempore, quod poſtea fruſtuoſe publicis de cauſſis retinuit: vt parochi poſt veſperinum officium, certa capita populo in eccleſia congregato ſingillatim, tamquam precandi materiam, denunciarent; vt congruo tempore cuique capiti attributo, horæ ſpatium, tum mente, tum voce etiam, ſimul precando conſumerent. Hæc Carolus cum prouidiſſet; quamuis ſupplicationes quidem non omit-
terentur;

*Carolus Regem
Reginamque
per litteras cõ-
ſolatur.*

*Populo Regis
epistolam ſuis
incluſam litten-
ris proponit.*

*Varias ſuppli-
candi rationes
inſtituit.*

terentur; in ipsis interdum plateis per religiosos viros de rebus diuinis sermones haberentur; indeq; ad ecclesias, & diuina officia homines cohortationibus inducerentur; ipse iam consuetoritu totos dies inter populum, & altare perseverans precationi operam daret: consuetas tamen voluptates Gubernator excludi non est passus. qua de re commotus Carolus alteras literas edidit, in quibus grauitur eos obiurgauit, qui calamitatum publicarum, Regis, salutisq; suæ oblitum, tempora sacris precibus destinata vellent adhuc violare. sed nihil amplius effecit obiurgatio, nihil aliena tamen a sanctitate moderate commoti Patris; quàm vt eam Gubernator in maledicti loco haberet; & quasi crimen quoddam, vna cum aliis Romam deferret. immo cum superiores dies in spectaculis, publicisq; voluptatibus consumpsisset: rebus omnibus rursus ad insignem equestris ludi apparatus dispositis, ipsam quoq; diem Dominicam sibi violandam putauit; quam esse Quadragesimæ caput, atque initium Carolus antea declarauerat; iamque vniuerso populo ita persuaserat, vt eam sancte obseruaret. quod idem facturus deinceps Gubernator in aliis sacri illius temporis Dominicis dicebatur. Sed Carolus cum id resciuisset, edicto subito promulgato, grauissimaque anathematis proposita pœna, ludos illos prohibuit, & sacrum institutum defendit: neque enim Gubernator sanctum Antistitis iussu, terribilemque pœnam ausus est contemnere. Multa quoque per ea tempora Carolus egit ad finitimorum utilitatem; quorum erat illi, cum ecclesiæ suæ recta administratione, cura coniuncta. Prouinciæ suæ ecclesiis partim ab ipso, partim ab aliis perlustrandis, atque ordinandis consuli curauerat. Nouariensis visitationem, quæ restabat transtulerat in Ioannem Franciscum Vercellensem Episcopum: Laudensem vero in Franciscum Episcopum Nouariensem: Viglebanensem ipse hoc eodem anno, quippe paruum, paucis diebus recognouit. sed Nouariensem negotium differendum putauit; quod aliam grauiorem prouinciam, necessitatisque maioris Episcopo Vercellensi potius dandam iudicauit. A rebus Helueticis, Rhæticiisque prouidus Antistes oculos non deiecit. videbat enim quàm miserabili

*Ad populum
iterum das li-
teras.*

*Quo sensu hæc
omnia accipias
Gubernator.*

*Ne in prima
Quadragesima
dominica die
ludi fiant edi-
ctum promul-
gat Carolus.*

*Vt Prouincia
sua ecclesia
perlustraretur
curat.*

*De Helueticis,
Rhæticiq; in-
uandis rebus*

*statu
cogitat.*

statu essent ecclesiasticæ res in multis earum regionum locis; quamque earum malum vicinum nobis. miserebatur imperitæ multitudinis, cuius perniciem, vastitatemque augeri, pestifero hæresis morbo videbat. cura erat omnino Mediolanensi Archiepiscopo, sed magis tali Archiepiscopo digna. Atque in Helvetiis ad religiosiorem gubernationem adducendis, quatenus ad ea, quæ curæ sunt Archiepiscopalis, pertineret, multum profecerat: in aliis sapissime gentem iuuerat. & cum ab eis plurimi fieret; si quando se in eorum negotiis pacis communis, salutisque causâ interposuerat, fructum tulerat laboris sui non mediocrē. nouerat vero ex longo usu, iam inde ab eo tempore, quo Heluetios habuit in clientela, quibus viis ad eos aditus esset; quæ ratione cum eis agi oporteret. Telinam vallem, quam Volturen-

Populus Rhætorum imperio subiectus in spiritualibus fertur opem.

nam alij dicendam putant, omnesque populos, qui Rhætorum in imperio sunt, variis item rebus tueri, adiuuareque solitus fuerat. Omnes ij scilicet, modo catholicè sentirent, si quid opus erat ad res sacras, animisque salutare, confugiebant ad eum; de veniis Romæ impetrandis; de presbyteris, & concionatoribus adducendis; de religiosis collegiis constituendis, ad eum referebant. nonnumquam etiam litteris Principum ad Rhætos impetratis, piorum hominum libertati in religione tuenda consulere studuit. quibus rebus eorum calamitates, & pericula melius

Ut Vercellensis Episcopus ecclesiæ Comensis recognoscenda præficiatur curat.

cernere potuerat. Curauerat inter alia, eundem Episcopum Vercellensem Comensi ecclesiæ recognoscendæ, & ordinandæ Romana auctoritate præponi; quæ Mediolanensi finitima per eandem regiones late patet. idque magis faciendum iudicauerat, quod Episcopus Comensis officio suo, catholicis hominibus earum partium subleuandis, nescio quomodo impeditus, parumungebatur. Id muneris obiit Ioannes Franciscus egregie; & per ea loca, etiam in hæreticorum imperio, catholicis sæpe functus officiis, non sine vitæ periculo, plurimos ad salutem iuuit; catholicos confirmauit: ecclesiæ Comensi in vniuersum; rebus multis pie restitutis; multis canonicè conformatis; vtilissimam operam præbuit. Cum autem hoc tempore, vix id negotij ille absoluisset; rursus Carolus consilium iniit, vt in præclarissimo

rissimo opere per eundem Episcopum progredetur. itaq; nemo cum esset in regionibus illis, qui Romana auctoritate christianas res, catholicasque procuraret; & magna esset sacrarum rerum confusio; cum in Helueticis, Rheticisque ecclesiis Visitationem, & Internuncium Apostolicum Romę decerni curauit. Idoneum eiusmodi prouincię putauit virum illum; qui non tantum sibi proponeret publicam amicitiam tueri; Romanamque dignitatem conseruare; quamquam & hæc studiose, atque diligenter; sed in primis diuino cultui restituendo, augendoque inseruiret. cuiusmodi nuncios Carolus desiderabat; præsertim ad nationes hæretico malo corruptas. Id ut perfectius ille conficeretur, consilio, studio, cura que sua præsto fuit, quibuscumque rebus opus esset. dedit etiam ex numero suorum administratos; M. Antonium Bellinum iurisperitum in primis; qui nuper operam suam Carolo, atque ecclesię dicauerat. Ad easdem iuuandas nationes aliam quoque; iniiit Carolus rationem: ut Mediolani collegium constitueretur, in quo earum nationum clericis pijs moribus educarentur; catholicaque doctrina instituerentur. qui deinde sacerdotio initiati in patriam reuertentes, Ecclesię statum tueri possent. qua in re, licet Helueticis, Rheticisque opem ferre vellet; Telinæ tamen valli cupiebat subuenire; & ei viciniori omni, quæ est citra Alpes; tum propter loca nobis propinqua; tum ob ingenia quoque, non ad eruditionem tantum, sed etiam ad probitatem accommodata; quæ Carolus solebat non mediocriter commendare. negotium igitur iam multò ante propositum, & deinde intermissum, rursus suscepit; & quæ fuit Gregorij Pontificis pietas, etiam confecit. Assignata est collegio ecclesia, & ædes sancti Spiritus Mediolani, in qua olim Humiliatorum Præpositura fuit; tunc vero erat Cardinalis Alexandrini. cumque nihil tunc quidem suppeteret, quod perpetuò posset ad sumptus necessarios assignari; tribuit liberaliter Pontifex magnam pecunię summam, donec aliquid occurreret perpetuò tribuendum. Iacta sunt hoc anno Calend. Iunij collegij fundamenta. Carolus deinde diligentia, atque attentione vsus, stabiles facultates ab eodem Pontifice impetravit; fructus Præ-

Vi idem Ver-
cellensis Epi-
scopus Vistator
Internunci-
que Apostoli-
cus ad Helue-
tios, & Rhæ-
deligatur effi-
citur.

Ad istarum
Nationum cle-
ricos pie infor-
mandos Medio-
lani collegium
constitui cu-
rat.

posituræ Modoëtiensis sanctorum Iacobi, & Philippi; sanctæ Crucis Nouariensis; S. Antonij Papiensis, ad aureorum nummum fere duo millia: atque ædibus illis alienatis, ampliores, commodioresque comparauit; in quibus pro facultatum modo magnus clericorum numerus, quos Archiepiscopus approbaret, educaretur, ad salutarem earum nationum vtilitatem. Insignes quoque Præposituræ, quæ Mirasolis dicitur, fructus obtinuit, cessione Marci Sittici Altaëmpsijs Cardinalis, anno M. D. LXXXI. ad aureorum fere tria millia, si integri percipiantur. quam piam, præclaramque liberalitatem suam Marcus in Constantinensium suorum in primis, sed Altaëmpsiarum quoque, & aliorum quorundam cōmodum redundare constituit; quemadmodum actis ipsis latius continetur.

Cardinalis Altaëmpsius Præposituram quæ Mirasolis dicitur Collegio resignat.

De cōcilio Episcoporum quinto; & constitutionibus clericorum regularium sancti Pauli.
CAP. V.

QVINTVM consueti anni tempore celebrauit Episcoporum suorum concilium; in quo multa decreuit ad fidem catholicam a vicinis hæreticis tuendam; ad christianam doctrinam tradendam, & in populo conseruandam; ad sacros dies, sacraq; tempora recte colenda; & ad alias christianæ disciplinæ partes tuendas, spectantia. præcipue vero de Episcopi, & presbyterorum officiis pestis tempore; & de omni cura, & gubernatione ad Dei sacerdotes tali tempore pertinente, ex iis, quæ experiendo, & perficiendo cognouerat, multa constituit. in quo nouam, & pulcherrimam Ecclesiæ Dei parauit supellectilem. quintum celebrauit quamquam quarti decretorum volumen Romam anno ante probationis causâ missum, vt absolueretur, nondum impetrare potuerat: inciderat enim in eosdem scopulos, in quos res eius reliquæ. Illius concilij Episcopi, cum aduertissent inter alias corporis afflictiones, illam quoque Carolum suscepisse, vt super asseribus cubaret; quod quidem ad salutarem, & quietam tali tempore gubernationem gregis sui a Domino impetrâdam, tunc fecisse credibile est: etiam, atque etiam ab eo postularunt, tandemque obtinuerunt; vt tantam remitteret asperitatem; & paleas saltem pro lignis substitui pateretur. Operam dedit post concilium valde opportunam; grauissimamque præsentia suæ tribuit

Vt tantam Sice asperitatem remitteret Episcopi qui quinquies interfuerant provinciali Concilio Sex impetrant.

Quam auctoritatem Congregationi clericorum regu-

tribuit auctoritatem Congregationi Clericorum regularium S. *larium sancti*
 Pauli: quæ nouas sibi constitutiones, cum ei veteres auctæ iam, *Pauli. præsen-*
 & amplificatæ non sufficerent amplius, scribere, summo Ponti- *tia sua tribuat.*
 fice approbante, instituerat. ipse enim pro sua antiqua erga eam
 voluntate, quodd libentissime commemoro, Patrum consulta-
 tionibus ea de re habitis amantissime interfuit, & præfuit; om-
 nia quæcumque constituenda iudicarentur recognouit, proba-
 uitque; & Pontificia quoque auctoritate confirmanda curauit:
 vt ex antiquis Episcopis vnum posses agnoscere, qui pro sui sta-
 tus eximia præstantia, etiam de eorum disciplina, qui excellen-
 tiorem christianæ vitæ formam propositam habent, optime iu-
 dicabant; atq; adeo illam ipsam vitæ suæ exemplo exprimebant.
 est vero, cur id diuini, maximique beneficij loco, quod facimus,
 ducere debeamus; quodd tanti viri benigno adiumento, atque
 auctoritate, iacta sint nostræ amplificationis fundamenta. nam
 & rerumstrarum ab eo tempore euentus ita perspicue con-
 firmant. At Caroli quoque beneuolentiæ, atque amoris respon-
 dit semper ordinis nostri inter ceteros, vel potius, si bona om-
 nium pace dicere licet, præter ceteros omnes, summa obseruan-
 tia, constansque eius studiis obsequendi, atque inseruiendi vo-
 luntas: vt tantum ei Patres obedire eiusque sanctos conatus iu-
 uare studerent; quantum ille eos benigne complectebatur, &
 nouis semper beneficiis ornabat. Studuit eodem fere tempore
 diligenter; vt erat cœnobitarum disciplinæ iuuandæ studiosissi-
 mus; & ad eorum pia commoda, progressionescq; semper, etiam
 inter maximas occupationes, paratissimus; rebus ordinis illius
 componendis, qui sancti Ambrosij dicitur, Mediolanique, ac
 aliis quibusdam locis ritum seruat Ambrosianum. quibus vt res
 suas optime constituerent, religiosissimi Antistitis auctoritas,
 atque diligens opera non defuit. edidit libellum per id tempus, *Libellum edi-*
 quem Memorialem inscripsit: vt ex eo Mediolanenses afflictio- *dis peruersum.*
 nis, liberationisque suæ proximæ; tum causarum, vnde profecta
 afflictio existimari debebat, memoria conseruata: res prosperas
 temperarent; gratias Deo haberent, agerentque semper, sibi que
 in posterum cautius prouiderent.

ad Constantiam Augustam. & Ioannes eius vitæ scriptor, qui pluribus post eum seculis vixit, loco brandei postero tempore, particulas vestium quarundam ex altari S. Ioannis Constantianæ Basilicæ pro reliquiis, petentibus datas affirmat. hanc Romanam consuetudinem tam sancte testatam, si quis respiciat; neque aliquid ex Apostolorum corporibus Roma potuisse afferri tempore quo Paulinus demonstrat, credibile duxerit; & hæc velamina reliquias esse a Paulino demonstratas recte, ni fallor, iudicauerit. quæ quidem an sint veneratione digna, illud declarat; quod cum S. Leo primùm, mox idem Gregorius huiusmodi pannos incredulorum causâ incidissent, sanguinem mirabiliter effuderunt. Cum autem in rotundo vasculo incisas litteras vidissem huiusmodi, Dædalia viuas in Christo; putavi aliquid ea in re esse, quod ad clarissimam quoque, præstantissimamque virginem Mediolanensem Manliam Dædaliæ pertineret; quæ cum per ea tempora vixerit, earum reliquiarum partem fortasse contulit. hæc pauperum mater, ob insignem in eos liberalitatem appellata est; & annis sexaginta, quibus in hac vita fuit, sanctissime coluit virginitatem. cuius memoriam, quamuis publico non colatur honore, obseruare semper, & colere Mediolanenses, maxime autem Deo dicatæ virgines debent. Sub alio item præcipuo altari ad caput ecclesiæ constituto, quod itidem tollendum, & commodiorem loco constituendum fuit, celeberrimi martyris Nazarij, vnde præsens nomen ecclesia accepit, reliquias inuenimus; quæ alte sub terrâ inter tenues quasdam, & politas marmoreas tabulas conditæ erant. vidi succidum quiddam adhærere inferiori tabulæ; quod equidem vestigium esse recentis sanguinis putavi, quem a sancto Ambrosio cum reliquiis huius martyris mirabiliter repertum, Paulinus narrat. neque enim coniecere potuimus, corpus ex eo tempore motum esse, quo illud Ambrosius condidit. apud loculum sancti Nazarij arca inuenta est, duorum corporum ossa continens; quæ quorum fuerint, ignoramus. ex vtroque autem loco magna odoris suauitas cum sepulchra aperirentur, afflata est. A latere dextro ecclesiæ, fere sub Loco Euangelij legendi, aliam arcam

Manlia Dædalia Mediolanensis Virgo præclarissima.

aperuimus; quæ paruulo sacello, altarique munita, sancti Vlrici, siue vt alij, Arderici vulgo appellata, a multis præcipuo cultu frequenter visebatur: cui loco eiusdem sancti viri statua etiam appositæ erat. omnia vero erant remouenda; vt ecclesiæ apta, decentisque forma constitui posset: inuenimus in arca indumentis Pontificalibus ornatum corpus; quamquam simul ac ea aperta est, eorum species tota propemodum euanuit: quisnam Episcopus ille fuerit, Mediolanensisne, an Augustanus, vt quidam putant, aut verò alius; adhuc equidem ignoro. Has igitur reliquias Carolus inuentas, pie manibus suis collegit, nobis sancto officio inseruientibus: quos iubebat eiusmodi semper actionibus adesse. Absoluto autem, vt dicebamus, anno ~~insequenti~~, Episcoporum concilio; hæc corpora religiosa admodum, celebriq; pompa extulit; & congruo viarum ambitu, portans ipse cum Episcopis sancta feretra, populo frequentissimo ad venerationem proposuit. cōmemoratas reliquias omnes collocauit sub nouo magno altari: præter episcopales illas ab ecclesiæ latere dextro ablatas; quas ab eadem parte in extremo ecclesiæ brachio posuit, & altare super eas construxit: nam aptus ad id erat locus; quoniam in opposita ecclesiæ parte aliud è regione simile respondebat; sub quo itidem sancti Matroniani corpus alio loco antea positum, tunc retulit. at efficiebatur quoque, vt dextri lateris eiusdem ianuam, quam nuper, vt in ceteris ecclesiis claudi iusserat; nemo posthac, appositi corporis saltem gratia, esset patefacturus. Ratio condendarum reliquiarū qua Carolus vsus est, quamq; in posterum præscripsit, fuit sane magis quàm antiqua, quantum perspicio, & ad conseruationem aptior, & ad memoriam accommodatior; quæ quidem eius editis libris continetur.

*Quali pompa
& celebritate
sacras transfe-
rat reliquias
Carolus.*

*De Caroli re-
bus inclinatis,
& profectione
ad Vrbem.
CAP. VII.*

INTER EA contentiones aduersus Carolum susceptæ, to-
tisque hoc temporis spatio continuatæ res eius tantum in disci-
men, & inuidiam adduxerāt; vt nihil fere amplius actorum eius
Romæ defendi posse quibusdam videretur. Incommodis ser-
monibus, & rebus inuidiose relatis iam diu completas aures, vix
demum Ecclesiæ principes multi sine fastidio Caroli procura-
toribus

toribus dabant. Eius existimatio, quod ad iudiciũ, prudentiamque pertineret, suspensa, neque mediocriter apud multos erat extenuata. Importuni rumores spargebantur, Carolum plerisq; odio esse in prouincia Mediolanensi; vix ferri posse amplius: immo ferebatur; mandasse Regem legatis suis, vt cum Episcopatu Mediolanensi moueri curarent: Gubernatori vero, vt vi contra eum libere vteretur. vulgatum est eundem Romam breui iturum, neque rediturum. quæ quamuis neque vera essent, neque similia vero; magno tamen cum detrimento rerum Caroli iactabantur. Mediolani nonnulla ex iis quæ pie is instituerat, iam pene lapsura videbantur. nempe inter alia, rumore quodam studiose per urbem, diœcesimque disseminato; chorearum licentia subito loca multa peruasit. eoque res deuenit; vt in vico quodam, Carolo prope inspectante, qui eam diœcesis tunc partem lustrabat; nonnulli temerarie cogerent ferme puellas, aliosque; vt ab ecclesia, christianæq; doctrinæ schola, discederent ad choreas celebrandas. quod quantum Carolo doloris afferret, facile est coniicere. vel ipsi certe laici, vt erat bonorum omnium sensus, maxime dolebant, eiusmodi impunitatem dari. Omnino ita inclinatum videbatur totum de disciplina restituenda negotiũ: vt ad felices exitus posthac erigi vniquam posse, plerique desperarent. Cum tantis incommodis Carolus conflictaretur; animo quidem in rebus suis agendis minime deficiebat: & se tamẽ non mediocriter fatigatum interdum fatebatur: de quo Pontifici etiam significari iussit: non id fieri solum contumacia, insectationeue hominum; sed ob eam quoque maxime causam; quod facta sua, si qui repugnarent, quasi iudicium accipiens, litemue persequens, Romæ defendere singula cogeretur. ad retardandum Episcopi animum, qui suam ordinare cuperet ecclesiam, non parum id valere. venire in mentem facile posse; cum id fecisset, quod rectum, piumque videbatur; demonstrasset etiam quærenti Pontifici, quid in eo spectasset: tum nihil aliud agere, curareue; remque totam summis iudicibus libere permittere, siue confirmandam, siue rescindendam. prouocationes quidem omnium ecclesiarũ pro summa Apostolicæ auctoritatis dignitate,

*Carolo doloris
causa non me-
dica.*

tate, iustitiaque minime debere contemni; neque eorum, quæ ubique fierent recognitio recusari: sed ita tamen; vt omisso sæpe iudiciorum more, Episcopo facti sui, præsertim non grauissimi, rationem, in re comperta reddenti, fides haberetur; cui grauissima, omniumque maxima animarum cura credita esset. Specianus igitur, qui solus negotia Mediolanensia tunc Romæ procurabat, & præsens eorum fere animos, quorum in manibus negotia erant, in contrariam partem valde inclinatos cernebat; anxie admodum petebat, vt Carolus ipse Romam iret; cuius præsentia, auctoritate, ac industria, quæ propemodum iacebant, erigi, confirmarique possent. Carolus, qui gregi suo affixus antea iurisdictionis causa Romam ire recusauerat; eo tunc periculo motus eundem sibi constituit: ne forte iis, quæ in contentione posita erant rescissis; auctoritate, existimationeque labefactata; præcipuis restitutæ disciplinæ fundamentis euersis; fructus, multorum annorum laboribus, vigiliisque collecti perirent. habebat præterea, quæ ad vniuersæ prouinciæ commodum pertinerent, cum Pontifice agenda. Itineris consilium, prudenter secreto haberi curauit; ne vehementius ad contentiones suas aduersarij forte concitarentur: donec oblata mensè Augusto Domini Bollandi Episcopi Brixienfis grauiter ægrotantis, occasione; ignota quidem aptum profectiōi, sed valetudini valde periculosum tempus occurrit; ob magnos calores, Romanique cæli naturam. sed eo periculo posthabito; Brixiam statim ex prouincialibus decretis, moreque suo aduolauit: morientem Episcopum assidua præsentia, officioque, quibus rebus oportebat, pie iuuat: mortuo in funere, & exequiis; in precationibus, & sacrificiis non defuit: populum deinde Brixiensem, in beatissimæ Virginis eius mensis festo die, Missæ solemnibus celebratis, sanctissima Eucharistia, ad hominum sex millia, religiosissime pauit, Inde Mantuam ob Principis sororis suæ negotia, cum ex charitatis officio se contulisset; Romam direxit iter. sed vt contra aduersarios, atque obtractatores sese religiosius instrueret; opinionemque de suis actis incommodam, aduersariorum opera multis insitam, posset conuellere: omnino vt sibi viam muniret ad
ca Ro-

*Vt Romam eat
obnixè petit
Specianus.*

*Prudens animi
sui consilium.*

*Brixiam &
morientis epi-
scopo opem fe-
rat properat,*

*Mantuam ten-
dit, Romam
deinde direxit
iter.*

ea Romæ perficienda, quæ Ecclesiæ, diuinique honoris causa in animo habebat: ad Deum, diuinæque exercitationes, sacraque, ac diuina loca ex itinere obeunda, mentem, animumque adiecit. Primò igitur se ad Camaldulensem eremum contulit. ea est inter iuga Apennini, quibus Tusciæ fines ab Æmilia diuiduntur, in monte magnæ altitudinis, difficilisque ascensus. Ibi in vnam ex domûculis sese abdidit, quæ multæ sunt in summi montis planitie, ad singulorum eremitarum vsus; & dies aliquot solus orationi: contemplationique diuinæ dedit. Vir Deo plane deuotus, summaque in Deum fiducia, tali tempore, tali loco, quale sibi, rebusque suis comparauerit præsidium, demonstrabit euentus. Monetam, Iuliumque Brunetum, qui ei erat ab epistolis, cum ibi retinuisset, ac reliquos præmisisset; fama in multas partes manauit, cum rebus omnibus relictis, illius loci factum esse eremitam; propterea quòd iam intelligeret post varios conatus, nihil se in iis proficere, quæ proposita multos iam annos ad christianæ disciplinæ restitutionem habebat. At ille relictæ eremo, Auerniam, aliaque reuisit sancti Francisci monimenta. Deinde venit ad sanctissimam Lauretiædem: iter ad milia passuum circiter viginti sacro loco proximum pedibus confecit. toto autem itinere; quàm ad eum incolæ omnes vidèdum cupide confluerent, post illud pestis facinus, quotidianasque sanctitatis accessiones; ex eo quod antea fiebat, conicere licet, vel me tacente. iter faciens vel tacite precabatur, vel psalmos recitabat; aliàs ex sacris litteris aliquid animo tractabat. si colloquebatur, eodem sermones referabantur tamen. Quoniam non voluntate hospitia; sed casu, & necessitate, cum tenebræ obstarent itineri, quæcumque illa inciderent, eligebat; in paruo quodam vico euenit, vt cum vltius progredi non liceret, aliudque hospitium non esset; ad domum presbyteri loci illius, confugere compelleretur. ibi cum solum hominis lectulum vidisset, noluit illi esse incommodo; sed vili, & modico cibo sumpto, in ecclesiam se recepit; vbi tota nocte moratus, modicum temporis somno dedit; reliquum precationi; tum audiendis suis, quos vicissim pios, sacrosque libros iussit legere; ac secum salutariter

Ad Camaldulensem eremum diuertit, & rerum diuinarum contemplationi vacat.

Auerniam atque pia loca reuiscit.

In paruo quodam vico quid euenierit.

Casus mirabilis.

*Mule apic Lau-
reris fecit Ca-
rolus.*

*Magno honore
Roma excipitur,
magnus fit
populi concursus.*

*Pontifex ad sui
palatii hospitium
accerfit.*

exerceri. Earum precationum vi factum existimarunt Caroli comites; vt Iulius Homatus bonus presbyter, & eius amanuensis mirabiliter postero die seruaretur. qui ante Carolum de more contentius equitans, de celsa rupe cum forte decidisset; equus quidem, in quo sedebat, præcipitatus contractus est; ipse vero præcipiti loco magna eorum qui aderant admiratione hærens, nihil offendit. In sacrosancta Virginis ædícula Laureti tota nocte vigilauit. proximo die, qui Natalis Virginis erat, Missæ sacrû ritu celebriore fecit: & in eo concionatus est, eo pietatis ardore, vt omnes præsentés incolæ, ac aduenæ, quis autem aberat, qui quidem adesse posset? vehementer commouerentur. Ita munitus, diuinitusque confirmatus Carolus Romam venit. dicerés virum Romæ prorsus contemnendum; aut eo solo honore accipiendum, qui sine manifesta iniuria pro dignitate personæ prætermitti non posset: siquidem quo statu essent antea res illius, attenderes. At contra, magna subito facta rerum conuersione, maximis, & inusitatis honoribus, maximaque publicæ lætitiæ significatione exceptus est. tantus fuit populi Romani concursus; tanta eorum multitudo, qui eum, Romæ tamen complures dies futurum, videre statim cupiebant; vt non angustissimam viam mille fere passuum longitudinis a ponte miluio penitus complerent: quasi non Cardinalis vnus, isque humili paucorum comitatu, sed magna pars amplissimi christiani orbis consilij vno tempore aduenisset. Ante omnia mane domo exiens, scalam illam ad Basilicam Lateranensem, quæ merito sancta dicitur, genibus, vt pie fit, obire; beatique Petri sepulchrum; moxque Pontificem adire constituerat: sed & conuenientium collegarum, principumque virorum frequentia prohibuit; & Gregorius anteuertens ad Pontificium palatii hospitium accersuit: vbi amoris, honorisq; præcipua significatione eum apud se detinuit complures dies. Rerum gestarum, itinerisque religiosissimi fructum eiusmodi, tunc largita est diuina benignitas. quæ tum sæpe suos, neque cupientes, neque opinantes, efferre maxime solet, cum maxime videntur abiecti. At vero non potuit eo loco, vbi posita est vicaria Christi Domini potestas, non pro merito accipi egregius,

gius, fidelissimusque Christi minister: iis præsertim rebus, paulo antegestis, quæ gloriosum quendam triumphum de magnis calamitatibus, de immani pestilentia, deque grauissimis mortis periculis merebantur. neque potuit Roma veritatis mater, non statim fauere veritati.

TVEBATVR ille Romæ sua instituta, domusque suæ disciplinam. Coenaculum in ædibus sanctę Praxedis ad similitudinem cœnobitici, parari iussit. mensam ad præscriptum conciliorum Mediolanensium instructam habuit; adhibita sacri libri lectione. sanctissimis locis colendis; diuinisq; rebus contemplandis, quæ ad ea pertinerent; dum ibi fuit, pascere animum in primis studuit, ac exaturare. Basilicas insigniores, omnia sacra loca, veterisque pietatis monumenta pedibus obibat; precibusque dum iret; vt antea solitus fuit, operam dabat. Nocte Saluatoris natalitia, de Pontificia synaxi ad maiorem S. Mariæ ecclesiam longe profectus, ibi abiectus ad sanctissimū præsepe, precando, diuinisq; mysteriis contemplandis vigilauit, donec ad eandem synaxim mane in Vaticanum reuerteretur. Die item ante S. Sebastiani festum, cum ad eius ecclesiam notissimæ religionis, sanctitatisque locum, venisset; ibi tota nocte, mansionis eiusmodi conditionem nihil veritus, in subterraneis locis, vno aut altero comite, martyrum sepulchra veneratus est. At his rebus minime vsitatis; eam tamen diuino beneficio præstitit modestiam, charitatem, & suauitatem; eaque itidem vsus est prudentia: vt etiam qui alieniores videbantur, amicos, beneuolosque sibi redderet, omnibusq; satisfaceret. Cardinales, Regij legati, ciuitatis Principes, Præsules, eius consuetudinem, mensam, & disciplinam, non solum ab eo inuitati non defugiebant; sed appetere etiam, magnumque pietatis fructum inde percipere videbantur. Neque vero aditum ad multa pro se, rebusque suis conficienda difficilem habuit, quæ magnis impedimentis ad id tempus suspensa tenebantur. Decreta concilij quarto loco cum Episcopis celebrati; cum vt diximus, iam diu agitarentur; ipse rerum singularum rationem ita reddidit; ita quæ sua esset decernendi

Quæ Romæ egit de legatis Med. Romam missis; & de Caroli discessu.
CAP. VIII.

Prudentia atque clementia multis sibi amicos conciliat.

Quarta & quinta Concilij Præsentia decreta a Pontifice comprobantur.

ratio, quæ causæ: quæ spes exequendi demonstrauit; vt omnia fuerint, & quidem amico plane animo demum comprobata. nec ea solum, sed quæ item in quinto nuper fuerant constituta, qua quidem in re conficienda, rationeque reddenda Antonij Senecæ Mediolanensis ecclesiæ Decani, & in ea disciplina diu exercitati opera multum vsus est. Illud insigne fuit; Gregorium ipsum tanta occupationum Pontificiarum grauitate; Carolo tamen id dedisse, vt omnia quarti concilij decreta ipse legeret, atque recognosceret; cum alia præterea multa audire, iudicareque; necesse habuerit; de rebus ciuitatis, & prouinciæ Mediolanensis; de querelis ciuitatis nomine habitis; de administrationis, atque adeo vitæ ipsius ratione. omnia enim publica, & priuata diligenter ad eum Carolus tamquam ad patrem deferebat. Egit etiam de communibus sacræ iurisdictionis causis; quas Alcānisij Marchio, cum aliis adiutoribus ex altera parte agebat: sed res cum esset maioris temporis; multorumque curam, atque operam desideraret; nihil contestum est. Caroli acta Pontifex publicis querelis impugnata, comprobauit. moderatione tamen nonnulla quibusdam in rebus demonstrata. Itaque suspensa, vel intermissa Carolus perfici, renouariue Mediolani, iussit; per Nicolaum Galerium Patauinum canonicum; & iurisconsultum; quo quidem grauib; in negotiis muneribusque, toto ecclesiasticæ administrationis suæ tempore, vsus est. tunc autem generalem suæ potestatis Vicarium dederat: perque Ioannem Fontanam Mutinensem, nunc Episcopum Ferrariensem: quem Archipresbyterum ecclesiæ Mediolanensis fecerat, & eo tempore primariū suæ gubernationis habebat administrum. Ita de spectaculis edita rursus proponi; saltationes coërceri; festorum dierum cultū conseruari; ianuæ in ecclesiarū lateribus clausæ haberi; alia confirmari, quæ in discrimen adducta erant, magna piorum omnium iucunditate coeperunt. De saltationibus cum legisset Pontifex libellum, ab vno ex Caroli ministris eo tempore conscriptum; constitutionē generalem de iis vbique festo die penitus interdicens promulgaturus erat; nisi ea iam scripta, nonnulli intercessissent, quibus fidem habere Pontifex in eorum genere solebat.

At

*Caroli acta
comprobat
Pontifex.*

*Vt Mediolani
alias ab eo lata
leges quadam
obseruentur
Carolus curat.*

At Mediolani cum primum audiuit Gubernator, eiusque consiliarij, quæ antea iacere videbantur, a Carolo Romæ excitari, & non mediocrem fieri voluntatum inclinationem; enitendum sibi vehementius; legatosque tunc ciuitatis nomine mittendos statuit. cumque satis sciret, quid consilium sexaginta virorum ciuitatis iis de rebus sentiret; tentauerat enim; conuocato consilio tamen, seu quali quali Decurionum conuentu; missoque magno cancellario, cuius præsentia, verbaque vrgerent; ægre, sed perfecit tamen, vt non solum legatio decerneretur; sed ij etiam legati, quos ipse probasset, nobiles tamen, & ornatos viros quibus in re tali recusandi potestas esse non solet. Ita ciues discessere; vt palam multi, magno dolore conquererentur; passimque restarentur, ciuitatem Mediolanensem quæ bonis Archiepiscopis numquam aduersata erat, Caroli autem optimi Patris semper fuerat studiosissima, coactam fecisse; vt contra talem virum legationem Romam decreuisse dici vnumquam posset. Cum legari anno M. D. LXXX. incunte Romam venissent; Carolus, qui perfectis iam rebus, & cum Pontifice constitutis, iam iam discessurus erat, profectionem tamen ideo suam non distulit, tunc omisit consuetum multi temporis officium conueniendi Cardinales, & salutandi: reliquit autem ex suis, qui singillatim vnumquemque adeuntes, omnibus ea de re satisfacerent. Sed vt aduentus antea, sic non caruit discessus egregiis ornamentis suis: nam præter plures Cardinales qui cum comitati sunt; populus Romanus summis laudibus, optimisque precationibus magna frequentia persecutus est exeuntem. Florentiam venit ad magnum Ducem Franciscum, quocum erat illi, sicuti cum Patre præcipua quædam necessitudo: vt de rebus salutaribus cum eo, magnique momenti nonnullis ageret. Inde Ferrariam, Venetiasque venit: quibus locis grauissima quædam ad Dei honorem, catholicam fidem, sacrorumque immunitatem tuendam, erant ei mandato Pontificis itidem agenda. Quamuis autem ille ad excludendam celebrioris ingressus pompam, ignotis diebus solet aduenire; vix tamen celari poterat aduentus: & in eo tamquam viro excellenti, & Cardinali præstantissimo honorando

Gubernator eiusque consiliarij contra Carolum multa moluntur.

Mediolanensem Cuiusmodi erga Pastores, suos animi propensio.

1580.

Caroli ex Vrbe discessum multis modis ornatur.

Florentiam, Ferrariamque inde, & Venetias venit.

*Magno honore
Venetiū habi-
tam.*

*Praclara pie-
tatis ibi prae-
stit officia.*

Principes & ciuitates vſitatis honoribus non contentæ, conſue-
tum modum plerumq; tranſibant. Venetiis in Pontificij Inter-
nunciij domo, potius quàm in magnificis ædibus a Senatu obla-
tis moratus eſt; quotidie tamen ampliffimis muneribus de pub-
lico donatus, quæ viuendi ſumptum longe ſuperarent. Cum au-
tem Senatores ſalutatū domum veniſſent; eumque ad Ducis
palatium comitantur, vias, plateas, ædium feneftras, teſta ipſa,
populi concurſu, mirabiliter repleta fuiſſe narrant, palatium ve-
ro ipſum, ita plenum, vt niſi vi adhibita, Dux ipſe non poſſet per
gradus obuia illi deſcendere. Ibi omne tempus a negotiis va-
cuum, in viſendis, pieque venerandis ſanctis corporibus reli-
quiiſque poſuit; quas eccleſia Veneta plurimas, inſignesque ha-
bet: vnde complures particulas ab ædium ſacrarum rectoribus
acceptas Mediolanum attulit. in quo tamen ex præcipua quadā
religione, etiam ſummi Pontificis aſſenſum poſtulauit. Quoti-
die quidem pij quamplurimi ad eius ſacrum conueniebant, vt
ſanctiſſimam ab eo Euchariftiam acciperent. Sed maxima om-
nium ordinum multitudo certa die ei rei dicta, in eccleſia ſocie-
tatis I E S V conuenit. in ea Miſſa, rogatus a multis, & a Veneto
Patriarcha, Nuncioque Apoſtolico in primis, habuit concio-
nem; quæ ſalutares eius dici, temporisque fructus auxit. Præter
ea, quæ propoſita in primis habebat, alia multa pro ſua ſumma
auctoritate, præſentia ſua ſalutariter effecit. nam etiam Ferrariæ,
& alibi; ſed quid numero? quacumq; demum tranſiret, in chri-
ſtianis rebus plurimum proficiebat. atque tum ipſe attendebat
vbique diligenter, ſi quid Domino, cui ſe totum dicauerat, ani-
mæque ſuæ poſſet amplius quærere: tum alij quoque, ſi quid ef-
ſet, quod ad ſalutem animarum, diuinum honorem, inopiæ ſub-
leuationem, pertineret, auide accurrebant; & mire tamquam
patri confidentes ſuppeditabant: aut vero ſolo exemplo excita-
ti multa ipſi pie, religioſeque faciebant: quod ſemel dixiſſe ſuf-
ficiat. Eius cauſſa clerus Venetus, qui more laico caputiis rotun-
dis vti ſolebat, ea tunc quidem ſumpſit, quibus crucis figura for-
matis, clerici reliqui vtuntur. Et eius item monitu, Epifcopi, qui
circiter ſexdecim ad eum quandiu ibi eſſet, colendum, ſectan-
dumque

dumque conueniebant; & pallia clericorum communia adhibere consueuerant; aliis pro dignitate personæ vti cœperunt indumentis. quos etiam vt ad suam quisque ecclesiam, se conferrent, cum diutius multi abessent, Venetiisque fere habitarent; grauius cohortatus est: ac ea de re Pontificis auctoritate moneri, iuberique eos curauit. Eo tempore apud ciuitatis principes actionibus iam viam muniuit, quantum potuit, quæ in Brixienfis ecclesiæ rebus recognoscendis ei suscipiendæ erant. Atque Venetorum res, atque animos eo statu, sibi visus est reperire, vt de ipsa ecclesia; non ab se quidem, qui plus satis negotiis districtus erat; sed ab alio Antistite Apostolica auctoritate lustranda, & recognoscenda cogitare, & cum Pontifice agere cœperit. quod munus postero anno Augustinus Valerius Episcopus Veronensis, adnitente Carolo suscepit.

*Apud ciuitatis
Principes quid
effecerit.*

VENETIIS cum discessisset; Brixiam recta proficisci in animo habebat, & eius ecclesiæ recognoscendæ initiū facere; quod necessariis de causis in id tempus distulerat: Sed erat de Dominicæ illius cultu retinendo sollicitus, quam Mediolanensis Quadragesimæ caput esse, postremò etiam Pontifici probauerat. quo die item solemne illud sacræ communionis conuiuium cum filiis suis cupiebat concelebrare. Itaque Mediolanum venit, sexta ante ipsam Dominicam diem feria: vbi incredibile est, quantum gaudij, & iucunditatis, inuisus ille dictus, & intolerabilis, aduentu suo excitauerit in vniuersa ciuitate. Hora igitur quam ingressurum audierant, frequentes fuere Mediolanenses in viis, quibus erat transiturus. audito autem campanarum sono, qui eo appropinquante, sacri honoris causa, in omnibus ecclesiis præscriptus erat; repente concursus fuit maximus; ita vt viæ amplæ, & longissimæ ab orientali porta vltima, ad maiorem ecclesiam plane complerentur. immo quamplurimi extra muros prodire obuiam Patri desideratissimo. Et mulier quædā pietati insigniter dedita, moram, vt alij, non ferēs, ad passuum duo fere millia progressa; vt Carolo propinqua fuit, muliebri verecundia omissa, quasi mētis minime compos, sese ad mulæ pedes lachry-

Mediolanum
venit. cultum
Dominicę pri-
mæ Quadrage-
simæ tuetur.
Brixiensem ec-
clesiam incipit
recognoscere.
CAP. IX

*Mediolanensa
populi concur-
sus, et erga Pa-
trem suum
obseruantia, et
amor.*

mans

nox abesset. quo tempore ægre quidem, sed tamen innumera-
 biles fere sine cœlesti illo cibo dimisit; cuius gratia tota die in
 ecclesia manentes terreno caruerant. atqui eodem tempore in
 ecclesiis quoque suis parochi eodem munere perfuncti erant.
 Cum ad eam horam perseverasset; quasi labore neque fractus,
 neq; fessus; Vespertinarum tamen precum officio carere, quod
 ex veteri ecclesiæ instituto, Pontificalem ritum postulabat aut
 concionandi munus omittere noluit. Ita diei celebritas bene,
 pieque admodum ei procedebat; vt sacris ab aurora ad noctem
 perductis; clerus, populusque toto die in templo frequentissi-
 mus, plene tempus illud animæ daret, quod penitus solebat tri-
 buere corpori. Sed Carolo concionante, noua turba, tubarum
 clangor, & strepitus equitum ex propinquo palatio interuenit.
 cōstituerat Gubernator, quamquam edictum, & poena ana-
 thematis statim post factum subeunda, iam Caroli iussu reno-
 uata erat, equestrem ludum eo die omnino committi: rogaue-
 ratque multos Mediolanenses; neque impetrauerat. itaque leuis
 armaturæ equites ex agro Papiensi, homines aduenas, per eo-
 rum ducem, minime aduenam, & quod agebatur plane intelli-
 gentem, accersuit: & iis adhibitis, quando alia ratione non po-
 terat, ludos fecit. ipse cum filiis spectator fuit. Eam rem Anna
 vxor pro religioso animo suo molestissime ferens; cum viro per-
 suadere non posset; filiis saltem imperauit, vt omnino abstine-
 rent: ipsa vero eo tempore ad vespertina sacra concessit. Eum
 postea equitum ducem primò misere victum; & paulo post,
 cum e carcere aufugisset, miserius de improuiso interfectum ci-
 uitas vidit. Carolus in dolore, quem ex tali facto cœpit maxi-
 mum; id solatij sensit, quod præclarissimam eo die Mediolanē-
 ses recti sui sensus, apertissimamque dederunt significationem.
 quam ciuitatem voluptatibus, & spectaculis eo tempore, dieq;
 in primis, nullo modo posse carere, & vsque ad seditionem pro-
 pterea Carolo aduersari velle, etiam atque etiam affirmabant;
 ea ne regio quidem Gubernatori cōtra Caroli edictum obsequi
 voluit: & non modo cibis in Quadragesima vetitis abstinuit; sed
 ipsum diem totum in ecclesia religiosissime traduxit. quæ qui-

*Carolo concio-
 nante quid
 Gubernatoris
 operafiat.*

*Exemplum per-
 timescendum.*

*Mediolanen-
 um virum &
 religio.*

dem laus non plebi tantum, aut foeminis tribuenda est: nam vel in ludis recusandis patritij, & equites communi patriæ religioni pulchre satisfecerunt. neque dubitandum, si ludus ipse postea repetitus fuisset, quin vel ipso exiguo spectatorum numero caruisset. immo, & milites ipsi fortasse, quantum postea perspicere potuit, parere libere recusassent. Ad vindicandum eiusmodi sacræ auctoritatis, ut videbatur, cōtemptum; Carolus, qui ludum fecissent, auctoresque faciendi fuissent, generaliter anathemate notatos proposuit. neque enim facile militum nomina haberi poterant, cum ementita facie cucurrissent; sicuti neque facile poterat probari Gubernatoris, aliorumue iussus. spectatores autem ecclesiæ ingressu interdictos ad normam edicti denūciauit.

Qui ludum fecerunt eo die, auctoresque anathemate percussit, spectatores ingressu ecclesiæ interdictis.

Quicumque spectauerant, qui si consuetos concursus attendamus, pauci fuerunt, factum dolentes, ad Carolum statim, eiusque ministros, veniæ causa, etiam ex ipsa Gubernatoris domo omnes conuolarunt; facileque impetrarunt; quod non animo edicti violandi, pœnamque ignorantes, tantum ex curiositate quadam accessissent. ex militibus, qui ludum fecerant, multi supplices venerunt, idemque petierunt; quod nonnulli consecuti cum essent; alij enim edictum ignorauerant; alij minis compulsi erant; Gubernator eos in carcerem trudi iussit: immo, & typographum cum eis, qui scriptum denunciationis illius proponendum impreserat: iratus enim dicebatur, quod de suggestu se præsentem illud recitauerat concionator, harum vexationū causam, ne res ad iudicium ecclesiasticum reuocaretur, aliam obtendebant.

Gubernator hos milites, & alios quosdam in Carcerem reuocari mandat.

Gubernatoris excusatio.

vulgò etiam ferebatur nonnulla Gubernatoris excusatio; illam anathematis sententiam valere non putasse, propter appellationem tempore edicti renouati interpositam. at Lupus mirifico animi ardore cōcionator Hispanus, & Gubernatorem priuatim reprehendebat; & publice magna libertate vociferabatur; nimis indignum esse, sacræ sententiam paruipendi: palamque ipsi, eiusque consiliariis, sacræque eorum confessionis ministris auctoritate diuina minabatur. Non multò post autem, tum qui carcere tenebantur, dimissi sunt: tum quibus opus erat, facultate Iubilei nomine a Gregorio concessa, liberari pœnis ecclesiasticis

Qui in carcere erant dimittuntur anathemate percussit absoluntur.

sticis potuerunt. quam concessionem Carolus, statim supplica-
tionibus indictis celebravit. mox Brixiam contendit; eiusq; res
ecclesiæ cognoscere iam tandem instituit. ac ad postremos Qua-
dragesimæ sanctos dies, Paschalemque celebritatem cum grege
suo, agendam, reuersus, Gubernatorem domi salutavit; ob id in
primis, vt hominem de iis quæ commiserat patrio animo, mo-
neret, corriperetque. Fecit grauitur, vt res postulabat: ea ora-
tione homo visus est affici vehemēter: & tamquam stupens sub-
latis oculis, Magnum est, inquit, ea induci in Mediolanensium
mores, quæ seruantur alio loco nullo. at eò magis latandū erat,
quò religiosius præcipuo Dei munere Mediolanenses, perfecti-
usque, pro naturæ suæ bonitate, ardoreq; Pastoris viuerent. gra-
tias tamen is Carolo egit; & abeuntē honore etiā maiore, quā
solebat profecutus est: cuius aspiciendi potestas ei in posterum
futura non erat. etenim multos iam dies haud bene valebat; cor-
dis quodam cruciatu quandoque angebatur; & nonnumquam
viribus, sensibusque destitutus concidebat. febris demum ve-
hemens illum celeriter confecit. de quo morbo paulo post festū
Paschatis, Carolo Brixiam reuerso cum nunciatum esset; de eo
coram iuuando, præsertim, si quo animæ vinculo ob superiora
facta teneretur, amanter cogitare cœpit. cumque nonnullos qui
aderamus ea de re cōsuleret, a tam insigni charitatis officio, mi-
nime abducendum existimauimus. ita equis ad cursū disposi-
tis vsus, quoniam summa festinatione opus erat; paucis horis,
passuum sexaginta millium itinere confecto, Mediolanum ve-
nit; rectaque ad hominem iacentem accurrit. cum morti pro-
pinquum, nulloque, quod perspicere posset sensu, cum offendisset;
mansit ibi tamen, donec efflaret animam: eaque omnia præsti-
tit, quæ tali casu ab amantiſſimo non dicam Episcopo, sed paro-
cho possent expectari. vxori deinde, ob magnam præsertim eius
pietatem, & filiis, quantum potuit, nullum a se officium ad leua-
tionem, subsidiumq; deesse passus est. mortui animæ sanctissimi
sacrificij, quod ipse fecit, statarumq; precū celebritate vna cum
suorum canonicorum collegio in templo Pacis, vbi sepeliendus
erat, suffragatus est. in media Missa, cadauere in cōspecto posito,
d 2 concionem

*Brixiam con-
tendit Carolus.*

*Mediolanum
reuerſus Gu-
bernatores
domi ſalutat.
de commiſſis
monis graui-
ter.*

*Infirmatur
Gubernator.*

*Brixia Medio-
lanum reuer-
ſus Carolus
de morienti,
Gubernatori
adſit multa
chriſtiana cha-
ritatū officia
preſtat viſa
ſuncta.*

concionem habuit de morte, deque humanarum rerum conditione: quæ officia, & nobilissimo Principi honori, & Carolo magnæ laudi fuere.

Pontifex legatos Mediolanenses dimittit. litteris ciuitatis respondet.

CAP. X.

Mediolanensis legati Roma contra Carolum agunt.

Caroli responsio ad libellum Pontifici aduersus se exhibitum.

Pro Carolo legatus respondet Pontifex.

CAROLO Roma profecto, oblatum est rursus Pontifici libellus, in quo querelæ omnes de Caroli actis continebantur; & huc fere tendebat, ut ostenderent, Carolum multis præscriptis, iussisque populum Mediolanensem intoleranter premere: sancti Ambrosii instituta (diem illum primum Quadragesimæ significabant) tollere. infamæ, atque adeo impietatis notam inurere ciuitati, cui seruandæ tot remedia necessaria viderentur. ad quæ breuiter Carolus, modestissimeque singillatim respondit: quæ ageret, Mediolanensibus esse facilia; plurimis etiam iucunda: summo studio Ambrosiana instituta sese obseruare, & tueri: ut gregem suum, quod eius optima natura ferebat, postulatque, optima disciplina institueret, curare: id non dedecori, aut infamæ illi, sed summæ laudi esse, ac salutis. omnia idoneis argumentis demonstrauit. Sed Pontifex quoque, tota negotiorum eiusmodi ratione iam bene cognita, ipse pro Carolo, notis manu sua libello apposis, respondit: neque umquam ab eo abduci potuit, quod præsentem Carolo decreuerat. Cum autem id legati sæpe memorarent; res Mediolanenses, aliorum locorum, Romæ præsertim similitudine habendas: ea de causâ existimatum est; cõsuetos cursus ad pallium quoddam consequendum; aliosque ludos eiusmodi, qui Romæ ante Quadragesimam fiebant, iussu Gregorij tunc esse sublato. quo etiam tempore Pontifex ipse, dum per eos dies alij voluptati seruirent, statas septem Urbis ecclesias cum multis Cardinalibus religiose visit. Sed litteris ciuitatis nomine Pontifici missis ita Pontifex respondit.

Pontificis responsum ad Mediolanensium litteras.

GREGORIUS PAPA XIII. Dilecti filij, salutem. Ex vestris litteris, quas ternas diuersis temporibus accepimus, atque ex sermone oratorum vestrorum, cognouimus ea, quæ de decretis dilecti filij nostri Caroli Cardinalis sanctæ Præsedis, eiusdemque Pastoris vestri, nos scire voluistis; quæque exponi vestræ ciuitatis, ac provincie multum inter-

esse

esse existimatis. Quod illius innocentiam, integritatem, vigilantiam, Dei gloria, atque animarum salutis zelum in ecclesiastica disciplina restituenda, & tuenda agnoscitis; recte, sapienterque facitis. sic enim debitum virtuti testimonium tribuitis: dumque talibus factis latamini, vestram quoque pietatem, ac Dei timorem declaratis. Qui timent te, videbunt me, & latabuntur, inquit Propheta, idque magno cum fructu: reddit enim hac letitia vos eiusdem cum Pastore vestro corona participes. Sic enim Abraham pollicitus est Dominus, Benedicentibus tibi benedicam, maledicentibus maledicam. & quamquam vestra, bonorumque omnium opinio, non sinebat nos suspicari quicquam a Pastore vestro grauius, aut secus quam par esset, decretum fuisse; tamen querelas expositas bonam in partem accipimus, laudamusque vestrum consilium eas ad nos deferendi, nostroque iudicio standi: sic enim facere decebat filios optimos; atque huic sanctæ Sedi addictissimos, quo nomine semper vos amauimus. Vt igitur vestra postulationi satisfacere, considerauimus omnia quam diligentissime: & quia rationi maxime consentanea, vobisque ad seruandum salutaria, & fructuosa esse iudicauimus; hortamur vos, ut ea prompto, atque alacri animo amplectamini; ac non modo nihil obstitis, sed vestris etiam studiis, auctoritate, opera, executionem adiunctis: nos enim Cardinali ipsi in omnibus mentem etiam nostram aperuimus, & declarauimus. Neque vero ignoramus posse decreta ipsa in hoc initio videri nonnullis paulo duriora; sed enadent suauia, ac facilia, si bona voluntas accesserit, quam debet quisque a Deo postulare, certissimeque expectare: angusta, atque aspera via est, quæ ducit ad vitam; si corruptam scilicet naturam spectemus: at si Dei gratiam, Iugum meum suauē. Vbi vero ad obediendi voluntatem usus etiam accesserit; experientur homines leuissima esse ea, quæ initio ducebant grauiissima. Maxime autem debet omnes consolari optima Pastoris voluntas: nihil enim aliud laborat, nisi de gregis sibi a Deo commissi incolumitate, & salute; quam etiam suâ ipsius vitæ semper anteposuit, tanta cum charitate, quantam omnes perspexistis. Committite vos igitur iis manibus, quas vestris commodis, & saluti paratas, atque inservientes grauissimis temporibus experti estis: animumque inducite, talis, tamque vestri amantis Pastoris decretis acquiescere, inque eo gratissimum vos Deo facere, vestroque officio satisfacere existimate; sic enim fruemini ea pace,

Legati rescriptum afferre nolunt; & quid Carolus, quidne Mediolanenses faciant.

quam Christus tantopere cōmendauit. RESCRIPTVM legati non reddiderunt; sed exemplum eius cum in consilio ciuitatis Carolus recitari curasset; Decuriones, quibus nihil minus cordi erat; quàm ea legatio; quique acta Caroli, piosque conatus non infringi, sed confirmari volebant; neque responsum a legatis exegerant; & Pontificias litteras, vt gratas, & iucundas, qua decebat reuerentia, & obsequendi voluntate acceperunt.

Carolus ad Regem mittit, qui de suis, ministrorumque regionum rebus plene doceat.

CAP. XI.

ERAT ea de Philippo Rege Caroli opinio; vt quæcumque a Regiis administris in Mediolanensium moribus, ad Christianæ disciplinæ normam dirigendis impedimenta, difficultatesque incurrerat; quas cumque contentiones, oppugnationesque sustinerat; ea sibi minime euentura fuisse consideret, si cum Rege ipso nemine intercedente agere potuisset. Si quid durius ab eodem fortasse visum esset emanare; si quid minus potuisset obtineri; id aliorum vitio factum esse; qui res pro turbido suo sensu, animoque perturbato, corrupte referrent; Regisque, & consilij eius animos in Carolū incendere studerent. Vt eiusmodi vitaret incommodū, per Nuncios præsertim Pontificios, sæpius, quæ accidebāt, quæ ipse sentiret, quæque fieri oportere iudicaret, ad Regem retulerat. sed quoniam publicis internunciis, aliisue agentibus, qui visitato modo negotiū procurarēt; res ipsa vt erat satis persuaderi non videbatur; & negotia semper ad consilium recidebant; ibique ciuili quodam iudicio plerumque oppressa interibant: diu in animo habuit, sacri ordinis hominem mittere; qui simplici quadam ratione, & a consuetudine ceterorum negotiorum separata vtens, semel veritatem rerū omnium sincere, ac religiose exponeret: Caroli ipsius animum; & consiliorum, studiorumque intimam rationem aperiret: quæ item nominatim referri oporteret, quæ auxilio Regis indigerent, ea proponeret. Id genus agendi, Regi sperabat pro eius bonitate probatum iri. Huiusmodi consilium cum ad eam diem distulisset; fecit Gubernatoris noua contentio, quæ nimium iam extra modum processerat; vt aliam moram interponere nollet; præsertim quia viri sapientes ita cum eo censebant. Carolo igitur huius hi-

storiarum

storia scriptore ad eam rem ut constituit. quem ante Gubernatoris agrotationem ad id inuitatum; neque mortis tempore plene instructum; post mortem nihilominus misit: quia non huius solius, sed omnium Præsidum etiam futurorum causa, missio illa necessaria videbatur. rem omnem secretò haberi constituit, ne quid contra quisquam moliretur. In finibus Lusitaniæ Rex in vrbe, cui Pax Augusta nomen est, morabatur. cò Carolus cum peruenisset, prid. non. Augusti, Regis ad eundem, & alloquendi facultatem quærit: respondetur, nisi magna cum breuitate id fieri non posse; Regem in possessione Lusitani regni adipiscenda die, nocteque esse occupatū. demum impetrat, ut Regi nuncietur clericum Italum adesse; qui se ad eum litteras, mandataque habere de rebus magni momenti affirmet; petatque ut in eius còspectum modo venire liceat: ibi redditurum litteras, & a quo, quamque ad rem missus sit, paucis dicturum: de cetero facturū, quod iuberetur. Cum Rex consensisset, tertio post aduentū die, clericus introductus breuiter vnde veniat, & genus mandatorū exponit: a Rege ipso audiri postulat; idque antequam nouus Gubernator prouinciæ Mediolanensis deligeretur, tradit litteras. capsulam offert, in qua dimidiatum corpus infantis, ex iis, qui Herodis iussu olim, infantis Christi Domini causā occisi fuerant, Mediolano allatum, decore continebatur. Sacras reliquias Rex collaudat, flexo genu cum clerico veneratur; vultuque pie admotus tangit, quasi crucem formans. tum clericum gratias agere Carolo iubet de tali munere; & in scriptis, quæ agenda haberet, afferre. Clericus quæ posset scripta sese allaturum respondit; sed plura etiam fuisse mandata, quæ referret verbis. quæ dedisset lecturum; quæque dicere vellet mox etiam auditurū, benigne admodum Rex pollicetur. post triduum Clericus quæ scribi posset existimauerat, ea ad Regem affert. quibus ille acceptis, iubet etiam dicere. Clericus cur eiusmodi ordinis hominē, & in eo potissimū tempore Cardinalis misisset, aperuit. nullo patrono, vel adiutore, immo nullo conscio, regiū ipsum còspectum se recta petiisse: ut ita diuina tantū spectari, Dei causā agi, nihilque esse in toto negotio artiū humanarū, satis intelligi posset. nonnulla de

Huius historia
scriptorem ad
Regem misit
Carolus.

In finibus Lu-
sitaniæ Rex
erat.

Regi de aduentu
in Itali clerici
nunciatur.

Ad Regem in-
troductur.

Sacras reliquias
as Regi offert,
eas Rex, &
commendat &
pie veneratur.

Clericum beni-
gne Rex audit.

Cardi-

Cardinalis mente, consiliis, animoque in Deum, in Ecclesiam, in Regem ipsum commemorauit. tum obsecrauit, vt cum talis causa tali ratione ageretur; ne ad publica consilia, neue ad ciuilibus prudentiæ homines deferri vellet; sed secum haberet, aut cum religiosis tantum viris iuberet communicari. Addidit, quæ hoc modo breuiter perstringi possunt: De iuris, potestatumque controuersis nihil se dicturum; eas Cardinalem iudici summo relinquare, Romæ dirimendas; quibus satisfecisse crederet, cum ecclesiæ argumenta, testimoniaque tantum iussisset suppeditari. de moribus, de spiritali disciplina, de progressu pietatis populi Mediolanensis, de diuino honore, gloriaque sese acturum; horum causa dolere Cardinalem, & conqueri: cum plurima quotidie magistratus impedimenta rebus iis afferrent; quæ salutariter, singularique adeo virtute Mediolanenses alioqui facere posse, multis argumentis, factisque ipsis clare demonstraretur. Boni plurimum illos disturbasse primo; si non de iurisdictione controuersis excitandis; quod tamen ipsum episcopalis administrationis vim, cum multorum salute coniunctam, non parum retardauerat: at earundem certe causarum agendarum ratione; tum contentionibus studiose faciendis; omnino iis committendis, quæ ad episcopalem dignitatem, & ecclesiasticam auctoritatem offendendam, sacrasque sententias contemnendas ex se pertinerent: quod quidem vel maximum esset viæ salutis impedimentum. Vi pro iure adhibita, ecclesiæ ministro manum inieciisse; inusitata asperitate publice quaesito exilium denunciassè. Terribili edicto promulgato, licet aliò verba spectare viderentur, re ipsa forum ecclesiasticum scribis, notariis, ministris omnibus spoliatum fuisse. Quas res facientibus immineret anathematis poena, eas sapius attigisse. eadem affectos poena; neque consuetudine reliquorum, neque rebus agendis, vt ius, fasque erat, abstinuisse: publicis factis quodammodo professos, non timere se grauissimam Ecclesiæ poenam. Multa eiusmodi narrare posse singillatim, quæ tamen putaret iam ad regias aures peruenisse. Discere superiorum exemplo nimis facile licetiam, & contemptionem eiusmodi, inferiores, ita neque improbos conti-

*Qua cum Rege
agit clericus
breuiter narra-
tione.*

contineri; neque imbecilles animo sustineri posse. Plurima facta suppetere, quibus, vel impedito Præsulis officio, improbis peccandi licentia relicta erat; vel proposito Magistratuum exemplo, expriuatorum audacia, contumaciaque, despecta fuerat sacrosancta fori ecclesiastici auctoritas; & rebus, personisque sacris vis illata. Sed vel pauca satis, superque esse; prorsus inaudita; & tali tempore, talisque Regis imperio indignissima. Quomodo enim remoto Magistratuum exemplo, vel potius auctoritate; pauci clerici tantum animi, atque audaciæ sumpsissent, ut Antistiti suo Cardinali publice resisterent; sicarios districtis gladiis obicerent; detruderent ecclesia, & pene præcipientem agerent: & præterea etiam publicis scriptis notare auderent? quomodo imbelles homines contra eundem coniurassent; teterimusque apostata tantum facinus suscepisset, ut sanctæ Romanæ Ecclesiæ Cardinalem, sacris occupatum tormento conaretur transuerberare? ut nihil diceretur de sceleribus, quæ nonnulli, presbyteris etiam in ipsa ecclesia cædendis, commisissent. Non longe abesse perditos mortales hæreticos; immo etiam sæpe adesse commercij causa: quibus ecclesiasticam potissimum auctoritatem destruere propositum esset; ut eo quasi fundamento disturbato, omnis disciplina, pietasque corrueret. Quidnam causæ tandem esset, ut tantum contentionis, & pugnæ iurisdictionis causa susciperetur, non satis intelligi. sed tamen ita esset, ut magistratus videri volebant: quid ad iurisdictionem; nouas semper aduersandi, calumniandi; causas querere: sic cum sacro Pastore, patreque, ut cum aduersario, vel hoste fere se habere: regis rei nomen ad remotissima trahere; perturbatisque animi sui motibus semper obfendere; id quod inter alia Cardinalis non mediocriter doleret. Ita lactatum palam; Cardinalem viam sibi latenter parare ad ditionem Mediolanensem occupandam; eum scilicet, qui opibus abiectis, posthabita hominū gratia, totum se Deo dicasset. Suspicionem verbis tantummodo elatam, nimis indignum erat, at ab ipso Præside prouinciæ factis fuisse confirmatam. arcem Aronensem propterea Borromæis creptam; fidelissimamque Regi familiam quodammodo nota-

tam; id vero quale esset, grauissimo Regis ipsius iudicio relinqui. Non absimili nomine piorum hominum societates esse dissipatas; quasi exercitum quendam sibi ex ea pia, imbellique multitudine Cardinalis sibi compararet. quæ cum in sacris & diuinitatibus ornandis, sacroque cultu honestandis, antea curam, operam, laborem, pecuniam pie poneret; diesq; Deo dicatos benefactis, præcationibusque sacris obeundis consumeret; ad otium, gulam, luxuriam, malas omnino artes magna ex parte conuersa, & dilapsa erat. in qua quidem vastitate, cum piis omnibus dolendum esset vel maxime; dixerunt quidam tamen gaudentes; repperit tandem, quod Cardinales in corde acriter pungeret: quasi clare aperientes, quod obscurum alioqui magnopere non erat; non quæ regio imperio vsui essent, curari; sed quæ Cardinali essent iniucunda. Ita choreas, & saltationes quas iam fere sacrorum hominum cura, & labor excluderat, deleueratque; restitutas, & defensas: unde rixas, homicidia, turpes amores, quotidie proficisci; non modo vsus doceret; sed Gubernatorum ipsorum edicta demonstrarent; quibus expressa multorum; grauiumq; malorum causa, olim eæ prohibita fuerant. ita sacros dies, qui ob animæ commodum, ac salutem sunt instituti; corpori, voluptatiq; datus: mares, foeminaeque innumerabiles a rebus animo fructuosis, ad perniciosas voluptates abstractas. Eo venisse postremum Gubernatorem; ut contra edictum Cardinalis, anathematis sententia munitum, ipso dominico die, & eo, qui caput esse Quadragesimæ declaratus erat, ludis equestribus operam dare Mediolanenses curauerit: cum id impetrare non potuisset, induxisse, ac pene coegisse ad id homines externos: ipsum una cum filiis astitisse. Si hæc omnia fortasse publici iuris, potestatisque tuendæ speciem aliquam habere viderentur: etiam ad longinquiora multo, indignioraque Principem venisse; quæ nullo modo possent consueti nominis integumentis inuolui. Ciuitatis Decuriones nihil eiusmodi cogitantes, & ab iis contentionibus alienos, sollicitasse, impulisse; ut multa quæ Carolus vitiorum reprimendorum, pietatisque augendæ gratia fecerat; ad Pontificem deferrent; eaque veluti iniuste, vel sine causa, & cum ciuitatis magno incommodo facta,

facta, rescindi postulare. compulsos semel, atque iterum per litteras facere; demum pene coactos, nobilem legationem magno sumptu Romam mittere, cum querelis, vndiq; studiosissime conquisitis. Inuitatos, instigatosq; multos, vt querelas contra Carolum, eiusque presbyteros per diocesim Vicarios afferrent. eorundem actiones examinatas diligenter; inuestigatumq; si quid aliquo modo ipsi, aut etiam urbani Vicarij offendissent. si ex clero; si ex cœnobiis etiam muliebribus esset, qui archiepiscopi sui præscriptionibus veller contradicere; eius causam prompte susceptam, studiose defensam. quæ omnia licet regij iuris conseruandi, defendendique specie nullo modo possent honestari; quia tamen regionum ministrorū fuerant consilio administrata, studio procurata, patrocinio defensa; regio nomine acta viderentur; idq; eò indignius, quò regia mens ab iis omnibus esset aliena; de quo Cardinalis nihil dubitaret. Ne illud quidem prætermisū; vt concionatores, honore, gratia frequentiq; conuentu allectos inducerent; qui recte sensus hominū voluptariorum defenderent, Carolique rebus obtestarent. Ita quantū in ipsis fuisset, omnium ordinū animos ab Episcopo suo auertisse; acta, conatusq; omnes euertere; nihil reliqui fecisse. magnam re ipsa; imbecillis animis præsertim, attulisse offensionem, maximumque detrimentum. si totius ciuitatis perturbator vere fuisset, vt quandoq; fuerat ab aduersariis appellatus; durius agi fere non debuisset. quid simile vnquam Cardinalis in eos; tantæ opugnationis quid culpæ sustineat, eum nescire; nisi illud vere sciret; ob vitæ suæ errata, multò se atrociora, quàm ea quæ Dominus permiserat, commeruisse. quantum quidem perspicere; & a Deo assiduis precibus suis, alienisque consequi potuisset; id fieri semper, eamque rationem omnibus in rebus adhiberi studuisse, quæ Deo gratior videretur. De eius mente, ac voluntate; de dominandi, alieniue vsurpandi cupiditate; quid post talem, totque annorum Antistitis vitam, demum ad talem Regem opus esset, pluribus? De legitima, iustaque agendi ratione sua; id affirmare Cardinalem; non pepercisse se vnquam sumptibus, vt viros doctos, & grauissimarum rerū vsu exercitatos, tum pios quoque; id

quod nosse omnes poterant; apud se haberet; quorum iudicio, & sententia, omnia recte, casteque gererentur. De moderatione agendi cum magistratibus, aliisque laicis hominibus; de seruando modo, ad eos retinendos, conciliandosque accommodato: quantum sibi conscius esset, id studiose curasse. at multa sæpe non incommode minus, quam temere iactari. si quid decerneret Cardinalis; si anathematis sententiam ferret; si paulo liberius agere videretur; id ubique dissipari, prædicari, augeri sermone: libere nimis, atque austere factum; subito sacræ potestatis gladium districtum. nescire autem homines, quæ, quantaque is dissimulasset: quid prius priuatim rogasset; hortatus esset; etiam, atque etiam monuisset. quæ si palam fuissent; diuersam opinionem omnino futuram. Enumeraturum se multa, & grauiam facta, si Rex iuberet, in quibus iniuriam Ecclesiæ Cardinalis dissimulasset; hominibusque turbide commotis condonasset. quotiescumque ecclesiastico gladio usus esset; cum videri sibi fecisse coactum; quia sine grauissima culpa ecclesiæ suæ ius non posset deferere; quod tueri etiam singillatim Pontificia auctoritate iuberetur. Non ignorare Cardinalem, multa molli potius brachio, cohortationibusque curanda, & efficienda; quàm iussis, poenisque infligendis. at ob contumaces, perditosque, qui non exiguo numero his temporibus, vere piis, christianisque permixti sunt; iussis etiam sæpe, animaduersionibusque agendū. Vnum ei modum, cum id sedulo cogitaret; tandem videri, vnāque rationem satisfaciendi magistratibus; pacisq; & quietis, vt vulgo putatur, conseruandæ: cohortari, obsecrare; si recusaretur, cedere; ius suum remittere. quod tamen semel factum; iterum paulo post, & in re grauiori esset faciendum; & eodem modo deinceps: vt abiecta demum pastoralis virga, celeriter ipsa quoque vox pastoris prorsus contemneretur. De rebus ipsis, quæ is ad populi salutem instituisset; partim, vtrum quæ fierent ad rem pertinerent, & vere apta essent ad fidelium vtilitatem; partim essent ne iuste, legitimeque facta, & iudicata; haud difficulter estimari posse; primo quidem ex ratione, maiorumque exemplo, si locus daretur: deinde iudicio Pontificis; qui vel ipsis litteris,

moni-

monitisque ad ciuitatem datis, satis ostenderat quid sentiret: sæpe etiam ipso regio iudicio, cum vera nunciata sunt. Sed euenta quoque ipsa, & fructus ex aucta populi pietate perceptos, magno esse argumento; quæ quidem mallet Cardinalis Regem alia via cognoscere. Si in tanta Magistratum alienatione, clerus, populusque id profecisset, quod omnium bonorum opinione, prædicationeque ferebatur: iudicari posse, quid facturus esset iisdem fauentibus. Non esse inuoluendum silentio, quod plurimorum sententia fuerat existimatum: multos diuino iudicio morte multatos, qui sacrum anathema paruipenderant, vel Ecclesiæ auctoritati studiose fuerant aduersari. quæ quidē existimatio tum numero mortuorum, tum conditione, rationeque mortis confirmaretur. Distitatum etiam a nonnullis, qui videri vellent æquiores; Cardinalem, quamuis piis, salutaribusque institutis, nimis tamen populum vrgeret; & præstantiore, seuioreque disciplina premere, quàm multitudini conueniret, sed in eo genere Cardinalem affirmare, fidemque, vt de re spectata, & bene cognita facere; populū Mediolanensem a voluptatibus, & vitiis ad salutare exercitationes, & ad alia, quæ nimis exquisita; & perfecta quidam appellarent, traduci posse; idque non modo sine publico tumultu, quem sine causa aduersarij sæpe commemorassent; sed magna etiam omnium ordinum consensione: si modo ij non impedirent, quorum erat officium adiuuare potius, & fauere. optinē tenere Cardinalem; quid de Mediolanensibus suis posset polliceri. Quod si etiam aliqui se difficiles præberent, quemadmodum pro humana conditione necesse esset: propter paucorum contumaciam, non esse tamen deferendos omnes: immo conandum, vt ipsi quoque ad sanitatem reducerentur. Cogitari posse, quale illud esset, nolle rectores ciuitatis, vt populus ultra visitatum quemdam, communemque modum in christiana disciplina prouheretur, si posset, & facile posset. vt in singulis hominibus, ita in singulis populis variam esse posse vitæ rationem, diuersumque virtutis gradum: dedisse Deum Mediolanensibus, quod alijs fortasse non dederat. Episcopi esse necessarium officium, animas sibi commissas velle, studereque virtutis,

pietatisque summis ornamentis esse instructissimas. eodem quoque rectoris laici munus referri; si modo recte, pieque res penderetur. Petere Cardinalem a Regia pietate, clementiaque per Christi Domini cruciatus, effusumque ad saluandas animas inestimabilis pretij sanguinem; prouideret in reliquum tempus, ut non solum non impediretur, oppugnareturque, sed in conatibus, laboribusque animarum causa susceptis subleuaretur. id maxime decere tam illustrem tanti Regis pietatem: cuius nomine alio quidem loco, in perfidos catholicæ Ecclesiæ perfugas pie, fortiterque bellum geri; alio autem contra Dei ministros, actaque populis salutaria pugnari, nimis indignum esset. Mentem suam plane declarare vellet, eaque mandare; ex quibus rectores prouinciæ, magistratusque intelligerent; ad regiam rem, Regis ipsius iudicio, minime pertinere; immo contra illius esse voluntatem contentionibus eiusmodi, vel quoquo nomine illæ appellandæ essent, sese dare: neque retinendi tantum imperij, vestigialium conseruandorum, iuris dicendi se esse administratos; sed morum etiam regendorum; conseruandæ pietatis, & augendæ; quantum quidem tum pro sua auctoritate ipsi facere; tum in reliquis sacerdotes Dei adiuuare, eorumque studiis fauere, ac inseruire possent. Recordari Cardinalem qua conditione Dominus suos inuitaret. curas, dimicationes, perpeffiones, sæpe etiam cruciatus iis subeundos: seque ad id, quæ diuinæ opis robur esset, paratum esse. cupere tamen in tali Principis ditione; & ab eius ministris non sustinere. quin etiam omnino sibi curandum, ne per alicuius peccatum ea vnquam sustineret. nemini penitus eum concedere, qui regiam potestatem, auctoritatemque in imperio Mediolanensi saluam vellet. debere hoc iustitiæ, Deoque; debere iustissimi Regis pietati; deberi patriæ; sibi que ipsi, qui sub illius imperio natus, & ab eo varie, multumque vna cum patre, fratreque ornatus; eidem se; quantum per fidem, officiaque summo terræ, coelique Imperatori debita liceret; omni tempore gratum præstare vehementer cupiebat. In moribus Mediolanensium recte, pieque, ut quidē voluerat, moderandis, multò se magis regiæ rei, dominationique tribuisse;

quàm qui minuta quædam tanto studio inliçtoris obsequiis, appariturisque ecclesiastici fori sine causâ persequerentur: qui cõtra potius tantum ex regijs rebus detraherent, quantum Dei ministris incommodarent. quò magis fideles Christo Domino, populi forent; eò fideliores etiam suo Regi iusto, catholicoque fore. Addidit Clericus, ex omnibus quæ tetigisset, alia quidem satis esse, si testata essent apud Regium animum; vt quid sibi credendum posthac, quid respondendum, quid mandandum esset, in rebus ad ecclesiã Mediolanensem pertinentibus; apud se pro pietate, iudicioque suo statueret: ex quibus, si quid explicatius, pleniusue cognoscere vellet, se prælo futurum; argumenta, scriptaque suppeditaturum. Alia vero, in quibus factò opus esset, quæq; a Regia benignitate open expectarent, separatim descripta, fustusque in oblati libellis explicata iam tradidisse; vel ab impugnatione magistratuum liberanda; vel eorundem auxilio perficienda; vel ab ipsis omnino imperanda. sese iterum Cardinalis verbis suppliciter petere, vt ea omnia, consilio, iudicio, sapientiaque expenderet, ac ponderaret sua: aut certe non vulgaris sensus, pietatisue homines adhiberet in consilium. Ea Rex attente cum audiisset; habere se Cardinali gratiam dixit; quòd ea relata illi esse voluisset: habiturum se eorum rationem: quædam plenius cogniturum: communicaturum etiam quæ opus esset, cum idoneis viris: significaturum postremo, quid Clerico ipsi faciendum esset. Post paucos dies nunciari iussit, deletum a se Didacum Clauesum ordinis Dominicani, qui ei a sacris confessionibus erat; cuius opera in propositis rebus plenius cognoscendis, consilioq; in earum deliberatione vteretur: cum clericus adiret; & cum eo differeret. Didacus pro sua prudentia de vnaquaque re proposita, cum diligenter diès complures egisset; & clericus esset dimittendus: interuenit Regis ægrotatio; quæ illum multos autumnus dies, magno cum vitæ discrimine tenuit: vt victi Antonij, receptæque paulo ante Vlyssiponis læritiam Dominus morbi dolore, vitæque regiæ periculo compensare velle videretur. vix morbo liberatus, negotium rursus admiserat; diemque dixerat, quo die clericus abiturus in eius conspe-

Regis responsum.

Confessarium Rex deligit qui proposita plenius cognoscatur.

Ægrotat Rex.

*Moritur Hispa-
nia Regis Sxor.*

conspēctum veniret. Sed Annæ Reginæ casus, quæ cum partu septem mensium obierat, adhuc profectiōem clerici impediuit: non enim licebat in luctu, & quidem acerbo adire Regem, commemorandam vero hoc loco arbitror huius Reginæ virtutem, quæ quidem in summo periculo; Regis, regiæque domus, & vt existiniandum est, rei publicę christianæ charitate adeo commota dicitur; vt sese pro illius incolumitate deuoueret. commemorandus item rei euentus; nam & in vita Regi conseruanda eam Dominus audiuit; & piam ipsius accepit oblationem; quam perpetuæ saluti illi fuisse sperandum est. Cum primum igitur datum fuit, venit Clericus ad Regem; supplexque petiit, vt eius voluntate discedere in Italiam liceret. Rex humanissime

*Quæ Rex cleri-
co ex Hispania
diffusus man-
det.*

accepit: Cardinali nunciari iussit; cupere se vehementer eius precationibus assiduis iuuari: & magnas ei de tali officio gratias agere: immo & clerico ipsi de eo quod fecisset, egit ipse. Litteris ad Cardinalem datis ea Rex tum respondit, quæ post gratiarum actionem, post eius pietatis commendationem; moderationem etiam quandam in eo non obscure requirerent. Didacus de moderata regendi ratione fusius litteris suis, doctęque disputauit. Duplex vero cum sit christianæ vitæ publicę, priuatimque institutendę ratio; vna, quæ rebus ad salutem necessariis cōtenta est; altera, quæ meliora semper, quantum possit, & præstantiora sequitur: illam magis probare plurimi videntur. potius eligenda non negant, quæ præstantiora sunt: sed difficultatem semper, humanamque imbecillitatem opponunt. at hæc pro varietate locorum, hominumque expendenda; varięque iudicanda cum sint: probatorum virorum iudicio, qui præsentēs, vsu præsertim diuturno, omnia cognouerunt, videntur relinquenda. In voluntatibus item iudicandis plurimos vidimus rerum naturam spectare potius, quàm vsū; cum sæpe non malę res ob perniciosum vsū, vt malę meritò sint reiiciendę. Cōfirmavit vero Didacus, capturum Cardinalem magnum illius officij fructum: ea ministris in posterum danda esse mandata, quæ ei valde probarentur. iam delectum Gubernatorem, qui pietate, ceterisq; animi ornamentis gratus admodum ei futurus esset, erat is Metinæ, Sidoniæ,

Sidoniam, optima pietatis opinione Dux; qui postea tamen munus dimisit. ad hæc Didacus, gratum semper Regi fore dixit; quotiescumque vellet, eadem via cum eo Cardinalis agere. Atque re ipsa præstitum est, quod illius verbis promissum fuerat. nam ex eo tempore satis ex sententia res Carolo successerunt. maxime vero Carolo Aragonio, Duce Terræ nouæ prouinciæ præfecto; pleraque fuerunt, quod ad civilem potestatem attineret, populi Mediolanensis saluti facilius, perfectiusque curandæ non mediocriter accommodata: quod ex sequenti historia perspicere licebit. Multis rebus significauit Rex, legationem eam sibi gratam fuisse: multisque indiciis, quàm bene de Cardinali sentiret, quantique cum faceret, eo tempore demonstrauit: siquidem ad eundem potestate clerico celeriter facta; satis longum eius sermonem, libenter audiuit: negotium multiplex, tali tempore; id quod neque facere solebat, neque fieri posse cubicularius putauerat; in bello, quod ei maxime cordi esse dicebatur, propeque in procinctu, humanissime suscepit. rem suo tantum, ut postulatum erat, & religiosi viri iudicio; qui ad consilium deferre consueuisset; existimauit: nam ita Clericus; re diligenter inuestigata, compertit esse factum. præterea in maximo sui morbi periculo, cum ea Pacensis ciuitas, morbis, & annonæ inopia, caritateque valde premeretur; de Clerico quæsiuit; si quid opus esset, subueniri iussit. cum morbo leuatus esset; item post Reginæ mortem, citius eum, quàm familiares omnino putarent, admisit; ut alij exteri, qui aditum eundem quærebant, & domestici ipsi valde mirarentur; quid cum Rege clerico illi esset; cui ad eius conspectum aditus tam facile pateret. Satis ampla quoque præmia, ut est catholicæ maiestatis liberalitas, eidem proposita sunt; Mediolanensis ecclesiæ sacerdotia, quæ regiæ sunt cooptationis; quæ vel ipse per Pontificis auctoritatem caperet; vel in propinquum aliquem cõferret. sed ea Clericus recusauit. Hæc libenter commemorauimus, ut Regis maximi pietatem; & erga Cardinalem optimam voluntatem omnes intelligant. qui si nemine interposito; aut vero priuata, & simplici via inter se maturius egissent; multo meliora sperari posse videbantur.

*Legationem
Rex sibi gratam
significat, alia
benignitatis of-
ficia erga cleri-
cum ostendit.*



D E

VITA ET REBUS GESTIS,

CAROLI CARD. S. PRAXEDIS ARCHI- EPISCOPI MEDIOLANI,

Liber Sextus.

De Brixiensibus laboribus: de reliquiis ecclesiarum S. Stephaniani, & S. Celsi. & de sacra Sindone rursus visa.

CAPVT. I.

Post Gubernatoris mortem, merito spes erat, in ecclesia Mediolanensi æquiora omnia, facilioraque fore. defecerat enim in Principe contentionis omnis præcipua vis, & potestas, ac licet manerent quidam præteritorum certaminum administri; quamuis magna; non summa tamen ad voluntatem accedebat potentia. Quid in eo genere per Romanam auctoritatem effici posset, summus Pontifex satis ostenderat responso suo. Sanctius Gheuara, Arcis præfectus, & donec Gubernator eligeretur, prouinciæ præpositus, homo erat satis pius, & a superioris temporis contentionibus abhorrens. qui quidem illud Caroli cohortatione fecit laudabiliter, vt histriones minime ferret; genus hominum; qui turpibus plerumque fabulis ad spectatorum mores deprauandos accommodatis, sordidum quantum faciunt; impudicasque scæminas ad alliciendam iuuentutem in scenam immittunt. hos Carolus, primo quidem idoneis hominibus constitutis, qui obseruarent, ita corrigere studuit; vt nihil obscenum, aut christianis alioqui moribus alienum dicerent facerentue: diebus item festis; ac sexta quaq; feria omnino abstine-

abstinerent. postremo scriptas fabulas, ad similitudinem librorum, qui eduntur, a se prius probandas statuit, quam darentur: histriionumque libidinosa crimina, quæ fori sui essent, persecutus est: ut ij potius abire, quam ea sustinere vellent. Sed ad rem. Non modica etiam erat expectatio, de eo, quod apud Regem missus in Hispaniam clericus effecisset. Ita vero euentus se habuit, ut spes fuerat. sed non ita subito tamen aduersariorum conatus concidere. partim enim ex præteritis certaminibus multa renouare per Decuriones, perque Gubernatoris consilium quidam curarunt; quæ minime perfecere: partim etiam nouas contentiones excitarunt. Cum ad res præcipui pauperum Valetudinarij recognoscendas, a Carolo Ioannes Fontana delegatus, rationes administrationis posceret: is autem qui Regis nomine tum loci curatoribus assidebat, rationum libros negaret; munus suum prius exequi non potuit, quam assessorem anathematis afficeret poena. quare ad Apostolicum iudicium statim delata; multa complurimum mensium spatio incommode acciderunt: dum assessor plura pro se diceret, vehementerque ageret; ipsamque anathematis sententiam, quod grauius erat, rationibus quibusdam contemneret. Ea de causa, opportuna fuit in Hispaniis, Philippi Segæ Episcopi Placentini, & Apostolici internuncij præsentia; qui pro sua pietate, ac eximio rerum publicarum usu, tum erga Carolum obseruantia, ut alias sæpe, quæ vera essent Regi referret, & ecclesiæ causam tueretur. Regius minister ille postea diu agitatus, causam capitis apud eos iudices dixit, quibus se, dum Carolo resisteret, gratificari forrasse summopere putabat. atque ibi demum cum in publico quadam die fuisset; domum reuersus, repente prolapsus concidit; & crepta statim loquendi facultate, amissisque sensibus, paulo post mortuus est. Dum hæc agerentur, Carolus ecclesiā Brixensem diligenter recognoscebat. Sed hic tangendum ante alia de aucta vehementer eius vitæ duritie. qui Roma cum postremo rediisset; ad aquæ vsum, relicto penitus vino, deuenire constituit; id quod multos iam annos paulatim moliebatur. Eius rei tempus erysipelas obtulit, & febris, qua post reditum laborauit; ita ut vino complures dies abstinere medicorum

*Histiones Car-
regis Carolus.*

*Noua excitantur
contentiones.*

*Quid illarum
contentionum
auctori acci-
derit.*

*Vini & su-
cto ad aquam
transit Caro-
lus.*

Aliquot cuiuslibet hebdomada dies pane, & aqua sustentari solent.

Quali cubile sitatur.

Multis & sibi parcat cum eo amice agunt.

Ex Brixienſi diœceſi quam inſtrabat ad loca hæreſi laborantia ſe conſert ad catholicos confirmandos.

voluntate neceſſe eſſet. eo enim quaſi aditu patefacto, integram in eo genere abſtinentiam ingreſſus eſt. neq; ea contentus, duos hebdomadæ cuiuslibet dies conſtituit, quibus pane tantum, & aqua ſuſtentaretur: ac non multò poſt, tres, quas antiqui legitimas ferias dixerunt, eodem modo ſibi traducendas decreuit. item ſublato de loco ſuo conſueti lecti apparatus; in anguſtiſſimum, ſecretumque locum cubandi cauſa ſe retulit, apud alium ſimilem, precandi cauſa conſtitutum; quo intimis tantum aditus erat. cubile fuit palcæ ſaccus: in quo veſtitus cum iaceret; poſtea Pontificis monitu, quem de vitæ ſuæ ratione Romæ conſuluit; detractis ſibi veſtimentis, linteis cannabinis uſus eſt: quæ cum uſu, lauatiōneque aſperitate carere cœperant, noua iubebat adhiberi. nouum autem operimenti genus ſuper lecto habuit, duplicis panni itidem cannabini, palca interpoſita conſuti; quo etiam hyeme utebatur. hac porro aſperitate audita, multum amice, vehementerque cum eo egerunt, ne ſe tantopere affligeret. Auguſtinus Epiſcopus Veronenſis pro ſuo ſummo in eū amore, ac pietate, per epiſtolam ei ſuſius eo de genere ſcriptam aquæ potum improbauit: cui Ioannes Paulus Caimus ex bono medico preſbyter, & canonicus eccleſiæ maioris factus, reſpondit; rationes afferens, quibus etiam natura, potus aquæ Carolo videretur conuenire. Ab eo fere tempore, maiorem etiam affabilitatem, ſuauiſſimamque quaſi perfectæ virtutis maturitatem quandam, adhibens, gratiam ſuam auxit cumulo non mediocri. ut pleroſque paſſim audiremus prædicantes, id quod erat; eo nihil humanius, nihil dulcius fieri poſſe. Nunc ad Brixienſem eccleſiam; cui Carolus magna Reſtorum vrbiſ obſeruantia cultus, operam non minus laborioſam, quàm vtilem dedit; multis adiutoribus; ſacrorum canonum, diſciplinæque eccleſiaſticæ peritis. In ea diœceſi cum ad Telinæ vallis hæreſi laborantis fines veniſſet; ſe minime continuit; quin ad regionis catholicos homines cōfirmandos, millia paſſuum duodecim pedes in eam penetrans; nobilem beatiffimæ Virginis ædem inuiſeret; ibique etiam concionaretur; quod pro ſua modeſtia, religioneque minime fecit ſine Comenſis Epiſcopi, ad quem ea pars pertinebat, aſſenſu.

assenſu. Populum quendam falſis dogmatibus ob hæreticorum
 conſuetudinem iam antea deprauatum, cum in eadem diœceſi
 ſtudioſe iuuare curaret; puellæ cuiuſdam, inſignem pietatem eſt *Puella cuius-*
 admiratus; de qua mihi tacendum eſſe non exiſtimo. eam auus *dum pietas &*
 cum ad patrem hæreticum, qui in Telina valle exulabat, eſſet *relegio.*
 miſſurus; tanta conſtantia eò ſe venturam negauit; vt domo pul-
 ſa, potius apud extraneam mulierem duriter ſuſtentari vellet,
 quàm fidei periculum adire. auo mortuo, cum frater rurfus vi
 ad patrem duceret; auſugit illa in itinere, & in ſiluam ſeſe abdi-
 dit; moxq; ad mulierem rediit. Carolo demum annos nata cir-
 citer decem, ſupplex ſe commendauit; iſque in Brixia pio quo-
 dam pauperum mulierum collegio iuſſit collocari. Neque præ-
 tereunda eſt ipſorum ſicariorum, eiectorumque, quibus Brixien-
 ſis regio tunc abundabat, erga Carolum reuerentia: cum e- *Exulum erga*
 nim alij, qui incidiffent, rebus ſuis, ſæpe vita ſpoliarentur, contra *Carolum re-*
 non ipſe Carolus ſolum, ſed eius adminiſtri quoque, quibus illi *uerentia.*
 ſæpe in variis itineribus occurrerunt, honore potius, quàm vlla
 iniuria ab iſdem afficiebantur. Venit quandoque eorum dux,
 nobiliſſimo loco natus, toti regioni maxime formidabilis, ad
 vicum quendam, vt Caroli ſacro, concionique intereſſet. Caro-
 lus cum plurima in æde tormenta, telaque conſpexiſſet; ſacri lo-
 ci de decus minime ferens, ad ducem miſit, vt ea exportarentur:
 qui ſuis omnibus exire iuſſis, tormentum quod geſtabat, humi
 poſuit; illudque pede comprimens, ad ſacrum, concionemque
 attentus manſit. Martinengum noctu Carolus cum veniſſet; di-
 uerſorium extra caſtellum ingreſſus, eodem hominum genere
 completum offendit; qui maxime illum reueriti; domiciliis e-
 tiam, quæ iam tenebant, prompto animo ceſſere. ipſe vero ſuis
 ad cœnam dimiſſis, infeliciſſimum vitæ genus miſeratus, diu
 cum illis egit, vt extantis periculis, miſeriſque animas, corpo-
 raque item ſua eriperent; ſuumque ad eam rem auxilium polli-
 citus eſt: quorum nonnullos ita commouit, vt pœnitentiam ſi-
 bi proponerent, innocentemque vitam poſthac agendam con-
 ſtituerent. Cum quattuor ſanctorum Brixia Episcoporum, &
 inter eos ſancti Dominatoris corpora in arcis ædæ ſine congruis

*Sanctorū Epi-
scoporū corpora
ex Arcis Brix-
iensis ade in ma-
iorem Eccle-
siam transfert.
1581.*

*Mariam Ma-
ximiani Impe-
ratoris uxorem
Brixia conue-
nit. Et Laude
iterum adiuit.*

honoribus, cultuque haberentur, neque piis hominibus ob ar-
tam loci custodiam, aditus esset ad venerationem: ea Carolus,
etiam rectorum ciuitatis voluntate, in Ecclesiam maiorem ce-
lebri admodum apparatu, conuentuque transtulit, mense No-
uembri anni M. D. LXXXI. nam ad id tempus in eo negotio
Brixienti, longinquo itinere sæpius repetito, perseuerauit, anni
tempora inter suam, Brixensemque ecclesiam partitus. In ea ci-
uitate conuenit Mariam Maximiani Imperatoris olim vxorem;
Rodulphique matrem, & Philippi Regis sororem: quæ ex Ger-
mania in Hispanias iter faciebat. debitum erat officium altissi-
mæ Imperatricis dignitati; non minus tamen insigni optimæ
fœminæ pietati: accommodatum vero ad Caroli res in Hispa-
nia iuuandas. periucundus fuit Reginæ Caroli aduentus: atque
humanissime, pieque admodum accepit: Missam, vt coram ea
faceret, suisque precibus iuuaret, postulauit. Carolus eo tunc sa-
lutationis officio contentus, Laude iterum adiuit, vbi eam præ-
cipue honorare cupiebat; quod ea ciuitas prima in Mediola-
nensi ditione occurrebat. Sed illa Imperatorum, filia, vxor, &
mater; præ summo christianæ humilitatis studio Carolo dixit;
pompa illam personæ Imperatoriæ perscriptâ sese ferre quo-
dammodo non posse; in qua ipsa veheretur, clerus vero pedibus
præiret. Itaque omisâ pompa ingressa est. Missam Carolus illa
præsente fecit. cumq; loco minime consecrato fieri necesse fu-
isset; eam rem, cum inter sacrum verba faceret, noluit Carolus
exempli gratia silentio præterire: quin excusationem afferret, id-
que sibi alioqui non probari modeste significaret. nonnulla Ma-
riæ, nobilissimisq; fœminis, quæ eam comitabantur, donauit
religionis gratia: quæ quidem illæ, vt incredibili cupiditate ex-
petierant; ita summo gaudio acceperunt. cum autem de Medio-
lanensis ecclesiæ rebus eam generatim ipse docuisset; clericum
deinde, quem miserat in Hispanias, Genuam versus, eam subse-
qui iussit; & quæ opus essent, ad ecclesiæ causam defendendam;
latius suppeditare. Ad Brixientium populorū salutem plurima
Carolus effecit; auctoritate sine dubio adiutus amplissima; sed
in primis sanctitate. Magnus, salutarisq; locis omnibus animo-
rum

*Plura pro Bri-
xientium salu-
te effecit.*

rum motus; magna voluntatum propensio. plurimi tali exemplo, cohortationibusque permoti; ad fugienda vitia, ad emendandos mores, ad augendam pietatem incensi; non mediocriter in salutis negotio profecere. multi diuturnis scelerum vinculis astricti salutarem libertatem; diuino beneficio, Caroliq; opera consecuti sunt: vt eiusmodi commotiones Carolus videns maximis in laboribus maxime item recrearetur; sæpiusque gentis laudaret pietatem. præcipue vero, quod ad acuendum virtutis studium dicendum est, mulierum virilem, excellentemque animum admirabatur, ad insignia quædam pietatis officia exercenda paratum. Quæ vero pro sua auctoritate decernenda, scriptisque mandanda censuit; ea si respiciamus; plurima item ea ratione, grauissimaque instaurasse, atque egisse videatur, ad Pontificiarum constitutionum, decretorumq; prouincialium præscriptum; de cleri disciplina; de cultu ecclesiarum; de recto rerum ecclesiasticarum statu; de cœnobiorum virginalium institutis; demum de iis omnibus, quæ ad vniuersam ecclesiam illam recte, sancteque ordinandam pertinerent: quæ nimis longum esset enumerare. grauissima quædam ad sacram immunitatem spectantia, quæ quis in iis regionibus emendari fortasse voluisset; non neglexit ille quidem; immo cura, diligentia, cohortatione, omnique officio suo, neque id sine fructu, curauit: sed iudicio persequi, & corrigere, eius arbitrij, potestatisue non fuit. Memoranda fuit eo loco Hieronymi Luciæ patricij Brixienfis pietas, admirabilisque in Carolum animus, tum assiduis, prorsusque inusitatis officiis, quæ præterimus: tum hoc maxime. cum Brixiam Carolus venit, vt Imperatricem conueniret; quoniam visitationis leges tunc non impediabant; ad eum improviso diuertit. homo incredibili gaudio perfusus; idque in felicitatis loco ponens, cubiculum, quo ille vsus fuerat, cum lecto apparato ea lege conclusit, nuncque conclusum habet, vt eo posthac vmquam sit vsurus nemo. beatum sese honestissimi vir ordinis dicebat, si per suorū necessarias rationes licuisset in Caroli domo, vel ipsius stabuli sordibus exportandis, operam dare. Vno ex iis temporis interuallis vsus Carolus, quæ Brixienſe negotiū inter-

*Hieronymi
Luciæ patri-
cij Brixienſis
pietas.*

inter-

*Oſtauum di-
ceſanam ſyno-
dum & ſacra-
rum reliquia-
rum transla-
tionem cele-
brat.*

intermittens dabat eccleſiæ ſuæ; oſtauum totius cleri ſui ſyno-
dum habuit: in qua mirificam illam vim ad clericos commouē-
dos, vt antea, magno animorum fruſtu præſtitit. eaque vſus op-
portunitate, populo ſuo ſacrorum corporū eccleſiæ ſancti Ste-
phani translationem, quò celebrior, adiuncto diœceſis clero,
ſplendidiorque eſſet, exhibuit. cum enim ob ædiculam ſancti
Vincentij in ipſa eccleſiæ inſtaurandam, eæ reliquiæ mouendæ
eſſent; ſua conſuetudine vſus, populi erga beatos illos pietatem
translatione celebranda, ſtudit excitare. dies translationis fuit
XII X. Cal. Maij. Reliquiæ fuerunt ſanctorum Leonis, & Marini
martyrum, & Arſatij Episcopi: quæ in eodem loco, ſed ad hono-
rem decentius, & ad diuturnam conſeruationem cautius, col-
locatæ ſunt. Atque eodem menſe poſt dies quinque reliquias
mouit ſanctorū Cirini, Naboris, & Baſilidis; quæ in altari ſancti
Celfi in capite ſiniſtrę nauis, vt appellant, poſito, reconditæ erāt:
quod altare, ob minime congruum locum tollendum erat. ce-
lebritatem, pompamue eius rei nullam inſtituendam cenſuit;
cum pauca tantum oſſa, ante conſpexiſſet. ea priuatim repoſita
ſunt, mox in aptiorem locum referenda. Conſuetum eius anni
tempus dabat Carolus eccleſiis diœceſis ſuæ luſtrandis: cum ad
venerandas S. Eusebij eius vrbis Episcopi reliquias, Vercellas
venit: quarum translationem Io. Franciſcus eius ſucceſſor para-
bat longe celeberrimam; ob inſignem optimi ſacerdotis, & pa-
troni difficillimo Eccleſiæ tempore præſtitam pietatem, con-
ſtantiam, animique magnitudinem: quæ translatio tamen qui-
buſdam impedimentis dilata, numquam habita eſt. nam Io. Fran-
ciſcus ſanctæ Sedis Apoſtolicæ internuncius, apud exterar na-
tiones moratus eſt vſque ad mortem. Vercellis Carolus Maſi-
num proſectus eſt ad Carolum Emanuelem nouum Sabaudia
Ducem: deceſſerat enim ante menſes circiter decem eius pater.
Carolus autem per Franciſcum Adornum tantummodo filium
conſolatus, paterniſq; admonitionibus proſecutus, adhuc cum
non viderat. tunc vero libenter ſumpſit oblatū tempus; vt ado-
leſcentem iam etiam ad omnem regiam virtutem, pietatemque
incitatum, pro ſuo eximio amore; pro patris fiducia, & ſpe; pro
ipſius

*Ad Generan-
das ſancti Eu-
ſebij reliquias
Vercellas Ge-
nit.*

*Carolum Ema-
nuelem Sabau-
dia Ducem,
Maſinum con-
uenit.*

ipſius ſtudio, deditaque admodum voluntate, coram confirmaret; & conſiliis, præceptiſq; ſuis quantum poſſet, adiuuaret. Aduenienti princeps paſſus amplius ducentos pedes obuiam proceſſit. Tum Caroli ſermonum, actionumque fruſtu maxime lætatus; vehementer etiam ab eo petiit, vt Taurinum ad viſendam iterum Sindonem redire vellet. quo profeſtus Carolus, in longinquiores inde ſuæ diœceſis partes diſceſſit. atque ad Virginis ſacra natalitia Mediolanum reuerſus; Reginæ Hiſpaniarum antea mortuæ, non animæ ſolum funebribus officiis, ſacrificiisq; ſummo ſplendore in eccleſia maiore celebratis, ſuffragatus eſt; ſed laudibus quoque ſatis ornata concione habita, quæ edita eſt, tantum tribuit, quantum eius præclara virtus depoſcebat.

*Hiſpaniarum
Regina mor-
tua funebria
officia ſolenni-
ter celebrat.*

D v o Carolus inſtituit primis ſequentis anni M. D. XXCII. menſibus ad populi ſui diſciplinam, ſalutemq; valde vtilia, ſi bi- que admodum iucunda. primò quidem feſtos dies integre tutatus eſt, non ſolum a ludis equeſtribus; ſed etiam a perſonis, & lar- nis; quod antea factum non erat. hunc virtutis progreſſum, quæ fuit, non dicam populi; ſis enim ſemper obtemperafſet; ſed principum etiam virorum obſeruantia; facile conſecutus eſt; cum ſuum de ſpectaculis ediſtum ad id genus quoque pertinere tantum declarafſet. Deinde cum ad ſanctos illos dies ventum eſſet, quibus Euchariftia chriſtiano cuiq; canonicis ſanctionibus ſumenda eſt: præcipua cura, diligentiaq; inquire iuſſit; qui publice in chriſtianam diſciplinam peccarent; vt eos ad ſacramentum admitti minime permitteret. quæ res ad animas erigendas, quæ fordida iacerent, magnopere valuit. multi enim, ſi non immortalis ſacramenti beneficio; ſaltem notæ, infamiæque timore per- moti; & ea neceſſitate etiam adiuti; ex publicis malis, offenſionibusque tamquam è luto emerſerunt. & ſacri homines, ſiue ad confeſſiones audiendas, ſiue ad regēdas parochias delecti; quorum negligentia, vel infirmitate vitia ſæpius aluntur; a Carolo grauiter moniti, quòd certorum hominum publica, vel etiam inueterata peccata, ſicut ipſe reperiebat inquirendo, tolerarent; ad officium ſuum, grauiffimum quidem, maximique momenti

*Prouinciæ
concilium ſex-
tò habet. Trās-
lationem cor-
porum S. Sim-
pliciani, alio-
rumque bea-
torum cele-
brat.*

C A P. II.

redditi sunt attentiores. in ea causa fuerunt primarij quidam; qui posthabita salutis, & existimationis quoque cura, turpem, & contaminatam vitam agebant: qui quidem summa omnium bonorum approbatione, libere fuerunt a Carolo correcti. Post Pascha vero duas illustres actiones sibi obēundas parauerat: sex-tum prouinciæ concilium; & pulcherrimam sacrarum reliquia-rum translationem. Ac translationem quidem; cū antea posset haberi; reiecit in illud tempus; vt Episcoporum conuentu magnificētior euaderet. nam superiore anno monachi Cassinenses ecclesiam; priscis quidem temporibus Mariæ, ceterisque beatis Virginibus dicatam; postea vero sancti Simpliciani nomine appellatam, instauraturi; altaris locum alium designarunt. quod mouēdum cum esset; mouendæ necessariò erant reliquiæ, quas continebat. Carolus igitur, cuius auctoritate id faciendum erat, eò venit IV. Cal. Aprilis. inuenimus arcas plumbeas, vna Sisini, Martyrij, & Alexandri martyrum: & item sancti Benigni Archiepiscopi Mediolanensis ossa habebat: caput tamen vnum, quod Benigni fuisse creditum est: martyrum vero capita Tridenti fuisse relicta, vnde ea corpora transportata fuerant, credibile videtur: quin etiam non pauca eorum ossa deesse animaduertimus. Capsa altera, duorum beatorum Præfulum itidem Mediolanensium ossa continebat, Ampelij; & eius, quem hilare admodum, & qua possum veneratione commemoro, Geruntij: traditur enim ex familia fuisse, cui a Basilica petri nomen est. In tertia, sancti Simpliciani itidem Mediolanensis Archiepiscopi ossa, & ex omnibus pulcherrimum caput, condita erant. Eæ capsæ, quemadmodum inscriptum erat, & senes quidam memoria tenebant, eo loco conditæ fuerant anno salutis M.D.XVII. quo anno monachi ecclesiam obtinuerant: alia quoque ossa ibi reperta sunt: in illa enim ecclesia ea esse, memoria proditum est; neque alius eorum demonstratur locus. Capsæ rursus clausæ in ecclesiæ sacello collocatæ sunt; donec rite transferri, & constituto loco recondi possent. Habuerat igitur Carolus Episcoporum suorum concilium; in quo præter consueta ornamenta, ad magnificentiam ecclesiasticam comparata, tunc primū in loco vbi Episcopi con-

Aliam sancta-rum reliquia-rum transla-tionem eam-que solennem facere insti-tuit.

pi congregabantur, imagines sanctorum, qui vt patroni ab singulis ecclesiis prouinciæ inuocantur, apponi iussit. Plura de more variis de rebus, ad disciplinam ecclesiasticam restituendam, decreta fuerant, quamquã paruo satis volumine. continenter vero ad translationem ventum est; VI. Cal. Iunij, die dominico post Ascensionis solemnia: quæ vno fere Simpliciani nomine ubiq; promulgata est; quia illi præcipue honos habebatur: propterea quodd non sanctitate solum, sed doctrina quoq; præstantissimus vir ille fuit, quãuis nulla eius scripta extant: & quod plurimi faciendum videtur; non solũ S. Augustino valde obseruatus; sed ab ipso etiam S. Ambrosio patris loco habitus est. omniũ, quæ Mediolani quidem celebratę sunt, ornatissima, apparatissimaq; hæc translatio fuit. præter concilij Episcopos, alij quoq; multi, in primis vero Gabriel Paleotus Cardinalis, affuere. litteræ ad vniuersam prouinciã datę; quibus omniũ pietas erga beatos, optimosque illos ecclesiæ Mediolanensis patres, in primisque erga illum quodammodo patrũ ipsorum patrem, excitabatur. libelli psal-morũ, precationumq; editi; cũ hymnis multis, carminibusque, tunc ad beatorum illorũ honorem Mediolani, Romęque compositis. ieiunium quarta, sextaq; feria, tum sabbato quoque, præcedente hebdomada passim seruatur. pluribus ante diebus in tota prouincia, festus campanarũ sonus. pridie diei translationis, nocturna lumina ad publicę lætitię maius indicium ex vnaquaque domo prolata. qua sacrę reliquię portandę erant, ad passuũ millia circiter quattuor, egregius viarum apparatus. peristylia pluribus locis, portęque triũphales. ad Archiepiscopale palatiũ, omnium Antistitũ Mediolanensium, quotquot vnquam fuerunt, imagines affixę. insignis porta ad locũ, vbi ciuitatis consiliũ haberi solet; cũ victoria depicta, quam Mediolanenses olim, trium martyrum illorum auxilio, cõtra Fridericum Imperatorem pugnantes sunt consecuti. vbique vero elogia, & inscriptiones ad sanctorum illorum, ipsiusque sanctorum creatoris honorem proposita. Clerus vniuersus cum splendidioribus indumentis, cereisq; qui etiã longe ex vicis, & castellis ad duodecim millia passuum conuenerat: post illum Episcopi: deinde reliquię, quas

Qui celeberrima translatio interfuert

Huius translationis præparationes, & apparatus amplissimi ordinesque mirabilis.

*Maximum Syn-
dique Populi
concursum.*

in quattuor feretra distributa ferebant Abbates Cassinenses, sacris indumentis, mitraque insigniti. Simpliciani vero caput argenteo capite inclusum duo Cardinales, duoque Episcopi portabant. cerei maximi vtrinque accensi. super singulas arcas umbracula a viris honestissimis sustentata. tanta conuenit multitudo, vt viæ circiter millia passuum decem ab vrbe plenæ conspicerentur. at ex multis quoque prouinciæ partibus plurimi adueniunt. vt tot, tantisq; rebus accedentibus, ea celebritas longe maxima sit effecta. Carolus sacris feretris ad eandem ecclesiam relatis, pontificale sacrum fecit, & in eo concionatus est: idque ea facie, quod a multis est obseruatum, vt si portando, & impetum multitudinis, quæ videndi, tangendiq; causâ tota via concurrebat, per multas horas sustinendo, nihil laboris sensisset; cum alij tamen Præsules vultu satis manifeste defatigationem non mediocrem præ se ferrent. In ædibus monachorum, vt commoditatis gratia constitutum erat, Præsules mansere: sed priusquam ipsi accumberent, duodecim pauperibus accumbentibus stantes ministrarunt; interim eos salutaribus verbis cohortantes; spiritualementq; cibum corporeo adiungentes. Cum denique ipsi quoque cibum caperent, eumq; minore, quàm pauperibus supeditatum fuerat, copia, ex prouincialis decreti moderatione: venia, Carolus inquit, dari potuit inopum gratia, si præscriptum cibi modum transiuimus; nostri vero causâ, non item.

Transfert corpus S. Io. boni Synodum dicentis habet. rursus in Taurinos, deinde Romam proficiscitur. CAP. III. Ambrosiana ecclesia triduana supplicationes, quaratione a Carolo celebrata sint.

POST concilij, translationisq; labores cæ sacrarum munerum, operumq; functiones obeundæ Carolo inciderunt; quas, ad eius virtutem ante oculos ponendam, ordine semel recensere, non alienum puto: vnde fieri facile poterit reliqui temporis coniectura. nam frequenter sese offerunt, si persequi vellemus, huiusmodi continuationes. statim igitur occurrerunt triduanæ supplicationes illæ, quas excellēti cultu, præcipuoq; labore corporis Ambrosiana celebrat ecclesia. nā a nocte fere media, duodecim ipsas horas, atque amplius singulis diebus continuantur; dū per ecclesias ex antiquo ritu, intra, extraq; vrbis mœnia vniuersus clerus sacris precibus insistit. has neq; ob superiores labores,

res, neque ob id, quòd Cardinalem, aliosq; Episcopos hospites domi haberet, omisit Carolus; sed nocte post trāslationem proxima, sumpto vix duarū horarum spatio ad somnum capiendū, affuit in maiore ecclesia, ad sacrum cinerem capitibus omnium qui conuenerant, more maiorum imponendum. supplicationum deinceps totum triduum, pane, & aqua tantummodo se reficiens, religiosissime coluit. Primo die cum ex tam longa via rediisset; quietis loco, illud addidit, vt ad reliquias iam translatas de more recondendas, sancti Simpliciani Basilicam adiret. altero die itidem reuersus; in parua, & peneruinosa æde sancti Michaëlis, quæ maiori templo subest, reliquias sancti Ioannis Archiepiscopi, cognomento boni, aperuit, collegitque postea in ipsum templum transferendas; quò etiam parochiæ titulum, iusque transtulerat. tertio vero die vespertinarum precum solemniis in eadem ecclesia celebratis, eas in capsā stannea, consueto ritu, diligentiaque recondidit; capite reseruato, vt argento regeretur. ac postero die vna cum Cardinali Paleoto, cleroq; vniuerso transtulit. collocauit autem in altari, quod extruxerat ad dexteram templi partem, vbi alteram ianuam occluserat. Proxima dominica, sanctissimæ Pentecostis solemnitati, Pontificalibus officiis, operam dedit. sequenti vero die supplicationi, quæ plena proposita indulgentia, cum vniuerso clero habetur ad sancti Gregorij locum extra urbem. tertio eius celebritatis die festo, sacramento confirmationis administrando, vt iis diebus solebat, vna cum Paleoto fuit occupatus. Cumque clerum totius diœcesis ad eam diem conuocasset; quarta, & duobus sequentibus feriis synodum habuit; concionesque, vt consueuerat ad clerum. Cardinalem Paleotum interea urbis ecclesias, earumque sacras res pie visentem, passim audiebamus, Caroli singularem pietatis ardorem, intolerabilesque labores continuos summa cum admiratione extollentem, atque obstupescentem. Impetrauit ab hoc optimo Præsule Carolus, vt in synodo ipse quoque concionem, eamque latino sermone, quòd illi perfacile est, ad clerum haberet. cuius concionis locum in sequenti synodo ipse pro sua singulari modestia, ad clerum in concione

*Sancti Ioannis
cognomento boni
corpus trans
fert.*

*Synodum diœ
cesanam agit.*

attulit, diuinitusquē tractauit. is autem erat de eo, quod Israëliticus populus, dum post captiuitatem Babilonicam templum instauraret, varie sentiebat: alij namque præsentem ædificationem videntes, flebant recordatione longe pulcherrimi veteris templi: alij vehementer gaudebant, instaurationem ex superioribus ruinis contemplantes. quæ res ad præsens tempus erat valde accommodata: erat enim, si præteritas corruptelas quis consideraret, valde gaudendum, ob ea, quæ in diuino cultu, ecclesiasticaque disciplina restituta erant: sed dolendum etiam maxime, quod omnis instaurationis a vetere cultu, disciplinaque longissime adhuc abesset. Post ea quæ commemorauimus, cum iterum Carolus Taurinum petere cuperet, & sacrosanctam Sindonem visere; delegit tempus illud. vt cum Paleoto Cardinali vna proficiscerentur. ea re lætatus est Dux vehementer; & sanctissimum Christi corpus iam tunc a Carolo sumere constituit, in proximo eius solemnī festo. iter fuit piarum exercitationū plenum. in locis vbi manendum esset, primò Cardinales ad ecclesiam veniebant, ibiq; litaniam cum inuocatione sanctorum ex ecclesiastico ritu habebant. mane post sacrum in viam se dabāt. in itinere de rebus salutaribus sermones, cogitationesque omnium erant. singulis enim curribus sacerdos erat præfectus; qui certa capita sociis ex euangelio traderet, dum iretur, meditanda. Nouariæ, Vercellisque concionibus, sacrisque aliis actionibus populorum pietatem adiuarunt: qui quidem licet Antistites, vt principes amplissimos honorarent; vt seruos Dei, sanctosque viros etiā obseruabant, & venerabantur. armati, qui ex vicis honoris causâ de more obuiam prodibant, noua militum specie, humi positis genibus tormentis, vt consuetum est, sonum efficiebant. mira delectatione, gaudioque pulpita, dum Præsules amplissimi concionarentur, insueta purpura collucentia, pij omnes cōtemplabantur; & temporum felicitatem vicissim gratulabantur. Quæ Taurini, multitudinis infinitæ concursu, etiam ex corruptæ fidei locis, pie, sancteque acta sint; in sanctissima Sindone aspicienda, publice ostendenda, publiceque adoranda; in precatione quadraginta horarum, ab vniuersis ciuitatis ordinibus

*Taurinum cū
Cardinale Paleoto ad sacrā
Sindonem visitandam concessit in itinere
pie ambo multis præstant.*

*Mira quæ in sacra hac altione
Taurini sunt gesta.*

nibus per stationes de more continuanda; in sacris concionibus ab ipsis Cardinalibus, ab Episcopis, qui conuenerant; a sacerdotibus aliis, tum per singulas stationes, tum alias quoque, ad eorum populorum salutem habendis; in Domini corpore, pompa magnificentissima per urbem rite ferendo; eiusque festo die celebrando; hæc omnia ex iis, quæ alias in hoc genere facta narrauimus, existimari possunt. Inde vero per Padum discessere Cardinales. Paleotus longius delatus est, Bononiam versus. Carolus in Casalensi diœcesi naui egressus, parœciam suam oppido propinquam recognouit. inde ad montana loca profectus, usque ad Septembrem rebus sacris ordinandis, populisq; ad salutem iuuandis operam dedit. Romam hoc eodem anno redire Carolus cōstituit: tum quia eius rei tempus ex ecclesiastica norma, post triennium recurrebat: tum etiam quod multarum rerū causā, quæ ad Ecclesiæ statum pertinebant, eius virtus a multis ibi desiderabatur; & erant quotidie, qui instarent. maturius autem profectus est, quàm putarat; ob grauissimum morbum Camillæ sororis. de quo cum accepisset pridie natalis Virginis festi; ea ipsa nocte, dispositis ad cursum equis, Vastallam contendit. sed eò cum peruenisset, offendit mortuam: cum paucos ante menses Anna quoque ex hac vita migrasset. Commodum igitur ita arbitratus, inde Romam petere statuit: cum profectionis causam prius tamē ab Episcopo Dertonensi, utpote ceteris prouinciæ Episcopis antiquiore, probari ad præscriptum decretorum prouincialium curasset. Romæ de iuuandis inter alia vicinis populis hæresi contaminatis, egit; de quo latius postea explicabimus. sacras Ecclesiæ sanctæ cœremonias, a certis Cardinalibus, viris doctis ad consultationem adhibitis, auctoritate Pontificia constituendas curauit: opusque iam ceptum vidit, antequam discederet. alia permulta, quæ necesse non est enumerare. Seminario suo duas Carauagienses Præposituras, quæ Humiliati ordinis fuerant, impetrauit: Abbatiam vero Secedanam in agro Alexandrino congregationi Oblatorum. Incunte anno M. D. XXCIII. Roma rediens ad grauissimam controuersiam inter duos Italos Duces componendam, iussu Pontificis venit.

*Romam ire
constituit.*

*Quæ Romæ
gesserit.*

1535.

quam

*Mediolanum
veneris cur
supplicationes
obcat.*

quam rem complexus, ita deinde, tamque feliciter non multo tempore confecit; ut & Pontifici ipsi, & utrique parti satisfaceret. Mediolanum cum rediisset, tribus diebus cōsuetō ritu, cum vniuersis ordinibus supplicationes obiit ad statas ecclesias, ob Didaci Hispaniarum principis obitum: ita enim Philippus pater, omīssis funebrium precum officiis, pro decem annorū puero, faciendum pie iudicauit.

*Vicinorum gē-
tium fidem,
salutemq; sibi
curandam su-
scipit.
CAP. IV.*

H I N c ad vicinas gentes, hæresi, malisque aliis afflictas, iuandas, Carolus animum adiecit. Plurima fecerat ob eam causam antea; quemadmodum demonstratum est. Multis populis, plurimis etiam hominibus separatim, varia ratione sæpius ad salutem subuenerat. Fecerat Carolus non solum, ut illius opem ferret; sed ut eodem etiam tempore ecclesiæ suæ, atque adeo ipsi Italiæ cauēret; cui magnum ab ea parte periculum, videbat imminere. licet enim variis decretis prouidisset; ne, quod propter varia negotia quotidie accidit, vel exteri venientes in prouinciā suam, quidquam sanctæ fidei, disciplinæque detrimenti possent afferre; vel sui ad loca deprauata euntes, contaminarentur; & si quid ipsi labis contraxissent, cum patria communicarent: multo cautius tamen, tutiusque fore animaduerteat, vicinam partem, si fieri posset sanare; quā ne quid proximè corrumpere-
tur, eniti. Vicinam partem intelligo non Heluetios solum; & qui primam Rhætiā incolere putantur, Grifones appellatos: sed multo magis Italos populos, neque exiguos; neque ignobiles; qui citra ipsum quasi Italiæ vallum, Alpes dico, ditionis Mediolanensis fines attingunt: & sub earum gentium imperium, ceciderunt. Heluetiorum quidem certos pagos scimus rectam apud se fidem, & in suis citra alpes adhuc conseruare. sed ea tamen in rebus ecclesiasticis disciplina vtuntur; ut maiora sint iis pericula pertimescenda. nam ceteri, post amissam disciplinæ integritatem, etiam diuinæ veritatis lucem perdiderunt; miserisque sunt errorum tenebris circumfusi: rum sua in eos, quibus imperant, mala deriuarunt. at eiusmodi pericula item, vitiaque quantum posset, tollere Carolus in animo habebat. Rhæti vero
illata

illata semela Zuinglio hæresi, ante annos circiter sexaginta; Episcoporum Curienſium primò negligentia; deinde infirmitate, negligentiaque ſimul; ad eam enim eccleſiam pertinent; in eum denique ſtatum venire, vt ex tribus pagis, quas ligas appellant, quibus tota Rhætorum ciuitas continetur, duæ magna ex parte hæretica peſte corruptæ ſint; tertia, quæ genti nomẽ dedit, cum Griſia vocetur, & maioris videtur auctoritatis, dimidia tantum ex parte ſequi videatur catholicam fidem. Cum vero non exiguas etiam citra alpes regiones occupent; quæ natura, & lingua Italicæ ſunt; & prouinciæ Mediolanenſis antea fuerunt; eandem ad illas calamitatem transfuderunt. Eiuſmodi vallis eſt, quæ Meſaucina dicitur a Meſaucis populis, in qua caſtellum hodie quoque, paulum corrupto nomine, Meſocum appellatur. Eiuſmodi Peſclauium cum agro, & valle, quæ ad illud pertinet. qui quidem populi, Rhætici popularis dominatus ſunt participes. Sed eſt alia vallis longe maxima, & multarum rerum copiis abundans; quæ hominum ad centum millia, cum nobilibus familiis, variis caſtellis, vicisque dicitur continere. Telina illa eſt. eius longitudine paſſuum circiter ſexaginta millium, Abdua fluens, demum Larium lacum ingreditur; vel potius illum efficit. eſt & alia minor, Larium, medio quodam alio lacu pariter attingens, quæ ab caſtello Clauenna nominatur; cui vallis alia ſancti Iacobi nomine dicta coniungitur. Harum vallium populi, dominatus minime participes, tali ſub imperio, ſi tantummodo eſſent; tolerabile videretur: ſed ea dominatus ratione a iudicibus ple- rumque hæreticis premuntur; vt hæreſis peſtem in dies magis, magisque recipere quodam modo cogantur. qua ex re, qui non multos ante annos incorrupta fide viuebant, nunc ex parte non modica ſunt inquinati; atque ita ſerpit malum, quotidieque manat; vt niſi Deo miſerante, quis occurrat; breui (quod auertat Deus) populos vniuerſos, qui tamen Itali ſunt, occupaturum penitus videatur. vnde non paruum reliquæ Italiæ periculum immincat: præter illud præſens, grauiffimumque detrimentum; quod nefariæ libertatis cauſa, eò tamquam in tutum locum, mira facilitate, ob nimiam locorum propinquitatem, ſeſe reci-

*Quo modo apud
Rhætos res reli-
gionis ſe habe-
ant.*

*Telina Vallis
Clauenna &
ſancti Iacobi
etiam Vallis
Ratis.*

*Religionis ca-
tholica pericu-
lum illud in
ciuitatibus.*

piunt Itali omnes, quotquot ordines religiosos, fidemue ipsam impie, pernicioseque deserere statuunt. His igitur regionibus, populisque omnibus, cum ab se Carolus, quantum fieri posset, totis viribus subueniendū statuisset: re ad Pontificem Romę delata; Heluetiæ, Rhætiæque, Visitatoris Apostolici nomine, magna cum potestate præfectus est. Roma reuersus, neque laboribus, neque sumptibus ullis parcendum sibi statuit, vt miseris subueniat: omnes vias circumspicit, exploratque, quibus viis tantis malis possit remedium afferre. Caroli desiderio illud erat adiuuenti; quod aduentu Ducis Terrænouæ, ecclesiæ Mediolanensis administratio facilior videbatur: & contentionis aduersæ loco, rebus salutaribus auxilium ab eo expectabatur. cuius rei indicia multa statim is dederat: hoc in primis, quod administrationis initio superiora edicta de more renouaturus, & ea omisit, reiecitue, quæ populi pietatem antea magnopere turbauerant; & alia promulgauit, quæ Carolus cupiebat; quæque iam a Rege ipso per Clericum postulauerat. præterea sese rebus omnibus eam rationem initurum pollicebatur; quæ a controuersia, contentioneque maxime esset aliena. quod Carolus etiam sperabat; pietate principis adductus antea sibi perspecta. Audoenū Ludouicum præterea Anglum; nunc Episcopum Cassanensem, administrationis suæ primarium Vicarium relinquebat; cuius fidei, virtutisque confidebat plurimum. Hæ res ob firmam spem publicæ quietis, rectæque gubernationis, locum Carolo dabant, vt exterorum saluti operam dare facilius posset. Cisalpinos igitur cum in primis sibi tentandos, iuuandosque ob propinquius periculum constituisset; Mesaucos ex his primos sibi petendos existimauit; quod primariis quibusdam regionis viris auxilium petentibus, multitudine ad id parata, proficiendi spes erat non mediocris. Est ea vallis longitudinis millium circiter viginti, & mortalium ad millia vndecim continet. Cum autem Mesauci essent in administratione, & imperiis Rhætorum consortes, & Grisiæ gentis pars, quæ grauior esset, & a recta fide minus aliena: securius ibi agi posse videbatur; si forte ob renouatum pietatis cultum, iis reliqui vellent aliquid negotij facessere. Accedebat,

De his regionibus iuuandis Caroli consilium.

Mesaucos cur primo adeat.

bat, quòd publico vicorum consilio nonnulli ex valle ad Carolum venerant; iudicemque petierant, qui apud eos maleficas, strigesque inquireret. quod quidem ab veteri eorum more, ad Archiepiscopum Mediolanensem similes ob causas confugiendi, non abhorrebat. Eò igitur Carolus præmisit Frânciscum Borſatum Mantuanum clari nominis iuriconsultum, qui ad clericalem ordinem nuper transferat: vt de maleficis quæreret, iudiciumque ferret; & Caroli officiis quodammodo viam pararet. Is profectus, conuocato totius vallis consilio; sic acceptus est; vt magnas se Carolo, ipsique Francisco gratias habere de huiusmodi charitatis officio incolæ responderent. Ille igitur ea omnia studiose suscepit, quæ mandata erant; & totam vallem perlustrauit: donec Carolus aduenit ipse. qui summo gaudio exceptus; & quibus potuit in locis siluestribus, ab eiusmodi hominû genere, maximis honoris significationibus acceptus fuit. Antequam vallem ingrederetur; suis omnibus conuocatis, ostendit quantam rem susceperent; quàm acres, astutæque Dæmonum concertationes expectandæ essent. proinde tum assidua, & ardenti precatatione cum ieiunio, salutariq; aliarum rerum patientia coniuncta, opus esse; tum magna quoque cautione; ne quidquam ab aliquo fieret, dicereturque, quod ex ea gente quisquâ in malam partem posset, vel ob iudicij infirmitatē accipere. quod ubiq; ex christiana pietate cauendum erat, id iis locis præcipuo studio fugiendum. Quo die Roboretum peruenit (præcipuum illud est in vallis prima parte castellum) magno incolarum concursu, Pontificali habitu venit ad ecclesiam: vbi sumpto cōcionis argumento ex sacra Iosephi historia, quem pater miserat, vt fratres quæreret; & quomodo ipsi, gregesque se haberent, patri referret: missum se dixit ad fratres suos à summo Romano patre. missionis causam, summq; erga illos amorem, & ipsorum cōditionem, statumq; sic explicauit; vt pie admodum multitudo cōmoueretur, & fleret. Hæc Roboreti agebantur. summo mane

Franciscū Borſatum eò præmisit.

Qua suis demonstrat.

Roboreti exceptus ad populi concionem habet.

Franciscum Panicarola & Achilles Galliardus que officia præstant.

lum pie cohortabatur. Achilles Galliardus ex Societate Iesv
 vespere christianæ fidei prima dogmata accurate docebat: dein-
 de multitudo litaniam, eiusdemque modi sacris precationibus ex-
 ercebatur. sacræ confessiones quotidie audiebantur; qua in re
 magna erat a Carolo impertita sacerdotibus ad animas expian-
 das auctoritas. Ad conciones, ad diuina officia, ad sacrosanctam
 communionem, mares, & foeminae, cuiusvis ætatis; gregibus
 pascendis, operibusq; victus causa faciendis addictum vulgus;
 quotidie conueniebant, ut si dies illi singuli festi fuissent: idque
 eximio quodam salutis desiderio, miroque in Carolum uti pa-
 trem amantissimum, amore, & obseruantia faciebant; ut ferme
 nascentis ecclesiæ imaginem quandam cognoscere liceret. Ca-
 rolus interim quotidiano ieiunio sese exercens, pane, & aqua
 tantummodo sustentabatur, festis exceptis diebus. comites,
 quoniam sacri dies Aduentus erant, Quadragesimæ cibis ute-
 bantur: quæ quidem abstinentia ob multarum rerum inopiam
 iis locis erat incommoda valde, magnique sumptus. Roboreti
 plures cum dies moratus esset; & in ea vallis priore parte pluri-
 ma gessisset: ad extremam transiit; qua parte præcipuum castel-
 lum alterum est Mefaucum, a quo tota vallis nominatur. duo
 enim vallis rectores in iis duobus locis sedem habent. Eadem
 ibi ratione se gessit; similemque tulit laborum suorum fructum.
 Regionis mala ipse quidem, non ut iudex; sed ut quilibet sacer-
 dos, Deique minister fere persecutus est. ipsis tantummodo gen-
 tis legibus est usus; quibus eam quisque fidem sequi permittitur,
 quam velit; & ita catholicis pariter, & hæreticis proprios per le-
 ges licet habere sacerdotes, & doctores. quamquam re ipsa per
 omnem Rhætorum ditionem; maxime autem in dedititiis; ma-
 gna fit in eo genere catholicis iniuria. cum enim hæretici pas-
 sim, quos volunt, etiam externos, ignotosq; sacerdotes, religio-
 forumque ordinum apostatas recipiant: catholicis contra leges
 prohibetur, alterius regionis presbyteros, concionatoresve ad-
 ducere; si modo rectoribus plerumque hæreticis non placeant.
 ij vero fictis nominibus, calumniisque, siue publicæ quietis tur-
 bata; siue maledicti in aduersarios prolati, pro arbitrio vtuntur,

vt

*Ad sacræ cõcio-
 nes populi con-
 cursus.*

*Caroli exerci-
 tationes.*

*Mefaucum se
 transfert.*

*Quæ catholicis
 fiat iniuria.*

vt bonos quosque presbyteros diuexent, atque eiiciant. malos, licet catholicos, ferunt facilius; quòd eorum vitia sibi ad hæresim propagandam vsui esse perspiciunt. quin etiam Episcopi sui subsidia inique prohibere solent: vt prohibito Pastore, facilius grex diripiat. Ita miseri, cum aliquo sacrorum ministro carere non possint; dum alij non suppetunt, sæpe improbos homines, nonnumquam etiam impios sibi doctores asciscere coguntur. atque interdum fuit, qui detestando scelere multitudinem fallens, nullius sacri ordinis homo, sacra omnia aliquo loco conficeret. Igitur ardenti amoris, & charitatis officio Carolus hæreticos circiter viginti ad Ecclesiam catholicam conuertit. pauci enim præ reliqua multitudine corrupta fide erant: ac si loca extrema quædam detraheres, quæ aliorum populorum propinquitate, licet asperis interpositis montibus, frequentiore hæresis pestem contraxerunt; recti, catholicique sensus erant fere omnes. Duos cœnobitas, qui fœminas secum, filiosque ex eis habebant; & non minus inopem, ac miseram, quàm sceleratam vitam agebant, inflexit, vt ad suos ordines, religiosamque vitam redirent. ea in re summa, incredibilique vsus est benignitate, amantissime cohortando, pœnasque meritas minuendo; immo illas sibi adscribendo: tum fœminis quoque, & natis sua cura, sumptuque collocandis, & sustentandis. presbyteros a concubinis, quas palam habebant, abstraxit: minime aptos exclusit: malos puniuit. in iis saltem ecclesiis bonos collocauit; quarum esset structura decens. sacerdotes è societate I E S V eo accersiuit; qui non fide solum, & moribus christianis omnes; sed pueros etiam litteris erudirent: cum Rhætia fere tota magistris paulo saltem eruditioribus careret. eis amplas ædes rectorum consensu tradidit, quas Triuultij olim Mesauici Marchiones obrinuisse dicuntur: vt eorum collegium summâ incolarum voluntate constitueret. plurimos præterea, qui vel ob clandestina, gradeque prohibito contracta matrimonia, peccati sordibus hærebant: vel ob praua lucra, & iniqua scœnora Dæmonum laqueis constricti tenebantur; variis modis excitauit; atque ab eiusmodi miseria, animæque vinculis, pro sua auctoritate liberauit:

Hæreticos nonnullos ad ecclesiam Catholicam conuersit Carolus, mira sunt benignitate.

Societatis Iesu Sacerdotes eo accersit.

*De Maleficiis
iudicium, ac
supplicium su-
mitur.*

tum a peccandi licentia in posterum reuocauit. omnino circiter viginti dierum opera, Carolus ita res iis locis immutauit; vt alia prope gens videretur; omnesque ad optimum pietatis cultum ex præterita corruptione sese excitatos ostenderent. Iudicium de artibus maleficis, Dæmonumque nefario cultu, Borfatus ita peregit; vt decem fœminæ, quas sceleris non pœnitebat, damnatæ, sæculari, vt vocant, brachio traderentur: quarum etiam pars post paucos dies iussu magistratum igni necata est: aliæ plurimæ impietatem detestatæ, veniaque petita punitæ sunt. neque tamen impij flagitij mares expertes erant: immo, quod horribile est, ipse Præpositus ecclesiæ sancti Victoris Roboreti, quæ in tota valle precipua est, dux eius, & caput fuit; sacrisque rebus in eo nefarie abutebatur. is autem gradu sacro deiectus, magistratibus itidem dimissus est, vt iuris erat, puniendus. Eius loco Ioannem Petrum Stupanum Theologum in gentis imperio natum, ecclesiæ illi præfecit; qui adhuc locum tenet; pieque populos pro virili parte iuuat. Scelus illud huiusmodi esse ex reis repertum est. certis diebus in loca siluestria nullo labore, vel incommodo ferebantur. ibi demoni, qui principem locum tenebat, cum primò quis accederet, sese tradebat; & sacrosanctam crucem conculcare iubebatur. eo loco saltationibus, choreisque vacabant. carnes a dæmone acceptas edebant. omni libidinum, turpitudinumque genere sese contaminabant. quæ omnia tamen specie tantum quadam, & quasi per somnium miserorum animos afficiebant; ita vt cibi, resque aliæ inane quoddam tantummodo, vanumque afferrent oblectamentum. quæ res saltem, infelices mortales a scelere debuerat alienare. sed eo vinculo constricti erant; vt non solum non resipiscerent; sed studerent etiam maxime societati quamplurimos alios aggregare. puellas cum vix nobiles essent, erat, qui per insidias ad id incitaret: quin ipsæ matres impellebant. nonnulli erant, qui tota ætate, iam senes ea ratione turpitudini, atque impietati seruierant. immo erant familiæ, in quibus iam plures atates, a maioribus, quasi iure quodam hæreditatis id flagitij posteris tradebatur. huic sceleri addicti hæreticorum nomine vulgo appellabantur;

cum

eum hæretici ipsi nouæ religionis homines dicerentur. Id malum, cumque Diaboli dominatum, quo maximus numerus continebatur, Carolus diuino munere disturbauit; penecque extinxit; plerisque aliis approbantibus, & summopere gaudentibus. nam præter reliquam perniciem, multorum valetudini, Diaboli mancipia illa suis malis artibus vehementer nocebant; & vitam ipsam nonnumquam videbantur eripere. Discessit Carolus magnum sui desiderium relinquens; non solum apud vallis incolas; sed apud alios quoque finitimos; etiam hæreticos. cum enim Bernardum Morram iurisperitum Casaleensem, qui nunc in ecclesia Mediolanensi generalis Vicarii munere magna cum laude fungitur; tunc autem Carolum non multo ante, relicto ciuili magistratu, clericaliue habitu sumpto, secutus erat; per eos dies Curiam, vbi totius gentis conuentus agebatur, negotiorum eiusmodi Rhætorum causa misisset; populi eius tractus omnis Carolum aduenire existimantes, cupide expectabant; deque eo honorifice excipiendo studiose agebant. Curientes ipsi maxima ex parte hæretici eadem esse voluntate videbantur. Sed ille Bilitonem venit Heluetiorum ditionis castellum citra Alpes; non hæresi illud quidem; sed prauis, damnatisque contractibus; ecclesiasticæ auctoritatis vsurpatione; matrimoniorum execrabili licentia, ita contaminatum; vt summopere Caroli auxilio; beneficioque indigeret. quod ille consueta benignitate, clementiaque cum tribuisset; magnum animarum numerum paucis diebus passim liberauit; quæ variis sacræ censuræ laqueis irretitæ tenebantur. Ipsi quoque loci rectores, vt expiationem impetrarent, publico scripto polliciti sunt, fore, vt factis eiusmodi, canonum iure prohibitis, in posterum abstineretur. His gestis Carolus Mediolanum reuertit.

Discedit Carolus, Bernardum Morram Curiam mittit.

QVOD in Mesaucais, Deo in primis bene iuuante, salutari actum fuerat; id Diabolus dissoluere per Prædicantes, vt appellant, statim conatus est. hi sunt hæresis doctores; qui non errore solū, sed seruitute etiam quadam ob doctrinæ auctoritatem

Conatus prædicantium in Mesaucais reprimi, alia auxilia populis assiduis suppeditat.

miserat. v.

*Pradicantium
hæreticorum
studium.*

*Contra Mesau-
cos, alios Rha-
torum populos
excitant.*

*Nonnulli ex
Mesaucis sese
dant in Vin-
cula.*

miseras nationes oppressas tenent. impietatem, frequenter concionando, docendoque multitudinis imperitæ mentibus inferere, tuerique student. quæ ad gentis libertatem, auctoritatemque conseruandam pertinent, ea se nosse, vehementerque curare profitentur. dominis, optimatibusque assentantur: eorum gratiam omni ratione colligunt, & conseruant. si quid excitari contra impietatem, eorumque licentiam sentiunt, quod quidem attente obseruant; conueniunt statim; & de communibus rationibus vna consultant: tum omni astutia, & dolo pios conatus omnes infringere; bonaque rerum initia penitus dele-re student. per eos hæc in primis efficiunt, qui rerum potiuntur; quibus ante omnia suspicionem de imperio, auctoritate, stipendiis amittendis iniiciunt: & indoctis, auarisque hominibus, quæ volunt facile persuadent. Sacrilegi igitur cum audiissent, quæ in Mesaucis facta erant; sibi, auctoritati suæ, commodisque, talibus ex initiis valde timentes; Curia in totius nationis comitiis, quò ad sexaginta (tanta est hominum pestis) conuenerant; post Morræ discessum, gentis principibus suspicionem de suis summis rebus mouent: vociferantur vehementer; rem esse minime dissimulandam; immo graui pœna dignum facinus: Mesauco Inquisitorem hæræsis contra leges accersiuissè: Cardinalem principem virum recepissè: ædificia tradidissè, quæ munita esse arcis loco possent. fœdus, quod cum Gallorum Rege esset, ea via frangendum; nouum autem cum Hispaniæ Rege faciendum curari. initia illa esse principatus, libertatisque amittendæ. Vanissimis argumentis cœtum illum permouent; vt iudices ex singulis pagis dentur, qui propter eam causam in Mesaucos agant. erat enim cœtus hæreticus ex maiore parte. & tum in vniuersum tota natio; tum multi priuatim, stipendia Gallici Regis accipiebant. Legatus item, quem Rex idem apud eos habere solet, rebus catholicis, vt debebat, fauere pollicitus; Mesaucorum, & ipsius fidei causam deseruit. actum est vehementer: nonnullis ex primariis Mesaucis sese in vincula dare coacti sunt. sed per legationem Heluetiorum; perque Grisiorum contentionem, qui iudicium illud suis tantum principibus vindicabant; quoniam

niam vallis ad eos proprie pertinebat; Carolo studiose agente, Deoque in primis efficiente; effectum est, vt Grisiōrum ipsorum sententia Mesauici liberarentur; Carolique facta conseruentur. nam & ipsi populi in eo, quod sibi proposuerant constanter permanentes; seque in posterum semper sanctæ Ecclesiæ ad dictos fore confirmantes; paratos sese ostenderunt, ad religionem vnā cum libertate armis tuendam; vitamque pro fide catholica etiam profundendam. Carolus postero anno, qui nobis eius vitæ finem acerbissimum attulit, minime dimisit susceptum munus: immo omni studio, ac pietate exequi, atque vrgeri non destitit; vt aliqua ratione fidei causam ab hæreticorum manifestis iniuriis vindicaret. in quo illud consequi tunc quidem satis habebat, quod iustissimum est, & gentis legibus, vt diximus, consentaneum; vt quando vniciue fidei, religionisque arbitrium lege conceditur: neque catholici pios sacerdotes, etiam externos, & cuiusvis ordinis probatos habere, sacramentorum, doctrinæque gratia prohiberetur: & neutri improbos, sacrilegosque perfugas; quod passim ab hæreticis fieret; neminemque omnino, absque idonei testimonij fide, possent recipere. Ita enim & catholicæ fidei consulebatur; cui non ad conseruationem solum, sed ad propagationem quoque ministros idoneos suppeditasset; & proximum perfugium intercludebatur perditis hominibus; qui vel ab Ecclesia Romana, vel a religiosis ordinibus, vel omnino a recto, & honesto per Italiam vellent desciscere. At præterea quid ille sibi in hoc genere toto proposuisset; quid ageret, aut aggredi vellet; hoc loco non est opus explicare. Sed non vnā inierat rationem; quæ magnam religionis citra alpes in primis restituendæ, spem ostendebat; erat certe ad id aptissima: nisi insperata mortē Deus omnia disturbari, propter obscuras nobis causas permisisset. Interim vero dum grauiora pararet, susceperetque; tum varios populos in vniuersum, tum homines separatim plurimos reliquo tempore, rebus ad salutem necessariis, assidue iuuuit. Franciscum Adornum Societatis I E S V sæpius commemoratum, & Dominicum Bouerium Congregationis sancti Pauli Clauennam misit. eundem postea Dominicum, Pefclauij catho-

*Pro illis, si-
nue agit Ca-
rolus.*

*Suscep-
tum munus deli-
genter prose-
quitur.*

*Regulares Sa-
cerdotes Cla-
uennam deinde Pefclauium
misit.*

quando Dei munere, in spem religionis integre colendæ restituitur. At interim Italici populi in totius præpotentis Italiæ, & maximorum christianorum Principum conspectu, hæreticorū dominorum iniuria, qui potentissimi tamen non sunt, perculsi iacent. Dei cultus, sacrorumque administratio friget; & in dies minuitur, contaminaturque magis. augetur quotidie numerus hæreticorum. Italiæ pars, teterrima hæresis pestilentia paulatim conficitur, & contabescit. Quæ mala utinam Dei misericordia ij quandoque respiciant, qui remedium afferre possunt.

PERVENIMVS ad postremas Caroli actiones: quas tamen postremas fore credebatur nemo. nonnulli quidem in eo, vltimis præsertim mensibus, obseruabant aliquid insuetæ imbecillitatis, & maciei. sed tamen, vt sæpe accidit in excellentibus viris, eò longiore vita fore plerique existimabant, quò christianis rebus eam videbant vtiliorem. Imbecillitatis causâ putabatur, corporis sui tractandi ratio, quam in summis, assiduisque laboribus tenebat. cum enim in superioris anni Quadragesima tota, pane, & aqua tantummodo se reficere semel in die cœpisset, Dominicis diebus exceptis; quibus tamē pisces non gustabat: in eo genere adeo progressus est; vt iam reliqui etiâ temporis maiori parte eadem in corpus suum duritia vteretur: cumq; ad sequentem peruenisset Quadragesimam huius anni M. D. LXXXIV. adhuc asperitatem augens, certis diebus ipso quoque pane relicto, fîcus aridas tantum, & aquam sumebat. atq; vltima hebdomada, quæ sanctius colitur; fîcis omissis, lupinis vti constituerat. Cruda legumina puto imitatione Patrum voluisse adhibere; inter quæ vnum lupinum egenis vsui esse aqua maceratum, hoc tempore videre potuit. Verū ob eam causam abstinuit, de qua nunc referam. Non multos ante dies erysipelas in crure rursus apparuerat, vlcusq; fecerat: cuius curandi causâ, medicis parens, iacuerat complures dies. cum minime sanaretur; concessere Medici, vt surgeret, motusque beneficio frueretur. ita tum sacras ordinationes initio Quadragesimæ habuerat; tum alia gesserat, quæ opus erant: neq; crure amplius laborauit, ac dum sur-

Eius vitæ ratio postremis annis: & extremi temporis actiones quædam. CAP. VI.

In seniori Carole progressus.

1584.

Erysipela laborans medicis parat.

*Familiaris
quidam de Caro-
li morbo Ro-
mam scribens,
quod effecerit.*

gendi facultatem peteret; affirmaretque ex natura corporis sui bene cognita, sese ex ea re conualescere posse; medici autem primo quidem non concederent: quidam ex familiaribus, existimans Carolum cum vitæ discrimine medicis minime pariturū; idque animo suo dolens; litteris Romam ad Caroli necessarios datis; cum grauiter ægrotare scripsit; neque velle medicorum curationem admittere. Ibi de re consultant. efficiunt denique vt ad eum scribat Pontifex in hanc sententiam: sese ægre admodum ferre, quod curationem pati nollet: monere autem, vt sanctos viros animi virtute imitaretur; corpus eatenus affligeret, quatenus vires, æquitate seruata, ferre possent. Postremo etiam grauitur imperat, vt in vita moderanda medicorum consilia sequatur. Carolus, qui tum se valere sentiebat; sibi que conscius erat, in proximo morbo nihil fecisse contra medicorum præscripta: qui de falso item nuncio, vnde litteræ aperte pendebant; & omnino vnde fluxerat tota res, satis compertū habebat: qui denique sciebat, omnem vitæ suæ rationem Pontifici, cum eū proxime fuerat allocutus, retulisse; & quæ iam improbasset, dimisisse: nihil in re tanta, tali loco, & tempore sibi temere faciendum statuit: sed Pontifici scribendum; vt is cognita veritate, sententiā suā aperiret. sed interim tamen medicos accersit; de vita spiritali, atque episcopali medicinæ legibus astringenda quærit: aliqua de asperitate suscepta remittit. Primo igitur, quæ de proxima ægrotatione se accepisse Pontifex ostenderat, vnde pendere iussus perspiciebatur; ea falsa esse litteris demonstrat. Addit se de tota valetudinis, vitæque suæ ratione, iam nunc Patri sanctissimo, quæ vera esse existimaret, expositurum: facturum deinde diligenter, quod is iuberet. Sese antea, quod Pontifex ipse recordari poterat, dum medicorū præscripta sequeretur, infirma semper fuisse valetudine: demū etiam ita sese habuisse, vt ad modicum tempus existimaretur vitam posse producere. ante annos circiter duodecim, piorum, prudentumque virorum consilio, mutasse viuendi rationem; a præscriptionibus medicorum discessisse: adeo feliciter euenisse; vt quæ valetudo studiosa obseruatione, curaque sustentari non potuerat; ea vulgari viuendi modo optime

*Medicos ad se
accerdit Caro-
lus, & susci-
piunt curationem
reddis, fusque
differit.*

optime confirmaretur; vitæque longioris spem afferret. si tunc demum post diuturnam consuetudinem, cum annum ætatis ageret quadagesimum sextum, sese ad medicos referre voluisset; neque sine muneris sui graui impedimento, & cum manifesto vitæ discrimine id futurum. Attamen artem se medicorum nullo modo aspernari; ne latum quidem vnguem ab eorum præscriptis discedere, cum ægrotaret: alias etiam eorum consilia requirere. at ea semper sequi, eorumque se obseruationibus addictum præstare; id vero neque menti eius sanctissimæ; neque vitæ episcopali videri consentaneum: quod vel medicus ipse fateretur, ab eo proxime consultus. veterum Patrum, & S. Ambrosij in primis, hanc esse sententiam: diuinæ cognitioni contraria esse præcepta medicinæ; a ieiunio reuocare; a lucubrationibus, & ab omni intentione mentis abducere; eum qui se medicis daret, seipsum sibi abnegare; omnino cura corporis huius auerti neminem a studio disciplinæ debere. Pontificis ipsius exemplo ita doceri, qui medicas obseruationes in vitæ suæ ratione minime seruaret. hæc ita cum se haberent, qui pontificio iussu medicorum consiliis addictus esset; eum certe perpetuis conscientiæ stimulis, atque angoribus necessario cruciandum. Quod existimaretur ea corporis asperitate uti, quæ vires superaret: hoc vere affirmare posse; neque se eam, quæcumque esset, valetudini sensisse contrariam; & ad munera sacerdotalia facilius obeunda accommodatam. omnino eum se modum minime transire, quem superiore anno, cum ad eius iudicium omnia sua detulisset, Pontifex ipse comprobasset. si etiam continentia, & corporis afflictione paulò magis progrediretur, quam vulgò alij multi solerent; minime videri improbandum; tum ad delenda peccata; tum ad sanctorum virorum; immo ad ipsius, qui sanctorum est auctor, actiones aliquo modo imitandas: idque maxime, quod eius ipse ordinis, hoc est Episcoporum esset; quibus non animi virtute solum, sed exercitatione item corporis; ex Gregorij Nazianzeni, aliorumque Patrum doctrina; reliquos omnes longe post se relinquere studendum esset. Quod autem ea vitæ ratio futuris temporibus, coniectura quadam sibi nocere posset: in-

Diuina cognitioni contraria esse præcepta medicina affirmant Patres ac D. Ambrosius imprimis.

Cur continentia, & corporis afflictione paulò magis progrediat, rationem reddit Carolus.

certæ offensionis metu, certos salutarium operum, fructus negligendos non videri: neque tam longe cauendum: alioqui corporis afflictionem, pœnitentiæq; officia homini christiano necessaria, quis vñquam suscepisset? Si etiam animo in res salutes intento, Episcopus in eiusmodi exercitatione præter voluntatem aliquid corpori suo noceret; quod sanctis plerisque legereetur euenisse; non esse id tamen damnandum. merito patres existimasse, sacerdotes ab ipso Christo Domino salui, & lumini ob id quoq; comparatos; quia illud dum condit cibos, liquefit; hoc dum ardet, & diffunditur, oleum sibi consumit. confidere se, ea omnia summo Patri probanda. at vero quidquid significasset, ei se omnino prompto animo pariturum. Cardinali autē Comensi; qui Pontificis erat negotiorum præcipuus administer, Pontificiisq; epistolis præfectus; & litteras ipse quoq; ad Carolum eade re dederat, respōdens; addidit, si Pontifex in ea perstaret sententia, quam litteræ præ se ferrent: nulla alia ratione se posse cōquiescere; cum illius iussu vi, & timore sollicitari perpetuo necesse esset; nisi vt dimisso Archiepiscopatu Romam demigraret; ibique in conspectu Pontificis viueret; qui eius vitæ rationem quotidie cognoscens, cum ab conscientia aculeis, quotidianisque moribus liberare potuisset. sed is rescripsit, nolle Pontificē Carolo vinculum iniicere; sed eius arbitrio permittere, quādo medicorum consilio sibi vtendum esset. Factum huiusmodi fecit; quoniam in iis epistolis scribendis nostra opera vti voluit; vt de eius vita, sensuq; plenius cognosceremus, certiusque scriberemus. optandum erat fortasse, vt saltem durissima quædam in tēpore nominatim interdicerentur; si virtutis illius, vitæque fructum ita forte potuissemus diutius percipere. nam medicorum præceptis herere semper quomodo posset tali consuetudine, talique occupatione Præsul? Verum illud potius existimandum est; in hoc Dei seruo, quemadmodum in aliis multis, de quibus nominatim agere longum esset, diuina benignitate factum; vt ad exitum vitæ huius appropinquans, clariori sanctitatis luce splenderet: quod illi expeditius esset ad beatitudinem consequendā; ceterisque ad virtutis imitationem illustrius. neq; vero nouum est;

Cardinali Comensi, qui Pontifici nomine ad eum litteras dederat respon-
det.

Comensis Cardinalis breue rescripsit.

Quid in Carolo considerandū.

est; sanctos viros, vt optimos cursores, hisce viuendi spatiis, eò se magis incitare, quò propius accedunt ad metam: licet eos sæpe quidam hæsisse dicant in cursu, quos oculis corporeis ad metam peruenisse non vident. ego enim ita sentio, multos Deo deuotos viros, non quòd extremo tempore durius vixerint, longius vitam non potuisse producere: sed quòd a fine vitæ propius abessent; iis Deum dedisse durioris vitæ beneficium. Finem vero vitæ præfagiens Carolus dicebat; de maiore annorum numero, se omnium minime sollicitum esse debere; qui mirabiliter quodammodo, quantum ex priore imbecillitate iudicari poterat, ad eam ætatem perductus esset. quæ quidem ætas esset fere familiæ suæ. Gibertum patrem mortuum, dum annum XLVII. ageret: fratrem Federicum multo iuniorem: sorores quatuor ante illam ætatem vita excessisse; duas prope adolescentes. quid sibi reliqui tandem existimaret; nisi forte paucos annos in doloribus, cruciatibusque corporis esse traducendos? Cum Franciscus Adornus ad eum per idem tempus venisset; huius generis nonnulla locutus, Patrem quodam quasi ioco interrogauit, quæ ætate esset; cumque audisset, si recte memini, esse circiter quinquaginta annorum; heus, inquit Pater, num adhuc in vita manendum est? quæ quidem erant itidem obitus sui proximi prædictiones quædam. Post Paschæ celebritatē cum crucis festum appropinquaret, inuitauit Augustinum Valerium Episcopum Veronensem, qui paulo ante creatus erat Cardinalis; ad illa sua sacrosancti clauis solemnia: propter quæ Duci Mantuano se tū excusauit, ne ad eius filij nuptias iret. ita cupiebat optimi Antistitis, quæ plurimi semper fecerat, & amplissimo honore dignū iudicauerat, spirituali consuetudine paulū frui. Sed paucis ante festum diebus ei nuntiātū est de grauissimo Ioan. Delfini Episcopi Brixienfis morbo. cumq; tota die dominica in diuinis officiis de more fuisset; nocte Brixiam summa celeritate venit. mane cohortatione, sacrisq; necessario tēpore hominem magnopere iuuat: mortuo funus curat; celebri Missæ officio susfragatur; pia cōcione cohonestat: his omnibus Brixiensium pietatē magna cum iucunditate iuuat. demum ad Crucis festum, q̄ feria quinta celebrandum

*Quid de annis
vite sue dispa-*
ras.

*Cardinalem
Veronensem ad
sancti clauis so-*
lemnitasem in-
uitat.

Brixiam ob il-
lius episcopi
morbū cele-
riter cōcendit,
mortui funus
curat.

*Mediolanum
ob sacri clausi
solemnia, citra-
tus equis per-
uenit.*

brandum erat, citatis equis, quoniam ita ob temporis breuitatem necesse erat, noctis festum præcedentis hora octaua Mediolanum peruenit. tanti momenti putabat, piis populi studiis, officioq; suo, cum vsu veniret, non deesse. tum viatoriis vestibus statim positis, quasi ad illam horam cōmode quieuisset, iis meditando, quæ in concione postero die dicturus erat, reliquo noctis tempore operam dedit: nocturnis, matutinisque sacris interfuit; Pontificali more Missam fecit; concionatus est; clauum consueto viarum ambitu, sacris ordinibus cunctis productis, portauit; reliquum diei in vespertinis sacris, aliisque de more diuinis exercitationibus integre posuit. Ab Augustino autem, vt aliàs, sic eo die impetrauit, vt piam vespere concionem ad Mediolanenses haberet. Reliquos anni menses consumpsit in consuetis laboribus. quos quidem, & extrema omnino illius facta, ne minute nimis a me descripta, prudentiores quidam iudicaturi sint, nonnihil vereor. sed nihil dicturum me confido, quod iure superuacuum videatur, aut leue: religiosioribus certe mētibus plerisque gratificaturum me, profuturumque scio. Visendis ecclesiis diœcesis suæ ea ætate se exercuit: idq; magis quàm antea fructuose. denunciari enim vnoquoque loco ante iubebat aduentum suum; & amplum indulgentiæ beneficium iis proponi, qui peccata confessi communicassent. Sacerdotes præmittebat magna auctoritate sacramenti pœnitentiæ administratos. ipse cum venerat, sanctissimum Eucharistiæ cibum præbebat. magnus vbique constabat sacræ pœnitentiæ, ac salutaris expiationis fructus. nam plerique negotiis omissis, ea præclara dona cupide admodum a charissimo Patre accipiebant. Modo etiam venit; vbi nostram sanctæ M A R I Æ ecclesiam tribus cum altaribus cum dedicasset, x v i i. Cal. Iulij; in collegio, quod semper, vt opus suum, amauerat, mira quadam abiectione solus mansit; ad Nouitios rogatus a nobis, verba fecit amantissime, de perfectæ vitæ institutis. At vero libenter alioqui per id tempus frequentiam fugiebat; & in remotiora loca discedebat, negotiorum se molestiis subtrahens; vt sacris studiis, diuinisque contemplationibus vacaret. quod gubernationis, actionisq; omnis

iam

*A Cardinali
Veronensi Et
ad Mediolanē-
ses concionem
habeat, impe-
trat.*

*In diœcesis suæ
lustrandis ec-
clesiis, aliisque
sacris muneribus
obundū
mire se exercet.*

iam iam deponendæ, diuinæque contemplationis integre suscipiendæ, omen quoddam videri posset. Sed Mediolanum tum ad præcipua festorum sollemnia rediit, vt solebat semper; tum ad consecrationem primo Albensis, deinde Alexandrini Episcopi electi, nam & ipse sacris eiusmodi officiis delectabatur; & pij viri sibi a tanto Antistite manus imponi cupiebant; a quo præterea discdebant optimis ecclesiasticæ disciplinæ præceptis locupletati. Atque Octauium Parauicinum Alexandrinum, nunc Cardinalem cum consecrasset; eduxit etiam secum ad ecclesiarum lustrandarum munus. nam, & ipse optima noui Episcopi voluntate, virtuteque delectabatur; & ille antiquam religionem magni, & episcopali munere diu gloriose perfuncti Antistitis, singulariter obseruabat.

Mediolanum ob festorum sollemnia: ad Albensis & Alexandrini Episcopi electi consecrationem redit.

CELEBRATVRVS erat sacra, quæ dicimus, Septembris mensis tempora; cum accepit, Franciscum Bossium Nouariæ Episcopum ita ægrotare, vt morti propinquus iudicaretur. iusserat autem ille Carolum certiorum fieri, & suo nomine tantummodo postulari, vt sibi benediceret morituro. Carolus autem statum illius temporis ordinationum munus Francisco Cittadino Episcopo cum mandasset; paucis horis post nuncium allatum moratus, nocte ipsa Nouariam contendit, quæ triginta passuum millia Mediolano distat. mortuum Episcopum inuenit; consueta pietatis suffragia tribuit; in concione populum hortatus est; quæ tali tempore conueniebat. ecclesiæ ministros monuit, quid facerent, dum Episcopus a Pontifice daretur. Nouaria Guido Cardinalis Vercellensis, cum ad Messerani Marchionem communem cognatum adduxit: vt in mortifero morbo hominem consolaretur, & iuaret; quod vtiliter admodum effecit: nam Marchio sacramento pœnitentiæ expiatus, & Eucharistia sanctissima munitus, pie mortem obiit. Vercellis aliquot dies fuit; vbi in componendis illius ecclesiæ rebus, cum Episcopus apud Imperatorem Sedis Apostolicæ nūcius abesset, versatus est. Constitueraat eo tempore sese diutius salutariter colligere; quibus in rebus a multis mensibus peccasset, & suis

Exeret sese in monte salutariter. iter facit ægrotans. CA P. VII.

Nouariam & ægrotanti episcopo opem ferat concedit sed mortuum inuenit.

Vi Messerani Marchionē infirmum inuaret eo a Cardinali Vercellensi adducitur.

Quid de se cōstinau.

defuisset officiis, attente peruidere; errata confiteri; veniamque a Deo postulare: tum per diuinas etiam contemplationes ad pietatem, vitæque sanctitatem acius sese incitare: & ad negotia præterea, quæ tum illi erant in manibus, pie, & feliciter gerenda, diuinam opem enixe implorare. quibus rebus solitudine opus erat. Eiusmodi exercitatio cum aliàs ei cordi esset vehementer; tum eo tempore erat optatissima, ob mentem magis, quàm antea diuinarum cōtemplationum cupidam; earum præsertim, quæ de cruciatibus, morteque Christi Domini essent: quas per ea tempora studiosissime, ardentiq; animo frequenter tractabat; articulatim ordinabat; litterisque mandabat. qua quidem mente, studiisq; clementissimus Deus, id quod demùm post factum clarius apparuit; sacerdotem suum iam iam ex hac vita migraturum ad æterna præmia præparare videbatur. Varallum ubi alias simili de causa fuerat, tunc etiam ad eam rem delegit. vico id nomen est, qui Nouaria, & Vercellis æquo spatio distat, ad passuum millia circiter vigintiquinque. ibi mons, quoniam fere sub alpibus est locus, ex piorum hominum, etiam longinquorū votis, & omnino religionis causâ frequenter visitur. nam religiosus vir ordinis minorum, ex Mediolanensi nobili familia Caima, ante annos fere cētum, cum ex Iudæa, sanctissimo Christi Domini sepulchro religiose inspecto, rediisset; eius imaginem aliquo loco ponere constituit; quæ piis hominibus, cum Iudæam petere non possent, ad pietatem, venerationemq; erga sepulchrum, sanctæque Hierosolymæ loca exercendam, aliquo modo valeret. ac eo loco, monteq; delecto; ecclesiam monasteriumque sui ordinis piorum hominum sumptu ædificauit: & sepulchri speciem decore collocauit. ea res adeo feliciter euenit; vt locus maxime celebris euaserit; & variis temporibus ædicolæ multæ fuerint constructæ; ubi pulchris imaginibus, ac statuis, ea in primis referuntur, quæ in affligendo, morteque afficiendo Salvatore, acta sunt; tum aliæ quoque resex diuinis historiis ad nostram salutem pertinentes. Ita iam in summo monte, quasi sacer quidam vicus plurimarum ædium factus est; quas ordine, certisque viis frequentes peregrini salutaribus cogitationibus,

suppli-

Varallum & sese piis meditationibus & contemplatione exerceat de- legin.

Varallij mentis descriptio.

supplicationibusque intenti adeant, & religiose contemplan-
tur. Eò se Carolus igitur conferre statuit, & ob eam rem Fran-
ciscum Adornum accersit: quem piarum exercitationum ad-
hiberet adiutorem. Sed ante misit Dux Sabaudia **Vercellas**, qui
illum eius nomine rogatum Taurinum adducerent. officiũ Du-
ci Carolus, vt charissimo filio non negauit; quod vel sponte li-
benter suscepisset, ad sacrosanctam Sindonem postremo visen-
dam, & venerandam. Dux vero magnum cœpit, si vmquam an-
tea, Caroli præsentiæ, consiliorumq; fructum: visusq; est maxi-
me ad pietatem commoueri; & eundem etiam in discessu profe-
qui lachrymis. Ad montem cum venisset; monasterij cellula, in
qua moraretur, electa; ibi corpus incommode admodum, & se-
uere tractare cœpit. in ligneis tabulis somnum capiebat lodice
tantum instratis. consueto vtebatur panis, & aquæ alimento. du-
rius, quàm antea corpus flagellabat; id quod ex interula deinde,
flagellisq; sanguine aspersis apparuit; licet ipse studiose occulta-
set. sacræ confessioni parandæ, sacræque meditationi sese dedit.
ad hanc meditandi exercitationem suos admisit, quamquã spa-
rij, occupationisq; longe minoris: sed distincta ad meditandum
rerum capita quotidie tradebantur: quibus cogitandis, & con-
templandis, certis diei, noctisque horis, ea se quisque ædícula,
& coram iis imaginibus exerceret; que ad animi sui fructum sen-
tiret aptiora. certum item tempus constitutum erat, quo simul
conuenientes inter se, quæ animo senserant; quæque erant me-
ditati communicabant. Carolus primis diebus sex horas, par-
tim diurnas, partim nocturnas sibi finierat; quibus horis con-
templationi, precibusque vacaret. reliquum tempus confessio-
ni dabat; tum necessitati quoq; corporis, quam angustissime ta-
men circūscriptæ; & si quid negotij esset, quod nō posset omitti.
Iucunda prorsus species, & pietate plenissima. conspiciebatur
nocte amplissimus Antistes, nullo comite, paruulam laternam
sub pallio tenens, per vias illas summi montis, petere quam sibi
iudicasset, opportuniorem ædiculam; vt in ea quemadmodum
sibi præscripserat, sese exerceret. quarto ab aduentu die peccata
sua confessus est, tanta pietate, dolore, ac lachrymis; vt qui con-

*Duci Sabau-
dia rogatu Tau-
rinum se con-
fert magna sp-
sui Ducis Sti-
litate.*

*Ad montem cū
venisset quibus
fuerit exerci-
tio deditur.*

*Quot horis pri-
mis diebus con-
templationi va-
caret.*

*Vercellensem
Cardinalem
conuenit.*

*Ad montem re
uertitur.*

*In monte com-
morans in fe-
brim incidit.*

*Quid in infir-
mitate admi-
serit, asperita-
tisque minuerit,*

fectionem audiebat, itidem in fletum adduceretur. postero die, tantis exercitationibus tam beatè occupatus, non neglexit officium tamen; neque recusauit Aronam ad Cardinalem Vercellensem venire: sed prius nocte proxima, circiter octo horas cōtemplando, Deumque orando, in diuinis rebus ita mansit; vt flexis genibus, tanto spatio, nulla corporis parte cuiquam rei in niteretur: quin etiam ad extremum, cum subaccusare visus est, qui horologium curabat, quasi tempus studiose cōtraxisset. Post diem reuersus, in suam se retulit solitudinem. quo loco, & ex iis quæ cum aliis conferebat, & ex aliis sermonibus, indicijsq; perspexerunt, & Pater, & alij; cum minime v̄sitata, prorsusque singulari ratione diuinitus commotum: & eo præsertim lumine illustratum, eaque mente confirmatum, quæ rebus humanis, vitæque ipsa omnino posthabita, Deum solum petit; eique intima voluntate, totaque mente penitus coniungitur. quibus rebus nihil ad propinquam mortem erat accommodatius: maxime, si delectationem addas, quam ex sermonibus, meditationibusq; de morte, & sepultura Domini; & ex eius sepulchri imagine in primis visenda, contemplandaque capiebat. cui rei satis consensit etiam sacra Sindon visa prius, & culta; tum duo principes viri, Episcopus, & Marchio extremis sacramentorum, funerumq; officiis adiuti. Non multos in monte manserat dies, cum in febrim incidit. nihil cum ante dixisset, eaque tertio die rediisset; Patri demum significauit. idq; fere præter consuetudinem: nam alias etiam quinquies reuersam nemini indicauit; vt nisi obiter postea quandoque alicui significasset, id rescuiisset nemo. Ad ductus est a Patre, vt asperitatem corporis nonnihil minueret: quamquam quid fuit tandem, palearum aliquid, in quibus cubaret recipere, & in aqua coctum panem, nullo tamen condimento, admittere? mentis item exercitationes aliquo modo moderatus est: ita vt aliquid temporis aliis quibusdam consultationibus daret; præsertim de ædiculis illis melius disponendis. Febris autem inuasit eum tertio: ac quantum corpori firmitudinis decedebat, tantum animo diuini luminis, cœlestisq; virtutis accedere videbatur. Triduo tantum aberat sanctorum om-
nium

nium cultu insignis dies; quem Carolus de more cum populo suo Mediolani, consuetis munerum functionibus, agere studebat. erat ei quoque negotium ab Apostolica Sede mandatum, de collegio ex testamento pij viri in vico Ascona instituendo; vbi pueri pietate erudirentur, & litteris; cuius negotij caussa ad locum ipsum eundum erat: neque id sine magno damno differri poterat. Dum igitur hisce de caussis a monte discederet; ita rursus sese in locum Dominici sepulchri abdidit; vt comites, cum fere descendissent, tum demum Carolum deesse animaduertentes, in eo loco inuenerint. Aronam eo die venit montosa, difficilique via milliarium decem & octo. Ibi studio celeritatis tertia noctis hora nauem conscendit; vt per Verbanum lacum Asconam contenderet, quæ aberat ad millia passuum circiter triginta quattuor. In quo itinere plurima fecit, & locutus est; quæ tum sanctitatis officia, tum proximæ mortis indicia cumlarent; & ideo minime videantur prætermittenda. hæc plerique agunt, dum in lecto iacent: de humanarum rerum despicientia; de beatæ vitæ desiderio loquuntur; suis salutaria præcepta tradunt. Sed Carolus, qui in laboribus assidue vixerat; pro quiete semper laborem elegerat; suam etiam in morte præstitit consuetudinem: suamque itinere faciendo, incommodisque, & laboribus tolerandis, ægrotationem traduxit. philosophabatur de animo sic in hac vita conformando; vt humana omnia, præ iis, quæ Dei sunt, pro nihilo prorsus habeat. oportere hominem sese omni tempore ita expeditum præstare; vt Dei nutu prompto animo semper ex hac vita possit demigrare. ipsas etiam Dei caussa susceptas res, quæ quidem quandiu tempus datur, omni diligentia, studioque agendæ sunt; ita tamen esse curandas; vt, iis licet imperfectis, nihil animo tamen afferatur impedimenti, vel moræ; quin liber hinc, omninoque solutus euolet. plures ecclesiæ suæ res exemplo proponebat: quas licet valde vtilis, ac necessarias; & magno item a se studio, laboreque ad id tempus curatas; nullo modo tamen adeo valere æquum erat; vt si vita decedendum esset; animum quidquam morarentur; quin ad Dei voluntatem exequendam prorsus expedite sese conuerteret, ac hilariter.

Ex monte discedens quid egerit.

Aronam peruenit, & per Verbanum lacum Asconam collegij cuiusdam instrumentis.

Mira in itinere & facit & loquitur.

ter. atque vt, quò sermones eius spectarent clarius appareret; breuem cognatorum suorum vitam rursus in ore habebat; & Giberti patris, qui eadem, qua tunc ipse erat ætate, vita cessisset, mentionem repetebat, quæ quamuis ille frequenter loqueretur; de eius tamen impendente morte, tunc quidem nemo suspicabatur. Cum Arona quemadmodum modo dicebam, soluisset; in genua procubuit; & cum suis statas itineris preces habuit. addidit psalmos nonnullos, vt mortuis suffragaretur. tum conuersus ad nautas; omittitis ne precari, inquit, fratres cum soluitis? at mihi hoc dabitis posthac, vt dominicam Orationem, salutationem Angelicam, symbolum Apostolorum pie semper recitetis. cuius consuetudinis initium tunc faciens, vna cum illis mira humanitate ad verbum ea pronunciauit. mox saluari sermone omnes, qui aderant, fructuose cohortatus; in culcitra recubuit vestitus ad nonam noctis horam. tum surrexit nocturnasque statas preces obiit vna cum suis, genibus more suo nixus. mente deinde precari non destitit, donec hora duodecima Canobium appelleret, eo loco sacrum facturum. In Præpositi illius ecclesiæ ædibus permansit, Deum orans, donec illuxisset. tum rediuiua confecta; valetudinarioque cibo, sicuti vesperi, sumpto; nauem conscendit; Asconam, quæ circiter millia passuum decem distabat, venit: eodem die negotium confecit ad quod venerat; nauigationemque repetiit. Constituerat postero die, qui omnium Sanctorum festum antecedebat, Mediolanum peruenire. sed cum Asconæ quartam febris accessionem sensisset, Canobij subsedit eo die necessariò. recubuit primò sine culcitra, atque adeo sine palea: mox familiarium rogatu, vique morbi adductus, sese in culcitra collocauit. morbo afflictus Capucinos iussit accersiri, quorum piis verbis, consolationeque subleuaretur; quos de sancti Francisci exemplis, rebusque cœlestibus aliquid incipientes, subsequerebatur ipse fufius, diuinaque multa proferebat. quibus ex sermonibus in Pij Quinti mentionem delapsus, eius Pontificis plurimas laudes diu, suauiterque percensuit. cum nox esset; ipseque sibi integer videretur; consulto medico Aronam ea nocte saltem proficisci volebat, Orant autem familiares Octavianus

*Arona soluens
quid agat
quidue nautis
dicat.*

*Eodem quo
Asconam per-
uenit die, ne-
gotium confi-
cit, abiitque.*

*Capucinos ac-
cersit subter.*

nus Forcrius canonicus Med. in primis; sibi parcat; præterita nocte breui spatio quicuisse; magnum periculum esse, ne tanto incommodo morbus ingrauesceret; præsertim si Mediolani ad proximam celebritatem adesse conaretur. omnino verisimile non fieri, ut vires ad solemnes sacrorum munerum functiones obeundas suppetere. corum victus precibus, ea nocte commode quicuit. mane autem post statas preces, sacrificiumque, Aronam petit, omisso cibo, quoniam erat ieiunii dies, neque inualetudinis excusatione sibi utrumque putabat. In nauigenia ponit, precationem iter facienti præscriptam, & litaniam, primo quidam Ambrosiano ritu cum suis; deinde aliam Romano more cum nautis habet; quod ij Aronenses erant, ubi ritus est Romanus. postea sedens sacrum sermonem de celebri festo illo instituit. quo habito, distinctas quasdam conceptiones auditoribus tradidit, in quarum meditatione, contemplationeque taciti versarentur. Id cum horum spatio factum esset, singillatim interrogauit, quid cogitassent. Deinde negotiis operam dedit: Forerium in Mesaucos dimisit, ut ibi de salute multorum ageret; & per homines recte sentientes, quæ de Calendario Gregoriano, proximis Rhætorum comitiis recipiendo, posset, diligenter curaret. tum litteris, & supplicibus libellis perlegendis sese dedit: etenim si Rhæticum excipias, negotiis fere superioribus diebus abstinerat, ne animæ exercitationes, & fructus impedirentur. In conspectum Aronæ cum venisset, litaniam repetiit. in oppido mansit in ædibus sodalitaris I E s v. Renato Comiti se excusauit; quod ægrotus apud religiosos viros rectius esset; ubi si quid accideret, propiora essent salutis adiumenta. Ibi igitur relictis tenuiter pro ægroti modo viribus, ut superioribus diebus fecerat; in lecto quicuit ad septimam noctis horam. mox cum surrexisset, tum diuinis contemplationibus, tum statis nocturnis precationibus operam dedit, usque ad lucem. Missæ sacrum ad omnium sanctorum cultum fecit: in eo non solum nouitiæ domus illius iuuentuti, sed aliis incolis multis, qui conuenerant, sacrosanctam Eucharistiam præbuit. tum sese in lectum retulit quintò febrem expectans, quæ quidem grauior fuit, quam solebat. atque cum ex medicorum præcepto,

febri

Multa christiana perfecti Aronis officia præstat.

In Mesaucos Olanianum Forerium misit.

Quæ Aronæ egerit.

febris consistente, aquam cum hordeo coctam, calidam sumpsisset; moxque somno se dedisset; acrius inflammatus, adeo laborare coepit, ut numquam postea integrum corpus habuerit. nihilominus postero die mane, quo mortuorum suffragia celebrantur, inuitatus nauigandi commoditate, Mediolanum petere constituit. itaque statas quidem horarum preces obit; Missæ autem, quoniam tum demum facere nullo modo poterat, in ecclesia interest: lectoque in naui parato; lacu, mox Ticino flumine, indeque aquæductu, Mediolanum eo die vehitur.

*Nauim con-
scendens gra-
uiter laborans
Mediolanum
conscendit.*

*Obitus.
CAP. VIII.
Ad pietatem
excitandam
multa prapa-
rari curat.*

IBI medicis statim accersitis, sese curandum tradidit. altare in cubiculo collocari, sepulturæ Domini imaginem apponi; eiusque similem super conopei fulcra statui iussit; ut quotiescumque oculos tolleret, eam posset contemplari. aliam non dissimilem, Domini precantis, sanguineumque sudorem cum morti appropinquaret, effundentis, eisdem fulcris appendi mandauit, quam directo videret obtutu: ut priora illa signa continuari facile quisque cognosceret. quamquam eiusmodi imagines, quotiescumque agrotaret, ad solatium suum requirebat. Mane cum adhuc horarias preces, quemadmodum ad id tempus religiose fecerat, recitare vellet; Patris Adorni suasu, satis habuit alium recitantem audire. cupiebat item, si febris remitteret, in sacellum se conferre, ibique sanctissimum recipere sacramentum; alioqui saltem ad altare cubiculi sui: sed neutrum licuit. cumque Pater suaderet, ut in cubiculo Missam fieri pateretur, non consensit, ne quis forte sequi vellet exemplum. Post meridiem febris increfcere, sextaque accessio obscure fieri ita coepit, ut somnum quendam videretur inducere. Audieram cum quandoque narrantem de Egidio Mutinensi Episcopo, quem plurimi fecerat: cum mors immineret; quiescenti sese, ac pene dormienti similem præstitisse: qui cum sæpius interPELLARETUR, sinite me, inquit, tandem quiescere, & cum Deo esse. Id cum eo tempore venisset in mentem; dixi subuereri me, ne Mutinensem Episcopum imitaretur: quod ille subridens ita negare visus est; ut verum tamen ex parte crederes. veniunt medici; inspiciunt. ita ti-
ment,

*Angelus se-
brui.*

ment, vt morbum diuturnum, neque cum sine aliquo vitæ periculo prænuncient. at cum habita inter se consultatione, paulo post ad illum redeunt; motumque in brachio rursus obseruant; tum vires ad exitum præcipitare, iam iamque interituras, præsentibus renunciant. Subitus, minimeque omnium expectatus casus, quàm vehementer nec opinantes perculserit, non est cur explicare conemur. alij alijs significant: tacite simul lamentantur; intimo dolore afficiuntur. mittitur statim, vt sacrosancta Eucharistia proposita, supplicationes in maiore, alijsque ecclesijs instituantur. Accedit Pater lachrymans; quis enim se poterat continere? euocari eum ait ex hac vita: vltima sacrorum subsidia non videri differenda. Adeo præcipiti lapsu vires deficiebant; vt ipsa loquendi facultas vix relinqueretur. casum tamen æquo prorsus animo accipiens, de sacramentis respondit, instare se maxime. Dum hæc pararentur ad aurem supplex petij; dicere illud vellet, quod sanctus Martinus sub mortem dixisse legitur, Domine si adhuc populo tuo sum necessarius, non recuso laborem. nam & ante annos duodecim, cum grauissime ægrota-
ret, illud idem audieram vsurpassè. an secum dixerit, ignoro: sed apertis illico oculis, meque intuens, consuetam omnino visus est obtutu saltem præstare benignitatem: quamquam idem vitæ ipsius, qui sancti Martini, tum euentus fuit. recte vero ille ad sancti illius Episcopi imitationem tunc inuitari potuit; cui tum in vita, tum in morte multa habuit similia. vtrum suum, vt Martinus præsenferit obitum, affirmare non audemus: quæ ante eueniunt, quæque nouimus, simplici narratione modo protulimus. Sed Martinus quoque paulo ante mortem ecclesiastici negotij causa profectus, viribus corporis, vt Seuerus narrat, cœpit repente destitui: & aliquot dies vi febrium afflictus, non solum orationes, vigiliæque intermittere noluit, sed ne vilia quidem stramenta iacenti sibi supponi passus est: iacebat autem in cinere, & cilicio. Sanctissima igitur hostia celebriter allata, capite, brachijs, toto denique corpore Carolus nitebatur, vt assurgeret: sed nobis adiuantibus sese ita saltem extulit, vt linea veste, ac stola collo induta, religiose sacrosanctum viaticum ac-

Quod iam, iam mortuum sit Carolus renunciant Medici.

Supplicationes in maiore alijsque ecclesijs instituntur.

Sacramenta ad se adferri enixe efflagitat Carolus.

*Sacrosanctum
Statutum acci-
pit, quod ex-
trema unctio
statim sequi-
tur.*

*Annibal Al-
tempsius Co-
mes Sena cum
filio benedici à
Carolo perit,
idem omnes
qui adsunt fa-
ciunt.
Cilicium illi
cum cinere im-
ponitur.*

*Moritur Caro-
lus, gemitibus,
eiulatibus, &
lamentis om-
nia replentur.*

*Familiares
rem aliquam
ab eius corpore
sumunt.*

ciperet: quod extrema unctio rite adhibita statim secuta est. quibus in sacris officiis ipse, cum ritus postulabat, una cum aliis sacerdoti respondere conabatur. reliquum tempus consumptum est in legendis diuinis scriptis de passione Domini, aliisque, quibus anima tali tempore iuari, Deoque commendari solemne est. cum autem sensus paulatim restinguerentur, Annibal Altempsius Comes eius affinis una cum filio genibus positus supplex sibi petiit benedici; quod idem fecere omnes, qui aderant. manum ille mouit quidem, sed nisi alio adiuuante tollere non potuit, ut de more crucis signo benediceret. cilicium illi cum sacro cinere imposuimus, ex instituto veteri; quod ille in libro rituum ecclesie sue renouari iusserat: ac merito quidem vel ad eius asperitatem vitæ significandam id erat adhibendum. continuerunt liberio rem fletum familiares, quandiu ille aliquid sentire visus est: at cum animam agere coepit: quæ res, & ad modicum tempus durauit; & parum præ se tulit difficultatis: tum vero gemitus, lamenta, atque adeo eiulatus eruperunt. hic vniuersæ christianæ reipublicæ iacturam: ille Mediolanensis ecclesie casum, & orbitatem: alius susceptorum ad Dei gloriam munus dissolutionem: nonnulli priuata detrimenta, miserabiliter flebant. Circum cubile locum, ex intimis quisque, morienti Patri quam potuit proximum, initio coeperat. id vsui etiam fuit; ut rem aliquam ab eius corpore sumeret, amoris, religionisque gratia. hic namque ceream agni imaginem è collo pendentem; coronam ille, qua precari solebat; alius caputiolum; alij alia pie rapuerunt. quidam celeriter ad res alibi repositas venerunt: ex quibus pretiosissima sibi contigisse sunt lætati, qui flagellum, ex Varalli verberatione tinctum sanguine; atque interulam itidem sanguineis guttis aspersam inuenerunt. idem adeo studium in plerisque postea viguit; ut cilicium, tum illud quod imposuimus, tum aliud, quo uti solebat in infinitas particulas diuisum plurimis enixe postulantibus, sit distributum. aliæ res, libri, imagines, vestes, omnibus viis quæsitæ, & inter res charissimas habitæ. aliquid palcarum in quibus iacuerat, si aliud non daretur, quædam longinquæ virgines postularunt. Periculi

fama

fama per ciuitatem vniuersam subito diffusa, cunctos commouerat. vbique ciues in viis, vbique lumina; passim circulari; anxio animo inter se interrogare; inter se factum narrare cum lachrymis. coacti subito longi ordines marium, foeminarumque omnis ætatis, cruce prælata, per vias procedebant, litaniamque habebant: quorum stata verba alta flebilique voce prolata; admirabile est, quantum dolorem, fletumque omnium augerent. Plurimi in ecclesias supplicatum confluerunt. alij ad eum visendum concurrerunt; vt palatium Archiepiscopale, cubiculumque ipsum omnium fere ordinum multitudine statim compleretur. ipse etiam prouinciæ Gubernator statim accurret. *Prouincia Gubernator ad Carolum accurret.* Neque vero casu fortassis euenit, vt magni Antistitis obitum tot hominum genera coram dolerent. Principes viri, magistratus; milites; patritij; plebei: non Itali solum, sed Hispani, Germani, Heluetij, Angli. viri ecclesiastici cuiuscumque *De tanti Antistitis morte infans prope dolens.* pemodum generis, atque ordinis. erat ea certe iactura communis. virgines in monasteriis, cum eò quoque celeriter nuncius penetrasset, itidem commotæ, statim ad precandum sese dedierunt: ac tota fere nocte quædam in supplicatione permanserunt. ita circiter tertiam noctis horam III. non. Nouemb. die sabbati, nos optimus Pater reliquit. cumque charissimam animam hinc euolasse, facie propius admota experientes, cognouissemus; clausimus, quoniam eramus a latere, relictî corporis oculos.

AVDITA morte, is luctus, atque mœror fuit; vt in rerum omnium desperatione versari ciuitas videretur. eos equidem libere, ac effuse flere vidi, quos a fletu penitus alienos, vel ob charissimorum mortem, quisque facile iudicasset. neque vero subito dolor, aut paucis, vt fieri solet, diebus desit; immo auctus potius videtur in dies: sciteque dixere quidam; hunc dolorem, non vt alij, tempore minuendum, sed potius augendum; quòd quotidie magis perspiceretur iacturæ magnitudo. Rite curatû est corpus inter familiariû oscula. quod quidem macie sua maiorem etiam inspectantibus doloris sensum efficiebat: vide- *Inter familiarium oscula lachrymas corpus curatur.*

batur enim propemodum ossibus, pelleque tantum constare: ut de eo fere, quod de sancto Basilio, dici posset; cuius vitam is commemorare frequenter, sibi que proponere solebat: quem admodum charta laternæ circumdatur; ita pelle prope arida reliquum fuisse corporis circumamictum. addebatur, quod, ut quibusdani visum est, adhuc signi aliquid in dorso manebat, quod nefarii illius ictus memoriam renouaret. collocatum postremò est in palatij sacello, vestitum pontificiis indumentis albi coloris: & cum mira esset populi cupiditas visendi illius; timereturque ne immensæ multitudinis concursus, atque impetus, satis moderari posset: non solum nocte ipsa, quæ non multum habuit quietis; sed die item insequenti clausæ habitæ sunt fores. At cum diutius teneri populi desiderium non posset: corpore cancellis circummunito; quibus multitudinis impetus, vehemensque plurimorum studium cohiberetur; aditus omnibus apertus est liber. tantus omnium ordinum toto biduo concursus fuit, ut per amplas palatij scalas, dum confertissimi alij descenderent, alij ascendere conarentur; seseque mutuo premerent; multi ferrentur præcipites; nonnulli pene opprimerentur. ipsius sacelli non exigui tamen, parietes rumpere, multitudinique exitum patefacere, necesse fuit. diuturnior concursus fuisset sine dubio; exterique aduenissent, si amplius dilata fuisset sepultura. augebatur vero populi conuenientis dolor; quod tangere, atque osculari chari patris corpus per cancellos non possent; neque ob perpetuò confluentem multitudinem, morari saltem permittebatur, ut paululum eam intueri faciem, cōtemplarique possent, quam visuri amplius non erant. in qua quidem nouus quidam decor, præcipuaque tunc sanctitatis, & benignitatis signa quædam elucebant. Aliud solatium denegabatur, quod nonnulli tamen obtinebant furtim; ut globulorum coronæ, quas magna cupiditate offerebant, corpori admouerentur; quibus religiosius ob eius contactum vterentur in posterum; & inter res chariores asseruarent. Dum ibi corpus fuit, clerici semper astiterunt, pie precantes; horis distributis, ut alij aliis succederent; canonici maioris ecclesiæ; alia clericorum vrbs collegia;

In palatij sacello collocatur.

Maximus omnium concursus ad corpus intueundum.

Circa corpus præstita officia.

collegia; eius item familiares. feria quarta elatum est corpus, funusque ductum, vniuersis vtriusque cleri, tum piarum sodalitatum ordinibus comitantibus. vnusquisque autem accensum manu cererum tenebat. secuti sunt pontificio habitu ex Episcopis prouinciæ nonnulli; Nicolaus in primis Cardinalis; qui pro suo eximio in Carolum amore Cremona statim accurrit. Prouinciæ Præses, Senatus, Magistratus; populi que multitudo; quantalongissimis viarum spatiis potuit contineri. nam iudiciis omissis, relictis negotiis, clausis officinis, etiam ex agris longe conuenerunt. quorum fletus vere memorabilis, tum Antistitis sanctitatem, insignesque laudes; tum populi amorem, gratumque animum, satis per se prædicabat. neque se continuerunt, quin aliquando vocem simul tollentes, non sine multorum terrore; misericordiam, conclamarent; quasi ciuitatis exitium aliquod instaret. Funeri statim succedere funebria sacra, quæ Cardinalis idem celebravit. quibus & sacri homines, & quotquot ecclesia maior cotineri poterant, interfuerunt. concionem habuit Franciscus Panicarola; qui de quacumque re apud quoslibet dixisset, summa vi dicendi permouisset omnium animos; nunc de tanto Antistite, ad auditores tam dolenter affectos; ipse lachrymis frequenter oborientibus, quid effecerit; facile coniici potest. Fuerat corpus in ampla structura alte collocatum; atque ita communitum, ut cupida multitudo minime posset perrumpere. Sed factis exequiis, necesse fuit eum tutiore loco inter ferrea clathra ponere. nam summo studio, atque impetu irruebant plurimi, ut corpus tangerent; siue religione, amoreque inuitati, siue etiam sanitatis adipiscendæ desiderio incitati. Multi prauis dæmonibus occupati adducebantur, qui clamoribus, magnisque agitationibus sese perpetuò commotos ostenderunt, tum in funere ducendo, tum in diuinis faciendis, tum die ipso toto; quo ad populi solatium sine intermissione confluentis, intra septa illa corpus relictum est; ut sequenti nocte sepeliretur. Delegerat sibi ipse in testamento sepulturæ locum, ad primos gradus, quibus altare versus ascenditur; ante ipsum aditum; ut ingredientium, ac prætereuntium pedibus teri necesse sit. Eò, cum interim defos-

Quali apparatu summi ad sepulturam delatum quomodo committatur.

Sacra funebria celebrat Cardinalis Cremonensis, concionem habet Franciscum Panicarola.

Exequiis compleris sibi collocatur corpus.

Possessi a dæmonibus quid faciant.

Sepultura locum sibi delegerat Carolus.

*Corpus sepul-
cra manda-
tur.*

*Testamentum
quando fece-
rat.*

sum, atque ædificatum subterraneum sepulchrum esset; corpus in arca plumbea inclusum; nomine ac tempore insculpto, intulimus. lapis impositus est cum epitaphio, quod in testamēto ipse conscribi iusserat his verbis, Carolus Cardinalis tit. S. Præedix, Archiepiscopus Mediolani, frequentioribus cleri, populi-que, ac deuoti fœminæi sexus precibus se commendatum cupiens, hoc loco sibi monimentum viuēs elegit. Testamentum fecerat ante annos octo, cum pestilentia urbem inuaderet, vt diximus. ac hereditatem quidem suam reliquit præcipuo pauperum valetudinario. sed a maioribus accepta bona, quæ fideicōmissi iure manere in familia necesse erat, Francisco Borromeio Comiti patruo reliquit, eique patruales suos Comites substituit, Renatum, & Federicum; qui quidem Francisco ante Carolum mortuo, ei successerunt; & meritò quidem, non ob propinquitatem solum, sed ob eorum in Carolum obseruantiam ac pietatem: Federici præsertim; qui clericalem a prima adolescentia vitam amplexus, eius virtutes, moribus, & disciplina quotidie magis expressit; quem Deus, vt esset expressior, atque illustrior imitatio, voluit anno ætatis suæ X X II. creari Cardinalem; ita Caroli quamuis mortui suffragantibus in sanctam Ecclesiam meritis; vt ex propriis tamen virtutibus omnium iudicio dignissimus habeatur. In eodem testamento religiose liberaliterque legauit multa. Sacra, precationesque anniuersarias ad maiorum, animæque suæ subsidium constituit. pro se quotannis obitus die fieri iussit; cavitque, si mors in diem illum incideret, quo die pro Archiepiscopis mortuis sacra fieri decreto constituerat; differrentur in sequentem. ac quasi id præuidisset; ita euenit, vt sese habebat conditio. Ecclesiasticam supellectilem fere omnem, magni pretij ecclesiæ maiori legauit. Scripta ad conciones pertinentia Ioan. Francisco Episcopo Vercellensi. Familiaribus annuas pensiones, ex auitis fere bonis soluendas: religiosis collegiis; amicisque aliis varia reliquit. Dedit eodem testamento erga filios id specimen amoris sui; vt quocumque loco moreretur, cadauer tamen Mediolanum afferri, atque ibi sepeliri vellet. Non videtur omittendum; quoniam & hæc signa ad rem fa-
cere

cere exemplis didicimus ; iis mensibus qui hanc iacturam nostram antecesserūt, fulmina inusitato prorsus numero, per diocesim Mediolanensem erupisse; in ecclesias præsertim; quarum vna fuit nostra Modoëtienſis, quamuis nullam ruinam passa. imo, quod præcipuum est, in ipsam quoque maiorem ecclesiam Mediolani irrupit fulgur; & altaris maioris vmbaculum non-nihil læsit. In Vrbe vero malus in Adriani mole alte eminens, cui Pontificia signa quædam, solent apponi; cum de cœlo tactus esset; postridie accepto, dum adhuc lignum conflagraret, de Caroli morte nuncio, eam rem significatam multi existimarunt: quamquam alij retulerunt ad Gregorij Pontificis mortē qui post menses circiter quinque diem suum obiit. sacris per ecclesias passim celebriter peractis, suam ciuitas erga tantum Patrem pietatem ostendit. Piæ, honestæque mulieres multæ, quasi pro vniuerso sexu, cui se ille in epitaphio commendauerat, satisfaciētes; tum funebria iusta, in eadem ecclesia maiore suis sumptibus fieri curarunt; tum facto agmine septem statas ecclesias, toto itinere supplicantes, crucifixi imagine prælata, cum Caroli insignibus, adierunt. quod idem primo quoque cuiuslibet mensis Dominico die postea seruauerunt: vt illud vulgò Cardinalis sodalitiū appellatum sit. Signa mœstitiæ, ac doloris, etiam in longinquis christiani orbis regionibus edita sunt. Gregorius ipse Pontifex, eius audita morte, quemadmodum viri grauissimi nobis narrarunt, illud pronunciauit, Extincta est lucerna in Israël. In Heluetiis, ac Rhætis in primis, quantum impij gauisi sunt, grauissimum sibi aduersarium sublatum; tantum luxere pij acerrimum defensorē. quamquam dolere visi sunt ex iis quoque multi, qui minore adducti malitia sequuntur impietatem. De morte narrationes: tum laudationes multæ, versu, solutaque oratione conscriptæ, inque varias linguas conuersæ, per orbem disseminatæ sunt. Ioan. Franciscus olim, antequam Vercellenſis Episcopus crearetur; latinum poemā de Carolo condiderat: quod hæc scribens editum audiui. poemati laus debetur; fides item historię, si poetica inuolucra detraxeris: quæ quidem indigna fortasse sacris historiis existimans, auctor opus edi nolēbat, quem-

admodum

Qua signa Caroli mortem præcesserint.

Quam pietas Ciuitas erga Pastorem suum ostenderit.

Pontifex audita Caroli morte quid dixeris.

De mortis narrationes, tum laudationes multæ.

*In morte suos
habuit ultra-
flores non ta-
men a Deo im-
punitos.*

admodum nobis affirmavit. At suos in morte quoque Carolus habuit obrectatores. cœnobitici ordinis homo ; cuius mores pene intolerabiles Carolus diu non solum tulerat, sed officiis, & mira benignitate moderandos susceperat : incredibili odio Carolo mortuo maledicebat; eiusque nomen, ac memoriam insectabatur: neque ferre poterat, ut ei vitæ sanctitas a quoquam tribueretur. at is non multo post quorūdam criminum reus factus, Romanique vocatus, morte pœnam vitæ huius effugit. Alius ordinis eiusdem, scriptor imperitus, & levis, historia quadam edita, Caroli famam inepta quadam dissimulatione, acriter, & maledice vellicavit. ea de re cum Romam relatum esset; inspecto libro, volumina omnia e bibliothecis auferri iusserunt summi iudices. homo paucos post menses interiit. Magna omnium animis memoria, veneratioque eius sanctitatis perseveravit. imaginis habendæ, quæ aliquo modo eum referret, tanta cupiditas fuit; ut inaudito studio quouis operis, & artificij genere, innumerabiles effectæ sint; passimque a nostris, & ab exteris expetitæ: tum ad Principes, & Reges in longinquas partes præclari muneris loco missæ. videre licet in provincia Mediolanensi, per domos, per officinas, priuatim, & publice, passim affixam, imo pie, ac religiose collocatam eius effigiem; ut eo aspectu nemo carere potuisset videatur. quamquam incommode accidit, ut ex tot artificibus nemo fere, vere, ut erat, exprefferit. nam ut pingi se videretur pateretur, ne petere quidem ab eo quisquam ausus esset. furtim vnus, aut alter, quod sciam, conatus est; idque satis feliciter. Anno ab eius morte elapso, ipso obitus die, conuenerunt, qui doctrinæ christianæ scholis sese exercent, & aliæ item piæ societates: atq; agmine maximo ad statas septem ecclesias eius memoriæ gratiæ supplicatum ierunt. dumque ita pius populus toto pene die pluuio tempore supplicationi vacans urbem peragraret; plurimi ad sepulchrum venientes sese abiicerent, saxumque flentes oscularentur; ipsa incredibilis detrimenti recollectio, cum tali publicæ pietatis, & amoris argumento coniuncta, ciuitatis luctum instauravit. At libentius maxima pars eius laudes diuinis officiis concelebrasset: seque potius illi commen-

dasset,

*Anno ab eius
morte elapso,
quid faciant
pij homines.*

dasset, vt apud Deum inuaretur; quod priuatim faciunt plurimi: quàm orarent pro illo Deum; quod pleriq; inuiti quodammo-
do, propter spem de eius beatitudine firmiter conceptam, face-
re sibi videntur. plurimi eius auxilium in suis difficultatibus, &
angustiis implorant: multi vota faciunt, & persoluant; cereis
etiam ex ecclesiastico ritu allatis; qui honoris, & religionis gra-
tia ad eius sepulchrum incenduntur. ex Helueticis nonnulli Me-
diolanum miserunt, qui vota persoluerent. vir clarissimus eiuf-
dem gentis, primò quidem ad Varallium montem; inde ad Ca-
roli sepulchrum pietatis ergo pedibus profectus est. cumque æ-
grotaasset; se tamē iussit adhuc imbecillum ad idem sepulchrum
rursus portari. Multi etiam beneficia diuinitus per eum a Deo
accepta prædicant: atque pridie eius diei; quo hæc scribebamus;
funale ad sepulchrum allatum est ab eo qui diceret, sese cum
Carolus inuocasset, & votum fecisset, ex morbo
quodam conualuisse. Quibus de rebus

*Plurimi eius
opem in angu-
stis implorant.*

*Helueticj non-
nulli vota per-
soluunt.*

*Beneficia per
Carolus a Deo
accepta prædi-
cant multi.*

alias, vt spero, fusius expli-
cabitur.





DE

VITA ET REBUS GESTIS,

CAROLI CARD. S. PRAXEDIS ARCHI- EPISCOPI MEDIOLANI,

Liber Septimus.

Statura, & effi-
gies Caroli.
CAPVT. I.



MULTA sunt ex Caroli factis, quæ cum historiæ filo duci cōmode non potuerint, minime tamen existimamus omittenda. Vno etiam in loco eius naturam, consuetudinem, disciplinam; ac animi imaginem quandam exprimere; huius videtur esse scriptio. nam vt in corpore toto diffusum sanguinem propriam tamen obtinere sedem videmus; ita Caroli moribus, licet vniuersa rerum gestarum narratione dispersis, proprius etiam locus recte videtur assignari. Ex his igitur nunc aptam operi conabimur addere quasi coronidem. atque omnia ad certa capita redigentes, prius quæ patent sensibus, quæq; in ipso fuerunt; deinde quæ ad alios priuatim, publiceque referuntur; ordine, quantum fieri poterit cōtexere studebimus: ecclesiæque administrationem; quæque ei factæ sunt salutare accessiones, generatim comprehendemus. Statura fuit Carolus, quæ communem non nihil superaret: cui membrorum quoque magnitudo, ossibus saltem, respondebat; nam carnis tantum fuit, quantum ieiunij permisit assiduitas. magni oculi, cœruleique. nasus grandior; rugis laxioribus ab eo ad mentum deductis.

*Authesis in
hoc libro septi-
mo propositum.*

ductis. capillus subniger, subrufa barba; & incompta, quamdiu non rasit. Auctoritas vero, grauitasque multa, toto vultu pallido, & macilento; qui veterum sacerdotum sanctitatem maxime referret. Robustum natura corpus idoneis signis multi iudicauere; sed curis primo familiaribus, dein ecclesiasticis, semper ætatem præcurrentibus; studiis litterarum; laboribus demum, vigiliisque episcopalibus, & varia corporis vexatione debilitatum.

CORPVS vt tractarit; quibusque quasi gradibus ad summam vitæ asperitatem venerit; pluribus locis supra demonstratum est. quam ad rem vsus est, Deo concedente, duobus magnis adiumentis. alterum, quod nihil subito durius suscipiebat; sed sensim progrediens, tum vires experiebatur, tum sese paulatim assuefaciebat; in quo magnum salutaris progressionis momentum esse merito existimatur; ne vel se quis cito conficiat, vel defatigatus subsistat, aut de via declinet. Ita sese in aqua vsu habuit; ad quem annorum cursu ita peruenit, vt vinum paulatim minuendo, aquam vero addendo; stomachus demum aqua sola contentus esset. Ita in ieiunio; quod multis annis, dierum numerum per hebdomadas paulatim augendo, fecit quotidianum; illudque prandij solius, nihil vesperi prorsus admittens. Ita in omni fere obsonij genere reiiciendo; vt primò carnem, mox oua, ceteraque sensim dimittens; ad panem solum cum aqua, cibibus denique redigeretur: quamquam mors anteuertens fecit, vt aliquot dies, puta tres in hebdomada restarent, quibus lacte potissimum, sed pomis etiã, & herbis, similibusque adhuc utebatur. simili vsus in Quadagesima ratione. gradatim in angustias sese ficuum aridarum, lupinorumque deducere curauit. Alterum adiumentum fuit; quod quæ semel susceperat, ita constanter tenebat; vt neque labore, neque incommoditate; neque humano, diabolicoue impulsu ab iis deduci posset. plurimi enim parum progressus idcirco habere videntur in via salutis; quod leuiter ab instituto descedunt; quotidieque noua ordientes, nihil ad exitum perducunt. omnino mira increat, his præsertim temporibus,

Viſus, & ſomnus eiufdem.
CAP. II.

Quo ordine in obſonij reiiciendis progrefſus ſit Carolus.

In ſuis ſeruandis Inſtitutis conſtantia, & patientia.

bus, patientiâ inedia, vigiliâ, frigoris, assidui laboris; omnium denique, corpori quæ sunt incommoda: vt demum, non pro cius appetitu, & ne pro vsu quidem necessario; sed pro occupationum opportunitate, & pro suo denique arbitratu, corpori satisfacere videretur. Cibum, si officium diuinum, vel humanum ita postularet; quod eueniebat frequentissime; tam facile differbat in horas plures; quàm alius rem quamlibet leuissimam. at contra etiam officij causâ tempus cõsuetum præueniebat; amicorum flagitantium gratia vinum, carnemque admittebat; bis in die quandoq; edebat: quamquam non ita facile extremo vitæ tempore: tum enim grauari se vehementer, & quasi febris tentari sentiebat, si amicis in eo genere obsequi conaretur. Sed Brixia vidimus, cum ad eum hospes vir princeps venisset; bis in die cū eo accumbere; cibumq; promiscuum, etiâ vesperi sumere; cum tamen longe post meridiem negotiorum commodo pranderet. Quibus diebus panem solum adhibebat, quoniâ egre mandentē diutius detineri necesse erat; edens supplices libellos, aut epistolas inspiciebat, ac subnotabat; vel alia legebat, & meditabatur. Cum rogaretur, vt quam biberet, eius aquæ naturam saltem aliquo modo vellet temperari: delicias respondit in exercitatione patientiæ minime quærendas. sese vino potius vsurum. Cibum, & potum ita sumebat, vt nihil gustare videretur; nec quereretur: vniquam, vel datum aliquid quod nollet, vel secus factum ac vellet; nisi quid forte melius esse sentiret, quàm ferret sibi proposita durities. Ad ea quæ legebantur edenti, tum ipse fuit attentus maxime; tum exteros quoque cum eo accumbentes attentos facere solitus est; de eo quod audiebat identidem aliquid dicens, ad pietatem excitandam. de cibo vero, vel potu nullum penitus vniquam verbum. Corpus non exercebat: nisi quātum muneris, pietatisue ratio postularet; in quo non valetudinis modum respiciebat; sed rerum diuinarum ardenti studio ferebatur. Somno quinque horas dabat in lectulo illo suo paleato, & cannabinò; sæpe etiam, si opus erat, breuius spatium; nonnumquā breuissimum, & in sella aliqua collocatus: qui aliis tamen humanissimus Pater indulgebat, si essent imbecilliores; vt octo,

vel

Pium responsum.

Ad ea qua in mensa legebantur, attentio.

In Somno quā parcus.

vel etiam nouem darent: cumque eius familiaris narraret; cuiusdam non ignobilis rerum spiritualium magistri sententia, septem horas sano corpori concedi posse: de Episcopis, inquit, non puto locutum. Ante lucem surgebat semper. ad somnum utebatur nonnumquam tempore, quod itineri dare necesse erat: & nihil de iumenti celeritate remittens, ut poterat, aliqua ex parte satis necessitati faciebat. dormitabat sæpe tamen interdium, natura etiam moleste exigente, quod ei debitum erat: sed ita modice, ut omnia quæ dicerentur audiret, dixisset in consultationibus quædoque, nihil omnino percepisse eorum, quæ dicta fuerant; cum ille sententias aliorum repetens, optime omnia iudicabat. cum in sacris precationibus, psalmodiaque arcto somno teneri videretur, promptum se tamen præstabat absque vllius admonitu, ut si semper vigilasset, quotiescumque surgendum, caput aperiendum, aliudue ex ritu agendum esset. Admonitus aliquando, satius esse naturæ quod necesse erat concedere; quàm alieno tempore, & loco dormientis speciem publice præbere: naturæ id esse vitium affirmabat suæ; cui nullum somni tempus satis erat ad eiusmodi dormitationem vitandam; qua se vel medicis curationibus etiam expedire curauerat. Hanc vitæ duritiem, ex clero, populoque imitati sunt multi. qui vino, cibisque melioribus, pro modo quisque sibi proposito, abstinentes, aut etiam in tabulis cubantes, commune lautitiæ studium valde temperauerunt.

OMNIA captabat in quotidianis rebus durioris vitæ momenta, quæ plurimi vitare potius solent: in quo magnam vim meritorum, occulto quodam studio colligeret; & non mediocriter ad perfectam vitam iuuaretur. Non paruum illud fuit incommodum, vel potius cruciamentum: neque die, neque nocte vmquam ignis beneficium in regione valde frigida recipere, hominem interdium male vestitum, noctu vix contestum; palea subtrus, supraque afflictum corpus fouente; ut non immerito dixisse videatur in oratione sua Franciscus Panicarola, nihil amplius Carolum vsus suis, quam canem domini facultatibus; Patientia frigoris, & aliorum incommodorum.
CAP. III.

qui quidem panē, aqua, paleaque modica contentus est. At etiam, quasi humanis commodis illudens, Iulio Petrutio religioso admodum seni, qui intimis obsequiis ei inserviebat, non nihil eiusmodi acerbisatem quodam tempore querenti; eam esse rationem dixit, qua hyeme lintea minime frigida cubans sentiat, qui ignem iis adhibere nolit: frigere adeo, dum in iis se collocat, vt præ membris suis lintea minime frigida videantur.

Quid Iulio Petrutio de acerbisate querenti, responderit Carolus.

Stans legebat, scribebatque.

Stans legebat, scribebatque semper, tabulæ innixus altiori. at foris, paratas ad vsum sedentium tantum mensas reperiens, genua ponebat in solo. opinio fuit, salutaris patientiæ causā eam quoque rem ab eo susceptam. cumque sapius multi sacra biblia, quæ frequenter in manibus habebat, ita collocatum perlegere vidissent; diuinos libros reuerentiæ gratia flexis genibus ab eo semper legi consueſſe prædicarunt. captabat ille quidem omni studio incommodorum, perpeſſionumque occasiones; eximiaque erat erga diuinos libros reuerentia; vt

Qua reuerentia sacra biblia legeret.

Sim Sira asperitatem prædicari agere fert.

merito, ita sit existimatum. sed aperuit nobis quandoque, dolens vitæ suæ asperitatem nimium prædicari, atque amplificari, quod filere non debeo; id se facere valetudinis gratia, cum eum sibi situm vsui esse ad quædam corpori necessaria cognosceret. id quatenus eiusmodi causæ tribuendum sit, alij viderint. Ita

In angusto loco in suis ædibus conſiſtebat.

vero angusto loco in suis ædibus conſiſtebat; vt angustiore religiosi viri nulli vtantur: tum ætate caloribus ita subiecto; vt pari propemodum patientia, ad calorem, frigusque opus esse videretur. Foris item, cum necessariæ occupationis gratia morabatur, ne forte oblectationis gratia secedere quis putaret; eodem modo incommoda eligebat loca; eaque interdum eiusmodi, vt omnes eius miserarentur conditionem; cum præsertim vbi conſliterat, siue in algida, siue in æstuosa loca incidisset, constanter maneret; neque dolens vmquam, neque aliquod leuamentum quaerens. si aquæ, hortiuæ essent; ne aspiciebat quidem, nedum inambulare vmquam. cum essemus in ecclesiæ Mediolanensis villa Crupelliana, & vna Franciscus Adornus ecclesiasticarum consultationum gratia; ad fluminis Aduæ ripam semel post cibum cum processisset; in insignis cuiusdam

Nullas corporis recreationes admittibat.

iucun-

iucunditatis loco id ponere visus est, quas propter nos suscepisset; quamquam alioqui non sine causâ locum visit. Cum tot annis ad ædes S. Barnabæ Mediolani ventitarit; semel, aut iterum tantummodo, idque adductus Cardinalium hospitum causâ, hortos ingressus est, postremo vero tempore, cum suaviorem sese omnibus præbere studebat; eo semel nullius gratia ingressus; adeo mirabile visum est, ut inter se Patres quasi rem inauditam narrarent; magno præsertim accedente cumulo, quòd manu sua pomum arbori detraxerat. Cum in eiusmodi religionis locis edebat; vel solus, vel vno ministro contentus erat; nihilque sibi præter cæteros volebat apponi: quamquam postremis annis communis ceterorum modus, si tamen illum admisisset, pro lautitia illi esse poterat. paululum autem post cibum pie cum sacerdotibus collocutus, satis relaxationi datum dicebat; ad opera sese reuocabat: nam vel modicum post cibum recreationis, quotidiana eius consuetudo non admittebat: nisi per ætatem quieti potius aliquid, quàm somno, interdum ex necessitate daret. eam esse demum in hoc genere veram virtutem dicebat; non solum cupiditatibus resistere; sed eas persequi; sensibusque, non ea tantum negare, quæ vitiosam haberent voluptatem; sed studiose detrahare iucunda; molesta vero propinare. Itinera tum equis, tum pedibus durissime cōfecta non vno in loco narrauimus. sed iter faciebat, tum magna festinatione semper, ut domestica iumenta non diu labori resisterent; tum cursu etiam, quotiescumque charitas postulabat animarum. idque eo labore, quem extenuatum, debilitatumque corpus ferre necesse erat: quemq; sibi propemodum intolerabilem esse, quandoq; fassus est. Cremonense iter milliū quinquaginta, cum usu venit, & alia similia, vno die conficere solitus fuit: pluuias, tempestates, nocturnum tempus, præcipitia montium; fluminum, lacuum, latronumq; pericula; hospitia incommoda, frigora, calores, contemnebat. quibus de rebus nemo est familiarium, qui paratas non habeat narrationes admiratione dignas. hic Verbani lacus vndas; ille Apennini tempestatem, & turbines; alius Alpium rupes præruptas, & earum diurna, nocturna; pericula

In religiosi locis edens quomodo cum eo agi solebat,

Memorabilia Caroli sententia.

Itinera quomodo faciebat,

recor-

recordatur. mirum vero omnino; tot, tantisque periculis, & casibus quoque multis, neque ei, neque comitum cuiquam mali aliquid euenisse. puluerem ætate ab ore non desiciebat: vestitas numquam habebat manus; vt hieme; præsertim si loca montana, asperioraque obiret; tumidæ perpetuò, plenæque vlceribus apparerent. neminem ad hospitia præmitti, præsertim ieiunij diebus, patiebatur; vt subito adueniens, aliquid semper addere suis posset incommodorum thesauris. Pedibus, si tamen hoc inter Caroli labores numerare conuenit, per urbem ibat: nisi hospitum Præsulum causa equos interdum adhiberet. currus neque in vrbe, neque in itinere admittebat; quod non ita decore Antistes in iis esse videbatur; neque crux præferri satis decenter posset. Romæ tamen ceterorum morem in eo sequebatur: nam & ibi forma esse videbantur decentiore. nostratibus interdum vsus est hospitum Cardinalium causa; quorum commodis, præsertim si essent imbecilli, amantissime seruebat. lecticam, si vehiculum Præsuli adhibendum esset, ob decorum, & legendi commoditatem, in primis probauit: ipseque postremo tempore tum hospitum in vrbe, tum sui, suorumque comodo in itinere adhibuit.

Morbos, & dolores corporis vt tolerauerit.

CAP. IV.

PRÆSCRIPTA medicorum, cum iis sese curandum tradiderat, ita seruauit; vt nihil præter eorum iussu, vel quod vehementer expeteret, quamuis minimum, reciperet; vel quod maxime horreret, recusaret vniquam. sed quæ in eo genere ferenda essent, ea prompto animo ad exercitationem asperioris vitæ referebat. cumque sæpe morositas quædam, atque fastidiū soleat ægrotis, etiam religiosis condonari; non erat in eo quod ferretur ægrotante, magis quàm in valente. quin etiam dicere solebat, in cuiusdam voluptatis loco morbum se habere; cum eo tempore semotis curis quiescere, seque ipsum liberius daretur attendere. si quando medicis ægrotum alium parere nolle cognosceret; reprehendebat; & vt faceret, grauiter hortabatur. Cum ad Dei misericordiam pestilentia causa implorandam, vna cum clero, & populo ad celebriora vrbis loca, seu compita suppli-

Voluptatis loco morbos habebat.

supplicatum iret, sanctumque clauum ferret; pedem nudum clathro ferreo; quo subterraneæ cellæ fenestra muniebatur, impexit; atque vnguem maioris digiti ita summouit, vt tota via, quæ multa restabat, abunde sanguinem funderet: neque tamen ob doloris sensum, qui ea parte vehemens esse solet, de incessu quidquam remisit. narrat medicus; supplicatione demum peracta, cum accersitus esset; inspecto vulnere, tolerantiam viri se esse admiratum: cumque dixisset, esse vnguem necessariò abscindendum: Carolum, qui sibi post abscissionem necessario quiescendum esse verebatur; quasi nihil morbi, dolorisque vim æstimaret, sibi respondisse; in aliam diem id esse differendum, donec in ecclesia quasdam sacrorum munerum functiones obiisset: obligaret tunc quidem vulnus aptiori quo poterat modo. tertio die medicus vocatus, id exequi iussus est, quod ad curationem necesse erat. ibi vero Caroli mirificam patientiam sese obstupuisse testatur: ei enim grandem vnguem, vulneris acerbitate recrudescente, ita excidisse; vt cum ipse in eo genere exercitatus perhorresceret; neque corpore ille, neque voce, neque spiritu vlllo modo commoueri videretur. neque vero ob id diu quieuit; aut labori, vel viæ pro quotidiano ecclesiæ vsu pepercit: vt ex eo potius noui cruciatus, ac patiëntiæ nasceretur occasio. nam infirmo pede lapsus, os manus loco suo mouit. id reponere quidam conatus, cum minime affecutus esset; medicus idem, ingrauescente admodum dolore restituit, prorsus ita se habente Carolo; quemadmodum is loquitur; ac si permulisset integram manum.

Quid in publicis supplicationibus illi acciderit, miraque eius patientia.

IN CREDIBILEM laborum tolerantiam, occupationumque infinitam prope continuationem, superius attigimus: vnde facile fuerit totius agnoscere vitæ consuetudinem: nam alioqui actorum eius diurnum, non leui argumento confici potuisset; quod audio ex eius domesticis quosdam, pro ea temporis parte saltem fecisse, qua fuerunt apud eum; motos admiratione laborum, quos ab eo quotidie sustineri videbāt. Eiusmodi laborum causas, quibus interdum Episcopi nonnulli carere sibi videntur;

Labores, & occupationes. CAP. V.

tur; tum admirabile studium pariebat ecclesiæ in omnes partes
 veteris disciplinæ cogitatione conformandæ; gregisque ad cœ-
 lestia bona, continua progressionem ducendi; quod quidem ne-
 gotium nullis agendi terminis continetur: tum vero animi Deo
 penitus dediti, diuina quædam inflammatio; qui nulla diligen-
 tia, nullo umquam labore contentus; numquam satis suo iudi-
 cio perpeſſus; neque pro infinitis tanti Domini meritis; neque
 pro suis, suorumque peccatis, sibi videtur umquam posse satis-
 facere. maxime item, ut in omnibus, S. Ambrosij exemplo mo-
 uebatur, de quo Paulinus scribit, in diuinorum munerum fun-
 ctione tam magnos consueuisse labores excipere; ut quæ officia
 erga eos, qui salutari lauacro abluendi essent, solus obibat; iis
 post eius obitum vix Episcopi sufficerent quinque. quod idem
 merito de Caroli laboribus dici potest. Hinc diurna, nocturna-
 que in meditando, scribendoque occupatio; hinc longissimæ
 consultationes: assiduitas respondendi iis, qui consulere, opem-
 ue implorare necesse haberent; diuturnæ supplicationes; sacra-
 mentorum administratio, sæpe vsque ad noctem ducta; labor as-
 siduus concionum, visitationum, aliarum rerum, quæ sexcentæ
 singulis horis, propeque momentis occurrebant. Cum Episco-
 pus ad eum scribens forte significasset, sibi parum esse negotij,
 eam vocem, ut Episcopo prorsus indignam, & turpem, grauib;
 adeum litteris datis, acriter, lateque reprehendit. Cum Nouarię
 Francisci Episcopi exequias celebrasset; quidam eius mortis
 causam dolentes, laboribus tribuebant; quibus in lustrandis sue
 diœcesis ecclesiis eo anno non mediocris vigilantix sacerdos
 perfunctus erat. at ista ipsa, inquit Carolus, de causa, & isthuc
 ipsum agentem, hoc est pro ecclesia sua laborantem, Episcopū,
 decet mortem oppetere. Dicere solebat, tantum esse Episcopo
 negotij, quantum ipse velit: hoc est pro eius studio, vel negligen-
 tia. item, Nullum Episcopum muneri suo posse satisfacere, si va-
 letudini parcat, & earum rerum obseruationibus teneatur, quæ
 nocere corpori, prodesseque possint. Quod populi parum ad sa-
 lutem proficiant, maiori ex parte culpam esse Antistitem affir-
 mabat; qui non assidue curant, atque vrgent corū progressionem.

*In laboribus
 subeundis Di-
 uum Ambro-
 sium imitari
 nitabatur.*

*Episcopum
 quendam gra-
 uiter reprehen-
 dit.*

QV i corpus tam dure habuerit, nullum quoque penitus cultū adhibuisse, vel nobis tacentibus, licet coniecere; nisi quatenus munditiæ, vel dignitatis causa necesse putaret. Nullum sericum adhibuit indumentū: sed eius generis tamen, quæ personæ conuenirent. posteriorem tunicæ partem, quam solent sacri Præsules magis demissam humi trahere, libenter æqualem reliquæ recipiebat. vestimentis, omnibus quidem diutius utebatur, ac tritis; sed quæ in conspectu non erant, in primis refarciri non semel iubebat. Opera suorum exuendi, vestiendique corporis causa fere non utebatur; idque sæpe ob alienum, & incommodum iis cubandi, surgendique tempus. eorum vero, qui sacris essent initiati, nihil ad corpus suum obsequij paulo vilioris admittebat. episcopali veste linea, humerorumque amictu etiam domi semper indutus erat, ad personæ dignitatem seruandam. nam & domicilium suum, locum publicum ducebat; suosque ibi volebat, ut in publico, versari. Itaque mane antequam ea indumenta sumpsisset, neque in exterorum conspectum veniebat; & neminem nisi intimum patiebatur introritti. Ac quoniam ab oratione, & sacra aquæ aspersione diei antecedentis, usque ad Missæ sacrum postero die factum, nihil, quantum fieri posset, ob rei diuinæ reuerentiam loquebatur: publicum vestitum differebat, donec ad sacrum prodire vellet. in cubiculo vero priuatim pulla quadam, & rudi veste utebatur; quam suam appellabat; cū personæ suæ reliquas esse diceret. Exquisitam adhibebat in omnibus ecclesiastici decori seruandi curam. in ipsis caligis, & calceamentis; ac in omni vestitus parte; tum in omni officio, ac gestu; quid sacrum virum deceret, attendebat: ut nullum penitus elegantiae, venustatisque, nedum leuitatis profanæ vestigiū appareret; nihilque a dignitatis grauitate, sanctitateque alienum videretur. quæ quidem minute persequens, gratum facerem fortasse multis; plerisque vereor ne molestum accideret. Sunt qui animi virtutibus intenti, hæc ut leuiora negligunt: ipse vero; id quod perfectius, multoque melius esse constat; cum ea quæ grauiora essent, in primis curaret; tum hæc etiam sibi iudicabat minime prætermittenda. Commemorabat interdū S. Ambrosij factum,

Vitæ cultus.
CAP. VI.

Sericum vestimentum adhibebat nullum.

Snorum opera exuendi vestes, vel vestiendi causa non utebatur.

Domi quibus vestibus indueretur.

In decoro ecclesiastico seruando, cura.

Sancti Ambrosij factum commemorabat.

factum, qui in clericorum numerum admittere quendam recusavit, cum cum sese in gressu leuiter, & indecore habere animaduertisset. Aderamus in cubiculo cum Episcopi caligas, deducta veste; & earum constringendarum rationem comiter inspexit, reprehenditque; quoniam ea in re profanam consuetudinem imitaretur. E fenestra nihil in via umquam; quidquid ibi audiretur, spectauit. loco nullo inambulauit. vulgo iudicari posse, opinor, putauit; his actionibus aliquid inesse, quod ad curiositatem, otium, curamue corporis nimiam pertineret. In ea vero decori parte, quæ valeret ad obscœnitatem, & omnem turpitudinis odorem vitandum, præcipuam adhibuit diligentiam. nam ipsam pudicitiae virtutem a puero coluit religiosissime, sicuti iam tetigimus. ab omni verbo, in quo aliquid non solum obscœnitatis, sed licentiæ, vel deformitatis appareret, diligenter cauuit. in causis aliquando, ubi de matrimonio, & eius impedimenti ageretur, laborabat magnopere loquens, ac pene torquebatur; vocabulaque a re ipsa quam remotissima expiscabatur, vel adhibebat latina. ephebos in domum non admisit. cum fœmina numquam locutus est; quin ex grauioribus domesticis vnus, pluresue adessent. Domum nulla parte pictam esse voluit; nisi viridem parui cubiculi sui tincturam visus gratia quæsitam, picturæ loco numeraueris. atque initio quidem cum Mediolanum esset venturus, ædesque Archiepiscopales iussisset instaurari; cœperunt lacunaria quædam pingere, atque ornare: quod ipse statim prohibuit; pictaque inducto albario deleri iussit, id quod hodie quoque perspicitur. totas vero ædes, amplas tamē, modesto, vulgarique opere perfici iussit. Supellectilem in domo ad ipsam quotidiani vsus necessitatem redactam habuit. nihil omnino fuit post egregiam illam inter pauperes partitionem ad parietes, ostiaue contegenda. hospitum vero causa sæpe multa sumere necesse erat. Equile mandauerat ædificari, quod vetus, noua cœnaculi, locorumque adiectorum ædificatione diruendum esset. præpositorum imprudentia magno id sumptu factum est. Carolus cum demum re pene perfecta, audiisset; neque enim alias, quàm sacras fabricas inspicere solebat; vehementer

*Pudicitiam
perpetuo co-
luit.*

*Domum pi-
ctam esse no-
luit.*

*Supellectile
præter ad
necessitatem
se abdicauit.*

*De equili ma-
gno sumptu fa-
cto, doluit, mi-
nistrumque
reprehendit.*

menter doluit, ministrosque reprehendit; tum diu inuestigauit, licet frustra, num vsui sacro fortasse, vel omnino digniori ædificium destinari posset. Quamuis magno numero, hoc est circiter *Quantus fuerit domesticorum numerum quomodo in mittere adhiberet.* centum, eius domestici essent; exhibat plerumque tamen paucis comitatus; aliis aliogenere occupationis ecclesiæ causâ vtiliter impeditis. ipse vero neque numerum maiorem respuebat; neque etiam paucitatem grauitè accipiebat; quam pertinere ad christianam modestiam intelligeret. in quo non occupationis solum necessitatem; sed negligentiam quoque sæpe ferebat; quæ dissimulatione, patientiaque sæpe alitur. quod in Caroli priuatis rebus argumentis non paucis cognoui: nam familiares nonnulli in eius corpore incommode, duriterque habendo, mirifice cum Carolo sentiebant: & ei commoda sua negligentia, negligētia ipsa diligenter insereiebant: vt verissime dixerit quispian; qui res incommodas, acerbæque sequatur; vel abiectiōne, patientiaque exerceri velit; cum plurimos inuenire passim adiutores. At erant, qui, tum exiguum sæpe comitatum; tum alia quædam in Carolo ad christianæ humilitatis virtutem pertinentia reprehenderent; & summam dignitatem aliquo modo ita imminui quererentur. res etiam ad ipsum Pontificem Pium *Quidam eius humilitatē reprehēdentes eū ad Pontificem deuenerunt, at sapienter propositis fecit.* quintum quandoq; relata est: cui Carolus ita facti sui rationem reddidit, vt nihil haberet optimus Pater, quod improbaret. Eorum qui Dei ministri essent, dignitatem, ac existimationem, dicebat, non in humanis ornamentis; quæ tamen ad certum modum pluribus de causis essent adhibenda; sed in religiosis virtutibus consistere. Res ipsa declarauit, & superius narrata demonstrant; Caroli abiectiōnem, morum grauitate, sanctitateq; coniunctam, summis, atque infimis tanto semper in honore fuisse: quantum nulla terreni splendoris ornamenta consequi potuissent.

PAUPER TATEM Carolus amauit semper; & quæcumque essent religiosæ paupertatis officia. eius victus, vitæque cultus satis ostendit. si quid in mensa, & omnino in domestico sumptu paulò copiosius, largiusue fieri animaduertaret, solebat statim corrigere. id vero tam celsi animi vir, qui omnes alioqui de

Humanas opes
ut contemplerit, consumpsitque.
CAP. VII.

*Qua dona sole-
ret accipere.*

re familiari curas, minutas, & cogitatione sua indignas iudica-
bat; virtutis causa observabat diligenter. Poma tantum, aut ci-
usmodi munuscula solebat accipere; eaque fere a religiosis vi-
ris: quæ ipsa item, ut eleemosynam pietatis gratia datam, reci-
pere videbatur. Quam vero parcus in iis erat, quæ ad sui corpo-
ris commodum, domesticamque affluentiam pertinere posse vi-
derentur; tam erat in ceteris omnibus, quæ pietati conduce-
rent, liberalis; prorsusque opum magnanimus contemptor hu-
manarum. quid amplius in hoc genere cōmemorem, post maxi-
mas pecunias religionis ergo donatas; amplissimas facultates
dimissas; exhaustam magnifica, & pulcherrima supellectili do-
mum; administrationis, officiaque honestissima, cum fructibus,
& vestigalibus vberimis relicta: post ea denique pietatis causa
contempta, quæ summi sæpe viri studiose quærunt; eademque
tanta munificentia donata; ut nisi christiana, diuinaque liberali-
tas ea fuisset; dissolutam prorsus effusionem esse necesse fuerit.
Sed aliquid etiam superest minime spernendum. quam daret ex
facultatibus quæ remanserant eleemosynam, non opus est expli-
care. hoc sufficit; quidquid suo, familiæque necessario sumptui
supererat, totum pie, ac religiose donabat. Egentium sacerdotū
postulationes benigne tribuens, alias superavit, alias prævenit,
iis qui apud eum ecclesiæ operam dederant, imo & propinquo-
rum eorum necessitatibus moderate subveniebat, si veras esse
necessitates videret: de cetero largiri Episcopum nō debere aie-
bat; sed omnia pauperibus, ecclesiæque suæ reservare; cum tanta
semper ad gregem pro debito officio iuvādum offerantur; ut vel
maximæ facultates non sufficiant. cum ad eum retulisset, qui fa-
milix præerat; a pedibus hominem esse, qui iam minime aptus
labori, ideoque dimittendus videretur: eandem ei mercedem,
atque adeo maiorem tribui; tum cōsuetis laboribus eximi iussit.
Summas fructum suorum, expensarumque rationes satis habebat
generatim, catenusque cognoscere, quatenus negligentix in fru-
ctibus ecclesiasticis erogandis condemnari non posset; caueret-
que, ne sumptu nimio æs alienum cōtrahens, creditoribus esset
detrimento. quamquam accepti, & expensi plerumque rationem
cum

*Eleemosynas
largissime ero-
gabat.*

*Factum lauda-
bile.*

cum omitteret, sumptus autem piis de causis large mandaret; ne hoc quidem satis poterat cauere semper, tantumq; aberat, vt ex reditibus quidquam vlllo anno superesset; vt sæpe antecedentis anni sumptus, in fructibus insequentis non modica ex parte niterentur. Nummorum genera, quantiue essent, minime nouerat; ac eos vel aspicere ægre videbatur. Cum aureorū quadraginta millia ex iis, quæ in regno Neapolitano vendiderat, allata essent ad eum in cubiculum, vbi acceptæ pecuniæ testimonium, ipsa præsentē pecunia, conficiendum erat: ita exhorrescere visus est, vt si anguis esset oblatu; cubiculūque relicto, vix perficiendi actus necessitate reuersus est. tum vero statim auferri iussit; & Præposito domus Cæsare Speciano accersito; de quo sæpe mentio facta est; ad vsus pios dilargiendam totam distribuit, sic, vt aliquot addere aureorum millia necesse fuerit. eius Oeconomus inter alios fuit vir bonus, valdeque industrius, & ei cetero qui charus; sed tanto facultatum Archiepiscopalium augendi studio; vt prædiola, vel agellos addere prædiis ecclesiæ perpetuo studeret. quo in genere studioque aliquid eorum fere committere oportebat, quod profani homines facere solent; qui egenorum sæpe necessitate, ad suum quæstum, res eorū emendo, abutuntur: ex cupiditate emunt maiora, quàm vt possint præsentī pecunia satisfacere: vt semper debeant, aliasq; semper cogantur reseruare pecunias. minoris interdum emunt, quàm res valeat, de redimenda re paciscentes; idq; ad maiorem interim pecuniæ fructum, quæ quidem sapissime sunt auaris, atque improbis turpissimī quæstus integumenta; vixque multis assignatis conditionibus, a iuris sacri peritis possunt laqueis improbitatis expediri: semper vero suspicionem non solum cupiditatis; sed etiam flagitij meritò mouent. Eius igitur generis negotia, cum ab administrato suo gesta Carolus rescisisset; & ex emptionibus quibusdam adhuc multū deberi, quod tennes homines exigendo defatigarentur: quamquam nihil improbe contractum argui poterat; summo tamen dolore affectus, hominem vocat: multis præsentibus; quoniam se inconsulto, ac omnino contra eius sententiā, ac volūtatē ea facta esse patefieri oportebat; acerrimè si alium vlllo

Quantum a pecunia abhorruerit.

Cuiusdam Oeconomi industria Carolo nō probata. sed grauiter reprehensa.

vltio tempore, increpat; an eiusmodi essent, studiis suis, & om-
 nino episcoporum, clericorumque officio digna: quantam in-
 firmis præsertim animis, ansam datam esse, ad suspicandum de
 mente Pastoris sui; quantam malis ad obtrektandum: quonam
 ore populum ad cupiditatem rerum humanarum fugiendâ, ter-
 renaque contemnenda hortaretur, cuius minister augendæ rei
 cupiditati tantopere visus esset inferuire: nexibus eiusmodi, tri-
 cis, inuolucris, ita enim appellabat, in discrimen vocatam fidẽ,
 existimationemque suam; & vna cum ea, quod in primis dole-
 bat, populi sui religiosas progressiones, ad id tempus, tanto stu-
 dio, tantisque laboribus comparatas: quiduis perpeti se, aut
 amittere maluisse, quàm eiusmodi compendia facere: si alia ra-
 tione pretium emptorum bonorum creditoribus solui nõ pos-
 set; vendi se iubere quamprimum alias ecclesiæ possessiones.
 quod re ipsa perfici quamprimum per Lanfrancum Regnam iur-
 isconsultum, & canonicum Med. in eo munere substitutum,
 curauit: cum ex increpationis dolore, vt existimatum est, ille in
 morbum incidisset; mortemque non multò post angore confe-
 ctus obiisset. Domui Præpositus postremis annis Antonius Se-
 neca, sumptus magnitudinem respiciens, inter alia conquere-
 batur; ex familiaribus quendam, a se nulla facta potestate, cellis
 penariis omnibus asferre manus, & effundere largiter. Carolus
 autem ita sinere iussit; cum eleemosynis tribuendis ille præfe-
 ctus esset. Lis illata erat eius nomine Cardinali, primis Pij quin-
 ti annis, de nobili Abbatia aureorum annuorum circiter duo-
 decim millium: cumque accepisset, sacros Rotæ Romanæ iudi-
 ces nonnulla iudicasse, quibus facile, vel potius sine dubio sese
 causam obtenturum speraret; sponte cessit, ac præter omnium
 opinionem remisit, quidquid ea in re posset consequi; motus, vt
 aiebat, quòd neque negotiis eiusmodi volebat suum a rebus di-
 uinis animum distrahi; neque cum collega iudicio disceptare:
 omnino, quòd litem nullam, quæ ad se priuatim pertineret; in
 qua esset actor, prosequi apud se cõstitutum habebat. non enim
 eam sibi satisfacere rationem; quòd posthabita omni diligentia,
 ne dum perturbatione; iudicibus rem totam posset permittere:
 respicien-

*Quid in liti
 grauius illata
 fecerit.*

spiciendum namq; esse quomodo posset ille, vnde peteretur, ex actione commoueri; cuius animum remittendo sedare, & ad amorem allicere in sua manu esse videret. factum mire collaudauit Pontifex; collegæ, alique omnes: magnumque boni reliqui ex eo lætitiæ fructum, propter illustres, religiosique exempli vtilitatem, perceperunt. Scimus alias etiam de priuato iure suo non semel cum insigniter remisisse, tantum ne quid ex litibus in aliorum animis offensionis oriretur. Mercedes, & pretia rerum suarum, si creditores cum eo forte conquererentur, familiaræque ipsi consulerent, ita iudicauit; vt non æquitatem solum expleret; sed expectationem quoq; petentium, liberalitate vinceret. quibus de rebus hoc loco breuitatis causâ non explicamus. Cum ad locum diocesis quendam venisset, vltimis vitæ suæ annis; mulæ, & equi omnes, quibus ipse, comitatusque vehabatur, hospitis vel domesticorum eius culpa incendio necati sunt. at nihilominus hospes incensi stabuli sui damnum resarciri a Carolo petiit, facileque impetrauit. Quandiu summum sacræ poenitentiae magistratum tenuit, nulla vniquam munia ad eum pertinentia vendi permisit; cumque modica inde percipi emolumenta nunciaretur; tantum abest, vt doleret; vt lætitia potius afficeretur. Cum Aronæ arcem Gubernator, vt ante diximus, occupasset; adduci numquam potuit, vt de restitutione quidquam ageret, aut suo nomine agi pateretur a Borromeiis; qui tamen aliquot post annis eam a Philippo Rege receperunt. immo cum ea de re nuncio Romam allato, Gregorius Pontifex grauiter ferens, de ea restituenda suo nomine agi cum Rege iussisset; gratias egit ille quidem Pontifici: sed rogauit, vt ea omiffa cura, rebus ecclesiæ suæ potius perfecte consulere pergeret: de iis reuera se vehementer sollicitum esse. atque vtinam, dicebat, in arcem Aronæ recidant, quæcumque possunt in ecclesiam committi. quâ in re non rerum tantummodo humanarum contemtionem; sed charitatem quoque insignem Ecclesiæ Carolus ostendebat; cuius rationes aliis vtilitatibus omnibus semper voluit anteferre.

*Caroli factum
collaudauit
Pontifex.*

*Mula, equiq;
quibusdam in-
cendio consum-
ptis quid ege-
rit.*

*De Aronæ arce
sibi restituen-
da nihil suo
nomine agi
permisit.*

De eius ædifi-
cationibus.
CAP. VIII.

Ad hunc locum ædificia referri possunt; quæ foris, & in vrbe magnis sumptibus ad publicam vtilitatem Carolus variis temporibus extruxit. mitto profana, quæ Bononiæ, ac alibi quoque visuntur. Archiepiscopales, canonicæque ædes eo loco ædificauit; quem a Ioanne Galeatio Sfortia Mediolani Duce Vidus Antonius Arcimboldus Archiepiscopus olim ad suam, canonicorumque habitationem obtinuerat. Cum enim ecclesiæ maioris ædificandæ causâ, ædes ecclesiæ dirutæ essent; neque vnquam, vt promissum erat, siue Ducis sumptu, siue facultatibus ad ecclesiæ fabricam destinatis, restitutæ: tandem Arcimboldus, vteribus, & amplis ædificiis a Duce prope maiorem ecclesiam impetratis, eorum quidem partem ad habitationem suam instaurari curauit; sed tum opus ipsum imperfectum; tum canonicorum domicilia nondum erant inchoata: Ducesque, ac deinde provincie Rectores partem canonicis attributam, quod Regiæ propior esset, sordidis vsibus occupabant. Carolus igitur, iis omnibus, Philippo Rege facile cedente, recuperatis; & ab iniusto, indignoque vsu vindicatis; tum Archiepiscopale palatium perfecit; & non modica parte usque a fundamentis fabricata, ad maximum familiarium, hospitemque numerum accommodauit: tum canonicæ item contiguas maxima ex parte, certis attributis ex iis quas possidebat, facultatibus, ædificauit: & magnas lapideas porticus adiunxit. quibus ædibus circiter triginta domicilia continentur, quæ singula canonici familiam commode, atque honorifice capiunt. Domum, interposita licet via, his adiecit, in qua xenodochium senum habebatur; vt ibi minorum eiusdem ecclesiæ presbyterorum domicilia ex iisdem facultatibus ædificarentur: cum xenodochium ad Othariana ædificia, de quibus superius attigimus, transtulisset. In ecclesiarum, collegiorumque plurimas ædificationes magnam copiam liberaliter contulit: de quibus narrare singulatim nimis longum esset. Ticinensis collegij fabricam primo suorum honorum tempore, magnifico plane, regioque sumptu cœperat; atque ita amplam, vt magnum nobilium adolescentum numerum caperet, qui variis scientiis operam darent, sed postea tantam speciem submolestè ferens;

*Archiepiscopale palatium
perfecit, cano-
nicales ades æ-
dificauit.*

*Ticinensis col-
legij fabrica
permagnifica.*

ferens; & religiosiora spectans, quàm disciplinarum humanarum studia, laicorum fere hominum ciuiles progressus viderentur; tum fabricæ ornamenta, vt potuit temperauit; tum sæpe de tota re cum amplis fructibus annuis, in alium vsu conuertenda, qui diuinis, ecclesiasticisque rebus magis conducere, sæpe cogitauit. sed Comite Federico suo demum, cum aliorum adolescentum non paruo numero ibi collocato; qui habitationis, tum disciplinæ in primis fundamenta quædam iaceret; institutâ loci rationem teneri passus est: quam Federicus deinde optimis legibus constituit. *Ædes ad ecclesiam S. Ioannis, vbi clericorum constituit seminarium, magno sumptu ædificauit: alias item ad alteram eiusdem sancti ecclesiam, vbi nobiles adolescentes educabat. In ecclesiis, quas tenuit, quarumue fructus accepit, Romæ, atque alibi non vulgaria reliquit religiosæ libertatis suæ vestigia. ecclesiam vero S. Praxedis; cuius titulum post duos alios nactus retinuit semper, charumque habuit; omni licet emolumento nudam, pro proximâ loci sanctitate, necessitateque, magno sumptu vna cum ædibus instaurauit in primis, & ornauit. Non prætereunda fabrica Crupelliana in agro Mediolanensi: nam licet parochus alius satis propinquus esset: ecclesiæ tamē colonis, quamuis non ita magno numero, præcipue dandum existimauit, vt commodissima salutis haberent adiumenta. itaq; ecclesiam, domumq; suo insigni sumptu fabricauit, parochi etiam stipēdia constituturus, nisi mors anteuertisset. Ibi quoq; posuerat domus Archiepiscopalis fundamenta; & ne amplius ædificaretur, mors itidem impediuit. ad eam enim possessionem millia passuum viginti distantem, cum necessitas occupationum postulabat, libenter consueuerat concedere; opportunitate inuitatus, quod subuehi naui per riuum poterat, qui a flumine Adua Mediolanum decurrit; & ita itineris tēpus etiam legendo, scribendoq; vtiliter consumere. Ibidem in decliui ripa fluminis, cuius altitudinem prærupti lapides tenent, loca designauerat domui coniungenda; quibus apte distinctis, sacrificque imaginibus instructis, ad diuinas contemplationes quibus tantopere postremis annis erat intentus vteretur. Ac licet*

*Seminarium
aliasue pro no-
bilibus adoles-
centibus ædes
ædificauit.*

*Ecclesiam san-
ctæ Prædix
Romæ instau-
rauit.*

*Ecclesiam Cru-
pellianam do-
mumq; fabri-
cauit.*

auita castella, possessiones, & villæ, præsertim ad Verbanum lacum, & in ipso lacu, plurimum haberet non dicam amœnitatis, quam minime curabat, sed ad diuina contemplanda commoditatis; neq; tamen ibi quidquam sibi ædificandum cogitauit; neq; adiuit vmq̃a; nisi vt loca in sua diœcesi necessario sibi viscenda.

Vt res gesserit.
CAP. IX.

In negotiis animo perturbacionibus & acuo, quid spectaret.

IN eius rerum gerendarum ratione, duo pene vulgari iudicio pugnancia videbantur. ex altera parte si spectaueras; totam rem admirabili quadam fiducia diuinæ prouidentia ita commissam videbas; vt nihil spei penitus in humanæ diligentia officii relictum videretur: ex altera vero, cum nullum officij, studij, curæ, industriæ munus, tempusue prætermitteretur: nihil in diuina ope positum propemodum arbitrabare. In negotiis suis mentem, animumque in primis perturbationibus vacuum, in id firmiter intendebat; quod optimum, rectissimum, Deoque grauissimum videbatur. tū ea studiose Deo, plurimis deprecatoribus, publicisque supplicationibus adhibitis, commendabat; quemadmodum historia cursu non semel indicatum est. tum, vt erat acri ingenio, iudicioque, omnia circumspiciebat; cōmoda, atq; incommoda ponderabat; quibus viis detrimentum importari posset; quibus remedium afferri, diligēter inuestigabat: calamo etiam difficultates, remedia, argumenta, cautiones; & omnino quicquid in re tota esset, distincte, ordineque notabat; ne quid elaberetur; aut imprudenter, permixtæ fieret. alienum præterea consilium prolixè, ac patienter exquirebat. cumque plena quadam cognitione, perfectioneque omnibus in rebus delectaretur; tamdiu fixo animo vni rei insistebat; donec ipsa negotij, vt ita dicam, viscera diligenter inspexisset; quidque potius, meliusue esset ad eligendum cognouisset. quam ad rem subsidio erat capitis firmitudo eiusmodi, vt cum multas horas, puta sex, aut septem vni rei dedisset; tum etiam minime defatigatum, peneque integrum sese præberet. vetus prouerbiū sequebatur, Age quod agis. ita enim perfecte agitur. quamquam ille pro naturæ quodā vitio sibi fere tribuebat, quod fixè adeo in opere proposito perseueraret. Res in omnes partes versata; pleneque discussa videbatur;

In rebus agendis consultatio, deliberatio, & exequutio.

videbatur; cum ille adhuc plurima inueniebat, quæ merito ad-
deret, moneret, contradiceret. Scriptum, ab aliis intelligenti-
bus perlectum, & emendatum; nam consuetudine sua multo-
rum iudicium adhibebat; pluribus tamen locis merito corri-
gendum demonstrabat: ipseque mutabat, limabatque diligen-
ter pro negotij grauitate: vt molestum sæpe esset, quibus tam
perfecta rerum species proposita non esset, tam diu immorari;
ac non tandem probare, modumque ponere. Ac diuturna qui-
dem in dubiis rebus utebatur deliberatione: diu si spatium esset,
secum habebat: sapius alienum consilium exquirebat. cum ve-
ro constituiisset, celeriter, fortissimeque exequabatur, sic, vt ple-
risque persuasum esset, ne quidquam, nisi per auctoritatem for-
tasse maiorem, repugnari. Id ita præstabat, vt etiam grauissimas
res facile, ac nullo pene negotio facere videretur: neque enim
vel insuetus motus apparebat, vel plura loquebatur, quàm ne-
cessitas ferret. eam virtutē diuina vi sustentatam, prudentes ho-
mines nonnulli, consuetudini tribuebant, antea maximarum
rerum vsu in administratione Pontificia, confirmatæ. dicebant
enim; vt ij, qui primò discennes, litteris magnis pingendis assue-
scunt; cum ad communem formam redeunt, magna vtuntur
manus celeritate: ita Carolo maximis gerendis rebus Romæ as-
suefacto, Mediolanensia negotia facilia; leuiæque videri. quod
vt aliqua ex parte verum sit; præstantiora tamen illa sunt; quàm
vt ea possit vis eiusmodi consuetudinis consequi. Quid suppli-
cationes, fiducia, perturbatione liber animus, summa diligentia
illi valerent ad rem gerendam; tum vniuersæ administrationis
euentus satis docuit; tum certa negotia multa. non semel res e-
ius vniuersæ; sæpe etiam singulæ quædam, in eum locum erant
adductæ; vt ad extrema ventum esse videretur. at repente com-
mutatione facta, in optimum statum, tamquam in lumen ex te-
nebris restituebantur. quæ res erat eius sensui consentanea: di-
cebat enim, qui Deo vere seruiret, ei tunc maxime in rebus suis
bene sperandum, cum extenuata maxime spes humano iudicio
putaretur. Causæ suppetunt grauissimæ; in quibus cum viro
rum, doctrina, vsuque præstantium sententia, immo valde pio-

*Qui Vere Deo
seruiret, in re-
bus suis bene
sperandum af-
firmabat.*

rum impulsu ad iudicandum vrgeretur; ipse redintegratis supplicationibus, diu cunctatus est; donec contra penitus ac alij putabant, rem se habere, cunctis admirantibus apparuit: exploratumque fuit, nisi ille distulisset, rursusque ad preces configisser, incommoda maxima extitura fuisse; grauiissimas inimicitias; honoris, atque adeo quorundam vitæ iacturam: vt Carolum præcipuo quodam mentis lumine diuinitus illustratum prædicarent omnes. quibus de causis hoc tempore nobis minime videtur explicandum. Humanam prudentiam rebus diuinis feliciter peragendis valde prædicabat aduersari. quod pium, religiosumque esset, etiam contra communes hominum sensus, constanter sequendum affirmabat. sed prudentia nihilominus, & etiam artificio laudabili quodam, ad ea quæ recta, piaque essent, consequenda, utebatur. cuiusmodi Romæ, rebus eius in magnam, inuidiam, ac non mediocrem discrimen adductis, adhibuit. omni enim pietatis officio, sicuti suo loco narratum est, prius adhibito: prudentia mox alienissimos homines sibi conciliauit. in primis vero vnum, cui dicitur Carolus ludibrio, & despectui adeo fuisse; vt ab eo palam stultus quidam spiritualis appellaretur. patientia enim, & dissimulatione; tum earum quoque rerum commendatione, quæ vere laudabiles in amplissimo viro erant, cum ita sibi leniter placauit; vt magni demum iudicii vir, valdeque sapiens ab eo diceretur: aduersarii que magnum suæ causæ patronum sibi tam præter opinionem creptum, valde quidem dolerent, magis autem mirarentur. Profanarum rerum controversias a principibus viris ad eius arbitrium quandoque delatas; recusauit. contrahendis matrimoniis rogatus operæ quidquam dare negauit.

*Humanam
prudentiam
rebus diuinis
peragendis ad-
uersari dice-
bat, prudentia
tamen Steba-
tur.*

*Profanarum
rerum contro-
uersias sapere re-
cusauit.*

*Vt negotiorū
euentus, & pe-
ricula tulerit.
CAP. X.*

C V M autem ea, quam exposuimus, præparatione rem suscepserat; vt cumque illa procederet, constanter perseverabat; inuictam mentem, animumque metus expertem præstabat. certum illi erat, magna sibi ad propositum tenendum, vel dæmonum insidiis, vel hominum errore, rebus omnibus fore impedimenta; maximas sibi, omnibusque Dei ministris paratas esse difficul-

difficultates: quæ Dei clementia posset, solereturque in salutare
 animarum fructus vertere. hæc cum ita proposita, prouisusque
 haberet; minus mirabatur, aut commouebatur, si quid accide-
 bat aduersi; & dure licet conflictatus, ab instituto non desiste-
 bat. Defatigatis interdum, fractisque bonorum virorum ani-
 mis, qui in causa non erant, spectatorumque tantum, vt ita di-
 cam, officio fungebantur; ipse rerum omnium actor sese inte-
 grum, erectumque omni tempore præbebat; resque suas agebat,
 vt si non multum esset negotij. omnino in prosperis, & in aduer-
 sis eundem se præstabat semper; neque lætitia efferri; neque do-
 lore vnumquam abiici videbatur: eundem vultum, eundem statum
 ita retinebat; vt animi affectus, quo moueri omnes natura neces-
 se est, cognosceret fere nemo. In grauissimis imminentium peri-
 culorum rumoribus, cum ex principibus ciuitatis nonnulli clam
 adirent; magno conatu grauissima pericula nunciarent; non alio-
 rum sermone relatas, sed auditas a se minas aperirent; sibi dili-
 genter cauere monerent; Carolus nihil mouebatur, ac potius
 subridens contra monebat, ne quid timerent, Deoque confide-
 rent. de periculis huiusmodi quandoque inuitatus a religiosis *In aduersis
qua eius Con-*
 viris, ita fere loquebatur; vt de leuibus, aut iucundis rebus; eam-
 que mentem præ se ferebat, vt si quid grauius in eum accidisset, ni-
 hil sibi timendum magis, quam inanis gloriæ sensum existimaret.
 Quod ad sua priuatim pericula, doloresque pertineret; ferre se di-
 cebat acerbius, si presbyter, aut clericus vitio aliquo transuersus
 ageretur, clerique disciplinam turbaret; quam si principes viros
 multos haberet in senfos. Magnū in primis erat eius æquabilita-
 ti, ac constantiæ ad omnes casus firmamentum, diuina voluntas &
 prouidentia; in qua sibi conquiescendum constituebat: immo certa
 spe nitebatur, ex omni euentu, quicumque esset, Dei benignitate
 boni aliquid extitum. exempla fortitudinis, ac humanorum peri-
 culorum despicientiæ; in primis vero singularis Dei fiduciæ; quæ
 veræ, solidæque fortitudinis par est, & altrix; superioribus libris
 plura, & grauissima continetur. quæ quidē hic repetere non opor-
 tet. sed aliud hic afferemus. Triremes nonnullæ ad litus Sabbatiū,
 seu Sauonenſe appulerant. quidam in eis vinctus nobili genere,
 Episco-

*Consilio de eo
occidendo sibi
persuaso, quid
fecerit, dixe-
ritque.*

Episcopo accersito indicat; consilium de occidendo Carolo initum, immo data iam mandata. verum ne id esset, an confictum, nouit Deus; homo certe non indignus, cui fides haberetur, neque libertatem, neque aliud sibi ex ea re querere ostendit; multaque protulit nominatim, quæ rem probabilem facerent. Episcopus celeriter ad Carolum quidquid audierat, scribit. ipsius indicis litteras alligat, quibus de toto negotio plenius explicabatur. vtræque Mediolanum mittit ad Hieronymum Vicecomitem equitem nobilissimum, Borromæis affinitate coniunctum: cui de negotio item breuius scribit; & tamen generatim periculum demonstrat. Eques orta vix, diu expectata luce; litteras enim noctu acceperat; Carolum adit. cum difficilis aditus esset tali hora, Carolo nondum ad Missæ sacrum parato; par esse arbitratus, vt officium, reuerentiaque cederet rei grauitati; per se ingreditur; litteras offert, statimque, opinor excusationis causa, quid iis contineretur, ostendit. Carolus re audita, lumen postulat; quo allato, litteras obsignatas comburit. tum conuersus ad equitem, mirantem, & prope subindignantem. omnino, inquit, præsidia, custodiæue mihi adhibendæ non erant; neque meis pro Ecclesia muneribus, ob huiusmodi suspiciones abstinendum: quid proderat alicuius peccatum nosse, vel quemquæ habere suspectum; quæ quidem odij, iudiciue de alio temere faciendi; tum aliarum sunt offensionum inuitamenta? satius est Deo rem totam permittere, eiusque sola misericordia sustentari. ita discessit eques. Carolus vero nullum penitus verbum de re præterea fecit. Similem adhibebat aliis omnibus ferendis constantiam, ac fortitudinem; quæ quidem in hac vita possunt infelicitè accidere.

Litterarum
studia.
CAP. XL

L I T T E R A R V M studiis deditus fuit a pueritia. hanc rem demonstrauit morbus, in quem ex assiduo eius generis labore delapsus est adolescens: tum horæ incommodæ, ac nocturnæ, auunculo viuente, inter ipsa orbis terræ negotia, litterariis exercitationibus datæ: de quo superius commemoratum est. præterea vero subcessiva tempora, quæ inter grauissimas Pastoralis curæ oc-

ræ occupationes, nunc scribendis ad salutem sui gregis opusculis; nunc sacris decretis ad certio-
 rem, facilioremque vsum, nouo ordine sibi, suisque distribuendis; aut vero parando concio-
 num argumento consume-^{Studiorum}bat. At rerum agendarum necessitate
 semper cum exercitatione litterarum coniuncta; cursum te-^{cursum inter-}
 nere non potuit, nisi impeditum, interruptumque studiorum,
 desideriique sui. qua in re cum se ipse vicisset, atque infregisset;
 tum alios quoque docebat, tantum litteras amare, quantum
 muneris ratio pateretur; tempusque illud tantummodo capere
 studiorum, quod ipsa commissæ administrationis necessitas re-
 linqueret. Vsitatam iurisperitorum scientiam, qua fuerat oc-
 cupatus adolescens, minime ad se pertinere arbitratus; Theolo-
 gica, & canonica tantum nouit, quantum Cardinali magnam ^{Quas scien-}
 ecclesiam regenti efficere posse concessum est. ex Theologia, ^{tias, Doctores-}
 scripturas diuinas potissimum sequebatur; tum veteres Patres, ^{ne magis se-}
 interpretesque illos, qui solidiorem sensum amplectuntur. Ca-
 nonum ea scientia periucunda erat; quæ Patrum mores, & acta
 repræsentans; ecclesiæ componendæ, atque ordinandæ ratio-
 nem continet. dolens autem eos communi consuetudine tan-
 tummodo canones ad interpretandum seligi; qui ad lites, iudi-
 ciaque valent: constituit ipse, qui iis declarandis præfesset, vnde
 sacra maiorum instituta, & ritus; optimumque ecclesiæ admini-
 strandæ genus hauriretur. quos vero eiusmodi cognitioni dedi-
 tos nactus erat, eorum studiis, iam inde ab illis Sirleti initiis, be-
 nigne fauit: vt quod etiam Romæ postea eiusdem generis studiū
 excitatum est, ei non exigua ex parte videatur adscribendum.
 placuit ei latinus sermo: neque ipse incommode locutus est; vt ^{Non incommo-}
 nonnumquam orationibus honoris gratia coram eo habitis la-
 tine responderet; Episcoposque valde hortaretur, vt in consul-
 tationibus concilij tempore latine loqui vellent. decreta, cete-
 raque sua curauit eleganter scribi; etiam ea, quæ Italicam huius
 temporis linguam requirerent, at reiectis flosculis, inanique or-
 natu, locutiones eas, verbaque probauit, quæ decorum eccle-
 siasticum quoddam retinerent. multo magis autem sensum per-
 sonis, rebusque sacris accommodatum quæsiuit. Cum hac exi-
 gua

gua quoque facultate nostra vsus, scripta quædam emendanda perlegeret; nobisque forte excidisset, dolere, quòd non ita modicum tempus olim stylo dedissemus: melius collocatum fuisse respondit, quàm in ea quæ diu nos occupatos tenuerat, iurisperitorum facultate. copiosa ipse oratione scribendo vsus est; periodosque multis sententiis refertas, longiusque ductas adhibuit. quæ scribi iusserat, ad ea emendanda, quicumque scriptores essent, acre, prudensque iudicium adhibuit. libellum scripsit ipse, ubi religiosa monita plurima, facili quadam ratione, ad quotidianum populi vsum complexus est; pro domestico cuiusque officio separatim distincta. alium item sublata pestis calamitate, ad memoriam diuinæ animaduersionis conseruandam; vt ea populus vitaret in posterum, quorum causa pœnas eiusmodi dedisset. Omitto litteras tum ad publicam ecclesiæ commotionem; tum de grauissimis alioqui rebus ab eo sæpius conscriptas. de concionibus quæ scripserit, alio loco dicemus. Bibliothecam insignem habuit, quam collegio reliquit canonicorum suorum. ac decreto prouinciali constituit, in omnibus prouinciæ ciuitatibus ab eiusdem generis collegiis bibliothecas communes esse comparandas; quas singulas canonicus deligendus conseruari curaret, ac augeri. Viros eruditos amauit, & in honore habuit semper: tum re, opera, commendatione, ad vitæ sustentationem, ad studiorum adiumentum, ad honoris amplificationem iuuuit liberaliter. tales apud se habere studuit; multosque habuit, Romæ præsertim; cum Italiæ penè florem in eo genere sibi, & Academiæ suæ adiunxerat. Multa vero componi, & ad communem salutem edicauit. De arte rhetorica librum eius hortatu scripsit Augustinus Episcopus Veronensis ad ecclesiasticam rationem accommodate: de Episcopo item: & in sacrosancta Euangelia homilias ad Ambrosianæ ecclesiæ vsum, minime adhuc editas. librū alium Siluius Antonianus de christiana liberorum educatione. alios ab eo postulatos scio, qui fortassis edentur.

Libellos scripsit, in quibus monita salutis continentur; litteras easque salutare quæ plurimas.

Bibliothecam habuit copiosam.

Dolores viros in honore habuit.

LABES animæ, vel minimas exquisite vitabat. ne quid offenderet; etiam modici temporis otiosam amicorū consuetudinē, & superuacaneos sermones omnes studiosissime fugiebat: vel si vna esse, ac alloqui ob virorum dignitatem necesse esset; attentissime ad vsū, & ad pias vtilitates omnia conuertebat. ipsum temporis otiose traducti peccatum ita cauebat; vt etiam dum tonforem adhiberet; vel saluari cogitatione; vel legendo, legentemue audiendo vtiliter detineretur. quam diligenter autem maiora peccata; & omnes offensiones deuittaret; tum ex hoc facile conici poterit, vel me tacente; tum eius ceteri mores descripti clare demonstrant. omnino mos eius fuit, curaque perpetua; vt omne peccatum, eiusque periculum, ac speciem quamlongissimo interuallo declinaret. quod autem vitare non posset, qualecūque erat, quotidie solebat subiectissime, magnaue diligentia sacerdoti confiteri. Si quid incideret, in facultate sibi impetranda, in veniis obtinendis, ampliora semper poscebat, vt sibi tutius consuleret. Si quid ita illi remitteretur, vt eius animæ periculo esset; vel recusabat, si posset; vel miram adhibebat cautionem. quod agendum erat, in quo recte ne fieret, dubitatio oriretur; Mediolani, Romæ, eorum, qui doctissimi ac peritissimi haberentur, consilium semper exquirebat. In vitiis superandis, virtutibusque comparandis fixa illi erat ea cura, quæ omnibus perfectum vitæ statum cupientibus proposita esse debet; vt ex Apostoli præcepto, iis quæ fecisset, adeptusue esset, minime contentus, ad maiora semper intenderet animum. quod eius quotidiana fere incrementa superius suis locis notata demonstrant. omnino iudicabat, animarum Pastorem satis officio suo in aliis iuuandis facere non posse; nisi se ipse salutariter exercens, progressiones suas semper vrgeret.

Peccata omnia vt vitaret.
CAP. XII.

Tempus vtiliter consumeret.

In veniis obtinendis, alijs que quomodo se haberet.

Ad maiora animum semper intendebat.

S V M M A diligentia vsus est, vt rite, recte, ac religiose sacra omnia obiret: id quod etiam ante cogitando, meditando, sese assuefaciendo, consequi studebat. si quis ministrorum erraret; grauitur corriperebat. distribuente sanctissimam Eucharistiam Brixia, nescio cuius fortuito successu, vas pene excidit; parti-

Vt se gesserit in sacris obcundis.
CAP. XIII.

culæ certe multæ in pannum delapsæ. ea re tantopere doluit, ut vix teneremus; ne ab se pœnas alieni errati repeteret; quæ sacris decretis eius generis magnæ negligentia statuuntur. Missæ sacrum facere numquam omisit, nisi morbi necessitate, eaque non quauis, sed summa coactus. eiusmodi consuetudini plurimi ex vulgo ad res diuinas attentiores, sic erant assueti; ut cum Episcopum, alterius sacerdotis Missæ frequenter interesse fœmina vidisset; percunctaretur, idque serio, num Episcopus ille Missa facienda esset interdictus. Nisi aliter necesse esset, sacello Archiepiscopalis palatii omisso; in ecclesiam ad altare suum subterraneum, vel omnino ad ecclesias, sacri faciendi causa, ob eximiam sanctissimi mysterij dignitatem, accedebat. Solebat ille quidem, ut diximus, mane, antequam sacrum obiiisset, neminem admittere: cum autem in via prohibere non posset; tantum respondebat, quantum ipsa modo necessitas postularet: sed in ecclesia aditum dare solebat nemini: & omnino cum eò venerat; procul omnia iubebat esse. Cum in omni actione, tum in rebus diuinis præsertim, quid deceret, exquisitissime obseruabat. oculos, manus, omnem motionem atque gestum ita moderabatur; ut sacrorum dignitati, sanctitatisque prorsus conuenirent; neque tamen eorum esset conspicua cura. excreandi etiam, spumendique tempus opportunum, ac modum tenebat. verè, quidquid ageret, exemplar diceres ecclesiastici decori, ac sanctitatis. in Missa tamen haud nimis longum temporis spatium ponebat. ob eam quam dixi dignitatem, alienissimus semper fuit a sacellis, in priuatis ædibus quacumque de causa permittendis; ubi Missa fieri posset. eam rem tum decreto prouinciali sanxit; tum seuerius vsu firmavit perpetuo. Canonicarum horarum sacerdotales preces, & quæ ad beatissimam Virginem habentur, quotidie humi positis genibus obibat. Quocumque loco esset etiam lutofo, publicum audiens Angelicæ salutationis signum, genua ponebat in solo. Festis diebus in ecclesia diuinis officiis omnibus assistebat: cum ceteris alte recitabat, seu canebat; sacerdotisque celebrantis, seu chorum ducentis partes semper agebat ipse: dumque ex ritu standum erat, manus etiam ad

Deum

*Quid de quodam episcopo
fiscitata sit
fœmina.*

*In ecclesia diuinis officiis
frequens assiduebat.*

Deum semper tendebat supplices. plerumq; autem eueniebat; vt ab antelucanis officiis in ecclesia permaneret, donec omnibus peractis, ad corpus reficiendum discedendum erat. quod enim Missæ sacro, concioni, ceterisque diuinis rebus supererat, id temporis in subterraneo sacello consumebat secum orans. affirmabat, & re ipsa ita esse perspiciebatur; quamdiu esset in ecclesia, quiescere se, & iucundæ admodum animi relaxationis instar, *Sacra munera quibusdam gratia sideri, mirabatur.* eā occupationem ducere. itaque mirabatur, sacra munera, etiam si longo essent spatio temporis obeūda, ceteris sæpe grauiora videri. dolebat diuinorum officiorum disciplinam delicatæ hominum consuetudini plerumque aptari: cum contra conandum esset, vt homines ad veterem se disciplinam, licet paulo magis laboriosam, accommodarent. id fieri posse docebat exemplo populi sui; quem intēgros pene dies variis rerum sacrarum exercitationibus intentum, suauiter in ecclesia retinebat. Cum ab eo missi ad principem virum ad urbem appropinquantem, paulo post essemus ad eum reuersi; in cœnobij virginalis æde sacrū faciebat. expectamus donec distributa virginibus Eucharistia, Missæ finem faciat. cum ad sedem rediisset; indumenta que deposuisset; ad sedentem mittimus, vt adire liceat. ipse vero quamquam causa erat, cur nos audire cito studeret; atq; adeo curputaret celeriter consulendum; aditum minime concedens, alia sumpsit indumenta; quibus sacrum vestitum traderet nouitiæ virgini. rem conficit: concionem habet ad sacrum cœtum: demum post duas, opinor, horas, cum exiisset; vocat, negotiumq; admittit. res ita se habuit, vt opportuna fuerit ea dilatio. cundē se præstitit, cum in ædibus seminarij in re non ita magni momenti, sed sacra occupatus esset; nunciusque Roma, quem magno desiderio expectabat, ob negotium grauissimum aduenisset. nisi enim re perfecta, quam in manibus habebat; nuncio aditum non dedit. Indecorum iudicabat rebus sacris interponere, sacroue loco admittere quidquam externum: sed simul etiam voluntate, ac desiderio reprimendo se exercebat; in quo studio, licet de re non magni momenti agatur, magnum tamen ad virtutem esse momentum existimatur. si de sacris reliquiis, aliisue

rebus eiusmodi, ut sæpe fit, aliquando dubium aliquod incidere; in eam partem semper propendebat, quæ religiosior videretur, & magis pia. Antiquitati, maiorumque consuetudini plurimum tribuebat. Si ecclesiam viseret religionis gratia; quoniam sunt loca sæpe, vel sacella plura, quibus variis de causis vulgo cultus adhibetur; adibat omnia diligenter; & vel rudiorum hominum piam consuetudinem in eo imitabatur.

*Antiquitati,
maiorumque
consuetudinis
tribuebat plu-
rimum.*

Eius studium
contemplatio-
nis, precatio-
nisque.
CAP. XIV.

DEVM orandi, diuinaque; meditandi studiosissimus fuit. cui studio cum se tradiderat, ita mente atque animo solebat hære; atque ita si tempus daretur, in intimas rerum spiritualium cogitationes sese coniiciebat; ut ab aliis omnibus, vir incredibiliter occupatus, sese abstractum præberet. id ipsi partim etiam ob vehementis applicationis, occupationisque in omni genere consuetudinem eveniebat; de quo iam attigimus. cum interdum negotiis distineretur; nocturnum tempus ad orandum sumebat.

*Noctes ipsas ali-
quando præcā-
do consumebat.*

cumque magni momenti res incidebant, ipsas noctes precando consumebat. locum ad eum usum sibi parauerat, usitato sibi cubiculo proximum; ita remotum, ut aliquis familiarium tamen sæpe gemitus exaudiret. Præter has quotidianas exercitationes; tum extraordinarias quoque multas, quæ præcipuum studium, spatiumque longius requirebant: bis in anno saltem ab urbe discedebat, seque in remotis, solitariisve locis colligens; plures dies totos ab omni alia occupatione liber, tum superioris temporis errata dolebat; tum sese spiritualibus, diuinisque contemplationibus ad maiorem sanctitatem incitabat. quade re supra non semel attigimus. Inde autem cœlesti pabulo refectis animi viribus, ad sua curricula recens, alacrisque descendebat. Præterea vero, quod perpetuæ supplicationis genus existimatur; quascumque res ageret; ita se comparabat, ut neque diuinæ præsentis memoriam, neque motuum animi sui custodiam desereret: cum idem tamen, quæ essent in manibus, tam perfecte tractaret; ac in omnes cuiusque rei partes tam acriter, ut diximus, acie mentis penetraret; ut nihil fieri posse videretur accuratius, videbatur autem, si quis attenderet, in ipsa re-
rum

*Eius in anno in
solitaria loca
se contemplan-
tioni vacaret,
secedebat.*

*Sui in spiri-
tualibus custodia
curabilis.*

rum tractatione interdum modico spatio, ab iis quæ agebat, mente abstrahi; alias subito commoueri, speciem flentis nonnumquam præ se ferre. Ex eadem vigilantia, sui que ipsius custodia fiebat; ut quidquid ad eum quis afferret, paratum animo semper, semper cautum inueniret; ne vlla re, vel nimis commoueretur, vel offenderet aliquo modo. Episcopo, dicebat, utpote rebus sacris administrandis assidue occupato, eam maxime custodiam conuenire: ne actio a spirituali meditatione penitus vnquam distraheretur. Itineris tempus ita consume-<sup>*Itineris tempus quomodo consume-
bat.*</sup> bat, ut nisi quis interim audiendus, vel cum aliquo esset colloquendum; in rebus diuinis semper animum defigeret; atque ita raperetur, ut pene sensuum intermitterentur officia. In Deciana via, cum iter noctu, densissimis tenebris faceret, & in foueas quasdam delapsus esset; mula super eum iacente, comitibus visus est, & in primis Cæsari Speciano, qui nobis postea Episcopus narrauit, ita permanisse in meditatione sua; ut ne de exitu quidem cogitaret; donec comites accensis facibus regressi, eum nihil querentem, aut dicentem, extraherent. madidus vero, ac lutulentus nihilominus hilari vultu Mediolanum venit. interdum ita mula offende-^{*In foueas nocte delapsus quid fecerit.*} bat, ut procumberet. ipse vero, nisi corrueret penitus, nihil plerumque animaduvertebat. A rebus nouis nunciandis, vel audiendis abhorrebat: præcipuum importari dicebat ex ea curiositate, spirituales vitam agentibus detrimentum. si quid ab amicis absentibus nunciaretur noui, quod ad munus suum minime putaret pertinere; nihil, aut quantum officio seruando solum necesse esset, respondebat. quod satis docens cuiusmodi litterarum responsiones eius breuissimæ. si quis quicumque dignitate adiret salutandi causa; & de rebus eiusmodi vel percunctaretur, ut vulgo fit, aut referret; ipse vel tacebat, vel alium, eumque vtilem sermonem inferebat. Ita se a rebus humanis auerte-^{*Aversum a caducis animum ad sacras contemplationes applicabat.*} bat; ut frequenter dies, & pene menses, qui agebantur, ignoraret. Sed vitæ postremo tempore multo magis incitatus, ita sacris cogitationibus, contemplationibusque deditus erat; ut aliquid etiam operæ necessariae, suæ subtrahere videretur administrationi; illius operæ saltem, quæ ministris,

Carolo probatam operam dedisse, spectatæ vitæ graue testimonium, bonorum existimatione putabatur. illud item constabat, si quis moribus, doctrinaque valuisset, ei sine dubio Carolum beneficia sponte, administrationesque pro virtute mādaturum; quamquam nullo modo tamquam operæ, obsequiue præmia; nam id cauebat diligenter, & certa cunctis alioqui stipendia tribuebat. sed vt hominibus, qui digniores occurrerent, vacantes ministris ecclesias, vel munera, ipsis pariter, atque aliis concedebat. At hoc minime spectare poterant, qui a facultatibus alioqui, honoribusque parati, omnia relinquentes, ad eum veniebant, tamquam ad religiosarum virtutum mercaturam. quos quidem hoc loco multos possem numerare. hique vel oblata beneficia recusabant; vel ita recipiebant, vt diuina causâ tātum mouerentur. ex eius episcopali certe domo, atque disciplina, variis temporibus multi, præter eos, quorum mentio iam in historiæ seriem incidit, tamquam in aciem quandam ecclesiasticam prodire, Præsules, grauibisque aliis Ecclesiæ muneribus ac administrationibus præfecti: quorum alij aliud; plurima vniuersi, præclaraque in communem Ecclesiæ vsum ex Caroli schola cōtulerunt. quamquam suos & ipse habuit degeneres alumnos. Vestitu clericali, etiam qui clerici non essent, nisi ratio muneris, eo videretur indigna, omnes vt iussit. qui non vterentur, nigra tamen indumenta, eaque modestissima, & a profana consuetudine remota, omnes ad vnum adhibuere. non serica solum; sed magna ex parte etiam, quæ proxime accedunt, iis prohibita fuerunt. Nobiliores, quos addictos sibi famulos habere conueniebat; postremo tempore, non famulos, sed clericos fere apud se habere iussit; quibus inseruiendi cura ita incumberet, vt etiam litterarij studij, sacrarumque exercitationum tempus daretur. Qui familiæ toti præesset, eum presbyterum elegit; neque vulgari nomine, sed Præpositum domus appellauit. Oeconomum adiunxit, qui possessionum, fructuumque omnium curam gereret. Vicarium item, qui domi quotidiana quædam, minuti oraq; curaret. Cubicularios, magnam partem, presbyteros habuit, eosque fere in doctōris gradu positos, siue canonum, siue Theo-

q logiæ.

Quales, ex multis qui illi ministrabant, enaserunt.

Familiarium, & ministrorum habitus, qualis

Ministrorum nomine item, & officia varia.

logiæ. in iis duos esse studuit spectatissimæ vitæ, quales vnicuique; sacrorum Antistiti esse debere dicebat, actionum omnium diurnos, nocturnosque testes. Domestica munera ita distribuit, vt vnusquisque plura sustineret: nam & ipsos cubicularios, vel certis ecclesiæ administrandæ officiis præfectos habuit, vel aliis sacris rebus occupatos; vt eius quam minimum vacui temporis relinqueretur: neque frustra limina terendo, tempus consumerent. ex eo fiebat, vt ad ostia, cubiculaue assisterent, tum foris etiam ij tantum comitarentur, qui necessarij erant; si modo vel ipsi quoque necessitati sæpe aliquid non subtraheretur. suos non sibi, sed ecclesiæ suæ velle dicebat inseruire: ac re vera nemo erat, vel ecclesiæ, vel episcopali personæ non necessarius. valebat vero id, tum ad numerum, & officia religiose constituenda. tum ad hominum mentes, pro pietatis ratione rectius, fructuosiusque dirigendas. Homines nobilitate, scientia, vel spe aliqua inflatos recipere non solebat: neque illos, qui alibi, nisi forte apud religione præstantes Antistites, prius essent exercitati. receptos autem, ne quid elationis forte lateret, iis ministeriis exercebat, quæ humilia, viliaque putantur. illustri genere orti; Comitum, aut doctoris dignitate insigniti, epistolis, aliisue rebus transcribendis sæpe operam dabant: posteriorem vestis partem, cum prodibat Carolus, tollebant: in itinere sarcinas ferebant: crucem præferebant; quamquam hoc inter digniora volebat officia numerari. hac de causâ plerosque sine certo munere assignato primum recipiebat; eosque gradatim postea prouehabat, pro virtute, ac habilitate perspecta; idque nisi spectatæ iam in rebus, ac muneribus ecclesiasticis, virtutis, ac existimationis essent. Durior videbatur eorum conditio, qui Carolo operam dabant, ob labores, vigilias, plurimæque alia incommoda; & re vera erat. sed eam iam notam omnibus non imponebat ipse, sed ipsi suscipiebant. neque vero fieri potest; vt ducis summa vigilantia, & labor, delicati, vel remissi militis operam ferat. Ac tametsi robustos, præsertim iuniores, variis incommodis ferendis exercebat; magna tamen humanitate parcebat imbecillis: quod tum de aliis, tum de me ipso vere possum,

Quos recipere recusaret.

Receptos quibus ministeriis exercebat.

Quorum erat conditio durior.

sum, ac largiter affirmare. Præter eos, qui domesticis muneribus proprie destinati erant, alios multos, si modo alioqui probati essent, facile recipiebat; siue aduenas, vt eorum periculum faceret; siue etiam ex clero suo. quam ob causam, quantum in ædibus amplissimis capi posset, tantum domi alere numerum solebat: vt vno tempore tum clericis subueniret; tum ministros pararet ecclesiæ suæ. omnes autem interim habebat, vel familiaribus, vel ecclesiasticis negotiis, vel diuinarum rerum administratione occupatos. omnesque tenebantur institutis domesticæ disciplinæ. Eorum fere qui sacerdotes essent, institutum erat, quotidie Missam facere. reliquis sacramentorum confessionis, & Eucharistiæ certa tempora, eaque frequentia præscripta erant; cuius rei testimonium vnusquisque afferebat. alia diuini cultus officia varia, concionum, supplicationum, & eiusmodi colere suo tempore illos oportebat. omnino, ne minutiora singillatim persequar; non solum communi quadam probitate; sed præcipuis piæ religiosæque vitæ institutis, atque exemplis, studebat populo familiam suam prælucere. Ad eam rem quotidiana suppeditabat adiumenta. erat etiam spiritualis disciplinæ præfectus; qui quotidie aliis ex Euangelio, vel sacris omnino, diuinisque rebus, articulatim tradebat, quæ ad salutem suam cogitarent, ac meditarentur. quæ inter se deinde certo tempore conferebant, ac suum, intelligens quisque ceteris, cogitationis fructum communicabant. ea plerumque Carolus tradebat ipse, præeratque sæpe, dum communicarentur. Horarum statarum breuiores preces, quæ Virgini tribuuntur, clerici, alique quibusdam præcipuis muneribus minime occupati, ad certa signa in sacellum conuenientes, obibant. Doctrinæ christianæ rudimentis rudiores instituebantur. Non deerat iis, qui egerent, grammaticæ magister. Vesperis antequam cubitum irent, vniuersi, ad excutiendam factorum dici conscientiam, accipiendamque sacræ aquæ asperisionem, conueniebant: quo eodem tempore tum capita, quæ commemorauimus pie cogitanda tradi solebant; tum statis etiam diebus, Caroli exemplo inuitati, flagella sibi ad veniam peccatorum impetrandam,

*Familiarium
qua essent spiri-
rituales exer-
citationes.*

solicitus videretur. Cum apud eum Brixensem ecclesiam visitantem, in morbum incidissemus; benignus pater inuisens, panum quo operiebamur suis manibus tentat: leuiorem existimans, quàm opus esset, aptiorem lecto suo detrahi iubet, atque afferri; vt incommodo suo nobis commodaret. Externis item ægrotis christianæ charitatis officia libentissime tribuit. declarauit, se libenter iturum; si quis ægrotans ab eo sibi priusquam moreretur benedici cuperet, immo vt eis subueniret cumulatius, sui que Pastoris accersendi desiderium excitaret, plenariæ indulgentiæ iis tali tempore tribuendæ, obtinuit a Pontifice perpetuam facultatem: neq; id sibi solum, sed prouinciæ totius Episcopis; vt eos quoque ad idem piæ benignitatis opus incitaret: quæ quidem plenius in litteris Pontificiis editis explicantur. ægros autem sæpe cum adiret ipse; sacerdotes suos etiam quandoque mittebat, qui eius nomine benedicerent, indulgentiamque largirentur. Sed postremis annis, cum ad sanctitatis opinionem ei plurimum accessisset; increbuisse etiam, per eum esse redditam quibusdam sanitatem; ideoque iam ab nonnullis ad ægrotos desperatos accerseretur: multò cautius eundem sibi christianæ humilitatis studio, constituit; atque etiam recusauit. Carolo Emanueli in primis Duci Sabaudia peruulgatum est ab eo beneficium eiusmodi tributum esse: quem nulla pene vitæ spe Vercellis iacentem cum adiisset; suis, populique supplicationibus magno studio adhibitis, discedens eo periculo liberatum reliquit. quæ res & magnam multis admirationem; & summam piis, publicæque tranquillitatis studiosis lætitiâ attulit. Homines sibi charos, immo qui magno etiam essent ecclesiæ vsui, benigne ille quidem complectebatur, dum manebant; omnique ratione studebat retinere: sed si quando ab eo discedere contigit; nihil fere visus est commoueri. eorum item si aliquis peccasset; minime dissimulabat; nisi æquum alioqui, christianumque parcere existimaret: id quod libenter iis tribuebat, qui erratum agnoscentes, & ex animo dolentes, veniam peterent. Cum iis, qui domesticis ministeriis addicti erant, minime solebat sermonem conferre: quæ enim opus erat cum ipso domus

Externis ægrotis quam libenter charitatis officia præstaret.

Eius sanctitatis opinio, quid efficeret.

Eius humilitas.

Cum familiaribus quomodo se gerere solebat.

*Facetias non
admittebat.*

præfecto agere satis habebat. nullius item facetias, lepore sue ad-
mittebat vñquam. feriis de rebus semper erat sermo. quidquid
otiosum esset, indignum Episcopo censebat. Qui cum eo fa-
miliariter versabantur, iis nunquam aditum apertum esse vole-
bat, ad remittendam eam, quæ personæ deberetur, reuerentiam.
quæ cum alioqui familiaritate, vesturæque sæpe obsolescat;
teneri, vigereque semper æquum, decorumque putabat; tum ad
disciplinam conseruandam admodum vtile.

*Hospitalitas.
CAP. XVI.*

COLVIT non mediocriter officium, virtutemque illam,
quæ in hospitibus benigne accipiendis posita est. peregrinos om-
nes, sacros præsertim, & probatos; principes item viros pie ac-
cepit, ac liberaliter. Studiose id faciebat, & libentissime; tum
quia christianæ consuetudinis ea beneficentia fuit semper; quia
multis ad salutem iuuandis aditus ea via sibi videbat aperiri. ar-
debat namque desiderio in omni actione, in omni sermone, o-
mnino tempore curandæ, iuuandæque alienæ salutis. exteros in
primis earum regionum, quæ corruptæ fidei miseria premun-
tur, omni officio, ac benignitate complectebatur: humanissime
alloquebatur: extraordinariis honoris significationibus, si ve-
nientibus occurreret, si abeuntes prosequeretur, si cum iis esset,
semper accipiebat: nihil prætermittebat, quo eos in recta fide,
atque integra confirmaret; catholicæque Romanæ ecclesiæ ma-
gis, ac magis eorum studia, pietatemque conciliaret. vt omnes
tantam humanitatem, cum sanctitate coniunctam, abeuntes

*Cum Heluetiis
& Rhætiis hila-
re agebat.*

in finitis laudibus extollerent. Cum Heluetiis, & Rhætiis, qui
frequentes rerum salutarium causâ orthodoxi ad eum venie-
bant, hilare more nationis agebat, ac familiariter: manum pre-
hendebat: accumbebat comiter cum illis: atque licet disciplinæ
sue modum teneret; nonnulla tamen concedebat: bibentium
propinationes non respuebat, ab suo tamen modo, & ab aqua
sua parum, aut nihil potius discedens. Præsules ad ecclesias, sa-
crasque res insigniores visendas inuitabat; ipse etiam, si Cardi-
nales, primariue Episcopi præsertim exteri essent; comes acce-
debat, in collegiis religiosioribus, loco recreationis animo-
rum,

*Præsules sapi-
sime inuitabat.*

rum, cum iis erat. quo tempore de seueritate sua multum remittere humanitatis gratia solitus fuit; seque ad hospitum mores, voluntatemque non mediocriter conformare. eosdem accipiebat in collegiis clericorum suorum: locorum communicebat instituta; disputationes, orationes coram iisdem haberi iubebat. Principibus viris laicis, sermonibus ad eorum documentum aptis; sacra lectione mensæ adhibita; libellis optimis dono datis, prodesse quamplurimum studebat. eosdem ad verspernam domus suæ precationem, spiritualemque scholam inuitabat: ubi siue bellatores essent, siue aliis vitæ institutis addicti, dicebat ipse ad cuiusque salutis rationem accommodatè. erant nonnumquam, qui omissem multo iam tempore sacram confessionem dolentes; & vitæ præteritæ mala detestantes, superioris temporis omnis peccata, prius quàm abirent, confiterentur; melioremque sibi vitæ rationem constituerent. ac quemadmodum ad rem aggrediendam cohortatione; ita Pontificia facultate, quæ ampla numquam ei deerat, si ob grauiora peccata necesse esset, subueniebat ad perficiendum. Tanta erat hospitum frequentia; ut vel ipsi publicorum vectigalium conductores, portarumque custodes, Caroli nomine res tantas absque portorio quotidie victus causâ mirantes importari; eidemue aliàs adscribi; fraudemque suspicantes, Caroli procuratores adierint: incredibile sibi videri, tantum commeatus in Caroli domo consumi; diligenter vellet animaduertere; ne qua in re sacræ immunitatis nomine fortasse fraudarentur; & aliqui ad quæstum suum nomine Cardinalis abuterentur. qui ut hominibus iis satisfacerent, rerum, hospitumque summa facta, tercentos vno mense receptos hospites, qui vario temporis spatio morati essent, repperunt. Tam magni sumptus, rebus domesticis præfecti verebantur, ut Caroli facultatibus essent tolerabiles: cumque non semel monuissent, ille pluribus in consilium adhibitis, ea de re deliberauit, cum essemus in ædibus nostris Cernusculanis: & hospitij pio, salutarique fructu proposito, contraque rei familiaris ad sumptum sustinendum inopia; quæsiuit, quid magis è re christiana

*Principibus
Viris laicis ad
se accedentibus
prodesse stude-
bat.*

*Quantum esset
hospitum fre-
quentia.*

*De hac hospi-
tium frequentia
consilium, &
deliberatio.*

stiana esse iudicaret: se, ne talis fructus eriperetur, vel id mendicitatis multorum causâ non refugere, si sic expedire putarent; vt arcam certo loco constitueret, qua eleemosynę subsidium ab hospitibus, qui dare vellent, colligeretur. in eam sententiam ventum est; vt ne hospitium intermitteretur: sed satis haberet, cum antea vniuersum comitatum, equos, & alia iumenta, vel inuitis dominis, in domum acciret; principes ipsos nonnullis pro dignitate additis comitibus, suscipere; ceteros autem in cauponis relinquere. famulorum causâ disciplinæ ordinem valde perturbari; inde autem ipsos referre vtilitatis parum: ex iis, & iumentis simul, magnam sumptus partem existerẽ. ita fore, vt & propositum sibi, ex iuuandis ad salutem multis, principibus præsertim, fructum perciperet; neque quidquam temere committeret, vnde ære alieno immoderate grauaretur. ceterum nihil dubitandum, quin ad tam pios sumptus diuina benignitas, quæ opus essent, suppeditaret. Hospitum mensa domesticæ sinibus minime continebatur: sed propria quadam moderatione concilij prouinciæ decreto sancita constabat: sic tamen, vt qualis, quantusque cibus apponeretur, etiam summos viros non pœniteret. Verum postremo tempore hospitalitatis officium insigniter augeri constituerat: iamque paulo ante quam moreretur, Præposito domus iusserat, vt ad omnes totius diœcesis clericos excipiendos, quibus ad urbem rerum suarum causâ veniendum esset, ædium partem instrueret: hospitio sacerdos præficeretur; cui non hospitum solum commoda essent, sed mores etiam curæ; quique eos studeret per certas exercitationes in ecclesiastica disciplina proficere. ita etiam fore, vt neque leuibus de causis clerici ab suis ecclesiis abessent, neque nimis diu.

*Hospitiū mensa
quibus sinibus
continebatur.*

Animus eius
erga bonos,
religiososque
viros.
CAP. XVII.

RELIGIOSI animi viros vehementer diligebat, & magna voluntate complectebatur; vt licet necessitudinis, amorisue alia causâ intercederet nulla; essetque homo alioqui ignotus; studio faueret, ac re iuuaret amicissime; non solum si rogaretur; sed sua sponte, si veniret in mentem. cuiusmodi ad probitatem, religiososque mores propensio, tanta erat; vt vel specie ipsa inter-

interdum videretur commoueri; hominesq; recipere, quorum bonitas eius gratiæ non responderet æqualiter. Sed ipse quam plurimis egens administris, interdum quorundam operam ecclesiæ suæ necessariam, & in præsentia vtilem caute adhibebat; neq; interim valde laborabat, vere ne ac omnino ij tales essent, quales specie videbantur; illud Apostoli, vt quandoque audiui-
mus, vsurpans, Dum omni modo siue per occasionem, siue per veritatem Christus annuncietur. Ecclesiæ Præsules, maxime si perfectæ disciplinæ desiderium in eis perspiceret, singulari quodam, non amore solum, sed suauitate, ac delectatione tenebat amplexos: nihil officij prætermittebat: de communi munere, atque officiis attente communicabat; & suum, alienumque ecclesiæ optime administrandæ studium conabatur acuire. hac in primis de causâ, mutuam Præsulibus congressum, expetendum dicebat; vt alter alterius sermone inuaretur; & si qua parte religiosus animi ardor deferbuisset, ea quasi exercitatione, diuino afflante spiritu, recalesceret. Episcopos omnes præter multorū consuetudinem, honorauit; plurimique se facere semper ostendit: ad res ecclesiasticas bene gerendas studiose iuuit: reuerentissimos in epistolis appellauit: quod licet alij quoque Cardinales prius facerent; alij tamen eius exemplum secuti sunt. Consuetum honoris officium in eosdem venientes, & abeuntes superauit. Atque a magno quodam principe hospitio in itinere acceptus; cum esset vna; Episcopus ciuitatis nemine præmissio venit; doluit Carolus, quòd ei occurrere non potuisset. Sed discedentem ipso relicto Principe, cui sciebat id molestum fore, ex consuetudine sua comitatus est; vt suum de dignitate episcopali colenda iudicium ostenderet. Quorum virtus olim in Ecclesia florauisset; eorum instituta didicit; scripta conquisiuit; ministros accersiuit; ipsam vultus imaginem sibi comparauit; vt ob oculos collocata, viam virtutis episcopalis memoriam, ad imitationis studium, in eo conseruaret. huiusmodi fecit in primis erga Gibertum Veronensem Episcopum. Rossensem quoque, qui Christi causâ sanguinem, in Anglia, vitamque profudit, ante se pictum habuit, vna cum S. Ambrosij effigie; quam,

Præsulum congressum expetendum cur diceret.

Episcopos honorabat & inuabat, quod falso quodam singulari ostendit.

Antiquorum virtutem & instituta quomodo coluit.

omnibus aliis inspectis, quæcumque antiquiores haberentur, curauerat exprimi. Regulares viros cuiuscumque ordinis essent, quos sacræ disciplinæ studiosos nouerat, ita beneuolentia prosequabatur, & honore; vt nemini prorsus cederet. eorum quoque opera, quibus rebus idonei essent, libenter vsus est. res item vitæ necessarias supeditauit. id cum faciebat, ad cœnobij mittebat Præfectum; hominemque tantummodo, cuius causâ mouebatur, iubebat, in eius necessariis rebus commendari. contra, si aduersus instituta sua facere; si disciplinam negligere; si populi licentiam alere; si christianæ disciplinæ restitutionem, aut progressum impedire, cognosceret; eos corrigendos maxime curabat: monebat præfectos; ipsosue Cardinales ordini præpositos. ipse præcipua in eo genere præter Tridentinum decretum, Apostolica auctoritate vtens; haud quidem facile; sed cū erat opus; vt eorum, ceterorumque salutem consuleret; in eos animaduertebat. ea res faciebat, vt in diœcesim Mediolanensem ordinum præfecti bonos, quantum fieri posset, mittendos curarent. obseruarunt quidam; Carolum, cum regularis ordinis quispiam in via ipsi honorem tribueret; si comitem videret, vt disciplinæ cœnobiticæ leges ferunt; & benedicere manum solitum fuisse; & etiam paulum tollendo galero honoris significationem dare: verum si solus esset, præteriisse, quasi nullum vidisset. vix causâ necessitatis adducebatur, vt eos ad parochias suas custodiendas admitteret. verebatur enim; cum animarum charitatem perspectam non haberet; vt aliis curandis esset idoneus; qui se ipsum ita non custodiret, vt assignatum diuinitus locum posset tenere. Paruorum cœnobiorum, quæ in vicis sunt, vbi exigua vel nulla vigere solet disciplina; contra vero datur delinquendi locus; ita rationem haberi cupiebat; vt & ordini consuleretur, & populis. qua de re cum Pontifice Gregorio non multò ante mortem cum egisset; eius iussu Præfectis omnibus vocatis, numerari cœnobiorum quodque continere; ad alia progressurus, si vita longior contigisset. Ipsam hominum Deo penitus addictorum regulam, ac statum tanti fecit; vt quemadmodum animo præclare

Regulares viros disciplina studiosos, quæ beneuolentia prosequeretur; contra vero disciplina neglectores quomodo se gereret.

Paruorum cœnobiorum in vicis constitutis, quomodo consuli curaret.

clare fecerat; ita quotidie studeret institutis domesticis imitari. eadem cum in collegia clericorum suorum induceret; fiebat sapenumero, vt ex iis ad cœnobiticos ordines aliqui transire vel-
lent. quod ille, cum vehementi regularium ipsorum cohortatione; vel quòd eos seuerioris disciplinæ tæderet, euenire sæpe suspicaretur; cumque necessitatem ecclesiæ suæ quotidie magis perspiceret; prius eorum voluntatem, consiliumque diu curabat, ac diligenter examinari; quàm ea de re consentiret. quin etiam, Apostolica interposita auctoritate, prouidit; ne ad eorum ordinem, quorum domestica opera regebantur, & litteris erudiebantur, seminarij clericis aditus pateret; nisi quadriennio essent extra seminarium morati. ceterum si diuino spiritu vere agi quem viderat; facile dimisit; & ad perficiendum iuuit. si quis etiam, regulari vita prius sibi proposita, mutato deinde consilio, quod euenit sæpius, vellet animum ad eius disciplinam, Oblatorumue regulam adiicere; nisi illi, sibi que, Theologis consultis, studiose cauisset; non recepit.

POTERAT vere de religiosis viris cum Domino dicere, *Vi se gesserit in propinquos.* hi sunt fratres mei. nam erga propinquos ita se habuit, vt eos potius sibi cauendos, quàm amplectendos statuissè videretur. tametsi autem illi, quantopere ex tanto viro augerentur, satis agnoscerent; erant aliqui tamen qui talem in eo suorum quasi despicientiam, vt sunt humani sensus, ægre quandoque ferrent; non nihilque expostularènt: Borromeiam gentem ex eo sperassè semper dignitatis amplitudinisque accessionem; at contra prorsus accidere; cum ea, quæ adhuc tenuerat, eius causa potius amitteret. Ille vero diuinas res, quibus addictus erat, ecclesiæque iura, non posse, aiebat, non curare; omnibusque viribus tueri. si ex ea cura detrimenti aliquid familiæ afferretur; aliorum esse culpam; contra suam id fieri voluntatem ex Dei benignitate tamen multò plura sperarent, quàm ea, quæ vel amitterent, vel ab eo, si ei rei studeret, possent adipisci. se tamquam Deo, diuinisque obsequiis penitus traditum, ab eorum familia translatum putarent. quod quidem & re, & nomine paulò post Aronæ

arcem ereptam, effici curauit. nam Iubilei causa Romam profectus, consulto prius Pontifice, non se post hac Borromeium scripsit, aut scribi voluit; sed sanctæ Praxedis Cardinalem; illud Prophetæ amplexus, Extraneus factus sum fratribus meis, & peregrinus filiis matris meæ. Sed antea quoque, cum in summis porticibus ædium canonicalium architectus insignia Borromæia insculpi iussisset; præteriens forte Carolus, & cœptum opus suspiciens; tum in posterum facienda prohibuit; tum facta iussit excidi: quæ tamen curante nemine, Caroloque amplius non aduertente, in ipso operis principio remanserunt. Attamen chari-

Borromeium cognomen dimisit & sanctæ Praxedis Cardinalem se scripsit.

Propinquorum charitatem conseruauit.

tatem propinquorum retinuisse illum dubitare nemo debet; quatenus vel naturæ, vel christianæ disciplinæ ratio postulat. itaque amantiissimi cognati officia, cum opus fuit, in suos cumulate præstitit; fuit; tutatus est. quid sororibus dederit, non commemoro. viri principis humanis opibus florentis potius, quàm Antistitis religiosissimi illa fuerunt officia. sed ipsas sorores consilio, studio, opera sua semper amantissime iuuuit. propinquis multis magna nobilitate, parique inopia fœminis, dotes elargitus est, nobilitati non omnino impares. Alios item egenos non deseruit, modo a flagitiis abessent. Ceterum tantum aberat, vt suis quidquam largiretur; vt potius rebus eorum vteretur sæpissime. Ac paternæ quidem bona per fideicomissum relicta, Comiti Iulio Cæsari patruo dimisit: sed ea pactione, vt integros eorum fructus quotannis perceperit. Illud autem sibi cauendum existimauit; ne forte animo ita in eo genere flecteretur; vt officia Deo, ecclesiæ, gregique suo debita aliqua ex parte prætermitteret; quibus humanas charitates omnes cedere debere, nemo ne-

Consanguineorum obitum & culerit.

Cum propinquis ecclesiastici Viri quomodo se gerere debeant Caroli sententia.

gauerit. Cum ei de Hortensiæ sororis obitu nunciatum esset; non ausi nos quidem, cum præsentesset, consolari tantum virum; cum aliquid tamen tangeremus; non negauit, parum se suorum morte commoueri solitum: verum id naturæ potius, quàm virtutis esse, modeste dicebat. ac multa tunc quidem ex eo sermone intulit; quàm diligenter ecclesiasticos homines, cū cognatis suis conglutinationem animi quandam cauere deberet: quorum misericordia, precibus, suauitate facillime infle-

cti; &

cti; & a vitæ huius contemptu, a sacris laboribus, a iuuandis liberaliter egenis, auocari possent: tum adduci quoque, vt multa sapè Deo minime grata facerent, permitterentue, cum eorum offensione, quibus optima semper ad imitationem exempla proponere debent. quò facilius id fieri posset, abstinentum monerat ab eorum consuetudine: deque se ipso tali viro affirmabat; numquam se cognatorum suorum domum adire; adibat autem perquam raro; quin aliquo modo diuinarum rerum studia, atque desideria retardari animo suo sentiret. Federicum suum propter optimæ naturæ specimen, atque adeo singularem ecclesiasticæ probitatis indolem, a prima ætate dilexit plurimū, sed amorem ita coërcuit; vt neque apud se habere voluerit; neque vultu, neque verbis, neque re aliqua fere quidquam in eum præcipuæ voluntatis demonstrarit. cum annos XIII. natum doctrinæ causâ Bononiam dimitteret; nonnullaque per nos ei vitæ præcepta daret: amplexurum illum esse vitam clericalem, gaudenti sane animo nobis aperuit: quamquam nihil eiusmodi palam præ se tulit. ac nos tunc quidem existimauimus, Federicum de ea re cum eo communicasse: postea vero permirum visum est; cum idem Federicus Cardinalis nobis affirmauit; neque tum se aliquid eiusmodi præ se tulisse; & a clericali vita eo tempore fuisse alienum. Propinquos per alios libentius, quàm per se ipsos, aliquid petentes audiebat. omnino caute audiendos esse dicebat, animoque nonnulla suspicione occupato, ne quid minus iustum, probatumue postulerent: tum parato etiam ad negandum, si minus id rectum appareret: ne vi forte coniunctionis, ad aliquid minus iustum concedendum impelleretur; quam remollescere fortis quoque animus facile solet, ac leniri. Cum alij fere propinquitatis causâ, multa tribuere, atque indulgere soleant; contra ille coniunctionis vinculo utebatur, quantum poterat; vt eo constricti cognati rebus omnibus magis, quàm alij continerentur, ne ceteris exemplo quidquam nocerent; imo potius prodescent. Agebatur quandoque de episcopatu in provincia Mediolanensi mandando cuidam eius affini: cuius doctrinam, alia fortasse nonnulla ad episcopatum gerendum necessaria

*Federicū suum
Et dilexerit,
quidne de eo
prædixerit.*

*Propinquos alij
quid ab eo petentes
Et audierit.*

*Affini ne episcopus
mandaretur curauit.*

cessaria cum desideraret; cum excludendum curauit. qua de re cum is, alii que coniuncti quererentur; libere causas aperuit, quibus eam rem ipse probare non posset; imo sibi iudicaret impediendam. Ioan. Iacobi Medicis cadauer, iussu Pij quarti eius fratris in eleganti, ac magnifico marmoreo sepulchro collocatum in ecclesia maiori Med. nihilominus deponi, atque sub terram conici iussit; licet exceptum monumentum, in decretis eo de genere scriptis intelligi posset. Cum adhuc auunculo viuente, per Ormanetum collocutionis loca in monasteriis ad virginalis pudoris normam conformaret; in ipso monasterio in primis, vbi non soror eius tantum, sed etiam Pontificis ipsius sorores erant, id effecit.

Amicos aliquid petentes, vt audierit.
CAP. XIX.

AMICORVM gratiæ tantum tribuit; vt omnes tamen intelligerent, nihil ab eo impetrari posse, nisi iustum, rectumque esset penitus; & suæ ecclesiæ institutis, atque vtilitatibus; tum vero vniuersæ ecclesiasticæ disciplinæ consentaneum. sæpe euenit, vt quæ alij leuiora putassent, vel principibus viris, Cardinalibusque ipsis denegaret; quia ecclesiæ suæ disciplinam aliquo modo per ea lædi, fructumque ex parte aliqua impediri cognoscebat: vnde maiora deinceps sibi detrimenta expectanda essent. Inter eius familiares, nemo fuit, qui vere posset insigniter apud eum. æquabiliter omnes amabat; & pro eo, quantum vnusquisque aptus esset, æstimabat, atque utebatur. qui plus fortasse posse videbatur, is nihil solebat alicuius gratia postulare; neque omnino quidquam alia de causa proponere; quàm quòd ita rectum esse iudicaret, & institutæ disciplinæ accommodatum. Ea maxime recusabat Carolus, quæ contra sacra decreta peterentur. timebat enim in administratione sua vniuersa vehementer, indulgentiæ genus eiusmodi: ægreque admodum committebat; vt quempiam lege aliqua solueret aliquando: cum ex diuturna experientia documentum caperet; si quid ex modica parte, vel specie sola relaxatum esset; quàm facile tempore procedente, plena consequeretur dissolutio; quemadmodum aggeris sublata particula, sensim ea via facile tota vis erumpit fluminis.

Ea

Qua petentibus amicis denegaret.

Ea re fiebat, vt interdum nonnullis videretur canonum sacra vincula constricta nimis habere. Sed ipse nullius gratiæ, potentiæ additus; & momenta rerum, ab eo quod in posterum euenire facile posset, & ad diuinam voluntatem diligenter perpendens, præscriptis suis religiosissime sibi hærendum statuebat. nam & simili constantia in iis tenendis legibus utebatur, quas semel sibi priuatim constituisset. longum esset enarrare, quanto illi vsui fuerit in proposito tenendo, decretisque tuendis accurata stabilitas. At in denegando, cum permagni interest, qualem se quisque præbeat; multosque non tam recusatio ipsa perturbet, quàm insuauis recusandi ratio: tam scite Carolus id facere, atque amabiliter solebat; vt non voluntatem, sed iustam causam, rationemue impedimento esse petentes agnoscerent. Roganti primariæ matronæ, in principio suæ administrationis, nondum constricta recentibus decretis disciplina; vt filiam liceret in cœnobio visere grauitæ ægrotantem; respondit Carolus, Breue tibi, inquit, hoc erit solatium; at tibi tanta nobilitate, atque auctoritate, si denegari patiaris; quod te vehementer rogo; mihi nunc claustrorum religiosas leges renouanti, magnum præsidium attuleris; vt tui exemplo proposito, ceteris me possim excusare. quibus verbis illa facile, placateque repulsam tulit. Si quid a Principibus viris ipse petere rogatus est; libenter, promptoque animo suscepit; modo gloriæ Dei, hominumue saluti in eo posset inseruire. De magistratu obtinendo non rogabat, nisi recte, iureque peti cognosceret. plerumque testimonium tantummodo dabat; hominem, quantum ipse nosset, aut a probis viris accepisset, sibi idoneum videri; cui, si magis idoneus non occurreret, mandari posset. Narrabat in ipsis amplitudinis suæ initiis, aliquid rogantibus, quod a Pontifice concedendum esse non putabat; ita respondisse tamen semper; vt verba speciem promissionis, vt sit, præ se ferrent: mox id minus ingenuum, doliq; genus quoddam cum existimasset; eam consuetudinem tenuisse; vt si cōcedendum non arbitraretur, aperte proferret: sæpe etiam moneret, vt a proposito petentes declinarent: immo facturum se denunciaret; quomi-

Primaria Matrona quid denegauerit, dixeritque.

Rogatus, quid a Principibus viris peteret.

Animi candor.

quominus Pontifex aliorum precibus in eo flecteretur. Ita factum esse, ut qui iusta quærent, fidē promissis haberent; quod antea pauci faciebant: ceteri moniti ab incepta re desisterent. suum canonum tuendorum studium; libertatemque id recusandi, quod ab eis alienū videret; illustri declarauit exemplo, quod hoc loco subiicere operæ pretium existimamus. Sebastiano Lusitanæ Rege absque filiis mortuo, creatus est Rex Henricus S. R. E. Cardinalis eius patruus; quem vehementer rogatum, regni optimates, Præsules, populi que exorauerunt, ut uxorem vellet ducere: sperabant enim ex eo, quamuis ætate confecta, procreandum in imperio qui succederet. præter vniuersi regni solatiū; pietati, religionique valde consentaneum esse; discordiis, bellis, calamitatibus occurrere; quæ Henrico mortuo, nullo regiæ domus relicto successore, propemodum necesse erat existere. Henricus, ut Episcopus, religione solui, uxorisque ducendæ facultatem a Gregorio Pontifice sibi concedi, postulat. eodem tempore Mediolanum ad Carolum dat litteras: adductum se a Lusitanis suis, ut coniugio consentiret; quo tamquam vnico remedio tranquillitati prouinciæ posset consuli: graue admodum sibi esse; ducereque id cuiusdam loco sacrificij, in quo se ipsum pro suorum salute immolaret: sed publicæ quieti cedendum iudicasse. vehementer igitur rogare, ut quantum eniti posset, ad eam concessionem Pontificem perducere conaretur. idem viri principes alij maiorem in modum a Carolo postulant; negotiumque eius auctoritati commendant. Carolus amicissimi, optimique Regis postulationi, non quod is velle videretur, sed quæ sanctæ Ecclesiæ putaret conducere, respondet: Magni quidem interesse videri; quærere Lusitanis, qui ei sine controuersia legitime posset in regno succedere. sed tali Antistiti potestatem facere coniugij, rem omnium videri grauissimam; neque vllō vmquam tempore concessam. Personæ Deo dicatæ, in alio genere, factam quandoque dici potestatem nuptiarum: quod nullo tamen satis certi, probatique auctoris testimonio fere confirmaretur. omnino exoptatos eiusmodi nuptiarum, vel publicæ quietis, vel successionis euentus minime contigisse. maxima etiam

Quantum tuendorum Canonum studium, illustri declarauit exemplo.

etiam inde publice, ac priuatim extitisse incommoda; vnde magnæ utilitates expectarentur. probandam magis, atque imitandam quorundam Regum continentiam; qui matrimonio coniuncti, cum recte, ac legitime filios possent suscipere; nulla tamen hæredis, successorisue habitatione, singulari castimonix studio, tali matrimonij vsu abstinerunt. quantò magis, qui cœlibem vitam professi, sine singulari quadam venia, sese ad concubium referre non poterant. quæ dixerat, exemplis allatis confirmauit. postremo in re tanta, tamque difficili, nihil se aliud probare posse dixit; quàm, vt quibus de causis ea facultas postulanda videretur, eæ causæ summo Pontifici candide, nulloque studio referrentur. quod is pro summa auctoritate, diuinoque afflatu iudicasset, æquo animo, voluntateque acciperetur. De re grauius ad Pontificem scripsit. quid sibi maxime probaretur indicauit. euentus qualis fuerit, ignorat nemo. Cum autem aliquid sibi petendum, aut persuadendum Carolus statuisset; id faciebat vi quadam singulari; non is quidem contenta voce, vel corporis motu; neque dicendi facultate, quæ modica erat; sed optimis argumentis, iisque ita explicatis; vt ratione tantum, veritateque; non studio, vel desiderio suo, nedum perturbatione duci satis intelligeretur. neq; vero ad responsiones hæsitabat, aut respondentis asperitate, vel importunitate commouebatur: sed, tum acute, tum sedate semper replicabat: vt pluri prædicarent; inuictum ab illo abire posse neminem, quem vincere is statuisset persuadendo: sicuti contra, a nemine illum vinci, flectiue posse: cum ita rectum esse vt sentiret, animo statuisset.

*Via in petendo
est persuadendo
singularis.*

MONENDI officium, quod amici, christianique in primis animi est; nescioque vtrum magis, vtile, vel neglectum; in quo publice opus esse cognouit, aut priuatim; minime prætermisit. Episcopis, Cardinalibus, principibus viris, suis ipsis aduersariis, in eo genere non defuit. quod quidem, cum non minus amanter, quam libere faceret; non potuit ei non feliciter, fructuoseque, si non statim, at aliquando tamen, euenire. Vir amplissimus

Monendi officium vt erga alios adhibuerit, ac in se tulerit.

CAP. XX.

f

quidam

*Vir amplis-
simus S^ci Caroli
admonitiones
tulit.*

quidam quandoq; fertur eiusmodi officium acerbè admodum tulisse; qui diu post gratias egit, magnumque inde fructum percepisse, Carolo ipsi modestissime testatus est. At se quoq; mira modestia ipse passus est ab aliis moneri, cum opus fuit; submissequè vel suarum actionum rationem reddidit; vel fecit quod monebatur. neq; solum erga viros ætate, atque auctoritate graues, ita se gessit: sed alios quoque monere ausos sic prorsus audiuit, ut par omnino erat, si eos ille monuisset. Fuere tamen, quibus videretur Carolus in modo publicæ, priuatæque disciplinæ tenendo, non satis alienas quandoque curasse monitiones; quæ de re commemoratum est supra. Verum, si quando non obtemperauit; monitionem nullo modo videtur contempsisse; sed ita rectius, Deoque gratius iudicasse. enimvero omnium sequi consilia, etiam si boni, prudentesque videantur, solidæ, præstantisque virtutis non est. aliis alia proposita sunt. quidam animi infirmitate male iudicant: multi mediocritate quadam contenti; vitæ, morumq; communem quandam modum minime transire student. pauci ad perfectæ virtutis præstariam incitati feruntur. horum omnium sensus, animusque, infirma fere necesse est vulgariq; consilia pariat. At præcipuis quibusdam diuini spiritus donis, viri excellentes affecti, propriisque diuinitus illustrati luminibus: quorum vita perpetuo quodam choro virtutum, ita sibi constat; ut cum alia rectè procedant, alia non claudicent; ij, inquam, neque communibus consiliorum terminis sese continent; neque consuetis virtutum gradibus consistunt: sed longius multò progrediuntur, atque euolant altius. quotus enim quisque est ex summis, diuinisque viris, quos colit Ecclesia Dei; cuius vita communibus præceptis contineatur? qui quidem singulari quodâ diuini amoris ardore inflammati, ad maiora semper ita rapiebantur; ut in cursu charitatis infinito modum sibi satis definire non possent: ad eamq; demum excellentiam peruenirêt; quæ ceteris eos mortalibus proposuit; ut perfectissimè exemplo ante oculos posito; neq; illud desperent, quod alij diuina ope sunt assecuti; & quò maiori studio summa sequuntur, eò magis sese remoucant ab infimis. Non id mihi arrogo, ut inter sanctos

*Omnium sequi
consilia non est
solida virtutis.*

sanctos eiusmodi viros Carolum esse reponendum ego pronunciem. id viderint alij. sed quibus præcipuum illud lumen, vimq; largitur Deus; iis eundem arbitror præcipuum quoque largiri munus; quo, neq; alienum consilium, monitionemue contemnant; & cursum ab omni errore suum, constanti quodam, & certo conscientia lumine confirmati, tueantur.

MANSVETUDINE, atque humanitate utebatur in omnes qui adirent; sed insigniter in eos, quos christianis esse moribus, religiosisque deditos operibus nouerat; libentissimeque si pauperes essent: cum alioqui grauitatem personæ semper cum primariis, principibusque viris, dignitatemque egregie, tueretur. nunc humilem aliquem christianorum elementorum magistrum summa humanitate, ac propemodum abiectiōe accipiebat: paulo post cum amplissimo magistratu agens, nihil de summa sui gradus auctoritate remittebat. at enim minuta officiorum, quæ in quotidiana consuetudine versantur, momenta, pro cuiusque loco, atq; ordine cognita habebat exquisitè; noueratque omnes honoris tribuendi, benigneq; accipiendi vias: vt cum dignitatis suæ locum teneret, tum nihil etiam prætermitteret in quemquam officij, vel humanitatis. itaque tum passim prædicabatur officiosissimus, & liberalis; tum mirabantur multi tantæ sanctitatis Antistitem, tamque cœlestium cōtemplationi deditum, quotidianis officiis, cum opus esset, sese tam intētum præstare. Morosos, ineptos, immodestos, aut etiam insolentes homines, si qui adirent, æquo animo ita ferebat; vt neq; increparet, neque abire iuberet; neque omnino quidquam faceret, vnde perturbatus videretur. quod iustum esset, tantum respondebat; aut vero etiam modeste monebat. eūdem se præbebat in omnes alios, quibuscum res illi esset, difficiles licet, iniustos, imperitos. quamlibet enim iustam offensionis, indignationisue causam, vt vno verbo dicam, eius virtus superabat. Quosdam in consultationibus, importune rectis institutis, decretisq; contradicentes, & difficile acquiescentes, æquo animo semper argumentis refellebat; omnem iracundiæ, atque obiurgationis

Vt eos qui adirent accepit, alienaq; vitia tolerauerit.

CAP. XXII

Omnes honorū tribuendi vias nouerat Carolus.

Morosos, aliosue minus compositos quo animo ferret.

*Concionatorem
quis illum pub-
lice reprehende-
bat & sile-
rit.*

*Mira patien-
tia.*

impetum comprimebat; omnes ineptias, imperitias, peruersitates deuorabat: & ea patientia, demum quod volebat facilius consequbatur. huius rei frequentissima potuerunt ab iis exempla obseruari, qui illi astiterunt. Hominem in ecclesia maiore festis diebus concionantem diu sane tulit, qui se præsentem, nominatimque sæpe reprehendebat. neque solum permisit, vt cōcionari pergeret; sed ipse quoq; frequens erat eius auditor: cumque alios audiens dormire videretur, ei se præbebat attentissimum; neque vel inter suos accusabat vniquam. demum, cum ita expedire ceterorum causâ iudicaret, eum missum fieri placide curauit. Neque vero non inter domesticos etiam suos; siue operæ causâ, quæ vsui ecclesiæ esset; siue ad exercendam patientiâ, similem aliquem tolerauit. mitto incuriam, & indiligentiam, quotidiana domesticorum errata; quæ licet leuia sint, ob frequentiam tamen, & quoddam rerum familiarium commune fastidium, æquo animo tolerata, præcipuæ cuiusdam virtutis præbent indicium. ad hæc sese Carolus animo sedatum, pacificumque præbuit semper. Euenit interdum vt ad ipsa sacra obcunda Carolo parato, negligentia ministrorum aliquid deesset; quod ille insigni temporis spatio, in ipso loco sacro, tam quiete, tamque sine vlllo motu expectauit, vt tamquam exemplar patientiæ astantes omnes eum intuerentur. Sed vnum ex familiaribus in primis pertulit plane molestum, odiosum, impotentem; qui nemini parceret, quotiescumque iracundia, vel perturbatione aliqua efferuesceret: qui vel in ipsum Carolum maledictis nesciret abstinere; eidem sæpe insigni contumacia contradiceret, atque resisteret. quo quidem vel vnus hominis vitio, singularis Caroli patientia mirifice apud omnes illustrata est; diuturnæque fuit multis tum admirationi, tum documento. At excusabat etiam Carolus, vitioque naturæ insito, magis quàm voluntati tribuebat: omnia vero morum grauitate sustentatus, sine aliqua dignitatis imminutione patiebatur.

*Aduersarios, &
obrectatores
vt tulerit.
CAP. XXII.*

PLVRIMOS Carolus aduersarios expertus; neque illos tamen suorum studiorû, sanctitatisque imitatores; tantum abest,

vt

vt accusandi vniquam, detrahendique studium præ se tulcrit; vt si quid vere dici ad eorum excusationem posset, id libenter enunciaret. cumq; interdum eos in se acriores experiretur, quos antea maioribus ornauerat beneficiis, quos equidem plures possem numerare; neque accusabat, neque beneficiorum mentionem villo tempore faciebat, siue maledicto, impugnatione, atque adeo relo ipse peteretur; siue ministri violarentur; siue iudicia ecclesiastica disturbarentur: licet aduersarios perturbare agere, omniaq; in peiorem partem trahere videret: nihil, quod perspicere posset, indignatione, vel odio mouebatur; modestiæ, grauitatisque suæ locum tenebat; tranquille rebus suis operam dabat: vt nescio quid homine maius in eo quandoque offerretur intuendum. misericordiam potius turbatis, agitatisque animis tribuere cognoscebatur. cumque sacris precibus semper studeret eis benefacere; manifesta quoque opera, si locus daretur, libenter eorum saluti, commodisque consulebat: vsque eo ab omni vlsciscendi desiderio aberat. exempla suppeditant narrata superius: ibique latius apparet, quam patienter ac beneuole repetitis officiis, eos placare semper, sanareue studuerit; qui sibi acriter, & inique aduersabantur: quantis incommodis suis eorundem viuorum, mortuorumque salutem curauerit: quid pro iis ipsis liberandis fecerit, qui in eius vitam coniurauerant. Sanctissima mansuetudinis exempla in eius elucent scriptis; quibus de aduersariis loquens, eisue respondens; cum ipse non obscure pertinax, imprudens, superbus, dæmonis etiam arte illusor, furenter ab eis appellaretur; illius imitatione cui se totum addixerat, quæ tantum oporteret ad causæ veritatem demonstrandam, resque sacras tuendas, mirifica patientia, modestiæque proferebat. Dum multa publicis dissidiis agitantur; venit ex familiaribus quidam, scriptumque affert loco publico detractum; in quo multa in Carolum erant maledicta: quod vix aspectum Carolus, nullo facto verbo, reiecit vt combureretur. Amicus quidam Roma veniens, Carolo nonnulla narrabat: inter alia, nuper ibi actum de longinqua, grauissimaque legatione ipsi danda: hominem vero magnæ auctoritatis maximis olim beneficiis a Ca-

Animi quies, & moderatio.

Erga aduersarios mansuetudo & charitas in eo vt eluxerint.

Factum laudabile.

Modestia cum humilitate coniuncta præclarum exemplum.

rolo auctum, & ornatum obstitisse; & cum ut balbutientem improbasse. tum Carolus placide statim; vere, inquit, locutus est: ut amicus admirans obmutesceret. Eandem moderationem multò facilius in eos seruauit, quibus in eius causis aliqua potestas erat; quidquid ij statuissent, contra quàm vellet, expedireue iudicaret ecclesiæ suæ. grauitè sæpe dolebant eius minime stulti procuratores; multa querebantur. ipse vero non solum non incendebatur; sed suorum agendi modum potius temperabat. Nunc ad ecclesiæ administrationem propius est accedendum.

Ecclesiæ suæ
coram custo-
diendæ, ac iu-
uandarum a-
nimarum cura
CAP. XXIII.

SINGULARE quoddam diuini cultus, & humanæ salutis studium Carolus in sibi semper ostendit; ex quo de medio prosperitatis humanæ cursu, ad meliorem statum diuino munere reuocatus est. cumque Tridentini concilij decreto, ne Cardinales quidem excusari vidisset, quin residerent in ecclesiis suis; ideoque in sede sua Mediolanensi perpetuo sibi manendum constituisset; quotidie magis ad commissi gregis commoda, salutaresque progressiones affectus, & incensus; in eo custodiendo, atque omnibus rebus iuuando, mirificam adhibuit attentionem, vigilantiam, ac laborem. Qua in re naturali facultate quadam non mediocriter cum iuuari concessit Deus: ut quibus in rebus sibi elaborandum constituisset, iis se rebus penitus, totumque daret. Ita certe se totum ad ecclesiæ suæ curam retulit; ita ei sese mancipauit; ut eius gratia, & commodo amplissima donauerit; propter eam administrationibus se omnibus exoluerit; ipsum præclarissimum Cardinalatus gradum, si ita oporteret, ob eandem causam dimittere, quòd temere non dico, paratus fuerit. in ea denique cura omnia studia, omnes animi, corporique vires posuerit, & consumpserit, usque ad mortem. Cumque videret, quantum ex præsentis Pastoris ipsius custodia grex ad vberes Domino fructus ferendos, iuuaretur; præsentiam ipsam, residendi que in suis ecclesiis continuum studium summopere semper commendauit; ac Episcopis omnibus toto animo persuadere conatus est. qua commendatione, ac cohortatione profecit in multis: qui eius senten-
tiam

Ut sua ecclesia
coram consule-
ret etiam Car-
dinalium
dimisisset.

Ut Episcopi in
suis ecclesiis re-
siderent totum
scribis nite-
batur.

tiam secuti; vel sese ad ecclesias suas retulerunt; vtilitateque perspecta, gratias egerunt: vel, si residere nollent, munere ipso se abdicarunt. quibus Carolus ex animo gratulari solebat, quòd absentiam a grege suam adeo non tulissent; vt pastorale munus potius sibi renunciandum existimarent. at Pontificia quoque auctoritate iuberi, quos opus esse viderat, in primisque suæ prouinciæ Episcopos curauit; vt ecclesias suas præsentibus administrarent. Cardinalem cum esset cohortatus, vt in ecclesia sua resideret; ille vero sese excusasset, quod non magnam ecclesiam habens, eam potius deberet aliena opera, custodiaque administrare; respondit, ne dum multa millia, vel animam solam am-

Pia, eaque mirabilis sententia.

plissimi cuiusuis Antistitis præsentibus custodia dignam. Cum Subalpinae regionis ecclesias visitandas audiisset sibi destinari; omni ratione onus a se auertit, ecclesiæ suæ necessitates excusans. at non eodem modo, de prouinciæ Mediolanensis ecclesiis; quæ ob coniunctam metropoli administrationem, iusque metropoliticum in eas, ad eius curam aliquo modo pertinebant. In Heluetios sibi, Rhætosque eundem, ac tantopere de eorum salute, vt narratum est, ideo sibi laborandum putauit; ne mala eorum propinqua possent ad ecclesiam suam peruenire. De cetero absentiam ab ecclesia sua diligenter vitauit. ne ipsæ

Absentiam ab ecclesia sua vitabas.

quidem de iurisdictione ecclesiastica controuersia, potuerunt cum a grege suo paulum auellere. Quando autem, vel creandi Pontificis causa; vel ad Apostolica limina visenda, Romam proficiscebatur; quam citissime posset, redire maturabat: nisi, quòd semel, atque iterum euenit, iussu Pontificis menses aliquot moraretur; ad aliquid instituendum, quod toti prodesset Ecclesiæ. Quòd nisi ita sensisset, fecissetque; tanto profecto, neque in publicis ecclesiæ gubernandæ rationibus, neque in priuata sanctitatis disciplina, consequi potuisset. dicebat enim ad vtramque rem valde se incitari; cum eo se loco esse vnum sentiebat, quòd spectarent reliqui omnes; & vnde virtutis exemplum sibi quisque petere deberet. commoueri que vehementer, quòd suis quotidie oculis aspiceret filiorum necessitates; tum vero animum eorum, ac voluntatem tantum in via salutari progredi paratam;

*Pro animarum
salute quæ fla-
graret chari-
tate.*

paratam; quantum patris amore, studioque iunaretur. Animarum charitate sic flagrabat, vt dignitatis suæ quodammodo oblitus, eorum presbyterorum conditionem quandoq; toto corde videretur expetere; qui agrestibus, asperisque locis parochias habentes; inopem, laboriosamque vitam in curatione animarum agebant. ibi demum charitatem ostendi posse, cui nihil humani desiderij, commodiue esset admistum. Hanc suorum oblatoꝝ præcipuam esse virtutem cupiens, docebat eos frequenter; quàm vehementer eam quæri, colique ab iis conueniret, qui se Dei ministros profiterentur. memoria teneo, cum in ædibus esset, quæ Canonice nomine appellantur; quotidie certa hora multos eius collegij clericos, qui nomen in Oblatoꝝ societatem dederant, aduocasse; sententias ex Euangelio selectas, quæ ad eam rem maxime valerent, tradidisse, ac diligenter explicasse: de quibus altero die, cum interim eas meditati essent, singillatim interrogabat, quid sensissent. quam quidem exercitationem miro studio, ac etiam abiectione obiuit complures dies. quod cum aliquando faceret, præcipuo quodam affectus ardore, ad nos conuersus, Quàm libenter, inquit, nisi hoc essem loco, eam amplecterer conditionem; vt bono Episcopo deditus, nulloque stipendio, certoue hospitio nixus, huc illuc animarum causa mitterer, nulla cuiusuis incommodi, vel laboris habita ratione. Eorum ille quidem res minime cognoscere studebat, qui suæ curæ non essent: neque operæ aliquid suis subtrahendum putabat, vt aliis tribueret: cumq; aliquando quispiam suaderet, vt pro Cardinalatus officio, eam personam suscipere vellet, quæ ad vniuersam spectaret Ecclesiam; vt quid vbique opus esset ad pietatem recte colendam, & nosset, & prouideri curaret: ei rei se assentire non posse dicebat; propterea quòd ante omnia sibi ecclesiam suam curandam ex sacris legibus agnosceret; cui ne totis quidem viribus suis, totoque vitæ curriculo posset satisfacere. Sed quia tamen multa nunciabantur, multi ad eum confugebant; & omnino de rebus externis multa cognoscere necesse erat; officiis, admonitione, consilio, etiam longinquis sæpe subuenit. De ecclesiis, prouinciisque subleuandis, aut

com-

*Qua sua cura
non essent res
minime cognoscere
studebat, charitatis
tamen officio e-
gentibus opem
ferebat.*

componendis; de legatis mittendis, visitationeque mandanda, ad Pontificem sæpe retulit. maxime vero frequenti supplicationum publicarum exercitatione, res Ecclesiæ totius Deo curabat commendari. De regularium quoque disciplina monebat quos oporteret. omni officio, studioque regulares ordines, iuuabat. Sed ita tamen, vt in ecclesia sua administranda interim desudare non desisteret.

Regulares ordines iuuabat.

CONCIONANDI munus, quod præcipuum Episcopi esse Tridentinam synodum iudicasse viderat, studiose in primis suscepit. ac primò Romæ, vt est demonstratum, remotioribus locis sese in eo exercuit. Mediolani deinde sedens ad altare, neque admodum frequenter, verba fecit. donec calamitosissimo pestis tempore in suggestum ascendere; frequentiusque ad populum necessitate pene coactus, cœpit concionari. Institutum semper deinceps tenuit: & quod initio difficillimum experiebatur, vsu paulatim facile admodum sibi reddidit. Cum in priuatis sermonibus ex præcipiti quadam pronuntiatione, verba frequenter minus expressa proferret: mirum in modum id vitij publice dicens temperauit. at aliud item erat impedimentum quodammodo contrarium; quodd ægre verba inueniebat, quibus animi sui conceptiones explicaret: idque ea fere de causa, quia verborum momenta singulari quodam iudicio ponderabat; non solum, vt quod volebat proprie significarent; quod quidem magis commune est; sed etiam vt decorum quoddam haberent homine sacro, & Antistite dignum; de quo non in locutione solum, sed in aliis omnibus limatius ipse, quam alij plerique, solebat iudicare. exiguitas quoque temporis ad legendū, meditandumque dati, erat impedimento. neque enim poterat ab occupationibus tot, tantisque districtus, maius, quàm antecedentis fere noctis spatium ad id sibi sumere. In hisce difficultatibus & naturæ, & muneris, sibi tamen committendum minime existimauit, vt tam graues partes suas relinqueret: quod sacri nonnulli homines interdum suaserunt. At vero cum ad se concionem tantum pertinere iudicaret, quantum & Tridentina

In concionibus habendis studium.

CAP. XXIV.

Pronuntiationem in concionibus se temperauerit.

Diligentiam in concionibus adhibebat, licet multis non careret impedimentis.

constitutio, & ratio, diuinaque confirmaret auctoritas: habilitas etiam tanta erat; tantum personæ grauitas; & in vultu, motuque omni sanctitas, paternusque animus elucens, efficiebat; tantum res ab eo sanctissime ac prudentissime dictæ valebant; vt ad eum licet crebro concionantem magna concurreret multitudo, quæ dicentem attentissime audiret. non multi quidem nobiles; sed ij, quorum debebat salus esse charissima. In eo genere, sicuti alias semper, facultati suæ minus etiam tribuens, quàm ipsa res pateretur; eam sibi in dicendo tenuitatem vsui esse contra elationem animi, nimiumque erga se ipsum amorem; & propterea gratam dicebat: quoniamque fructum eorum, quantuluscumque esset, nolebat deperdi; qui curioso doctrinæ, ornatæue orationis studio, conciones cura & vigiliis elaboratas quærunt: concionatores eorum item causâ curabat in eo genere excellentes haberi. Ipse aliis contentus, satis interim suo muneri, pioque plurimorum desiderio faciebat; tum saluari piæ multitudinis fructu potiebatur. At enim diuino quodam spiritu, præter morem, interdum etiam præter meditata, sic ferebatur; vt omnes commoueret vehementer. Ad ecclesiasticos autem homines verba faciens; cum ipse cœlesti quodam ardore inflammaretur, diuinas etiam quasdas dicendi faces animis auditorum videbatur admouere: dum grauissima presbyterorum, altissimaque munera commemorans; ex altera parte, quàm lente, quàm oscitanter, quàm fœde nnnnumquam, ab iis administrarentur; diuinitus ostendebat. de me ipso affirmo: cum ad eum audiendum, vt aliàs sæpius, in synodo esse pro modestia sua iussisset; si quid in rebus, voce, gestu obseruarem, de quo moneri illum oporteret: occulta quadam verborum illius vi, mentem meam subito ab ea obseruandi attentione abductam; ad diuinas sententias, quæ loquebatur, ita conuersam, atque adeo raptam fuisse; vt quam ob causam eò vocatus essem, oblitus, toto animo in eius oratione defixus tenerer: tum, quasi aliquid rebus humanis maius viderer aspicere, atque audire; mecum, quotquot vbique sacri diuinarum rerum administrari essent, ibi adesse optarem: demumque ad satis prolixæ concionis exitum

Qui nam libenter Carolū concionantem audirent.

Quo ardore ad ecclesiasticos verba faceret, quidne efficeret.

exitum nimis celeriter me adductum, cum dolore sentirem. Commemoratus antea in toto clero synodi tempore animorum motus, satis idem confirmat. Porro res ipsæ, materiesque concionis, iudicij semper, & ingenij; in primis vero pietatis cuiusdam exquisitæ lumen præseferbant. eadem materies plurimumque diuinarum litterarum locis nitebatur: ius enim libris perlegendis, & meditando fere consumebat, quidquid ad eam rem dabatur otij. Prophetis maxime studebat: qui loci aptissimi essent ad huius temporis usum, eos habebat in promptu, tractabatque accurate. ad eam rem, tum ad vniuersa, quæ inciderent concionando, Ludouici Granatensis scriptis utebatur plurimum: cuius hominis alioqui penitus ignoti, religionem, iudicium, doctrinamque multis libris declarata, adeo amauit, & obseruauit; vt familiariter, amicissimeque per litteras salutaret. neque ipse solum, quàm eius labores sibi grati essent, sæpius significauit; sed vt Pontifex Gregorius litteris suis idem publice testaretur, effecit. immo curasse scimus, vt in Cardinalium collegium ille cooptaretur. optimus vero senex eum contra ob singularem virtutem, religionemque colebat obseruantia singulari, mirumque in modum eius eximiis virtutibus, rebusque gestis lætabatur: de quibus vt scriberemus, sæpius vrgendo nos appellauit; & ad rem perficiendam suis precibus, viuens, & vt spero post mortem, amanter iunxit. Postremo vero Carolus amplam sibi ipse locorum, sententiarumque siluam comparabat, ex diuinis scriptis in primis; sed ex aliis quoque sacris libris: tum ex probatis etiam sanctorum virorum historiis, salutarium copiam exemplorū: quibus omnibus distincte, ordineque sepositis, ad diuersas conciones vti posset, quotiescumque usu veniret; cum præsertim propter occupationes, spatium minime daretur singillatim cōquiritendi. Varia genera mente comprehendebat, de quibus sibi essent verba ad populum facienda. tum diuinos libros attente legens; quod in quoq; genus conueniebat, illud notabat diligenter; ac distincte describi iubebat. ad varios usus siluam cōformabat suam: sed elaborauerat in primis in iis colligendis, quæ ad sa-

Materies de qua in concionibus, quibus scripturarum loci niterentur.

Ludouicum Granatensem plurimum amauit, & obseruauit.

Vnde sibi locorum sententiarumque siluam comparauerit.

crisque libris aliis, ac rhetoricis quoque, multa colligi iussit, libellumque edi; quo ad sacra prædicationis munus rite, decore, fructuoseque obeundum, vitiaque multa fugienda, concionator monetur. ob eandem causam Valerij, Granatensisque de arte rhetorica libros ad ecclesiasticam tationem formatos, a suis adhiberi iussit: & eiusdem Granatensis conciones Mediolanensibus typis imprimi; ut eas unusquisque parochus in primis, tum alij quoque facilius sibi compararent. nam in eis auctor, ad omnia concionum genera studiose locos suppeditauit. Episcopos etiam, quotiescumque se occasio offerret, hortari non desistebat: & cum ad eum Mediolanum venirent, contende-
bat: ut sanctis cohortationibus de suggestu populum ad studia pietatis excitarent. ac raro quidem, nisi manifesta essent naturæ, doctrinæque impedimenta; quamuis sæpe resisterent, & pene molle ferrent; dabatur facultas elabendi. quod quidem minime consequi potuisset, si, ut quidam suadebant, desisset ipse; ne si quidem minus ipse fuisset in eo genere frequens. Itaque festis diebus semper concionabatur; interdum non mane solum, sed etiam vesperi. in Quadragesima vero, partitis æqualiter cum alio concionatore diebus; nisi, quod infrequentiores fere sibi ipse reseruabat. In omni quoque Pontificio munere obeundo: nam siue homines initiandi essent, siue dedicanda ecclesia, vel altare; siue ænea vasa ad populum conuocandum consecranda; velanda virgo, eiusque sacra professio recipienda; sacramentum aliquod administrandum; publicæ supplicationes habendæ; ecclesia recognoscenda: concionem addebat semper; idque ad mysteria, quæ tractaret declaranda; ad populum pro eo quod in præsentia opus erat, commouendum; omnino ad fructum astantium salutarē. Cum ad concionandi munus duo sibi necessaria iudicaret preces, & lectionem; si forte; quod sæpius euenit, angustia temporis; & ad precandum, & ad libros euoluendos spatium non daretur; precationem præferebat lectioni, meminique, cum ad collegium virginum verba faceret, cum opportune narrasse; sibi eodice valde occupato in dubium venisse; vtrā re paululum quod erat temporis, consumeret, legendo, an orando; & eam voluntatem,

Libellum de modo in concionibus obseruando editus.

Episcopos & concionarentur hortabatur.

Quam esset in concionibus frequens.

Duo sibi ad concionandi munus necessaria indicabat.

Pastorales litteras ad populos scribebat.

tatem, ut dæmonis dolum repudiassent, quæ ad libros potius incipiebant. Quoniam vero Pastoris vox ad omnia loca peruenire non potest; ut eius tamen monita quamplurimi non solum in vrbe, sed etiam in agro facilius acciperent; litteris usus est, quas pastores appellant: quæ quidem, exemplis typorum arte multiplicatis, per ecclesias promulgarentur, & per loca omnia disseminarentur. his utebatur cum grauis inciderat causa, quam obrem populi monendi, docendiue essent, quod ad communem salutem pertineret.

*In catholica fide tuenda, & Apostolica Se-
de colenda.
CAP. XXV.*

Quæ ad catholicam fidem tuendam pertinerent, summo studio curauit semper. decreta ipsa in hoc genere sancita per se loquuntur; gesta que per eum, in Rhætis, Heluetiisque, tum alibi quoque, sicuti narrauimus, demonstrant. sed causarum, quæ ad fidem pertinentes, vel Mediolani agerentur, vel Romana auctoritate illi mandarentur, accuratissima tractatio itidem declarauit. libris importandis, edendisue, ne quid periculi fidei, vel moribus afferretur; religiosi, doctique hominis assidua cura providebat. Consultationibus earundem causarum ipse intererat: diligenter Romam, quæcumque in eo genere opus essent, sua plerumque manu perscribebat. Præterea in vrbe Mediolano, tamquam in sublimi quadam specula collocatus, totam hæc Italiæ regionem alpibus viciniorem singulari vigilantia custodiebat. locus vero est ob proxima pluribus ex partibus pericula, satis opportunus: nam & Romani Imperatores hanc urbem, quasi Italiæ propugnaculum, contra nationes transalpinas quædoque habuerunt. Ad Subalpina regionis custodiam, quantum eius consilia, atque actiones valuerint, huius loci, vel temporis non est explicare. Si quid ubique toto hoc tractu oriretur huius generis incommodi; providebat; Romam nunciabat. nam pii, & religiosi viri ex omni parte ad eum potissimum, quæcumque acciderent, tamquam ad rerum diuinarum, salutariumque vigilantissimum custodem, procuratoremque diligentissimum omnia deferrebant. Cum militum Germanorum cohortes nonnullæ, donec alio vocarentur, essent in diocesi collocatæ: multorum

Mediolanum loco opportuno est constitutum.

Ad Subalpina regionis custodiam, quantum eius consilia & actiones valuerint.

Quid cum militum Germanorum cohortibus effecerit.

torum

torum impietatem ex publicis factis quibusdam odoratus, eò venit ipse; licentiam repressit; Gubernatorem monuit; litteras ad Philippum Regem dedit; malum auersum est. Apostolicam Romanam Sedem summo semper honore veneratus; eius dignitatem, auctoritatemque religiosissime tueri studuit, & pro-
 pagare. Apostolicis mandatis suscipiendis, promulgandis, ex-
 quendis; nihil apud se unquam ad honorem, atq; reuerentiam summæ sedis debitam deesse voluit. neque si opus fuit, fortitudinem suam passus est in hoc genere desiderari. ac litteras quidem Apostolicas cum acciperet, aperto prius capite, venerans osculabatur. Quidquid in priuatis, publicisque rebus non satis certum incidebat, considerandum, iudicandumque Romam deferrebat semper. Quæ illi, vti ecclesiæ Antistiti veniebant in mentem, quæ ad meliorem rerum statum Romæ fieri oportere putaret; ea modestissime suppeditabat. pii homines pluri-
 mi, si quid rectius publice faciendum existimarent; ad eum referrebant: quorum si quis immoderato seruire commotus, paulum modestiæ fines transiret, grauer reprehendebat: neque enim æquum iudicabat; vt vel ipso nimio pietatis ardore debita Principibus Ecclesiæ reuerentia pelleretur.

*Apostolicam
 Romanam Se-
 dem qua Gene-
 ratione sit pro-
 secuta.*

RITVS, & cœremonias ecclesiasticas exquisite cognoscere, seruareq; studuit: quo de genere certum sacerdotum numerum delegit, qui consultarent, cum dubitationis aliquid afferretur. nec vero grauabatur consultationi præesse, diligenterque de iis quoque diu disquirere, quæ leuia sæpe vulgo putantur. nihil enim ad diuinum cultum pertinens, non dignum arbitrabatur, in quo curam, diligentiamque collocaret suam. Cœremoniarum magistrum, honestis tributis stipendiis in ecclesia maiore constituit. Romæ, quod antea tetigimus, idem studium iuuit, consultationemque Cardinalium ad id constitui curauit: quos ipse in primis consulere solebat frequentissime. Huiusmodi cognitione curabat clericos omnes, eos præsertim, qui in seminario alebantur diligenter institui. ac ea quidem peritia solebat in ecclesiis Mediolanensibus, præsertim in ecclesiæ maioris
 sacris

*In ritibus, &
 cœremoniis
 obseruandis:
 CAP. XXVL*

*Quid pro riti-
 bus ecclesiasti-
 cis tum Roma
 tum Mediolani
 curauerit.*

In episcopo quodam quid fuerit obseruatum.

sacris officiis, magno fructu pietatis, elucere. In ipsis laicis non vulgaris sæpe cognoscebatur huius generis obseruatio. Cum Episcopus aduena post Caroli mortem, Missæ sollemnia celebriter agens, mitram ab altari ad thronum rediens deposuisset, Gubernatoris salutandi gratia, qui erat extra cancellos; mulier eratum notans; ne vultus quidem significatione, mitratum Carolum dixit, quemquam extra cancellos salutasse. Quoties minus vñsatum aliquid agendum esset in ecclesia; tunc in primis consulebat, quæ ipsi in eo genere agenda, vel cauenda essent; ad ea libris allatis, ritu omni consideratò, experientia adhibita, sese diligenter parabat. Ita plene, perfecteque curabat instituta sacra omnia exequi; vt eo ipso die, quo ex hac vita abiit, tantulo allato cibo, preces ad eam rem clericis præscriptas, ante, & post integras obiret: quibus psalmum quinquagesimũ ex Ambrosiano ritu inferere semper solebat. cum iussisset ob magnam in eo genere plurimorum ignorationem, omnes ante sacram confessionem symbolum Apostolorum, Decalogumque cum Domini- ca oratione, salutationeque Angelica recitare; ipse, quò ceteri facilius facerent, eadem prius quotidianæ suæ cœpit præponere confessioni.

Instituta omnia & plene obseruauerit.

Ambròsianitus, & reliquiarum conseruatio.

CAP. XXVII.

ECCLESIAE suæ proprios, quos habet ritus, studiose conseruauit; ea præcipua, vt dicebat, ratione; quòd non Mediolanenses solum; sed auctoritate, atq; approbatione Romani essent, & Apostolici. Cum ad corrigenda librorum ecclesiasticorum menda, quæ superiorum temporum vitio irrepserant, aggrediretur; quæ quidem fuit eius non postrema cura; fuere qui suaderent, vt eo labore omisso, Romanos potius eligeret, & in ecclesiam suam induceret. quod ille sibi in tantæ antiquitatis, auctoritatisque institutis, neque ex toto, neque ex parte faciendum; neque aptam eiusmodi Ecclesiæ varietatem, quam sancti Patres probassent, sibi tollendam constituit. nam proposuerunt etiam quidam, vt quia primam Quadragesimæ Dominicam restitueret, quatuor quoque alios dies ex communi consuetudine curaret addi; ille vero ritus ecclesiæ suæ restituendos, non autẽ mutandos

randos affirmabat. Quidam prouinciæ Gubernator a Pontifice summo postulauerat; vt ei liceret, vbicumque Missæ interesse velleret, Romani ritus sacrum adhibere: quod Carolus cum audiisset, Pontifici persuasit, vt negaret. Ita sentiebat; quoniam ritus ecclesiæ Mediolanensis iam inde ab antiquis temporibus consensu Apostolico probarentur; expedire quoque, eos quantum fieri posset, integre seruari; neque diuersa ratione confundi. quotiescumque autem sibi aliquid in hoc genere defendendum esset; accurate admodum, litterisque sua manu scriptis, id faciebat. Breuiarium emendatum edidit. Missale cum esset in manibus, mors intercessit. sed tamen omnem ante rationem libello ediderat, qua clericus inseruiret Missæ. Sacramentale, sic enim appellant, descriptum quidem, sed nondum a se plene recognitum cum reliquisset, nuper editum est. in quo præter ritus ecclesiæ Ambrosianæ proprios, quamplurima ex decretis conciliorum, & ex diuturno vsu, describi iussit, ad sacramenta pie, decenterque quocumque ritu administranda. In Rogationibus triduanis, quas sancte admodum inter alias ecclesias, Mediolanensis retinuit; cum nonnulla corrupte introducta correxisset; librum quoque diuinarum precationum, quæ per varias ecclesias, certo ordine diebus iis habentur, instaurauit. Præter festum Protasij, Geruasijque sanctissimorum martyrum, patronorumque diem, vt tetigimus, restitutum; vt tota quoque prouincia S. Ambrosij dies, qui est VII. id. Dec. festus ageretur; immo eiusdem memoria, quotidiana commemoratione, statis horis publice coleretur, prouinciali decreto curauit. quod idem diei sancti Barnabæ Apostoli tribuit, vt ecclesiæ Mediolanensis fundatoris. Quemadmodum sanctorum reliquias religiosissime coluit: ita quas habet ecclesia Mediolanensis plurimas, tum colius sanctius, tum conseruari, ac augeri diligentius curauit: id quod ab eo celebratæ translationes; & quam in iis recondendis adhibuit, adhiberique decretis prouincialibus constituit, exquisita diligentia, satis demonstrat. harum cognitioni, curationique certum sacerdotem præesse iussit. At illud etiam decreto ea de re sancito curauit; vt nemo priuatim eas haberet; sed in sacris lo-

Ne Pontifex quidquam contra ritum Ambrosianos Gubernatori Prouincia concederet, curauit.

Breuiarium emendatum edidit, Missale morte præuentum emendationem perficere non potuit.

Sacramentale descriptum reliquit.

In Rogationibus corruptelas sustulit, librum diuinarum precationum edidit.

Quorundam sanctorum dies festos obseruari curauit.

Sanctorum reliquias et colui, augeri, & conseruari studuit.

cis omnes relinquerentur. Cum autem providere veller, ne illæ ab ecclesia sua vmquam auferrentur; neque prouincia Mediolanensis, quantum fieri posset, tali vmquam præsidio spoliaretur; præter id quod in concilio decreuit ipse; Pontificias etiam litteras obtinuit; quibus anathematis adiecta pœna, prohibetur; ne quis reliquias extra prouinciam ferat; neque quæ in ecclesia quauis locatæ sunt, ab ea possint auferri.

De rerum sacrarum cultu, sacrisque nonnullis institutis.
CAP. XXIIII.

DE S.^{mis} Sacramentis, rebusque sacris omnibus, quæ constituerit, effeceritque; huius loci non est explicare narrare: alioqui decreta, præscripta, monita, quæ multis eo de genere conscriptis libris continentur, oporteret huc transferre. Verùm sacramentorum administrationem ad animarum fructum, decetiamque sacram sancte conformauit. canonicarum precum ritum, ac dignitatem restituit. diuina munera, officiaque omnia rectius ordinauit. Pontificias celebritates, & munera imitatione veterum instaurauit. sacri chori disciplinam, silentium, reuerentiam, ordinem, apta indumenta; censuram item errantium, constituit. non risus eo loco, non collocutio, non somnus. intra cancellos laicus nullus, quacumque is esset dignitate. cumque rumoris nonnihil esset Philippum Regem Mediolanum venturum; percunctanti, quid tandem putaret, si Rex venisset; num & ipsum recusasset in eum locum recipere: pro suo eximio disciplinæ ecclesiasticæ studio Carolus respondit; sperare se, ne ipsum quidem Regem, ut eius erat egregia pietas, eò peruenturum; maxime cum argumenta sua cognouisset. Qui musice canerent in ecclesiis, eos clericos, si fieri posset; alioqui tunica clericorum simili, & linea veste saltem indutos, & certo loco separatos, constituit: qua consuetudine etiam ipsius Gubernatoris cantores, si ad ecclesias adducerentur, contineri volebat. Regulares viros non ita libenter in eorum numerum admittebat; præsertim si regulæ seueriori addicti essent: nam & omnino musicam ab eorum ecclesiis alienam putabat. Quæ canerentur, ea non solum sacra, sed ad præsens officium accommodata, esse iussit; cætumque ita temperari, ut verba intelligerentur. Altaria ex eius præscripto

Intra Cancellos, laicos non admittebat, & quid de Philippo Rege sentiret.

Quos musice cantores in ecclesiis admiserit.

scripto decore munita fuerunt, & instructa; sepimētum ab omni parte; certi gradus; tegumen alte superimpendens: ad instruendum, ornandumq; vestis, & supellex varia, & decora clericus plerumque; cum superpelliceo certe, quicumq; esset, sacrificantis administer. sacraria ipsa nitida, & ab omni importuno hominum ingressu libera. supellex non integra solum, & munda; sed apte, decoreq; collocata, & pro temporum, dierumq; varietate plene cōparata. Imagines, & inscriptiones probari voluit prius ab eo quem eirei præfecerat, quam in ecclesias admitterentur. Sedes in ecclesiis præcipua cautione præscriptæ, quibus ad maiorem modestiam, interposita tabula presbyteri foeminarum confessiones ita audirent, vt impediretur aspectus. Sellas altiores, summis quibusdam viris exceptis, ob sacrorum reuerētiā adhibere permisit neminem. Magistratibus tamē sedes a multitudine separatas constituit. Missæ sacro, vtroque posito genu, semper, si tempus excipias euangelij recitandi, omnes interesse docuit: vt non minus rarum postea fuerit, stantem, nedum sedentem videre, quam antea genibus nixum. in ecclesiis mares a foeminis, etiam tabulatis interpositis, vt iam cōmemorauimus, distingui iussit: foeminas autem ipsas caput velo contectum habere; quamquam difficilior ob ornamentorum corruptelam id videbatur. Quæ in ecclesiarum lateribus essent, ianuas clausit; vbi commoditate inuitati homines, per eas indecore, quasi per vias, neglecta sacrorum reuerentia; transire possent. quæ res ad separationem quoque foeminarum melius tenendam valebat. Cadauera in sacris locis sublimia; signaque militaria sepulchris apposita, in suis, alienisque ecclesiis, quas visitauit, sustulit; licet clarissimorū Ducum suorum eiusmodi monimenta studiose ciuitates retinere cuperēt. Ecclesiæ omnes, quotquot in dicecisi tota numerantur, eius iussu, operaque restitutæ sunt; atque ornata: multæ de integro, veteribus dirutis, ædificatæ. omnium formas in ecclesiæ tabularia iussit afferri: vt quid factu esset opus, cum vsu veniret, facile posset iudicari. nihil autem ædificari, dirui, mutari licuit, primariis eius adiutoribus inconsultis; quamquam pleraque cognoscebat ipse, & magna etiam

Altaria Simoni carauerit.

Qualia sacraria & supellex.

Imagines & probari soluerit & sedes in ecclesiis permiserit.

Missæ sacrificio & omnes adesse docuerit, quane ratione mares, & foeminas.

Cadavera in sacris locis sublimia sustulit.

Ecclesia omnes iussu suo ornata, multa construlla.

Librum de fabrica & suppellectile ecclesiastica Ludouici Moneta opera & suis, edidit.

ex parte memoria tenebat vniuscuiusque ecclesiæ formam. Vt autem & ipsa ædificia sacra, & earum suppellex decenter vbique haberetur, libellum de fabrica, & suppellectili ecclesiastica edidit; in quo vniuscuiusque loci, instrumenti, indumentique ecclesiastici genus, formam, mensuram, numerum diligentissime præscripsit: quarum quidem præscriptionum, omnisque diligentie, quæ ad fabricam, suppellectilemque sacram pertineret, Ludouicus Moneta præcipuus administer, consiliariusque fuit. Huiusmodi studium fecit, vt sacri homines, qui Archiepiscopali auctoritate non continentur, communi quadam incitatione ducti, suas item ecclesias, ecclesiasticasque res reficere, ac ornare; tum diuina etiam munera decentius obire curarent. Insignis ecclesia Raudensis Virgini dicata eius iussu confluentisque multitudinis liberalitate, cœpta est ædificari; cum anno M. D. XXCII. in remota vici ædícula, ad eius imaginem inuocata virgine, multa mirabiliter impetrata essent: quæ nos legitimis testimoniis confirmata, vera esse comperimus. Instauratio quoque basilicæ S. Laurentij; cuius amplissima testudo rotunda corruerat, eius iussu ita inchoata est; vt ab eo etiam de suggestu prædictum affirmant eius parochiæ viri graues; magnum subsidium illud, quod eo mortuo, Virginis munere simili; a nobis itidem comprobato, concessum vidimus. His rebus omnibus etiam ipsa vrbs artificia incrementum acceperere non mediocre: quæ in ecclesiis ædificandis, cædendis lapidibus, vasis fabricandis, vestibibus sacerdotilibus efficiendis, opere vario, ac multiplici versantur. De septem ecclesiis, totiusque anni stationibus, supra diximus; ad Romanarum similitudinem in vrbe constitutis. Quotidianam precationem instituit, quam indulgentiâ proposita populus vniuersus haberet, certo sub noctem exaudito campanarum sono. Festis diebus in parochorū ecclesiis certas supplicationes pro publicis rebus, temporumque difficultatibus pium populum habere curauit. In vnaquaque parochia sancti diem, cuius nomine ecclesia dedicata est, honore præcipuo colere vicinos iussit: tum ieiunium quoque pridie seruare cohortatus est. sacras exercitationes nullo tempore passus est deficere; ad augendam

Quotidianam precationem instituit.

Sancti diem, cuius parochia esset dedicata in eam & vicinis coluit.

dam semper populi pietatem, mane, ac vesperi frequentes conciones: crebræ variis de causis sacræ celebritates: magna semper in ecclesiis populi frequentia: ad officia pietatis alacritas: celebris vbique sanctissimorum sacramentorum administratio, festi dies ab omni mercandi opere, præter necessarium; tum a profanis spectaculis, choreisque fere ex toto vindicati. ieiunia restituta. sed de his hæcenus: salutaria enim instituta; corruptelasque diuini honoris gratia sublatas, infinitum prope esset enumerare.

Multa alia pie instituta.

OMNIA Pontificalia munera magna voluntate obibat ipse. excurrebat longius, cum opus erat ad ecclesiam, altare, campanam, & eiusmodi alia consecranda. huiusmodi administrationis gratia; neque laboribus, neque incommodis parcebat ullis: neque tempestate, vii sue etiam deterrimis vmquam retardabatur. Ea vero tam ad se pertinere secum statuerat, vt licet aliquando, de Vicario generali recipiendo, qui episcopalis ordinis erat, ageretur; denunciauerit tamen, nolle se in eum eiusmodi munerum aliquid transferre. Ac his minime contentus, ad alia item veniebat, quibus ad conficiendum Pontificia dignitas necessaria non esset: veluti vestitus est sacrarum virginum, ac professio. Sic officium suum Deo præstabat, gregique sibi commisso cumulatius; sacris functionibus maiorem conciliabat auctoritatem: tum res ipsæ, ad actionis decus sanctius, & ad euentum fructuosius administrabantur. iis eò plus honoris tribuere hoc tempore conuenire iudicabat, quò magis hæretici detrahere conantur. Sacramenta, quorum est etiam presbyterorum administratio, sæpius ipse tamen obiuit: baptismum, stato tempore Paschali, ad similitudinem antiqui ritus; quo tempore ciuitatis infantes iubebat ad id reseruari: præterea quotiescumque rogatus, pietati viri principis alicuius ea in re satisfaciendum putabat. Eucharistiæ præbendæ labores iam pluribus attingimus locis: erat enim in eo genere frequens. Pœnitentiam interdum ministrare, ab Episcopi officio alienum non putauit: & Episcopos commendauit, Nicolaum Cremonensem, Hieronymum Bergomensẽ, Franciscum Vercellensem, cum id quandoque fecissent.

Sacra munera quæ obibat.
CAP. XXIX.

Sacramenta quorum administratio ad presbyteros etiam spectat, sæpius obibat.

fecissent. seq; idem velle demonstravit; licet, quod sciam numquam perfecerit, Vñtionem extremam tribuit pestilentię tempore, sicuti narratum est. matrimonium sæpius celebravit. idq; libenter primariis viris concedebat: vt ea via sponso ad matrimonium sancte contrahendum adduceret; immoderatasque cohiberet nuptiarum voluptates.

Eius erat non dissimile studium in munerum functionibus exquisite requirendis; quæ ad inferiores clericorum gradus attinent: quibus singulis quid assignaretur officij distincte declaravit; & vnumquemq; iussit singillatim obire, dum per eos gradus prouheretur. viri graues, etiam dignitate, genereue præstantes; quique confirmata, interdum etiam prouecta ætate, ad ecclesiasticum ordinem transibant, humilis tamen clerici munia exquebantur; nunc custodienda, mundandaue ecclesia; nunc ære conuocationis gratia pulsando; alias vasculum thuris ministrando; aliàs presbyteris sacrum facientibus, vel Eucharistiam distribuentibus inscruendo: quæ quidem ad populi documentum, ad sacrorum dignitatem, ad fructum eorum qui faciebant, mirum quiddam valebant. neque vero quemquam ad superiorem ordinis gradum admittebat; cuius de inferioris functione adhibita testimonium non videret: id quod etiam provinciali decreto sancierat.

Cum permagni referat in Ecclesia; quæ de hominibus in sacrum ordinem recipiendis, vel ad sacra munera admittendis disquisitio habeatur; de qua grauiter veteribus Ecclesiæ decretis, recentibusq; præceptum est: tum de moribus, tum de litteris periculū fieri diligenter iubeat: siue quis ordinandus; siue ecclesiastico muneri perpetuò deligendus; siue ad confessiones audiendas, concionesue habendas admittendus esset. qua in re nimis exquisitam interdū interrogandi diligentiam questos esse nonnullos audiuius. Carolo quidem ea res cordi vehemēter erat, vnde populorum salus magna ex parte pendere videtur. satis erat illi tamen, quantum rei grauitas posceret, tantum in ea poni sedulitatis. At erat ab eo quoque alienus, vt cuiquam in eo genere

Clericalium
munerum
functiones.
CAP. XX X.

*Viros graues
ad ordines pro-
motos humilis
clerici munera
exequi sole-
bat.*

Disquisitio de
initiandis, &
cipiendis ad
munera eccle-
siastica.
CAP. XXXI.

nere parceret: licet ob doctrinam, auctoritatemue quibusdam paulò durius videretur, communem experimenti conditionem subire. his vero de causis Carolus faciebat; quòd opinioni, ac famæ sæpe veritas non respondet; quòd alioqui doctissimus, ea quandoque negligit, de quibus agitur: omnino, quòd, si est idoneus, summisionis christianæ gratia, homo Christo consecrandus, vel iam sacer, illud fructuose pati potest: si vero minus idoneus; merito probādus offertur, vt possit repelli. præterea, vero, quia sacrorum canonum accurata custodia, quæ illi summo opere proposita erat, ita videretur postulare: ne qua parte disciplinæ sacræ, quasi rimas negligent, forte ruinæ periculum adiret. Interrogandi rationem vniciq; ordini conuenientem decretis prouincialibus expressit. Subdiaconos creandos præcipua statuerat esse probandos diligentia; quòd eo gradu diuinis sese perpetuo manciparent officiis; perpetuaq; castitatis lege deuincirent. Ab iis qui essent initiandi, certo die coram se vocatis, testimonia multa exigebat, de natalibus, de vitæ ratione, de sacramentorum vsu, de diuinis officiis, de promulgatione nominis, de patrimonio si de subdiaconatu ageretur, de approbatione doctrinæ; aliisque, de quibus hoc loco mihi explicandum non arbitror; cū ea decretis ad concilij Trid. normam descriptis contineantur, quæ sunt in promptu. Ibi vero ipse cuiusq; vultū, compositionē, vestitū diligenter considerabat, si ordini ecclesiastico essent accommodata. Subdiaconos, presbyterosq; designatos, certis ante ordinationem diebus in remotū locum venire; ibique relictis omnibus, apto aliquo sacerdote duce, salutari contemplatione sese exercere iubebat; cuius adiumento ad meliorē, sanctioremq; vitam, suscipiendiq; muneris plenam cognitionē, adducerentur. ad eam rationē tradendam a societate Iesv primò ductam, multos demum presbyteros plane aptos ipse habuit. locū ad eam exercitationem accommodatum, multis cubiculis distinctū, ædificauit, in hortis ecclesiæ, quæ Canonica nomine appellatur; & Asceteriū congruenter nominauit. Ad alios Episcopos, huiusmodi sacramenti suscipiendi gratia, fere suos non dimisit. ne vel ex eo se labore eximeret, vel aliqua consuetæ diligentia pars in eis approbandis omitteretur.

Interrogandi rationem vnicuique ordini expressit.

Quæ testimonia ab iis qui initiandi essent exigebat.

Subdiaconos, presbyterosque designatos contemplatione prius sese exercere solebat.

Cleri discipli-
na.

CAR. XXXII.

A D H I B I T A in iis diligentia, qui clericali se ordini darent; multum valuit ad cleri mores sanctitatis studio conformandos. Sed alia quoque cura, multiplicique disciplina Carolus eum in officio continere studuit. omnes alioqui non additos, ecclesiæ certæ iussit assignari; vbi festis saltem diebus diuinorum officiorum sese præberent adiutores. Quàm frequenter peccata confiterentur, & Eucharistiam sanctissimam acciperent, obseruauit: certos ex religiosioribus, sed magno tamen numero, sacræ confessionis ministros assignauit. litteras discere, qui per ingenium, & ætatem possent, curauit. liberam consuetudinem, vagationemque per præfectos coërcuit: vt neq; cum laicis, nisi iusta de causâ essent; neque in ianuæ, vel vicinorum tabernis sederent otiosi. vbi, & quibuscum habitarent, singillatim nouit; habitationisque locum inspicere iussit interdum; si arma essent; si libri, imagines, aliaue ab ecclesiastico decoro aliena. nam arma ne in itinere quidem vlla concessit. Ex agro Mediolanū venientes in certum diuersorium ad id institutū omnes conuenire iussit; quò laici non reciperentur; clerici vero ipsi certis legibus ad ecclesiasticam disciplinam accommodatis haberentur. Discessum ab ecclesiis, itinera, peregrinationes, nisi ex facultate præscripta, non permisit. Statum cuiusuis clerici, conditionemq; certo libro distincte, subtiliterq; notatā habuit; ordinis gradus, beneficia, studia, cognatos, habitationem, ministeriū; & si quid aliud nosse interesset. eam notationem, quoniā mutari aliqua semper necesse erat, certo tempore, vocatis omnibus singillatim recognouit, & quibus rebus opus esset, renouauit. ex eo libro subito poterat de vnoquoque clerico suo plene omnia cognoscere. At alias etiam fuit magis reconditus libellus: in quo de vniuscuiusque moribus notatio brevis continebatur: vt cum de aliquo esset statuendum, quid ei committi posset, peruideret. Fœminas apud se habere vel nullas passus est; vel eas, si necessitas cogeret, quæ senectute, sanguinis coniunctione, moribus, ab omni suspitione essent alienæ. Canonicos, quantum potuit, in eorum ades, plebisque locis cœnobij cuiusdam instar apud ecclesiam fabricatas, compulit. neque laicorum contubernia, nisi salua disciplina tolerauit.

Ne quid ab ecclesiastico decoro in clericis esset alienum, diligenter curabat.

Certum diuersorium clericos ex agro Mediolanum venientes ad id institutum conuenire iussit.

Cuiusuis clerici statum libello notatum habuit.

Fœminas quas si apud se haberent clerici tantum concessit.

lerauit. Parochis, & eorum muneri valde fauit: quippe suis in a- *Parochis & fauerit.*
 nimarum curatione præcipuis adiutoribus. quibus etiam pro-
 prium tradidit magnæ grauitatis indumentum. eorum Missas,
 ecclesiasque frequentari; auctoritatem, officiaque conseruari; &
 ab omni aliorum impedimento defendi, studiose curauit. Ve-
 stitum clericalem synodalibus decretis constituit, pro cuius *Vestitum clericalem pro cuiusque loco & dignitate distinctum constituit.*
 que loco, ac dignitate distinctum; idque ad eam fere rationem,
 qua clerici veteres utebantur; Monetaque vna cum sociis S. se-
 pulchri cultoribus sancte retinebat. Cum episcopum ad sacra
 collegia visenda Caroli iussu essemus comitati; fassus est postre-
 mo, rectores, præfectos, administratos clericos, quos ibi vidisset,
 ex modesto, religiosoque habitu regulares putasse, donec secus
 admoneretur. Eundem vidimus admirantem; quòd in ecclesiis,
 aut in via, ne vnum quidem ex infimis clericis, male, ne dum
 sordide vestitum vidisset. si publicis in gymnasiis canonicæ do- *Quod testimonium de clericis in publicis gymnasiis commorantibus exigeret.*
 ctrinæ causâ clericos morari permetteret; frequens Episcopi,
 Vicariique vrbis illius testimonium requirebat, de vita modeste, *In laicorum familia clericos esse & permiserit.*
 religiosoque acta. In laicorum familia, quacumque dignitate illi
 essent, neminem, maxime presbyterum, ita esse permisit; quod
 sæpe antea non sine magno sacræ dignitatis contemptu fiebat;
 vt villo modo in famulatu esse videretur. Hæc attigisse breuiter
 sufficiat; vt huius generis speciem saltem quandam exhibere-
 mus. Quæ quidem disciplina, litteris adiunctis, aliisque nonnul-
 lis tuendæ dignitatis adiumentis, de quibus exponemus; ad exi-
 stimationem, grauitatemque cleri pene abiectam erigendam
 magnopere valuit; qui quidem non exiguus fuit inter alios Ca-
 roli laborum fructus; ex quo multa populis salutaria extiterunt.
 nam, vt in officio clericos continuit; iusteque puniuit delinquē-
 tes; ita bonis benignissime fauit; & vniuersi ordinis existimatio-
 nem studiose defendit. Honoris insignia libenter tribuit. cap- *Honoris insignia clericis libenter tribuit.*
 pas, vt dicimus, rubeas canonicorum ecclesiæ maioris confir-
 mari curauit: ceteris canonicis, quas appellant Almurias, Præpo-
 sitisque nigras cappas tribuit. Prothonotarios, quòd non ita pas-
 sim creandos existimauit, tum ad eandem pertinuit dignitatem;
 tum etiam ad mane studium honoris in quibusdam compri-
 mendum.

mendum. Facultates etiam, vt ad vitæ clericalis decentiam cuique pro loci conditione essent, attente curauit.

Collegia Mediolani constituta.

CAP. XXXIII.

COLLEGIA constituit plura, quæ virtutum essent, & ecclesiæ; immo & reipublicæ ipsius seminaria: vbi vita more cœtibiorum ageretur. probe namq; nouerat, quid valeret educatio. diximus de collegio nationum finitimarum. de nobilium adolescentum alio tetigimus; quos litteris, christianisque moribus, accuratissime instituendos curabat; vt ex iis probos, litteratosque viros reipublicæ subministraret: quò quidem exteri multi, nobilissimi que adolescentes cupide mittebantur. quos, quoniam fidei suæ Carolus commendatos sciebat; & spectatissimos sacerdotes eorum gubernationi præficiebat; & ciues optimos rerum familiarium curæ. tum ipse sæpius inuifens, accurate de rebus omnibus percunctabatur; omnia cognoscebat; Eucharistia, verbis diuinis pascebat. Sed de collegiis dicamus cleri sui. In ecclesiæ suæ seminario proprie appellato, quòd iam vsque ab initio per Ormanetum constituerat; clericos Mediolanenses ad centum quadraginta solebat alere: & ecclesiastica disciplina; tū litteris, & humanioribus, & philosophicis, & diuinis, pro cuiusque captu instituere. ad tantum numerum sustentandum, paulatim idoneas facultates beneficiorum, quæ simplicia dicuntur, prout possessoribus vacarent, ex variis locis, vbi eæ minime essent necessariæ, variis temporibus attribuit: & alias Apostolica in primis auctoritate comparauit, ad aureorum nummum circiter sex millia annua. facilioribus litteris domi erudiri; grauiorum vero studiorum causâ Braidensis collegij magistros adire constituit: quorum scholas, vel ad hanc rem vnā fundauerat. Quæ ad conformandos mores; ad mentem religione, sanctitateque imbuendam; sacrorum disciplinam discendam; administrandæ ecclesiæ facultatē comparandam, valebant; iis exerceri iussit. clerici nihil facultate non impetratâ facere; ne abire quidem e conspectu: binos exire domo: ordine, modesteque ire; tū vestitu nulla parte sordido, vel indecoro. probati homines sacri, die, nocteque, suo quisq; numero, assidere: domo simul exeun-

tes

Quor in seminarij collegio aleris clericos.

Mores, & disciplina.

tes conmitari: Præfectus litterarum perpetuo doctrinæ studia, progressionēque vrgere; disputationibus, concertationibusq; litterariis occupatos habere: Rector loci, grauis presbyter omnia moderari; sacramentorum vsum, frequentiamq; curare; frequenti exercitatione, communicationeq; rerum spiritualium, diuinarumque, ad solidæ religionis præstantiā, sensusq; sanctissimos perducere. Carolus ipse sæpenumero adibat: audiebat pie declamantes: intererat disputationibus: aderat diuinas res inter se conferentibus: singillatim cognoscebat vniuscuiusque mores, litterarumque progressionē. statim præsertim temporibus erat præsens, cum de eruditione periculum fieri; & vniuscuiusque conditione, moribusque diligenter examinatis; qui ecclesiæ vsui esse possint, diiudicari solet. Huius disciplinæ instituta fuscè descripta, nondum plene recognouerat, probaueratue, cum ex hac vita migrauit. Clericos indole atq; ingenio ad ecclesiastica munera, quantum fieri posset, aptissimos recipi curabat. ætate vero annorum circiter XVIII. ne vel propter maiorem ætatem, ad scientiarum integra studia minus apti; vel ob minorem, loco diutius oneri essent. facile quoque ex vicis, locisque, vbi litterarum magistri fere non haberentur. quæ ita tenebat, vt iusta de causâ tamen sententiam sæpe mutandam putaret. Vt quisque, eiusue parentes essent a facultatibus instructi; ita quod in annos singulos penderent sumptus causâ, constituebat. qui sumptum integrum non soluerent, eos adhibere sponsores iubebat; qui quod ob inopiā remissum esset, soluere promitteret; si clericus ecclesiæ Mediolanensi postea nolisset inferuire. exteros fere non admisit; aut ita, si sumptui integre satisfacerent. Hæc primo collegia, clericorū societatis IESV cura, operaq; instituit. postea cū Mediolanenses clerici multi eis succreuisent, alij quoq; eadē disciplina instituti essēt; eos adhibuit. Qui clerici vel ætate iā confirmata, vel hebeti ingenio ad statū disciplinarū cursum minime apti videbātur; eos alio loco latinis litteris, doctrina sacramentorū, & ea facultate, quæ in cognitione peccatorū, castaq; tuenda conscientia versatur, instituit erudiri, numero fere sexaginta. Sed aliud collegiū itidē quasi parochorū seminarium

Præfectum litterarum, ac Rectorem clericū constituit.

Sapiens illos adibat.

Cum autem clericos in seminario collegium admitteret.

Quid cum minus aptis ad disciplinarum cursum ageret.

Parochorum quasi seminarium aliud instituit collegiū.

rium habuit; in quo minori numero, homines ætate media, propior ad parochias administrandas studio instituerentur.

De incrementis cleri, studiiisque eiusdem literariis.

CAP. XXXIV.

Ex omnibus partibus viros doctrina, moribusque probatos adducebat.

Societatis Iesu Mediolani duo instituit canonicos.

Clericos regulares a Paulo quarto institutos in urbem deduxit.

HIS collegiis, adiuncta Oblatorum sodalitate, magnum sibi Carolus ecclesiæ administrandæ subsidium comparauit. Ex cuiusmodi enim seminariis, quasi arbores pubescentes, alias aliò transferens, vt opus esse animaduertat; agrum suum bene constitum, vberemque reddebat. extra collegia quoque, multi Braidensis gymnasij bono vtentes, Theologi euasere. exteri præterea eadem commoditate vsi; optimaque deinde Caroli administratione, tum auctoritate etiam inuitati, sese ecclesiæ Mediolanensi addixerunt. Ex omnibus item partibus ille studiose homines adducere solebat doctrina, moribusque probatis; quos in ecclesia sua varie, pro eo quod opus esse videretur, disponebat: cū in suis retinendis contra, vel tenacitatē quandam adhiberet. Ita fecerat, vt in præcipuis diœcesis locis, aut ecclesiis insignioribus, viros graues Theologos, vel iuris canonici peritos plurimos; & in canonicorum singulis collegiis, Tridentini præsertim canonis auctoritatem secutus, Theologos haberet. Regulares quoque homines quamplurimos adiutores quærebat. Societatis IESV constituit cœnobia duo: primū ad ecclesiam S. Fidelis: alterum collegiū fuit Braidense; ea conditione in perpetuū firmata; vt in eologicæ, philosophiæ, theologiæ, rhetoriæ, grāmaticæ, linguarū græcæ, & hebraicæ scholas apertas haberent, ad totius iuuentutis prouinciæ Mediolanensis, & clericorum in primis honestissimum fructū. ad eam rem; loco, vt superius tetigimus, Gregorio Pontifice demum impetrato; suam societati contulit Aronensem Abbatiam; vt nouitiorum domus Aronæ constitueretur; & Mediolani magistri, aliique magno numero, pro eo quod opus erat, facilius sustentarentur. Quæ quidē collegia docendo, concionando, sacris confessionibus audiendis virtutum christianarū exemplis, magnos ecclesiæ suæ videbat esse vsus ad salutem allatura. Clericos alios regulares a Paulo IV. institutos in urbem deduxit. quorum vita religiosissima; tum assiduus in peccatis diiudicandis, viaque salutis tradenda labor, gregis fructum

Etum valde cumlaret. Aliis ordinibus quærebat locum; si quid *Ordinibus aliis*
 ſaluti ſuorum inde afferri poſſe videret adiumenti. In ea vero, *locum quare-*
 quæ iam erant monaſteria viros doctrina, religioneq; probatos *ratione quare-*
 mitti curabat; quibus vti poſſet, omnino mirum miniſtrorum, *bas.*
 adiutorumque deſiderium gregis charitas in eum immiſerat;
 cuius ſalutari progreſſioni quamplurima videbat eſſe neceſſa-
 ria. ac reuera, etiam numero multo maiori, nullam reliquiſſet
 otij facultatem: tanta erat rerum multitudo, quas curari, effici,
 recognoſci aſſidue oportebat; tamque in omnibus rebus reli-
 gioſe componendis progrediebatur in dies. Alias litterarias ex-
 ercitationes ad cleri uſum induxerat; tum proprias quandoque
 alicuius vrbanæ regionis; tum communes omnium. nam in ſuis
 ædibus delegerat, qui certis diebus doctrinam de peccatis pub-
 lica traderet: quo iubebat eccleſiaſticos homines, etiam paro-
 chos ad audiendum conuenire. Vt autem quæ ſemel didiciſſent, *Menſtruas cle-*
 tenerent firmius; congregationes menſtruas in vnaquaque vr- *ricorum cõgre-*
 bis, & agri regione inſtituerat; quò ex ea regione tota certis die- *gationes in vna*
 bus illi conuenientes, variis propoſitis quæſtionibus, de ſacra- *quaque vrbe,*
 mentorum adminiſtratione, de animarum vinculis ſolucendis, *& agri regione*
 diſputationem haberent. piamque ei rei acceſſionem fieri iube- *inſtituit.*
 bat, ſacra pro mortuis communiter celebrata. cuius inſtituti ra-
 tionem libello fuſius comprehenſam edidit. Sed propria etiam
 cura parochos vrbanos ad conciones iuuari curabat: quibus *Parochos vr-*
 hebdomadis ſingulis quod proximo feſto legendum ex Euange- *banos ad cõcio-*
 lio in eccleſia erat, prius exponi quandoque iuſſit; & quaſi con- *nes iuuari cu-*
 cionum materiam explicatam tradi. quos etiam interdum, vt *rabat.*
 quid poſſent, efficerentque, melius cognosceret; ſcriptas ad ſe
 mandabat conciones afferre. Præterea veteres canones a Gra-
 tiano collectos, vt diximus, interpretari iuſſit. quo in ſtudio, *Canones Sere-*
 quamuis ſumma fuerit Caroli voluntas, paucis tamen id perſua- *res a Gratiano*
 ſit: trahuntur enim facile omnes ceterorum exemplo; eaque li- *collectos inter-*
 benter ſequuntur, quæ plurimorum iudicio, & uſum afferunt, *pretari iuſſit.*
 & nomen: qualis eſt vulgaris canonum peritia, ſcholaſticique
 Theologiæ progreſſus. at veteris eccleſiæ ratio bene cognita, ſo-
 lidæ vtilitatis eſt; arma cõtra hæreticorum impugnations ſup-
 peditat:

peditat: & ad ecclesiam ordinandam, constituendamque magnum præbet adiumentum. His institutis, mutata prorsus ecclesiæ specie; vbi presbyteri indocti, sæpe etiam sordidi erant; doctos habuit, & religiosos: qui populos salutariter docere, regereque possent: & quæ Carolus in dies ad meliorem rerum omnium conditionem efficiendâ præscriberet, diligenter exequerentur. ex quo etiam populi ad debitam sacerdotibus reuerentiam, obedientiamque salutariter excitati, magis in salutis via proficerent. Ac litteraria quidem cleri studia, vel ipsi maiores multò, quàm alioqui solerent esse, bibliopolarum quæstus, ostendebant.

De beneficio-
rum distribu-
tione.

CAP. XXXV.

BENEFICIA omnia sic mandauit, vt amicitia, gratia, propinquitatisue causa nihil moueretur. Si quempiam alicuius commendatione, gratiaue uti, vel omnino ambitiose quærere animaduertisset; ea ipsa de causa indignum iudicabat. ipse vero suos nouerat; omniumque actiones, vitam, studia, per se, ac per ministros obseruabat: & cum locus daretur; nullius officio interposito, vocabat ipse nec opinantes, sacerdotiaq; mandabat. vnum vero satis esse cuiq; beneficium; nisi aliter necessariò fieri deberet, omnium maxime volebat. ac illud in Carolo multis admirationi fuit; quòd etiam de facie suos fere omnes vel infimos clericos agnoscere videbatur. optima temporum conditio; ad honores, ceteraque virtutis præmia, gratia, audacia, ambitioni aditus esse interclusos; probitati vero, doctrinaq; sic apertos, vt vltro etiam inuitaretur. nobilitati fauebat libenter, modo cum virtute coniuncta: sed humiles sæpe probos, doctosque cò vocabat, quòd numquam ipsi, vel ambitionis fortasse stimulis incitati, ausi fuissent aspirare. quæ quidem ratio, tum ad virtutum, optimarumq; disciplinarum studia; tum ad ecclesiæ dignitatem, populorumq; salutem vehementer valuit. ac licet ob humanæ mentis latebras, pro virtute aliquid sese interdum insinuaret hypocrisis; simulatio tamen non conniuentibus oculis, vel perlucidum est, vel certe minime diuturnum malitiæ velum. omnino tolerabilius iudicabat, virtutis veste vitium aliquando latere, virtutisque seruire; quàm apertum, cognitumque palam recipi.

Nobilitati fa-
uebat sicut
virtute esset
coniuncta. hu-
miles, probos,
ac doctos ad se
accersebat.

Quid tolera-
bilis in cleri-
ci iudicaret.

recipi. interim sibi cauendum nouerat; ne cuiquam non plene probato per se aditus esset ad peccandum liber. Eundem sensum præstabat, si de beneficio, honore, facultatibusue ecclesiasticis alicui impetrâdis rogaretur. cum eiusmodi aliquid tentari posse perspiceret; maxime si de episcopatu ageretur; hominem, si probaret, tantum proponebat; testimonium dabat, quod teste conscientia poterat: rogabat vero numquam, ne dum vrgeret; nisi id se officij Deo, & Ecclesiæ debere, manifeste vidisset. rationem suam quibusdani interdum ita probauit: si nemine urgente quis dignitatem susciperet; clarius esse diuinæ voluntatis indicium. Federico suo, neque puero ex ecclesiasticis facultatibus, quidquam vel contulit, vel ad maiorem ætatem reseruauit: neque postea tanta indole adolescenti quæsiuit vniquam. ipsam Aro-nensem Abbatiam dudum in familia sua retentam, non conquieuit, donec a se, atque a familia repelleret; ne quid forte oleret hæreditarium. Nobilis vir, oblata beneficii occasione, in ecclesiasticum ordinem, se dare nomen velle significauit; Carolique auxilium implorauit. cui negauit ille; minimeque probare respondit, hominem vitæ clericalis alioqui non studiosum, beneficii gratia clericum fieri velle. Si de augendis Præsulis alicuius inopis facultatibus rogaretur; suadebat, vt paucis contentus esset. at nihilo secius adiuuabat, vbi animum cognouerat neque auaritia; neque inani splendore captum; sed sacri muneris perfecte administrandi studiosum. Episcopo consulenti, vtrum ob tenues facultates, contraheret æs alienum; an dimisso episcopatu alio quodam loco viueret, vbi in sumptum plura subministrarentur: neutrum respondit sibi placere. assistere regi suo sacerdotem debere; nisi aliter qui potest, iuberet. abdicare sese episcopatu; si quid offerretur difficultatis; eius non esse, qui integre, casteque vocatus iniisset. sumptui pro facultate modum ponendum; veterum maxime Præsulum imitatione, qui & facultatum subsidio, cum suppeteret, sancte vsi erant; & eo destituti, sancte tamē episcopatum administrauerant. Annuam pensionem Carolo soluebat Episcopus. ei vehementer postulanti, vt illud sibi iuris remitteret; & reficiendę ecclesiæ necessitatem, tenuesque

Pro alicui impetrandis beneficiis ecclesiasticis rogatus quid ageret.

Federico suo ex beneficiis ecclesiasticis nihil nec contulit, nec reseruauit.

Vt cum Nobili viro se gesserit.

*Quid Præsuli inopi suaderet, consiliaue de-
ret.*

*Quid episcopo annuam pensionem deprecanti responde-
ret.*

*De presbyterorum
beneficiis
nihil detrahi
est passum.*

tenuesque fructus excusanti, libere respondit; nullo modo ei se velle condonare, qui episcopatum, etiam adiecta pensionis conditione, quæsierat. facturum tamen, ut ea pecunia quotannis in ecclesiam illam reficiendam, vel ornandam aliorum opera insumeretur. ita omnino concedendum quod petierat, si modo ecclesiæ causâ vere postulasset. Fructus suos unicuique ecclesiæ, presbyterisque singulis, integros relinqui curavit vehementer, & effecit. eo namque primum ecclesiam capescente; vel magna ex parte, vel toti, alienis hominibus erant reseruati: ex quo fiebat, ut quiescent aliquo numero presbyteri, sacerdotia recusarent; quorum facultatibus, pro dignitate, vitæ cultum minime possent conseruare. qui vero accipiebant, parui pretij homines, neque doctrina, neque auctoritate satis muneri suo facere valebant: ut præter sacerdotis, ut tempora sunt, ex ea re contemptum; neque sacra supellex pro decoro parari; neque refici, vel ornari ecclesias; neque sacra testâ haberi possent. Igitur neque pensionis onus vel minimum cuiquam ecclesiæ imposuit umquam; & si quis forte per auctoritatem superiorē obtinere vellet, contra totis viribus pugnavit. cum ex satis magnis Præposituræ facultatibus, ex suis quidam, quo plurimum utebatur, annuam pensionem sibi fere impetrasset; ea Carolus ut auferretur, statim effecit. neque alius postea umquam conari aliquid simile ausus est. Sacerdoti tantum pensionem concessam scio. is cum ecclesiæ diu vtilem sane operam pro doctrina, virtuteque sua nauasset; demum multi laboris parochiam habens, infirmaque valetudinē confectus, cum eam relinquere cogeretur, neque aliunde haberet vitæ sumptum; moderatam pensionem ex ecclesia sua, quæ erat ex locupletioribus, a Carolo accepit. Quoniam vero ecclesiis, sacerdotiisque plerisque, licet integræ, tenues erant tamen facultates: quibus id opus fuit vel parochiæ administrandæ, vel Theologiæ docendæ, vel omnino necessaria de causâ; alias adiunxit, ex iis, quæ simplicia vocant beneficia, quibus nullum fere munus coniunctum est. quod genus alioqui nemini umquam, vel ipse contulit; vel passus est conferri. ac ex iis beneficiis vnum, cum ex domesticis quidam, cuius opera

Carolo

*Sacerdotiis,
quibus tenues
essent facultates
alias adiungebat.*

Carolo valde utilis erat, sibi, Carolo ipso insciente, comparasset; hominem, ut aliis esset exemplo, missum fecit. tum suis omnibus conuocatis, denunciauit; qui ei, vel potius sacrae administrationi suae inferuire vellet; suo contentus stipendio, nihil eiusmodi umquam, neque omnino quidquam ex ecclesiarum suarum fructibus speraret; nisi quis a se idoneus iudicatus, vocatusque, cum adiuncto munere, atque opera beneficium acceperet.

Quid cum domesticis sibi aliis viris egerit, qui portionem ex iis beneficiis impetrant.

Cum totius ipse gubernationis auctor, tanta per se obiret, efficeretque, quanta vnius, modo hominis, viribus tolerabilia non videbantur: multis tamen eguit Vicariis, & ministris. Ac ea quidem quae ad forum, iudiciaque pertinent, fere non attigit; nisi quatenus ad iudices constitutos in officio continendos, corrigendosue necesse esset; ut non tam iurisperitorum libris ad iudicandum; quam prudentia, pietate, animi lumine, sanctorum patrum decretis, exemplisque opus esset. de cetero, spiritualia in primis sibi suscipienda statuerat: quibus administrandis, ob rerum agendarum multitudinem, plures sibi necesse fuit adiutores asciscere. Primò igitur iurisdictionem, gubernationemque ecclesiae suae ita distribuit. Tres constituit praecipuos Vicarios: vnum, qui de rerum controuersis, litibusque; alium qui de criminibus cognosceret. primarium vero, ac generalem, qui omnibus iudiciis, totique praesset gubernationi, ac disciplinae. Auditoris nomine alium delegit: qui ditionis ecclesiae res, tum alia quoque cognosceret; & Vicarios alioqui maxime occupatos subleuaret. quos omnes vna cum fisci procuratore, quantum fieri posset, fide, probitate, doctrina spectatos iurisperitos elegit: Vicarium vero generalem in primis grauem, pietateque, & religione praestantem; tum praeterea disciplinae sacrae studio incensum sacerdotem. Hos adhibere externos solebat; ne forte amicitia, propinquitate, gratia, aut vero metu adducti, ius aliquo modo quandoque violarent; minus libere dicerent. eodem certo constituto stipendio, domi suae alebat. cumque honoraria omnia, in causis quidem suae dioecesis prohibuisset: in externis exigua constituisset: penitus etiam interdixit, ne vel

Eius Vicarij ac praefecti.

C A P. XXXVI.

Qua ad iudicia pertineret, & quae umquam attingebat.

Spiritualia administranda suscepit.

Ut iurisdictionem, gubernationemque ecclesiae suae distribueret.

Quales Vicarios generales adhiberet.

*Ne quidquam
dono accipe-
rent Officiales
interdixit.*

*Quis pecunia
scriuere iudi-
cium missum fa-
ciebat.*

*Lites inter cle-
ricos eius tem-
pore nulla e-
rant.*

*Crimina et
punerit, vel be-
nigne penam
illis debitam
relaxarit.*

*Cur initio se-
ueritate usus
fuerit.*

*Clerici cuius-
dam delictum
se punierit.*

*Multas res ir-
rogatas in usus
pios insumebat
Ex clero iuris
peritos ad qua-
studia reuoca-
ret.*

minimam rem ullam a quoquam dono acciperent. nam vel de se ipso affirmabat; si munusculum a quoquam accepisset; aliquā in eum ea de causā voluntatis inclinationem sentire sibi videri. si forte gratiæ, pecuniæue iudex seruiret; quod attentissime iubebat obseruari; confestim missum faciebat. suis vero reliquis iusserat, ne causā, hominemue quemquam iis vñquam commendarent. De litibus est memorabile; notariis, scribisque fori, Caroli tempore accidisse; vt peritiam earum litium, quæ de beneficiis alibi tam frequentes inter clericos esse solent, pene didicerent. nulla enim eo viuente lis erat eiusmodi. vocatus quisque nihil agitans, ne cogitans fere quidem, beneficium accipiebat; sine controuersia retinebat; sine auctoritate sui Antistitis non dimittebat, aut permutabat. De criminibus; iustam vnumquemque subire delicti pœnam volebat, si res in iudicium deduceretur. si vero quis peccatum dolens, tempestiue, atque ingenuè fateretur; tantopere commoueri se dicebat, vt ipsius misericordiæ modum vix teneret. Aliquos etiam, si res ita ferret, prius semel, atque iterum monebat, antequam in iudicium vocarentur. Mitius egit postremo suæ administrationis tempore. ac initio quidem, ob magnam, inueteratamque licentiam, seueritate opus fuit. postea vel disciplina, vel metu facilius in officio clerus retinebatur. Clericorum mores corruptos, qui tamen ad crimina legum pœnis digna non peruenirent, ita quandoque puniebat; vt homines non vsitato carcere, sed suarum ædium cubiculo certis diebus contineret; quibus eorum petulantiam ieiunio, custodiaque castigaret; & piorum quoque virorum oratione reuocaret ad sanitatem. Hominem ventri deditum, cum illud quoque nosset committere; vt æstiuo tempore vinum sacrificij causā paratum aqua gelida iuberet refrigerari; complures dies inclusum ita tenuit; vt aqua illi tantummodo, eaque ad id in sole tepescita, potus causā præberetur. Multas res irrogatas in pios vsus, præcipue vero in pauperum ecclesiastica collegia iussit insumi. Qui ex clero iuris essent periti; eos ex forensi quaestu studuit ad religiosiora studia reuocare; quamquam eorum facultate multis alioqui rebus vsus est. ex his, aliisque, quos do-
mi plu-

mi plures semper habuit iurifconsultos, alios aliis muneribus præfecit: Iudices ab Romana Sede dandos iis qui prouocarent, *Iudices alios, pauperumque aduocatos elegit.* in synodo elegit: pauperum aduocatos; reorum, qui essent in carcere, communem patronum; alium qui pia legata solui curaret; Visitatores, aliosque, de quibus postea dicemus. Cancellarium ecclesiæ; quo munere laicus anteaungebatur; clericum, *Cancellarium ecclesiæ quem elegerit.* eumque maioris templi canonicum, imitatione veterum elegit. Quoniam ex decretis plurima scripto concedi variis de causis necesse erat; gratis fere dari omnia constituit. si qua de re autem, *Qua scripto essent concedenda decreta gratia dari soluit.* ad notariorum mercedem, rerumue scribendarum copiam, exigi aliquid oporteret; id modicum, aut etiam intra modum constituit. quibus de rebus, aliisque multis in libello explicatum est, quem hoc de genere forensi conscribi, edique iussit. Urbis sex regiones singulis probatis, primariisque sacerdotibus assignauit; qui Visitorum auctoritate clericorum omnium mores, *Visitorum munera quæ essent.* vitamque specularentur; ecclesiarum cultum, & diuina munera obseruarent: omnem denique disciplinam, & canonica præscripta custodirent: quæ oporteret, ad Vicarium generalem quotiescumque opus erat referrent: tum certis diebus ad eundem conuenientes, de statu rerum suæ quisque regionis, plene docerent; & quæ prouidenda, vel ordinanda viderentur, ex eius sententia constituerent. omnia vero Caroli nutu administrabantur: vel enim intererat; vel de grauioribus saltem rebus, Vicarios, regionum præfectos, alios ministros audiebat.

DIŌCESES Mediolanensis in certas regiones, quas appellant plebes, diuiditur. in vnaquaque regione, præcipua ecclesia est; eaque in vico fere, aut castello, quod est, anteaue fuit regionis præcipuum. ecclesiis ipsis presbyteri præsunt, Præpositi dignitate insigniti: & quantum ex antiquis vestigiis perspicitur, collegia canonicorum adiuncta erant; quorum aliqua nunc etiam manent. Ius quoddam ecclesiæ, Præpositoque fuisse videtur in tota plebe, quæ multarum est parochiarum; non dissimili, quibusdam in rebus, veterum Corepiscoporum instituto. Illud iuris præcipui, præter nomen, vestigium est: quòd Baptiste- *Quod iam Præpositi in tota plebe.*

Diocesis administratio.
CAP. XXXVII

ria sunt insignia; hoc est sacella satis ampla, separatim fabricata, ubi aqua baptismi stato tempore consecraretur; & , vt puto, totius regionis infantes antiquitus sacro baptismo abluerentur.

Presbyterū in singula regionibus constituit, cui Vicarij nomen dedit. hanc diuisionem, ordinationemque secutus Carolus; presbyterum, certa mandata iurisdictione, ac potestate, in singulis regionibus constituit; qui Vicarij nomine, aliis presbyteris, clericis, ecclesiisque præset; Præpositum quidem ipsum, si videtur idoneus; alioqui alium, a quo posset arbitrato suo potestatem in alium transferre. sunt hi Vicarij circiter quinquaginta: &

Quot numero sint regionum Vicarij eorumque munera. quod in vrbe Præfecti, hoc ij fere sunt in agro. horum ad quemque gubernatio regionis cum referatur; ipsi ad arbitrium Vicariorum vrbis, generalis præsertim reguntur; & ad eum de regionis suæ rebus, singulis mensibus, vel prout opus est, scribere solent. Sed commodioris administrationis gratia duos ex primariis sacerdotibus in Vrbe delegerat, Visitatoresque generales appellauerat, quorum alter rerum Vrbicarum; reliquarum alter, vt generalis Vicarij adiutores, curam gererent. Ita cum diocesani Vicarij de regionis suæ statu tum aliis viis, tum ex parochorum mensuris congregationibus cognoscant, Mediolanumque scribant: vrbis autem præfecti frequenter itidem, vt dictum est, de rebus Vrbicis referant; quo modo se res in tota diocesi habeant, singulis mensibus Archiepiscopus scire potest. At plures

Visitatores aliqui elegit qui tota diocesim certis temporibus recognoscerent. etiam, puta sex, siue ex ecclesiis, siue ex domo sua delegerat; qui diocesim certis temporibus, in sua quisque assignata parte, peragrarent; omniaque visiterent, ac recognoscerent. vix enim fieri potest, vt perfecte pareatur, nisi sit qui frequenter instet, & quid agatur coram inspiciat. ac ne Visitorum huiusmodi sumptus presbyteris esset grauis; eos, honestos tamen viros, sine famulis, vno comite notario, iubebat proficisci. Hanc administrationem; cui vir vnus, Archiepiscopo absente, satis antea faciebat; tempusque præterea supererat, quod relaxandi animi gratia consumeret; nunc tam magno numero administri, perpetua Caroli ipsius addita cura, & labore; vix, aut ne vix quidem sustinebant.

I P S E quoque, cum reliquo tempore, ad vrbanas ecclesias
 visendas vteretur; quotannis quibus diebus vrbi minus incom-
 moda foret eius absentia, exibat ad reliquas recognoscendas. ij
 dies erant, a Pentecoste, ad Aduentum; si tamen ad Virginis ce-
 lebritatem ecclesiæ maiori præcipuam Mediolanum recurreret,
 mense Septembri. reliquis anni temporibus, erat manendi caus-
 sa maior, vel ex antiquis patrum decretis. nam quæ tempora san-
 ctius colenda piis hominibus ecclesia proponit; iis adesse popu-
 lo suo Episcopus maxime debet; ac precibus, concionibus, &
 exemplo salutariter eum excitare; vt Aduentus, & Quadragesi-
 ma est, cum adiunctis celeberrimis festis. ante Quadragesimam
 omni ratione populi petulantia coram est reprimenda. a Pa-
 schate, vt temporis celebritatem omittamus, synodis, & confir-
 mationis sacramento debita opera videtur. Igitur vicanas eccle-
 sias lustrans, celeritate, continentibus laboribus, numero comi-
 tum exiguo, magna parsimonia utebatur: quibus rebus etiam o-
 nus hospitij leuabat; quo tamen vti commodè poterat iure suo.
 ne quis omnino præter necessitatem esset in comitatu; tum sua
 quemque ad necessitatis normam præscripta; tum necessariam
 quoque Pontificiam suppellectilem; scriptaque ad ecclesias per-
 tinentia, viritim distributa, suos iubebat, etiam honestos, & iu-
 risconsultos, in equis ferre famulorum more. plura singuli mu-
 nera obibant; obeuntique Carolo variis rebus inseruiebant. hi
 sacramentorum loca, omnemque rationem recognoscere: ec-
 clesiæ sacram suppellectilem, testæ, & parietes inspicere: benefi-
 ciorum, altariumque iura, institutiones, conditiones cognosce-
 re: si presbyteri, & clerici munera debita obirent; quæ ratio vitæ,
 consuetudinis, studiorum; diligenter inquirere: de christianis
 scholis, piarum sodalitatum exercitationibus, populi cultu in-
 uestigare. hæc, & eiusmodi alia præstare; simul sacris faciendis in
 ecclesia inseruire; cubiculo Caroli assistere; litteras scribere. Ca-
 rolus ne puncti quidem temporis, sine labore traducti sibi veniã
 dabat: neque caloris, neque vllius tempestatis habita ratione, ec-
 clesia recognita, statim adibat aliam. vbique concionabatur; sa-
 cramentum Eucharistiæ præbebat; cœmiteria, ecclesias, cam-

Eiusdem visi-
tatio.

CAP. XXXIIX

Quo anni tem-
pore Episcopus
populo suo ma-
xime adesse de-
beat.Qua celerita-
te, quibusue
comitibus agræ
ecclesias visi-
taret.Qua comitum
munera in ec-
clesiis recogno-
scendū.Carolus labori,
sibi que minime
parebat sacras
functiones plu-
rimas perage-
bat.

panas, vbi opus esset, sacrabat. peruulgata erat, quasi prouerbium quoddam, itineris suscipiendi hora, quam frequenter Carolus, in maximis caloribus eligebat; vt ea ratione tempori magis parceret; ea erat meridiana. præscriptas parsimonie leges in victu nemini licebat, vel minima ex parte violare. Cū prompto animo, atque alacriter munera sua obibat semper; tum hoc visitationis extra urbem libentissime. expressior ea videbatur, vt dicere solebat, Saluatoris imitatio; qui vicos, & castella, magno cum labore, salutaria docens peragrabat; tum ad urbem quibusdam temporibus, festisque reuertebatur. delectabatur etiam natura hominum simpliciori; tum fructu in primis; quem ex suis laboribus, eorum pietate, animoque ad res salutares propenso, capiebat, sane multò quàm in ciuitate vberiore. neque vero non gratissima erant incommoda hospitia, perpetuique labores, operis, atque itineris. nullus erat tam desertus locus; nullum tam asperum montis iugum; quo is non perueniret; nulla tam remota, destitutaque ecclesia, quam non adiret. læto animo corpus lacte sustentabat, cum opus erat, & castancis; in foliis cubabat; omnem ferebat inopiam; neque enim ad commoditatem in comitatu portari quidquam patiebatur: quæ postremo tamen inopia, erat eius asperitate perpetua multo minor. Ibi vero siluestres homines; quorum multi numquam Episcopum vidissent; qui tantam in summo viro cernerent mansuetudinem, sanctitatem, patientiam; gaudebant incredibiliter; magnæque se foelicitati reservatos putabant. Vt autem ad interrogandum, & consulendum pro eo ac canonica disciplina postulat, esset in visitatione paratior; concilij Tridentini canones, synodorumque suorum omnium decreta, in minuta, breuiaque pronuntiatam partitus est; eaque ad certa genera redacta composuit in libello; quem muneris huius gratia, tum aliis quoque de causis frequenter in manibus habebat.

Ad urbem statim temporibus reuerſi ſolebat.

Fructu quem ex laboribus capiebat maxime delectabatur.

Quot incommoda læto animo ſubiret.

Magnum hominum ſilueſtrum gaudiū quod ex Caroli præſentia, ſanctitateque capiebant.

Vi Tridentini Concilij, ſynodorumque ſuorum decreta partitus fuerit.

Cænobiorum virginalium gubernatio.

Cap. XXXIX.

VICARIO viro graui, spectatæque integritatis sacerdote, ad cænobiorum muliebrum gubernationem, proprie vsus est. Non mediocris est occupationis, & laboris eiusmodi cura; ob præci-

præcipuam, quam in eo genere Carolus curauit rerum omnium conformationē: quibus de rebus plurima sunt in conciliis provincialibus variis locis constituta; quæ quidem in vnum corpus Caroli iussu redacta, & ex latina lingua conuersa sunt; vt ipsæ virgines intelligerent. huiusmodi Caroli studium magnopere valuit, vt Pontificiæ constitutiones hoc de genere variæ sancirētur; quarum magnus ad plurimorū salutem, fructus extitit. Re-stitutum huius generis disciplinam, decretisq; ipsis expressam, longum esset explicare. sed illa præcipua fuerunt; exquisita in iis tantummodo recipiendis, & ad solemnia vota admittendis diligentia; quæ sponte, ac ex animo, perfectiorisq; vitæ desiderio vellent. perfecta claustrorū ex omni parte custodia; vt nemo ingredi, nisi nominatim probatus, & ex causā necessaria posset: ac ne adire quidē sine scripta facultate cuiquam liceret. fenestræ ad colloctionē; rotæ ad aliquid immittēdum, emittendūue, summa cautione factæ; quibus audire quidem, sed videre nemo posset; nisi, quemadmodū certis de causis permissum est. quæ foribus, rotæue assisterēt; quæ colloctionibus omnibus interessēt, spectata fide delectæ. omnia inter virgines cōmunia. sacramentorū frequentia: regularis, spiritualisq; vitæ cognitio: diuinorū officiorum integra disciplina; ad quæ vel musica, vel alia re hominum frequētiā minime allici volebat. Ad hæc consequenda, religiosos, probatosq; ex omnibus presbyteros adhibuit; qui sacras confessiones audirent; & quæ opus esset docerent, hortarenturq;. Ipse vero quotannis, nisi alias quoq; necesse esset, in-
Quotannis
Virginum mo-
nasteria eaque
diligentissimo
lustrabat.
 prouiso cum spectatissimis aliquot sacerdotibus singula monasteria ingrediens, omnia diligenter perscrutabatur. id cū ageret, ex senioribus aliquot semper virgines adesse iubebat, & comitari: reliquas omnes in ecclesiā suam secedere. atq; perscrutandi diligentia initio ministros exemplo suo docuit: qui sese ad omnia demittebat, vt omnia penitus inspiceret. Foris vero ad crates consistēs ipse, vel per sacerdotem idoneū singillatim omnes audiebat, interrogabatque; vt res omnes, quo pacto se intus haberent, perfecte cognosceret. Quotiescūq; monasteriū adibat, nisi aliud impediret, tum sanctissimā eis Eucharistiam solebat in
Monasterium
aliquod extra
visitationis
tempus cum a-
diret quā mu-
nera præsaret.

Missa præbere; tum concionem quoque ad eas accommodatam habere. munus tradēdi vestitus, professionisque recipiendæ foris in ecclesia conficiebat, vt ingressus causas nullas admitteret, nisi prorsus necessarias. cuidam ex suis forte interuenit, cum ille dierum singulorum actiones Caroli scribens, notauerat, cum in monasterium quoddam introiisse; neque causam addiderat. reprehendit hominem, quòd Episcopi in monasterium ingressum notasset; neque causam adiecisset, quasi arbitrio, non necessitate id fieri videretur; interdixitque, ne in ea scriptione pergeret. Cum eius soror, ob inopiam monasterij, sæpe egeret; nihil tamē vnumquam perpetuum assignauit. tantum mittebat, quotiescunque opus esset, qui ad regulæ normam necessaria suppedicaret. Hanc disciplinam cum Vicarius curaret; quæ grauiora tamen inciderent, ad congregationem sacerdotum, quos ad id Carolus elegerat, referebantur.

In Virginitatis monasterio absque vrgenti causa ingressum non suli Sideri.

Vt cum Moniali sorore ob monasterij inopiā se gesserit.

Congregationes, & conuocationes.

CAP. XL.

MULTIS consiliis, seu congregationibus reliqua continebatur administratio; quibus pro vario rerum genere, variæ conditionis homines ex clero adscribebat, ipseque, quantum posset, intererat: ad catholicam fidem tuendam: ad grauiores fori causas rectius cognoscendas; ad iurisdictionem ecclesiæ conseruandam: ad respondendum confessionum sacrarum administris, qui ex tota diœcesi de rebus ad animas iuuandas pertinentibus consulebant. tum præterea, de ritibus, & sacris cœremoniis; deque libris ecclesiæ emendandis, & conformandis: de disciplina, vt dictum est, virginum regularium; de domestica familiaris Archiepiscopalis gubernatione. Mirto congregationes eorum, qui collegiorum curæ, piisue locis præfati erant. Certis etiam anni temporibus varia ministrorum, aliorumque genera ad se conuocabat: nunc regionum vrbis præfectos: nunc ex diœcesi tota Vicarios; qui quidem bis in anno aduenientes, de clero, ecclesiisque sibi commissis referebant; quæ opus essent, petebant; si quid esset causæ, reddebant suæ rationem administrationis. ex bono, maloue, quod in aliqua parte esse comperiebatur, consulebatur reliquis. quod vnus ad meliorem rerum statu

Certis anni temporibus ministros multos ad se aduocabat.

tum in mediū afferret; ceteris omnibus proderat. vt autē Vicarij venirent instructiores; iubebat Carolus regionis suæ parochorum vnumquemque prius eodem modo conuentum habere. Appropinquante voluptuario tempore, conuocabat ex utroque clero multos: de sacris exercitationibus ad populum allicendum, auertendumque a voluptatibus agebat; conciones, supplicationes, sacras quasdam celebritates in præcipuis ecclesiis constituebat. Aliàs congregabat concionatores variis ecclesiis attributos: præcipua populi mala, corruptelasque commemorabat: eos officij grauius admonerat. Aliàs cogebat sacerdotes audiendis cōfessionibus præfectos: plurimorum licentiam; diurnam in peccato permansionem; libidines; improbatos quæstus; alias permanentes populi pestes, enumerabat: quantum remedij positum esset in eorum auctoritate, diligentia, libertate, constantia, demonstrabat: diuinis verbis ad animarum charitatem incensos, ad earundem salutem vere curandam stimulat. Parochos tum aliàs, tum appropinquante ieiunij fine, sicuti in historia demonstratum est, ad se adire; de publicis quorundam criminibus, quorum exemplum noceret quamplurimis, docere iubebat: sacerdotem toti negotio præficiebat; qui sacris legibus in eos ageret. Ipse cognito sacerdote, cui flagitiosus quisq; soleret peccata confiteri; hominem accersitum reprehendebat: nisi officio suo satisfaceret, auctoritateq; attributa salutariter vteretur, sese adepturum minabatur. Tempus constituit quo parochus quisque, iis, qui in vnaquaq; domo primum locum tenerent, in ecclesiam accersitis, eorum præcipua officia cōmemoraret; & ex præscripta formula moneret in vniuersum, quæ facere, quæ cauere oporteret. Canonicos solos vocabat interdum. quæ propria essent illius muneris: de publicis horarū canonicarum supplicationibus, & sacrificiis; de sacrorum stipendiorum distributione; de notatione censoria in choro habenda, vtrum iuste, libere, & omnino ex præscripto fieret, inuestigabat. Presbyteros etiam minores, quos capellanos dicunt congregabat; quæ ad eos pertinerent, percunctabatur, ac monebat. Cœnobitas interdum vocatos, vt sese administrationis eius

Quo præcipue anni tempore clerum conuocaret.

Qua monita daret Concionatoribus. Quæ sacerdotibus audiendis confessionibus præficeret.

Parochos ad se accersebat.

Sacerdotes cōfessiones audientes quando reprehendebat. Vile institutum.

Canonicos quædo solos vocabat.

Presbyteros minores congregabat. Cœnobitas ad se vocatos hortabatur.

*Magistratus,
aliosq; inuita-
bat, ad eos ser-
ua faciebat.*

vere adiutores præstarent, hortabatur; quæ ratione id facerent; quibus abstinere; quæ perficerent, ostendebat. Quodam tempore inuitabat magistratus, & verba faciebat, ad eorum munus appositè. alio iurisconsultos; alio notarios; litterarum magistros; artifices; & vnumquemque ordinem, diuersis diebus. & ecclesiis iuuabat separatim; Eucharistia sanctissima præbenda, concioneque ad vnumquodque genus accommodata.

*Virginum, &
aliorum formi-
narum institu-
ta, piaque col-
legia.*
CAP. XLI.

*Caroli sancti-
sai quid effe-
cerit.*

*Quam curam
de his Virgini-
bus gereret.*

*Qua ratione
ad pium insti-
tutum admi-
terentur.*

*Ex his societa-
tibus duo con-
flata monaste-
ria.*

VIRGINES, quæ domi cum suis viuentes, in beatæ Vrsulæ tutela, Deo dicatæ, absque solemnī voto castitatem profitentur; maximo numero tum in vrbe, atq; in agro prouenere. Multi etiam laudabiles cœtus imitatione cœnobiorum, non solum in Vrsulæ, sed aliarum quoque sanctarum in fide, clientelaque sunt confociati. tanta enim vis est illius vnguenti mystici, quod sacerdotis capiti diuinitus infusum, in reliqua membra sensim fluit: vt vnus Præsulis sanctitate constituta; multa passim pie, sancteque fiant, quibus etiam nihil is, vt fierent, contulisse videatur. Atque has quidem interdum in suis ecclesiis, vt occasio ferebat: illas vero certo tempore in vnam ecclesiam collectas, cibo duplici, Christi Domini corporis, & eiusdem diuini verbi, pascebat. omnibus vero licet præfset cœnobiorum præfectus; spectata tamen etiam integritatis, religionisq; sacerdos earum proprie curam gessit; qui voluntatem cuiusque; moresque ante probaret, quàm ad institutum admitteretur; vestitum traderet; vouentem reciperet, tum vitæ quoque omnium rationem, specularetur; si castitatis, religionisque professioni responderet. Ex his autem societabus duo conflata sunt monasteria. alterius institutio sic se habuit. Cum vulgatum iam esset, Romæ, Perusij, & aliis quibusdam locis virginum cœnobia nuper esse instituta, quæ Capucinatorum institutum imitarentur: puellis quibusdam ex ijs, quæ Patrum sancti Barnabæ præcepta secutæ, virginitatem colebant, vitamque religiose agebant, eam Deus mentem dedit; vt Patris eorum cohortatione accedente, eiusmodi suscipere vellent disciplinam. quæ cum in insigni vitæ duritie diu perseuerassent; vestitus asperitate tamen in publico occultata:

ad

ad ecclesiam prodeuntes sacramentorum gratia diu ventitassent: actum est denique de clauso cœnobio in sanctæ Claræ tutela rite constituendo: quod negotium Carolus, qua opus erat auctoritate usus, cito confecit. Quatuor eiusdem ordinis virgines Perusio accersuit; quarum in primis ductu tota disciplinæ ratio, animi virtutibus, asperitateque excellens, recte institueretur. vestitum iis numero circiter viginti, in ecclesiam maiorem per nobilissimas matronas deductis, rite tradidit V.I. Calend. Maij M. D. LXXX. quam actionem, Pontificia Missæ solemnia, Caroli concio, cleri totius conuentus celeberrimam reddidere. mox congruo tempore solemnem earum professionem accepit. atque amplificato spatio, ecclesiam sanctæ Praxedis nomine, ædesque ad institutum accommodatas ædificauit; sumptu sane quidem magno, ex priorum hominum fere liberalitate suppeditato. atque mira omnino frequentia locum sibi virgines Mediolanenses in eo cœnobio postea quasiere: vt circiter ducentas quandoque numeraremus; quæ omni diligentia conquirentes, qui apud Carolum, aut Vicarios commendatione valerent; omni ratione, suffragationeque sese inferebant; studio profecto non minori, quàm in petendis honoribus ambitiosi homines vti consueuerint. Aliud monasterium itidem S. Claræ disciplina institutum est. cum enim Ioanna Vistarina Mediolanensis puellas inopes secum in domo piæ liberalitatis gratia sustentare; piis, & religiosis moribus, eorundem Patrum S. Barnabæ ductu, præceptisque instituere cœpisset; quorum ad ecclesiam erat ob sacramenta frequens; auxit paulatim numerum. tum Carolo consulto, viro consentiente, domum iis coëmit; ecclesiam, & monasterium ædificauit; & S. Barbaræ nomine locum dedicauit. hoc item cœnobium Carolo propter exquisitam animorum Deo penitus deditorum religionem; victus, ac disciplinæ omnis duritiem, valde probatum fuit. Alia fœminarum pia collegia, vel cœpta iam confirmauit, multumque auxit; vel instituit ipse. Viduarum societas in sanctæ Annæ tutela, eius est auctoritate constituta: nempe earum, quæ post vnus viri mortem, castitatem conseruare; & præcipua diligentia pie viuere

Quatuor Perusio Virgines, qua Capucinarum institutum imitantur Mediolanum a Carolo accersita.

Ecclesiam sancta Praxedis nomine, ædesque virginibus ædificauit.

Insignis Virginum numerus qua in congregationem admitti expetierunt.

Aliud monasterium sub sancta Clara disciplina cuius opera institutum.

Ecclesiam sancta Barbara nomine & monasterium coëstruxit.

Viduarum societas in sancta Anna tutela constituta.

vellent. Honestæ mulieri multum fuit, quæ eo se munere occuparet; ut virgines earum sumptu religiosa simul educaret disciplina; fereque ad regularem vitam suscipiendam institueret.

Locum, qui Succursus appellatur, cœptum illum quidem antea Hispanæ cuiusdam insignis mulieris opera; fabrica, ceterisque rebus constituit: ubi fœminæ interim seruarentur, dum vel pudicitia consuleretur; vel cum viris componerentur lites. sanctæ Valeriæ domum, quæ Conuersarum dicitur, auxit: ubi quamplures ad perpetuo, religioseque conuiuendum ex impudica fere vita recipi solent. Aliud fundauit, Depositumque S. Mariæ Magdalena nominauit, ad ecclesiam S. Viti; ubi eæ reponantur, quæ subito de cœno turpitudinis in quo iacent, extrahendæ sunt; ut interim, quid iis faciendum sit, consulatur. At marium quoque cœtus, præter ea quæ diximus seminaria, nonnullos instituit. Qui pestilentia demum extincta mendici ad Victoriæ reliqui fuere; eos in vrbanas ædes Stellæ nomine appellatas deduxit; vnde virginum collegium eduxerat: piumque opus augens, vagos homines, qui victum ostiatim mendicant; quorum vitam, ob incertas sedes speculatur nemo: qui sæpe ad turpem inertiam, desidiamque, piorum hominum abutuntur misericordia; in eundem locum compelli; certa disciplina, certisque faciendis operibus contineri curauit. Sodalitia quoque hominum eorum, qui alioqui laici ordinis, certis piæ vitæ legibus continentur; ecclesiæ sibi assignatæ cultum procurant; festis diebus ad simul precandum in eam conueniunt; habitu ad mundi contemptum, pœnitentiamque accommodato, publicæ supplicationis gratia exeunt: hæc inquam, & quæ multa iam erant, auxit, & alia instituit. qua ratione quamplurimos ad meliorem vitam adduxit; ab otio, vitiosisque factis, die festo, traduxit ad res salutares. eorum tamen insignia quædam priuilegia benignitate Pontificum impetrata; quibus abuti multos sic animaduvertebat, ut ecclesiastica disciplina corrumperetur; ipse qui rerum veritatem inspiciebat præsens; rebus Romæ relatis, temperari, ac imminui curabat. Religiosius vero sodalitium in S. Mauritij tutela constituit eorum; qui matrimonij expertes, in posterum quoque

Locum, qui Succursus appellatur cuiusdam piæ Hispanæ fœmina opera cœptum, constituit. Sancta Valeria domum quæ Conuersarum dicitur auxit. Aliud fundauit, Depositumque S. Mariæ Magdalena nominauit. Marium cœtus instituit.

Alum prohi qui ostiatim mendicant locum constituit.

Sodalitia hominum qui laici ordinis sunt auxit, instituit & alia.

Sodalitium in S. Mauritij tutela religiosius constituit quo-

Locum, qui Succursus appellatur, cœptum illum quidem antea Hispanæ cuiusdam insignis mulieris opera; fabrica, ceterisque rebus constituit: ubi fœminæ interim seruarentur, dum vel pudicitia consuleretur; vel cum viris componerentur lites. sanctæ Valeriæ domum, quæ Conuersarum dicitur, auxit: ubi quamplures ad perpetuo, religioseque conuiuendum ex impudica fere vita recipi solent. Aliud fundauit, Depositumque S. Mariæ Magdalena nominauit, ad ecclesiam S. Viti; ubi eæ reponantur, quæ subito de cœno turpitudinis in quo iacent, extrahendæ sunt; ut interim, quid iis faciendum sit, consulatur. At marium quoque cœtus, præter ea quæ diximus seminaria, nonnullos instituit. Qui pestilentia demum extincta mendici ad Victoriæ reliqui fuere; eos in vrbanas ædes Stellæ nomine appellatas deduxit; vnde virginum collegium eduxerat: piumque opus augens, vagos homines, qui victum ostiatim mendicant; quorum vitam, ob incertas sedes speculatur nemo: qui sæpe ad turpem inertiam, desidiamque, piorum hominum abutuntur misericordia; in eundem locum compelli; certa disciplina, certisque faciendis operibus contineri curauit. Sodalitia quoque hominum eorum, qui alioqui laici ordinis, certis piæ vitæ legibus continentur; ecclesiæ sibi assignatæ cultum procurant; festis diebus ad simul precandum in eam conueniunt; habitu ad mundi contemptum, pœnitentiamque accommodato, publicæ supplicationis gratia exeunt: hæc inquam, & quæ multa iam erant, auxit, & alia instituit. qua ratione quamplurimos ad meliorem vitam adduxit; ab otio, vitiosisque factis, die festo, traduxit ad res salutares. eorum tamen insignia quædam priuilegia benignitate Pontificum impetrata; quibus abuti multos sic animaduvertebat, ut ecclesiastica disciplina corrumperetur; ipse qui rerum veritatem inspiciebat præsens; rebus Romæ relatis, temperari, ac imminui curabat. Religiosius vero sodalitium in S. Mauritij tutela constituit eorum; qui matrimonij expertes, in posterum quoque

quoque sibi vitæ castitatem proponerent; & viuendi rationem a vulgaris consuetudinis vanitate seiunctam amplecterentur. quorum opera Carolus, cum in aliis piis officiis, tum in christianis scholis habendis præcipue usus est: licet multò plures ea res requirat operarios. Hæ scholæ ad tradenda maribus, fœminisque separatim christianæ doctrinæ rudimenta, per ecclesias, foris, & in vrbe passim habentur. Vnaquæque schola, & regio suos habet administratos, qui festis diebus, suo quisque loco, & munere, ei operi vacant: vniuersis sacerdos est præfectus; visitatoresque constituti; quibus ceteri ministri frequenter de religiosæ exercitationis progressu, statuque omni referant; qui certis temporibus communicent inter se, locaque perlustrent, & quemadmodum se res habeat, vbique diligenter inspiciant. Hæ exercitatio ante Caroli aduentum boni viri laici studio incœpta, non solum ignorantia malo in iis quæ salutis sunt, medetur; sed in maxima, & prope infinita multitudine bonos mores, religiosumque cultum conseruat. Ac de huiusmodi institutis, societatibusque singulis leges, præscriptæ cōscriptæ, & ex maiori parte edita sunt.

*rum opera in
christianis scho-
lis habenda
& sua est.*

*Quo ordine hu-
iusmodi schola
gubernentur.*

Hæc disciplina, gubernationisque ratio, quæ vt per nos fieri potuit, breuiter adumbrata est; synodorum prouinciæ, diocesisque decretis continetur; tum magna quoque ex parte editis; præscriptionibus; monitis; litteris publicis, quas pastores dicunt, explicatur: quorum magnum volumen edidit Petrus Galestinus, inscripsitque, Acta Ecclesiæ Mediolanensis. incredibili studio nunc ab omnibus orbis christiani partibus expetitur. Episcoporum concilia sex cum celebrauerit, vt suis locis in historia tetigimus, sex etiam edidit decretorum volumina, iisdem rerum fere generibus, titulisque distincta. quæ omnia in vnum corpus, sub iisdem capitibus componere, ad faciliorem usum cupiebat; iamque opus ipse propemodum absoluerat; cum ex hac vita decessit. Tanti hanc synodorum actionem faciebat; vt episcoporum excusationes difficiliter acciperet, ne cōuenirent. quin etiam Cardinalem episcopum prouinciæ, sub cōcilij tempus, nulla necessaria causâ Mediolano abiturum, cum precibus

*De eius syno-
dis, ac decre-
tis.*

CAP. XLII.

*Quantum altio-
nem synodorum
fecerit Caro-
lus.*

non posset, auctoritate Pontificia, iureque suo tenuit, vt concilio interesset. Diœcesis synodos, ad sacrorum canonum præscriptum, vel habuit quotannis; vel si distulit, a summo Pontifice dilationis impetrauit facultatem. ibi præter decreta populo suo, proprie accommodata, quorum libelli quatuor habentur; multa efficiebat ad recognoscendam, conseruandamque cleri disciplinam; de quibus superius cōmemoratum est. Hæc omnia decreta, vel ex eo faciebat; quòd vsus, ac assidua speculatio in clero, populoue, corrigendum, meliusue reddēdum docuerat; vel ex eo, quod antiqua disciplina suppeditabat, ad perfectiorem ecclesiæ conformationem. ex his aliq̃ prius in decreto erant, quàm in vsu; alia vsus ante probauerat, quàm in decretum venirent. quædam in sua diœcesi constituta prius, & perfectæ; ad vniuersæ prouinciæ vsum deducebat.

Alia Caroli officia, eiusque existimatio.

CAP. XLIII.

Viduis ac pupillis officia sua negauit numquam.

AD hoc tantum, tamque multiplex gregis vniuersi curandi studium, ac laborem, quotidiana possunt addi paternæ charitatis officia; quæ singulis ille petentibus, viduis præsertim, ac pupillis negauit numquam; siue consilio quis, siue gratia, siue re iuuandus esset. quæ quidem benignitas fecerat, vt qui calamitate aliqua premeretur; qui ad graue aliquod munus, opusue ad pietatem pertinens, esset, aggressurus; aut de summa rerum suarum deliberaturus; ad eum tamquam ad patrem cōfugeret: priuatis publicisque rebus suis homines etiam exteris salutare auxilium ab eo quærerent. Itaque damnatis a Principibus, repetitis acriter officiis, vitam impetrauit; miseris studiose subuenit; si misericordia digni visi sunt. Romæ cum esset; infelix vidua magistratus sententia capite damnatur. illa ad Carolum mittit: testatur sese vi cruciatuum coactam, confessam esse, quæ vere non fecerat. Carolus Pontificem adit: vt causæ cognitio repetereetur obtinet; mulieris patrociniū suscipit. ea demum innocens cognita, absoluta est. Homines perditos, qui conscientia stimulis agitati, suæque miseræ ac officij diuinitus admoniti, extremo interdum consilio supplices adiere; consilio, auctoritate, idoneorumque sacerdotum opera, iuuit peramanter; & in

Damnata a Principibus vitam impetrauit.

Homines conscientia stimulis agitati bene inuit.

in rectam viuendi viam reduxit. Principes, ac militiæ duces etiā *Principes, ac militiæ duces*
 ex longinquis prouinciis in suis difficultatibus, obsidionibus, *precum eius subsidium petierunt.*
 ac bellis; pia quadam fiducia, precum eius subsidium; consili-
 um etiam, atque operam petiere. Ciuitatem vero suam non iis *Ciuitatē suam inuit amantissimē multa illi ad commodum et ornamentum curauit.*
 solum rebus, quæ ad animæ salutem pertinent; sed aliis quoque
 iuuat amantissimē, quotiescumque fuit opus. multa sunt, quæ
 ad patriæ commodum, ac ornamentum curauit, Pio præsertim
 auunculo viuente. annonæ inopiam, frumento ab exteris im-
 petrando, profusis dandis eleemosynis, omni denique ratione
 subleuare conatus est: quamquam eo uiuo modica, præ tempo-
 re quod sequutum est, illa fuit. His rebus incredibilem sibi con-
 ciliauerat omnium ordinum amorem, atque obseruantiam. vel
 aspectu ipso videbantur homines ad bene viuendum incitari.
 cum exiret fere quotidie ad varias sui muneris functiones; qua-
 cumque tamen transibat, cupide accurrebant ad eum; ex ædi-
 bus inter se vocabant; vt viderent, & signi salutaris fructum per-
 ciperent; quod manu modo ad hanc, modo ad illam partem ver-
 sus, incedens perpetuo faciebat. atque cum ita accurrissent; v-
 trumque genu humi ponebant omnes: ex equo pleriq; descen-
 debant: quæ quidem abundantia quadam pietatis, & amoris,
 sponte sua facere instituerunt. ac solebant foeminæ, magnam *Foeminarum in Carolum obseruantia.*
 partem, cum is transiret, sibi velum, vt in ecclesia iuebantur,
 imponere; & non ex edito, sed plano loco se venienti offerre; ea
 quoque de causâ; quòd ab eo doctæ erant, contra christianum
 officium videri; ex fenestris, & omnino ex editiore loco sacros
 ordines, resque sacras prætereuntes spectare. Qui cacodæmo-
 num vexatione laborabant; ij adducebantur dum præteriret: ac
 clamabant illi quidem, agitabanturque vehementer: sed ad vl-
 lum expellendum numquam sese Carolus conuertit. tantum,
 cruce extra portam Tonsam erectæ; quod pestis causa factum erat
 omnibus compitis; solenni ritu benedicens, eorum procaciam
 repressit, nam eo concionante; cum mulieres duæ, seu dæmo-
 nes in eis, adeo magnos ederēt clamores, vt verba minime pos-
 sent exaudiri; nemoq; efficere potuisset, vt tacerent: tandem ad
 eas Carolus conuersus, cum manu tantum benedixisset; tacito
 iussu

iussu ita paruerunt, ut nihil amplius auderent mutire; cum ibi tamen usque ad finem permanissent. quod cum attenderent astantes; sese mutuo præ admiratione intuebantur. Ac non recuerentia solum erga Pastorem suum; sed re ipsa, moribusque christianis mirum in modum profecere Mediolanenses. nam ut alia omittam huius rei indicia, a Caroli tempore, sicuti ab ipsis magistratibus accepi, criminum iudicia multò pauciora fiunt. quæ ex re quæstores regij multarum, bonorumq; publicatorum dimidio fere minus habent, quod in fiscum referant, quàm antea consueuissent. Non est tamen negandum; quod ad nobilitatem magis excitandam valere velim; solitum fuisse Carolum queri; quodd reliquam multitudinem satis facile flectens; patritios tamen, quos semper, & initio præsertim iuuare studuisset; inuenierit in salutis negotio plerumq; duriores. Cum se totum in vnam gregis sui curam concludere videretur; eius nihilominus nomen Deus apud omnes nationes summa cum laude virtutis admirabilis, celeberrimum reddidit. In Lusitaniæ finibus cum essem, & ex incolis quidam Mediolanensem esse me audirent: Ita ne, aiebant, ex ea ciuitate, vbi sanctus ille Cardinalis est Episcopus? Verum haud ita subito Deus tantam ei conciliauit opinionem. plurimi enim, primis annis variis nominibus obtrecebant; simulationem, quidquid egregie conaretur, dicebant: ipsam honorum, facultatumq; amplissimarum contemptionem multi cauillabantur. cum vero diuturnitas, & constantia; in primis vero vitæ pericula, pestis tempore adita, simulationis crimen satis refellissent; bonam mentem fatebantur; sed iudicium, prudentiamque requirebant. tantis rebus demum tam præclare gestis, talique rerum omnium exitu, sensus eiusmodi, non ille quidem omnino extinctus erat; sed tamen, quantum humana consuetudo, miseriaque patitur, imminutus. quod de ipso euenit; id cæteris prædicare solebat antequam eueniret: non deterri Episcopum debere, aliumue Dei seruum; si primò quæ faceret multis displicere, si etiam obtrectari sibi videret: nam si recta via pergeret; fore tandem, ut aliud plerique sentirent. Integram autē Episcopo in primis dicebat propositam esse debere virtutis disciplinam:

Mediolanenses moribus christianis, pastoris opera mirum in modum profecerunt.

De nobilibus conuersi solebat Carolus, quod reliqua multitudine duriores essent.

Apud omnes nationes nomen eius celeberrimum erat.

Non deterri Episcopum debere, quando dicebat.

disciplinam: nam si qua parte deficeret; ibi obtrahendi, calumniandique reliqua, malcuolis, ac infirmis aditum dari: & ex ea parte rem totam facile corrumpi. Magnum igitur erat eius apud omnes pondus auctoritatis. verebantur illum etiam summi viri, summisque locis collocati: si quid peccati esset, studiose cauebant, ne ad eum referretur: eo adueniente remouebant, si quid non optime se habere apud se aduerterent. Quiduis illi recte committi posse putabatur. in eius fidem nihil suspicionis ab ulla parte cadere: sua quisque eius arbitrio libentissime permittere; tutum, sanctumque existimare, quod eius fidei commendatum esset. Ipsi hæretici si forte viderunt, aut de eo audierunt; virtutis eximia vi coacti, magno sunt cum honore profecuti. Qui ex transalpinis ecclesiis in Italiam venirent, iis quantum ex multorum facto cognouimus, propositum in primis videbatur. Mediolanum ad eum visendum diuertere. Italia, aliarumque prouinciarum Episcopi ecclesiasticæ disciplinæ, ecclesiæque bene gerendæ studiosi, ab eo præcepta, auxiliumque petebant. designati curabant, ut ab eo sibi manus imponerentur. eius acta, præscriptaque: totius denique gubernationis, atque ad eam vitæ rationem, postulabant. quod idem amplissimi Cardinales multifecerunt: quibus Carolus neque optimo consilio, auxilioque decurabat; & pari modestia tamen respondebat. Episcoporum porro non magister solum, sed perfugium quoque habebatur: qui si difficultate aliqua premerentur, magna ad eum fiducia confugiebant; eiusque commendatione, ac patrocinio, apud summum Pontificem, sacrumque orbis christiani Senatuum; tum etiam apud Reges, Regulosque utebantur. Ex eis multi ad eum veniebant; nonnulli diu morabantur; ut omnia plenius cognoscerent; præceptis, scriptisque variis locupletati discederent. quandoque etiam clericos eius gubernationis peritos impetrabant; quos ille, si videret ita reip. christianæ conducere, parcus aliqui, tenaxque in suis sibi conferuandis, ad tempus non negauit. concessit Vincentium Albanum Theologum Alexandro Archiepiscopo Aquarum Sextiarum in Gallia: qui disciplinæ causa plures Mediolani moratus menses; magno accensus imitandi

*Summa Caroli
apud omnes
auctoritas.*

*Hæretici ab
eius sanctita-
tem honore
sunt illius pro-
secuti.*

*Multi ad eum
visendum, Me-
diolanum di-
uertebant.*

*Præcepta ab eo
episcopi ac au-
xilium pete-
bant.*

*Episcoporum
non magister
solum, sed per-
fugium habebatur.*

*Ab eo clericos
eius gubernationis
peritos
episcopi multa
petebant.*

Andream Battorium nepotem Romanam mittens Polonia Rex Stephanus, ad Carolum primo ira iussit.

Reges, Regina, Principes aliquot, & populi eius nomen, sanctitatemque coluerunt. Imaginem eius adhuc viuentis multi quasiere. Quid de eo Emanuel Sabaudia Dux testaretur.

Quid Alexander Placentia, ac Parma Dux de Caroli precibus affirmaret. Gulielmus Dux Banaria pro ceteris quanti fecerit, faciatque.

Quanam, & quantam sit Caroli iam defuncti aestimatio.

Caroli desiderio, demum in patriam reuersus, non pauca restituit; aliaque grauiā conatus est ad animarum fructum, disciplinæq; sacræ instaurationē. concessit Dominicum Ferrium Theologum, & canonicum Mediolanensem Andreæ Battorio, quem fratris filium Stephanus Poloniæ Rex Romam mittens, primo iussit ad Carolum diuertere; eiusque præcepta diligenter audire. Carolus autem optimæ indolis adolescentem omni humanitate complexus, ita iuuuit; ut ab eo patris nomine mira obseruantia appellaretur; & mirum in modum coleretur. potuit Andreas in ea erga Carolum obseruantia, quam semper seruauit, Regem ipsum imitari: cum is mirifice Carolum obseruaret; ex animo se, bellorumque suorum euentus precibus illius commendaret; consilia sua interdum communicaret. Alij Reges, Regina, Principes, populi eius nomen, sanctitatemque magna pietatis; ac venerationis significatione coluerunt: eius consilia, monitaq; cum vsu venit plurimi fecerunt. imaginem quoque adhuc viuentis studiose multi quasiere: ipseque Philippus Rex Catholicus eam in cubiculo suo iussit asseruari. In his Italiæ Regulos omnes numerare possumus: sed Enanuelem Sabaudia Ducem memini frequētes ad eum litteras sua manu scriptas mittere; summissioneque incredibili, supplicem, & orationis, & monitionis auxilium postulare; testari vero aperte, ab eo sese monita tamquam ab ipso Deo accipere. cuius pietatis studiosum imitorem filium reliquit. Alexandri Parmensis Ducis venit in mentem, qui ad Carolum scribens affirmabat; in difficulti illa Belgica administratione aditurum se fidenter omnia pericula, modo sciret eius se quotidianis precibus Deo commendari. ex aliarum vero prouinciarum Regulis, Gulielmus Dux Bauariae pro suo summo in pietatem, christianæque vitæ sanctitatem studio, nemini concessit, qui Carolum singulari amore, atq; obseruantia prosequeretur: quod iis officiis omnibus semper ostendit, quæ Antistiti, patrique optimo tribui maxima potuerunt. Post mortem quænam eius sit existimatio, declarat eorum fiducia, nobis ante commemorata, qui passim in calamitatibus suis cum inuocant adiutorem. prudentia vero, animique

lumen

lumen in administranda ecclesia tanti aestimatur; vt huc plerique deueniant, qui rebus ecclesiasticis ordinandis student; scripta conquirant; instituta discant; auferant quidquid possunt. præterea, si quid apud eos qui cæteris præsumt, in dubium vocatur, eos etiam ipsos qui ab eo viuente dissenferunt;

illud sufficere videtur ad confirmandum,

si Carolus ita fecisse demonstretur.

F I N I S.

A D L E C T O R E M.

Hos de vita Caroli Cardinalis Archiepiscopi Mediolanensis libros propediem, Deo bene iuuante, habebis Italica lingua.

Quoniam impressio libri procul ab auctore instructa est; lectorẽ rogatum volumus, vt nonnulla in hoc opere, quæ ad instructionẽ huiusmodi pertinent, præsertim quæ in margine ab alio sunt adscripta, æqui, bonique faciat; donec fortasse res perfectius curetur.

Glossæmatæ, seu emendationes prætermisæ.

P. 16. 9. Ornatißimi, Præfules, alique nobilissimi viri quotidiani conuiua. prætiosissimæ. 23. Ormanetus collaudare. inter. 24. villam ecclesiam regere, vt oportet, atque ordinare posse, præter. 27. Siluium Antonianum, valde sibi charum, cuius. 31. te collaudamus. 35. nonnulla quæ Mediolani statuerat, vt auctoritate pontificia confirmarentur. fecit; de quibus ipsæ pontificiæ. 36. plurimum valerent. rursus de modo sumptibus. 39. testimonio commendata, hoc quoque tempore passim laudatur; & Regi optimo. 40. neque licere affirmabant licetoribus. 41. probauit, & collaudauit: ac non. 42. Caroli conatus impedire magno studio curarunt, vt re ad ipsum. 44. Sanctitatis accessionibus; præclaris item ad suorum. 48. Pontifici factum, & litteræ. 49. qui hominem quibus opus esset, cõmendaret. 54. quæ opus essent ex sacris sanctionibus decernere facultas. 55. plurimis in Italia monasteriis constitutis, annorum. ead. & difficiliora erant efficienda, iam tum. 57. quod postero anno Carolus. 58. rursus coniungere. Amadei Pacis ecclesiam Mediolani tenebant; nomenque traxerant ab Amadeo. ead. non differebat. De iis reliquo numero aggregandis ne constitueretur. 59. Carolum mirifice collaudarent. 60. nam tantæ virtuti, quæcunque maxime difficilia essent, omnia recte committi. 61. Cum autem antea, quæ. 64. nitidebatur; negotium tamen suslinuit. ead. agi posse contentæ affirmarent. immo. 71. disciplinam restituere: sed nimis. 78. prodire necesse esset; statim sibi tormentorum salutationem interdixit. Præterea. ead. regi auctoritate ira iussu esset; Carolus. 85. Locarni præsertim instituendis studiose. 131. quamuis eos collaudarent, qui in eo se charitatis officio. 186. non mediocriter languenti. mensa quæ. 193. non mediocriter laudare. negotium. 227. vir is postea diu agitatus. 234. reperta sunt, quæ sancti Antonini iidem Archiepiscopi fuisse existimata sunt: in illa enim. 246. In gentis imperio natum Carolus Ecclesiæ illi. 341. Episcopos collaudauit. 365. partibus expetitum. Antonius vero Seneca Iuriconsultus, & eiusdem Ecclesiæ Decanus, de quo superius memorauimus, huius administrationis rationem, atq; vsum, à nobis etiam sæpius incitatus visitationis titulo perite describit. Episcoporum concilia.

ALIA ERRATA.

PAg. 9. consultaret. supplices. 11. imminuta, habitu. 14. significarent, ac incisarent. ead. potius, multus. 15. exempla sequebantur. ead. immò quidam virgerent. 16. certis horis capsi. 19. diuinarum rerum scientiam. 26. peruenisse. At modestum. ead. in marg. cupiat. 28. Ambrosius Fliscus. 29. Concilij prouincialis. ead. Postrema Vero Cardinales alij duo. 31. ad Ioannem Maximiani Imperatoris. 32. Ioannam deduceret. 33. castissime administraret. 49. Confessionibusq. illi erat. 55. in marg. A disciplina. 60. incitatus est. praterita. 62. Vicarius ecclesius. 64. transfudit in insequentiu anni. 67. quam tanta turbari. 69. tantu incommotis mederetur. 75. dicebat, de causa. 76. custodiendo. Vindicaturum. 78. quidquid efficitur erga illum. ead. pmo Princeps eam ostendit. 80. Collegium vniuersum, ad eiusdem. 82. exhibendum. ac quamuis. 82. adierat, alteriq. 88. tunc quidem successit; plurimumq. 100. excusare, Carolus. 102. magis incendebantur. eo vero. ead. de Carolo ipso nihil. 103. commendauit. qui sese. 105. Videretur. Cumq. dies. ead. exolveret. quod ille. 111. in marg. Qua Roma fecit. de Visitatore. 112. insignis è scriptorū. 113. occupationi sacerdotum. 119. in ipsi, quacumq. 122. finem posuit. qui multa. 125. indigni, migrantes. ead. suauitate, gaudioq. 132. qui tantos casus. 133. in marg. inuare velint. 139. redigeretur. multitudo. 148. in marg. sacerdotes requirit. 149. in marg. felicitatem conducunt. 150. praclarum nos, summamq. iuuandorum fratrum. 155. indagebat. omnino. 163. ferret. abiecta. 164. hebdomada diebus. 178. in marg. renouat Gubernator. 182. in marg. S. Ambrosii nuncupatur. 184. agrotaret, & medicorum. 185. insit. Iter. ead. prouinciabant. interdum. 196. restatur. perpetuo. 199. in marg. doloris caussa. 201. praesidium, demonstrabit. 203. ibi fuit. pascere. 204. Canonicum, & Iurisconsultum. 205. distulit. tunc. 210. accessissent. 211. in marg. morienti Gubernatori. 219. in constantia. 227. in marg. Histriones corrigi Carolus. locari debet pag. 226. lin. 18. ead. multa complurium mensium. 231. videns, maximis. ead. ratione, gratissimamq. 237. in capsas amnea. 240. iuuandas, Carolus. ead. Et illis opem. 254. operum finitus. 258. ecclesiam, monasteriumq. 260. nemo. Adductus. 275. ratione, gradatim. 289. respiciendum namq. 292. Deoq. gratissimum. 305. in marg. Ministrorum nomina. 308. in marg. cibi apponerentur. 310. fuit semper; tum quia. 322. necesse est, vulgariq. ead. sequuntur, eo magis. 235. egregie tuetur. ead. Antistitem, tamq. ead. in marg. compositor. 330. sed nonnunquam. 332. mortem, à Io. Francisco. 337. Apostoli tribuit, et ecclesia. 339. & decora. Clericus ead. reuerentia, transire. 341. recipiendo, qui episcopalis. 342. in marg. & recipiendus. 345. etiam ad inane studium. 348. audiendus, virtutum. 350. disciplinarum studia. 357. in marg. daret. 353. in marg. qui pensionem ex iis. 357. quibus rebus, etiam vnus. 360. diebus, & ecclesiis. ead. in marg. Quaratione. 366. suaq. miseria, ac officij.

Errata.

Pag. 8. Marcum postea Cardinalem, nunciusque Carolus. 113.
9. Praefules, alijque nobilissimi viri quotidiani conuiuio. 113.
11. qui aperte significarent, ac inuitarent. 113.
eadem potusque multus. 113.
13. nimio quidam virgerent. 113.
16. certis horis coepit. 113.
23. solebat Ormanetus collaudare. 113.
24. Ecclesiam regere ut oportet, atque ordinare posset. 113.
26. ac modellum. 113.
27. Silium Altrionianum, valde fidei charum, cuius. 113.
28. Ambrosius Philseus. 113.
29. Concilij Provincialis. 113.
eid. Postremo vero Cardinales alijque. 113.
31. te collaudamus, hortamurque eidem Ioanni Maximiano Imperatori. 113.
31. Ioannem deducere. 113.
34. Magna Caroli probitas commendatio. 113.
37. nonnullaque Mediolani stuerat, ut auctoritate Pontificia confirmarentur effecte, de quibus ipse Pontifex. 113.
36. plurimum valeret. rursus de modo sumptibus. 113.
39. testimonio celebrata, hoc quoque tempore passim laudatur, & Regi. 113.
40. neque licere affirmabant laudatoribus. 113.
ead. magistratus asseuerabant, quodam. 113.
41. probauit, laudauitque; ac non. 113.
43. Caroli conatus impedire curarunt, ut re ad ipsum. 113.
44. Sanctitatis accessionibus, praclaris rebus ad suum. 113.
49. confessionibusque illi erat ead. qui hominem, quibus opellet, commendaret. 113.
54. quae opus essent, ex sacris

fictionibus decernere, facultas. 113.
59. quod postea anno Carolus. 113.
58. rursus coniungere. Amadei Pacis Ecclesiam Mediolani tenebant, non minusque traxerant ab Amadeo. 113.
ead. non differebat. De his reliquis numeris aggregandis, ne eo stitueretur. 113.
59. Carolum minime collaudarent. 113.
60. quaeque maxime difficulta essent, omnia recte committere. 113.
61. cum autem antea, quae. 113.
62. vicinis Ecclesiis. 113.
63. tractulic in insequentis anni. 113.
64. niti videbatur, negotium tamen sustinere. 113.
ead. agi posse contenti affirmarent. 113.
71. disciplinam restituere: sed nimis. 113.
74. tanta dissimulatione eam in re ab eo, & a Magistratibus adhibita, facile potuisse improbum iudicium alij. Quibus. 113.
78. Pius princeps eam ostendit ead. regia auctoritate ita iussu erat; Carolus. 113.
85. fructum & eorum. 113.
eadem praestitum constituendis studiose. 113.
88. tunc quidem successit; plurimumque. 113.
89. recognitionique rursus. 113.
90. rebus proximi anni. 113.
94. substitutos: curaret ipse quatuor postea. 113.
101. precationis. 113.
ead. constantiamque laudibus efferrent. 113.
ead. quae actum eius. 113.
105. postea Carolo adiuvante, Pontificum. 113.
107. illum collaudauit. neque. 113.
108. Insequens annus septuagesimus. 113.
ead. pijsque exempli

111. pietatem ac sanctitatem. 113.
113. facere separatim iussit. 113.
ead. occupationi faceret. 113.
115. latius postea explicuit in proxima edicione. 113.
ead. restitutum laudauit. Ad. 113.
118. persuderunt; proximo die. 113.
119. usitatum religioso pietatis fructu, ac exemplo renouatum stabiliaret. 113.
120. toto pectore gratias. 113.
121. Mantuaque. 113.
123. ut loca tam. 113.
128. pararetur. post die elerus. 113.
131. eos laudibus afficerent qui. 113.
132. gratia quomodo poteras ead. qui tantis casus. 113.
133. etiam asseuerabant. 113.
ead. haec ita cum essent. 113.
135. tanta prouidenda essent. 113.
137. erat, quot humano. 113.
139. ex insequentium annorum. 113.
144. proditum pastoribus reliquit, gregis pensilientiae tempore gubernandi. eam rationem, quantum. 113.
145. comparatis, omnes iussi sunt. 113.
146. hominibus permillum est exire. 113.
ead. suam, referre. Miseranda ead. cuique reposita quotidie. 113.
147. nominatim efferrent, nisi. 113.
148. Sed quoniam huiusmodi modis viret, ac temporis videri possunt tolerabilia. 113.
150. praclarum nos, sanctum quae iuandorum fratrum. 113.
151. nunc assero charitatis. 113.
153. poterant. Sanis autem. 113.
155. inducebant omnino. 113.
158. non primis solum mensibus, sed postea semper quando. 113.
164. hebdomadae eiusque diebus. 113.
ead. virtutes commemorabat, quae. 113.
166. adiunxit; ut ades omnes

ac domicilia sacra aqua
ead. adhibetis singillatim rite
lustrarentur
ead. erat ad ea quodammodo
expian-
eadem liberanda
167. suas; & canonicorum
171. cum ea quæ recondita fue-
rant depromerentur
173. spatio, alius ab alio, longe
consistebant
179. animus acciebat
184. agrotaret; & medicorum
185. iussit. Iter &c.
ead. pronuntiabant; interdum
187. omnibus, sacris Pontificis
190. in proximos menses populi
193. non mediocriter laudare
negotium
197. præfuit. quæcunq; consti-
tuta essent, omnia recognouit
200. tempus elegit, ob magnos,
201. Alueriniam
219. in eos tante
222. seque. quod diuinæ opis
robur esset, ad id paratum esse
ead. debere patriæ
227. complurium mensium
ead. vir is postea diu agitatus
233. primis insequentis anni
234. ossa ibi sunt reperta; quæ
sancti Antonini iudem Archiepi-
scopi fuisse existimata sunt: in
illa enim
237. operam dedit. postmodum
supplicationi
ead. administrando, ut tali tem-
pore solebat
ead. duabus consequentibus se-
rijs
ead. in proxima synodo
240. ut illis opem
246. In gentis imperio natum
Carolus ecclesiæ illi
248. nonnulli ex primarijs
249. Deoque in primis volente,

effectum &c.
254. vi ac timore
ead. operum fructus
260. incidit: cuius impetum ed-
tulisset tacitus; & aque
269. ut proxima nobis
270. differrentur in proximum
ac quasi
275. ratione, gradatim
287. Religiosam paupertatem
Carolus amauit; & eius officia
pie coluit, eius vidus
286. administrationes
289. respiciendum namque
91. Deoque gratissimum vide-
batur. ea studiose
91. ne quidquam
294. magis tamen mirarentur
ead. regulam; de contrahen-
dis matrimonijs agere, si roga-
retur; negare, solitus fuit
296. Eques orta uix luce
299. fortuito successu
303. quod satis docent
304. licet sancte
ead. ad eam rem tum sacris legi-
bus in primis mouebatur
306. ut eis quam minimum
310. semper; tum quia
312. quique operam daret, ut in
per certas
ead. proficerent
314. benedicere manu
315. ille vero sacram disciplinâ,
& res diuinas; quibus
321. rectum esse, animo
324. iudicium; ad quæ se se
326. semper extulit; ac Episco-
pis
329. esse, Tridentinæ Synodi cõ-
stitutione iudicatum viderat
330. faciebatur; & salutari multi-
tudinis fructu
ead. fudæ nonnunquam
ead. satis longe concionis
334. Mediolani essent, uel Ro-
mana

335. summæ sedi
336. Ecclesiæ suæ proprios ritus
ead. restituerat
341. Episcopos laudauit, Nico-
laum
ead. recipiendo, qui Episcopalia
342. matrimonium, & prius, la-
cro ministerio suo celebrauit;
quod libenter
ead. in margine. De initiandis
& recipiendis.
343. negligens
345. Episcopum ad Clericorum
collegia
ead. ad inane studium
347. comitari
349. ad se iubebat conciones
355. Urbis singulas regiones
quæ sex habentur, singulis pro-
batis
357. Ecclesiæ maioris
ead. alia perficere; simul
360. actiones ipsius scribens
361. ipse sacerdotem, cui flagi-
tiosus quisque soleret peccata
confiteri, accessitum rep.
362. diebus & ecclesijs
ead. societatibus
363. alterum Monasterium
364. ubi magnò numero mulie-
res ad perpetuo
ead. ad Ecclesiam S. Zenonis;
ubi ex
365. partibus expetitur. An-
tonius uero Seneca I. C. & eius-
dem ecclesiæ Decanus, de quo
superius memorauimus huius
administrationis rationem at-
que usum, a nobis etiam scripsit
incertus; uisitationis titulo pe-
rite describit. Episcoporum cõ-
cilia
368. nam ut alia hic non repe-
tam huius rei indicia
ead. nomen, ut frequenter au-
ditum est, Deus apud

Emendationes prætermiffæ.

Pag. 9. Præfules aliq. nobiliffimi viri quotidiani cōuiuæ
 14. qui aperte significarent, ac incitarent
 23. folebat Othmanetus collaudare
 24. ecclefiam regere vt oportet, atq. ordinare poffe
 27. Siluium Anconitanum, valde fibi charum, cuius
 32. te collaudamus, hortamurq.
 ead. ad Ioannem Maximiani Imperatoris
 32. Ioannem deduceret
 34. magna Caroli probitatis commendatio
 35. nonnulla quæ Mediolani ftatuera, vt auctoritate pontificis confirmarentur efficit; de quibus ipfe pontifex
 36. plurimum valeret; turfus de modo fumptibus
 39. testimonio celebrata, hoc quoq. tēpore paffim laudatur, & Regi
 40. neq. licere affirmabant laudibus
 ead. magiftratus afseuerabant, quam
 41. probauit, laudauitq.; ac non
 42. Caroli conatus impedire curarunt, vt re ad ipfum
 44. fanctitatis acceffionibus, præclaris item ad fuorum
 49. qui hominem quibus opus effer, commendaret
 54. quæ opus effer, ex facris fanctionibus decernere, facultas
 57. quod poftero anno Carolus
 58. rurfus coniungere. Amadei Pacis ecclefiam Mediolanite nebant: nomenq. trahebant ab Amadeo

ead. non differebat. De iis reliquo numero aggregandis, ne conftitueretur
 59. Carolum mirifice collaudarent
 60. quæcunq. maxime difficulta efferent, omnia recte committi
 62. Cum autem antea, quæ, 63. tranflulit in inſequentis anni
 64. miſi videbatur; negotiū tamen ſuſtinuit
 ead. agi poſſe contentē affirmarent
 71. diſciplinam reſtituere; ſed nimis
 74. tāta diſſimulatione ea in re ab eo, & a magiſtratibus adhibita; facile potuiſſe improborū audaciam alii. Qui
 78. pius princeps ea oſtendit
 ead. regia auctoritate ita iuſſum erat; Carolus
 85. præſertim, conſtituendis ſtudioſe
 90. ætatis proximi anni
 94. ſubſtitutos; curaret, ipſe quantum poſſet
 102. conſtantiamq. laudibus efferrent
 105. poſtea Carolo adiuvante, Pontificiam
 107. illum collaudauit. Neq.
 108. Inſequentis annus ſeptuagimus
 113. facere ſeparatim iuſſit. quod
 115. latius poſtea explicauit in proxima concione
 ead. reſtitutū laudauit. Ad
 118. perſuaderunt. proximo die
 119. uſitatum religioſo pietatis fructū, ac exemplo renotatum ſtabilitet

120. toto pectore gratias
 128. pararentur. Poſtridie clerus
 131. eos laudibus afſicerent qui
 133. etiam afſeuerabant
 ead. hæc ita cum efferent
 144. proditum paſtoribus reſpiceret, gregis peſtilentia tempore gubernandi. Eam rationem, quantum
 145. comparatis, omnes iuſſi ſunt
 146. hominibus permiſſum eſt exire
 ead. ſuam, referre. Miſeræda
 147. nominatim efferre, niſi
 148. ſed quoniam huius tantummodo vitæ ſunt, ac temporis; videri poſſunt tolerabilia
 155. inducēbat omnino
 158. non primis ſolum menſibus ſed poſtea ſemper, quā diu
 164. hebdomada cuiuſq. diebus
 ead. virtutes cōmemorabat, quæ
 166. adiunxit; vt ædes omnes, ac domicilia ſacra aqua
 ead. adhibitis ſingillatim rite luſtrarentur
 ead. erat ad ea quodammo-
 do expianda
 ead. liberanda
 167. ſuas, & canonicorum alperſit
 173. ſpatio, alius ab alio, longe conſiſtebant
 185. iuſſit. Iter.
 ead. pronunciabant: interdū
 187. oibus, ſacris Pontificijs
 190. in proximos menſes populi
 193. non mediocriter laudare negotium

195. praeuit. quæcumque con-
 Rituenta essent, omnia reco-
 gnouit
 200. tēpus elegit, ob magnos
 201. Aluerniam
 217. vir is postea diu agita-
 tus
 237. operam dedit. postridie
 supplicationi
 ead. administrando, vt tali
 tempore solebat
 ead. in proxima synodo
 249. Deoq. in primis volen-
 te, effectum est
 254. vi, ac timore
 ead. operum fructus
 260. incidit: cuius impetum
 cum tulisset tacitus; eaq.
 269. vt proxima nocte
 270. differrentur in proxi-
 mum. ac quasi
 275. ratione, gradatim
 285. Religiosam paupertate-
 rem Carolus amauit; & eius
 officia pie coluit eius victus
 289. recipiendum namq.
293. ne quidquam
 294. recusauit. de contrahen-
 dis matrimoniis agere, si ro-
 garetur; negare solitus fuit
 296. Eques orta vix luce
 304. ad eam rem, tum sacris
 legibus in primis mouebatur
 312. quiq. operam daret, vt
 ij per certas
 ead. proficerent
 315. Ille vero sacram discipli-
 nam, & res diuinas, quibus
 316. semper extulit; ac Epi-
 scopis
 329. esse, Tridentinx synodi
 constitutione iudicatum vi-
 derat.
 341. Episcopos laudauit, Ni-
 colaum
 ead. recipiendo, qui Episco-
 palis
 341. Matrimonium sæpius sa-
 cro ministerio suo celebra-
 uit; quod libenter
 345. Episcopum ad Clerico-
 rum Collegia
349. ad se iubebat conciones
 355. vrbis singulas regiones,
 quæ sex habentur, singulis
 probatis
 357. alia perficere; simul
 361. Ipse sacerdotem, cui fla-
 gitiosus quisq. soleret pecca-
 ta confiteri, acceptum repr.
 361. diebus, & ecclesiis
 363. Alterum, monasterium
 364. vbi magno numero mu-
 lieres ad perpetuo
 365. partibus expetitum. An-
 tonius vero Seneca Iuriscō-
 sultus, & eiusdem Ecclesiæ
 Decanus, de quo superius
 memorauimus, huius admi-
 nistrationis rationem, atq.
 vltum, à nobis etiam sæpius
 incitatus visitationis titulo
 perite describit. Episcopo-
 rum concilia
 368. nam vt alia hic non re-
 petam huius rei indicia
 ead. nomen, vt frequenter
 auditum est, Deus apud

AD futuram rei memoriam. Cùm, sicuti accepimus, dilectus filius Carolus a Basilicapetri Præpositus generalis Clericorum regularium S. Pauli superioribus annis, ut Dei gloriæ seruiret, & ecclesiasticis pijsq; hominibus satisfaceret, librum de vita Caroli Cardinalis S. Prædis Archiepiscopi Mediolanen. bonæ mem. latine composuerit; quod opus nunc cum approbatione eorum, ad quos pertinet, edendum est: vereaturq; idem Carolus, ne pij viri, qui eius causa moti impressionis sumptus faciunt, si alius sine eius licentia librum imprimeret, damnum incurrant: & præterea timeat, ne in Italicam linguam opus corrupte, vel parum fideliter conuertatur, & imprimatur, quod ipse pariter facere intendit. Nos indemnitati eorum providere volentes, qui ad communem utilitatem impensam in se susceperunt, cupientes etiam iusto ipsius Caroli desiderio fauere, ut eius labores a quoquam male non vsurpentur: Prohibemus in virtute sanctæ obedientiæ, ac sub excommunicationis pœnâ ipso facto incurrenda, omnibus per vniuersum orbem constitutis cuiuscunque gradus, status, & conditionis sint; ijs vero qui nostræ temporali ditioni mediâtè vel immediâtè subiecti sunt, præter dictam excommunicationis, etiam sub pœnâ amissionis librorum, & quingentorum ducatorum auri Fisco nostro applicandorum; ne prædictum librum de vita, & rebus gestis Caroli Cardinalis S. Prædis, etiam ex parte tantum, latina, vel Italica lingua absque licentia dicti Caroli à Basilicapetri imprimere, aut imprimi facere, vel ita impressum tenere, nec illum vendere, donare, aut commodare possint intra primum septennium a prima dicti operis, ut supra approbati impressione. Mandantes propterea dilectis filiis nostris Camerario, & Vicario vrbis, nec non Gubernatori, & Senatori, Camerariq; nostræ Apostolicæ generali Auditori, & alijs dictæ vrbis iudicibus, necnon Legatis, Vicelegatis, Gubernatoribus, & Potestatibus locorum, & Ciuitatum nobis, & eidem sanctæ Romanæ Ecclesiæ mediâtè vel immediâtè subiectis, eorumque Barisellis, & Executoribus quibuscunque: ac etiam Venerabilibus fratribus Archiepiscopis, & Episcopis, ceterisq; locorum Ordinarijs, eorumq; Vicarijs,

& Ministris, vt quoties a dicto Carolo a Basilicapetri, vel alijs eius nomine requisiti fuerint, efficacis defensionis præsidio assistentes, contra inobedientes, & contrauenientes ad executionem censurarum, & poenarum præf. omni & quacunque appellatione remota, & absque aliqua desuper declaratione facienda procedant, & quilibet eorum procedat, inuocato etiam, si opus fuerit, auxilio brachij secularis. Quia vero difficile esset, præsentis litteras ad singula loca deferri, volumus vt earum exemplis in ipsis libris seu libro latino, vel vulgari imprimendis, vel transumptis Notarij publici manu subscriptis, & personæ in dignitate ecclesiastica constitutæ subscriptione, sigilloq; munitis in iudicio & extra quacunque regula, seu constitutione apostolica non obstante, omnino credi debeat: quodq; ipsa exempla in libris, vt supra, vel transumpta ad Valuas ecclesiæ maioris cuiuscunque vrbs, vel oppidi affixa omnes, & singulos æque ardeat perinde ac si vnicuiq; personaliter intimata fuissent: irritū quoq; & inane quicquid secus super his a quoquam quauis auctoritate scierit, vel ignoranter contigerit attentari decernimus. Non obstantibus præmissis, ac apostolicis, prouincialibusq; & synodalibus constitutionibus, & ordinationibus specialibus, vel generalibus, necnon etiam iuramento confirmatione apostolica, vel quauis firmitate alia roboratis statutis, & consuetudinibus, priuilegijs quoque indultis, & litteris apostolicis etiam supradictis, aut quibuscunque alijs personis sub quibuscunque tenoribus, & formis, ac cum quibuscunque clausulis, & decretis etiam Motu proprio, ac alijs in contrarium quomodolibet concessis, confirmatis, & innouatis, quibus omnibus etiam si de illis, eorumq; totis tenoribus specialis, specifica, expressa, & indiuidua, ac de verbo ad verbum, non autem per clausulas generales idem importantes mentio, seu quæuis alia expressio habenda, aut aliqua alia exquisita forma ad hoc seruanda foret, illis aliàs in suo robore permanfuris, hac vice duntaxat specialiter, & expressè derogamus, cæterisq; contrarijs quibuscunque. Dat. Romæ in Monte Quirinali sub Annulo Piscatoris, die xxx. Maij M. D. XCII. Pontificatus nostri Anno Primo.

M. Vestrius Barbianus.









R. Tab. IV. n. 38.